



3 . 6 . 331.

n-13

VII

a S. ANT



DE
ARTE
EPIGRAMMATICA
LIBELLVS,
Authorum plurium, quàm centum,
EPIGRAMMATIS
illustratus.

DE

A F T E R

ELIGIBILITAS

LIBERIS

Author: Thomas de Winton

ELIGIBILITAS

LIBERIS

CAROLI

A S. ANTONIO PATAVINO
ANCONITANI

Ex Cler. Regul. Paup. Matris Dei
Scholarum Piarum

DE ARTE
EPIGRAMMATICA,
SIVE

DE RATIONE
EPIGRAMMATIS RITE CONFICIENDI
LIBELLVS,

Iterum ab eodem AVTHORE reformatus,
adeoque auctus, vt in eo

EPIGRAMMATA
Poetarum plurium, quàm centum,
contineantur.

EDITIO TERTIA.



Romæ, Typis Pauli Monetz. 1675. *Super. permissu.*

CAROLI

ANTONIO MATAWIND

ANTONIO MATAWIND

ANTONIO MATAWIND

ANTONIO MATAWIND

ANTONIO MATAWIND

ANTONIO MATAWIND

ANTONIO MATAWIND

ANTONIO MATAWIND

ANTONIO MATAWIND

ANTONIO MATAWIND

ANTONIO MATAWIND

ANTONIO MATAWIND

ANTONIO MATAWIND

ANTONIO MATAWIND

ANTONIO MATAWIND

ANTONIO MATAWIND



ANTONIO MATAWIND



EXCELL.^{MO} PRINCIPI
AVGVSTO CHISIO

CAROLVS A S. ANTONIO PATAVINO
 ANCONITANVS
 Religionis Paup. MATRIS DEI Scholarum Piarum.
 P. F. P.



Vemadmodum, EXCELLEN-
 TISSIME PRINCEPS, quinque,
 viginti. ab hinc annis, nē-
 pē Anno Sancto superiore,
 vt EMINENTISSIMI PATRVI
 tui FLAVII Poeticis studijs aliqua ex par-

te prodessem, hunc de ARTE EPIGRAM-
 MATICA Libellum, ipsius clarissimo No-
 mini inscriptum, typis tradidi, ita nunc,
 Anno quoque Sancto, eundem Libellum
 bis à me reformatum, bisque auctum
 (iterum enim, duobus videlicet ab hinc
 annis Florentiæ editus fuit) tibi dicatum
 exhibeo, Romanis typis impressum, in
 tuum potissimum progressum, atque
 aliquod grati animi testimonium erga
 eundem Amplissimum S. R. E. CARDI-
 NALEM, & EXCELLENTISSIMUM PRINCI-
 PEM AVGVSTINVM PATREM tuum, qui te
 mihi, licet minus idoneo, melioribus
 certè postpositis, liberalibus disciplinis
 erudiendum tradidere, memores nimi-
 rum benevolentiae, qua in ALEXANDER
 VII. P.M. semper fuerat profecutus; cuius
 singulari beneficio, meum hoc opus, Co-
 loniæ Vbiorum primam acceptam refert
 editionem suam, ut hanc tertiam muni-
 ficen-

ficientissimi Patris tui liberalitati. Quod
 profectò in tuum, EXCELLENTISSIME
 PRINCEPS, nunc Opus editum emolu-
 mentum, vtrique eorum nonnisi gratif-
 simum fore confido; ipsis enim maiori
 curæ est, ut ipse causa virtutis, quàm,
 ut progeniei ratione dilauderis; ac meritò
 quidem: cum enim celsissima virtus, cla-
 rissima progenie nobilior sit, illustrior
 etiam est honor, qui inde consequitur.
 Ad cuius virtutis acquisitionem, quin
 felicissimè peruenturus sis, non datur
 mihi dubitandi locus, præstanti enim es
 ingenio, maximaq. memoria; unde fit,
 ut, & quæ doceris, facillimè percipias,
 & percepta, mente firmissima tuearis.
 Tanti igitur ingenij, tantæq. memoriæ
 bono præditus, in studia, ut facis, diligen-
 ter incumbas: atque intereà præceptio-
 nes, observationes, animadversionesque
 meas, hoc Opere contentas, attentè le-

gas, variaque illustrium Poetarum Epigrammata in eo posita, summa cura imitari coneris: componendis enim Epigrammatis, quorum propria argutia est, cum in primis excitetur mens, & acuatur ingenium, magis idoneus, magisque alacer efficitur iuuenis ad grauiorum studiorum viam ingrediendam, quibus nobilissima virtus comparatur. Vale.



AUTHOR LECTORI.



Ecce prodit tertio in publicam lucem, candide Lector, exoptatus meus de Arte Epigrammatica Libellus: exoptatus, inquam; cum enim prime editionis exemplaria nulla amplius inuenirentur, nam tribus, ac viginti ante annis fuerat editus, idèoque iterum Opus typis esset commissum, tot errores, absente me, incuria Typographorum irrepserunt, ut exemplaria cuncta mihi dono missa, pudore suffusus, ab alijs videri non sim passus; itaque amicorum votis satisfieri minimè potuit, aliorumque, qui ipsùm Opus avidissimè expectabant, cum præsertim plurimùm à me auctum intellexissent. Verùm tot errores causa fuerunt, ut Libellus melior euaserit;

rit; ipsum enim statim correxī, castigavi,
 iterum auxi, multisque locis immutavi, atq.
 in meliorem formam redegi, talemque con-
 stitui, Ut mihi nunc secundæ editionis Li-
 bellus omninò displiceat, eumque apud omnes,
 ad quorum manus peruenit, perpetuis tene-
 bris occultatum desiderem. Inter alia, quæ
 ad hanc tertiam exscriptionem addita fue-
 runt, sunt plurima Authorum plurimorum
 Epigrammata, quibus asserendis ea de caus-
 sa Volui esse prolixior, Ut nimirum, cum per
 exemplorum imitationem facilius sit aditus
 ad discendum, ipsorum Epigrammatum
 Ubertate, ac Varietate delectati Iuvenes, ad
 ipsam imitationem Vehementiùs excitaretur
 ob eamque causam multa etiam mea exem-
 pla in medium attuli. Ut autem totius Li-
 belli ordinem Videre facile possis, quò ad ip-
 sius lectionem libentiùs accedas, eius contex-
 tum hic tibi præponere congruens iudicavi.
 Vale.,

CON-

CONTEXTVS LIBELLI.

Constat Libellus ex Capitibus VII.

IN CAPITE I.

Ostenditur,

Epigramma quid sit, & quotuplex,

IN CAPITE II.

Ostenditur,

Epigrammatum Materia quæ sit, quot sint Genera,
& quot Partes.

IN CAPITE III.

Agitur

De Narratione, prima Epigrammatis Parte,
eiusque Virtutibus, & Vitijs,
vbi multa de Elocutione, & Suauitate.

IN CAPITE IV.

Vbi

De Locis, & Modis aliquot, quibus
Narratio in Epigrammate comparatur,
hi decem, tamquam insigniores,
connotantur, & plurimis illustrantur
exemplis.

Nempe	I. Repetitio,
	II. Similitudo,
	III. Comparatio,
	IV. Contrapositum,
	V. Parodia,
	VI. Hyperbole,
	VII. Allegoria,
	VIII. Aenigma,
	IX. Congeries,
	X. Descriptio.

IN CAPITE V.

Agitur

De Argutia, altera Epigrammatis Parte ;
eiisque Virtutibus, & Vitijs.

Vbi multa afferuntur Epigrammata, argutè conclusa

Ex	Maiori.
	Minori,
	Aequali,
	Diferfo,
	Contrario,

IN CAPITE VI.

Vbi

De Locis, & Modis aliquot, quibus
Argutia in Epigrammate comparatur ;
hi decem, tamquam insigniores
connotantur, & plurimis illustrantur exemplis,

1. Vox

- Nempè {
- I. Vox ambiguae significationis ,
 - II. Dictum ambiguae significationis ,
 - III. Vox, eadem penè litteris ,
 - IV. Allusio ,
 - V. Irrisio ,
 - VI. Hyperbole ,
 - VII. Allegoria ,
 - VIII. Sententia ,
 - IX. Enumeratio nominum præpositorum .
 - X. Inopinatum , siue inexpectatum ,

IN CAPITE VII.

De toto Epigrammate,

Ostenditur ,

Epigramma optimum esse , in quo

Vel { Fel
Acetum } Est .
Sal

Præterea, optimum esse , quod est ingeniosè compo-
situm, quod nimirum constat ex aliquo, aptè, ve-
nustè, aut lepidè excogitato ,

{ Correlatione ,
Dialogo ,
Aut ex { Echone ,
Anastrophe ,
Anagrammate ,
subiectis exemplis .

I O S E P H
A V I S I T A T I O N E
Clericorum Regularium,
Pauperum MATRIS DEI,
Scholarum Piarum
Præpositus Gñlis,

CUm liber inscriptus de ARTE EPI-
GRAMMATICA P. CAROLI A S. AN-
TONIO PATAVINO, nostræ Religionis, ius-
su nostro recognitus fuerit, & approba-
tus, facultatem concedimus, ut iterum
typis mandetur, si ita ijs, ad quos spectat,
videbitur. In quorum fidem has litteras
manu nostra subscriptas, & sigillo nostro
munitas dedimus. Romæ die 3. Martij
1675.

Loco ꝛ Sigilli.

Joseph à Visitatione Præpositus Gñlis.

Impri-

Imprimatur, si videbitur Reuerendiss.
P. Mag. Sac. Pal. Apost.

I. de Angelis Archiep. Vrbis. Vicesg.

Imprimatur:

Fr. Raymundus Capisuccus Ordinis Præ-
dicatorum Sac. Pal. Apost. Mag.

IN CAROLVM
A S. ANTONIO PATAVINO,
ANCONITANVM

Authorem

ARTIS EPIGRAMMATICÆ
mense Maio editæ.

Ecce, nouus Vates, Epigrammatis Arte magister ;
Carolus, ingenij nobile pandit Opus .
Omen inest libro : cum gaudent omnia vernis
Solibus , illustri nascitur ille typo .
Cum rosa densatis spinarum cingitur hamis ,
Et legit , & stimulo mella tuetur apis ;
Carolus obtusas Epigrammatis arte Camenas
Esse vetat ; docilem tam bene cudit acum
Bilbilis in numeros : an acumina surpuit Hybie
Ergo, verecundis an sua tela rosis ?
Spicula num Phæbo, quæ Python sensit ? an hastam
Pallados , & libro condidit illa suo ?
Credite, Pierides ; mecumque edicite , libro
Parcat ut huic Momi nasus : acumen habet .

FERDINANDVS DE FVRSTENBERG .

CA-

C A R O L I
 A S. ANTONIO PATAVINO
 ANCONITANI
 Ex Cler. Regul. Paup. MATRIS DEI
 Scholarum Piarum
 D E A R T E
 EPIGRAMMATICA,
 S I V E
 D E R A T I O N E
 EPIGRAMMATIS
 RITE CONFICIENDI
 L I B E L L V S.

Epigramma quid sit, & quosuplex.

C A P V T I.



PIGRAMMA (vt definit IVLIVS. CAE-
 SAR SCALIGER cap. cxxvi. lib. III.
Poetices) est Poema breue cum simplici cu-
 iuspiam rei, vel personae, vel facti, indica-
 tione; aut ex propositis aliquid deducens. Ipsum au-

B

tem

tem Græcum nomen, Epigramma, latinè sonat, Inscriptio.

Quamobrem Veteres, eos titulos, quos trophæis, statuis, imaginibus, pro Elogijs inscribebant, proprio significato, Græcè, EPIGRAMMATA nuncuparunt. Hoc autem EPIGRAMMATIS nomine, breuia dumtaxat Poematia postea dicta sunt, propter ipsam, (vt innuit Scaliger eodem cap. cxxvi.) *breuitatem*, quasi nihil esset, præter ipsam Inscriptionem. Cuius breuitatis causa multum quidem diligentia in ipsis componendis adhibendum est, ne quid insit, quod meritò reprehendi possit: nulla est enim metrica compositio, quæ minus aliquid vitij patiatur: quandoquidem EPIGRAMMA est instar breuis picturæ, in qua vnico obtutu cognoscitur statim, si quid peccatum est.

Ex allata Scaligeri definitione, Quotuplex EPIGRAMMA sit, apertissimè patet, duplex videlicet.

{ *Simplex*,
Compositum. }

EPIGRAMMA *simplex* est, in quo sola Narratio est, vera, vel ficta.

EPIGRAMMA *compositum* est, in quo Narratio, & Argutia continentur.

EPIGRAMMA SIMPLEX

Est apud MARTIALEM Lxi. lib. I.

In quo narratur,

vnde Scriptores,

AD LICINIAN V M.

*Verona docti syllabas amat Vatis ,
 Marone felix Mantua est .
 Censetur Apona Linio suo tellus ,
 Stellaque , nec Flacco minùs :
 Apollodoro plaudit imbrifer Nilus :
 Nasone Peligni sonant .
 Duosque Senecas , unicumque Lucanum ,
 Facunda loquitur Corduba :
 Gaudent iocose Canio suo Gades ,
 Emerita Deciano meo .
 Te , Liciniane , gloriabitur nostra ,
 Nec me tacebit Bibilis .*

EPIGRAMMA COMPOSITVM
 Est apud eundem MARTIALEM xviii. lib. iv.
 De puero , stillicidio iugulato .

*Quà vicina pluit Vipsanis porta columnis ,
 Et madet assiduo lubricus imbre lapis ,
 In iugulum pueri , qui roscida templa subibat ,
 Decidit hiberno prægravis unda gelu .
 Cumque peregisset miseri crudelia fata ,
 Tabuit in calido vulnere mucro tener .
 Quid non sœua sibi voluit fortunæ licere ?
 Aut ubi mors non est , si iugularis æquæ ?*

Huius autem secundi generis Epigrammata fere
 semper inuenies apud hunc argutissimum Poetam ,
 verè Principem Epigrammatographorum ; ea ubique
 in ipsius libris sese offerunt , & in hoc nostro Libello ,

quem optimorum Vatum exemplis impleuimus : in his enim componendis optimorum ingenia Vatum elaborant ; neque solum , cum latinè scribunt , sed etiam Hetruscè : Quid enim aliud sunt breues quædam , argutęque Poeticę Compositiones , vulgò , *Sonetti* , *Madrigali* , &c. quàm huiusmodi Epigrammata ? Quòd vt clarissimè innotescat , aliquot proprijs locis apponam , cum earum versione in linguam Latinam .

Ac meritò optimi poetę in huius generis Epigrammatum compositione se exercent ; hæc enī Epigrammata composita delectant , hæc laudantur , hæc digna sunt imitatione ; nam quæ simplicia sunt , vt plurimum languent , frigent , ac prorsus iacent , argutia , quadam quasi anima , destituta : quod cum aggreduuntur , non nisi res venustissimas , & lepidissimas , maximèque illustres , & egregias narrandas suscipiunt , easque eleganti in primis , concinna , variaque dicendi ratione persequuntur : vt patet , optimè factum à MARTIALE in superiori Epigrammate ad LICINIANVM , in quo , & elegantiā , & concinnitas , & varietas , ex appositis verbis *Amat* , *felix* , *consetur* , *plaudit* , *sonant* , *facunda loquitur* , *gaudent* , *gloriabitur* , nec tacebit .

Vide , quàm eleganti , concinnaque Narratione , politissimus Vates PETRVS ANGELIVS Bargæus agat , in sequenti Epigrammate ,

De XIII. Italorum cum XIII. Gallis pugna , in Peucetijs ex prouocatione commissa .

Quis

*Quisquis es , egregijs animum si tangeris ausis ,
 Perlege magnorum maxima facta ducum .
 Hic tres , atque decem forti concurrere campo
 Ansonios Gallis altus adegit amor .
 Certantes , veros bello Mars claret , & utros
 Viribus , atque animis auctet , alaque magis .
 Par numerus , paria arma , pares etatibus ; & quos
 Pro patria pariter laude perisse iuuet .
 Fortuna , & virtus litem generosa diremit ;
 Et quæ pars victrix debuit esse , fuit .
 Hic strauere Itali iusto in certamine Gallos :
 Hic dedit Italiae Gallia victa manus .*

Huius certaminis , & victoriæ extat quoque me-
 moria Romæ , in nostra S. Pantaleonis Ecclesia in
 lapide Sepulchrali , à Bernardino Biscia V. I. D. po-
 sito Matri suæ Laodomix , filix vnus ex his tredecim
 Italix : initium enim Epitaphij tale est .

D. O. M.

LA O D O M I A E . I O A N N I S
 BRACALONII . QVI . INTER
 TREDECIM . ITALOS . CVM
 TOTIDEM . GALLIS . CERTAVIT
 ET . VICIT . FILIAE

Quod ego non sine magna difficultate , licet Pa-
 tris Laodomix nomen , cognomenque suppresserim ,
 nullaque sim vsus argutia , Disticho sum complexus :

B 3

quod

quod hoc Capite apponere congruens visum fuit, in quo etiam de simplici Epigrammate actum est, quod ex sola constat Narratione: En ipsam Distichon.

*Gnata Itali, unius ex tredecim, viscere duello
Qui Gallos totidem, hic Laodamia iacet.*

Dixi: non sine magna difficultate complexus sum Disticho: de hoc, si Lector, ambigis, eiusdem Epitaphij verba, meo disticho occultato, cuiusdam cum eadem Patris nominis, & cognominis exceptione, proponas, ut disticho comprehendat: isque tibi proculdubio, idem fatebitur, edoctus experientia.

*Epigrammatum Materia, quæ sit: Quot sint genera,
& quot Partes.*

C A P V T I I.

QVamuis autem EPIGRAMMATA brevia quædam Poematia sint, materiam tamen habent amplissimam, & cum oratore communem: Quamobrem bene Scaliger eorum Genera tot esse, dixit, quot sunt Genera Causarum, tria videlicet.

Ipsis enim, vel accusamus, vel defendimus; quæ sunt Generis Iudicialis.

Vel suademus, vel dissuademus; quæ sunt Generis Deliberatiui.

Vel laudamus, vel vituperamus; quæ sunt Generis Demonstratiui.

Vnde non immerito ob tam multiplicem, variam-
que

que materiam, omnibus Versuum generibus explicari ea posse tradidit idem Scaliger.

Partes verò EPIGRAMMATVM, idest, eorum, quæ composita sunt (Simplicia enim Narratione tantum constant) duas esse, facillè colligimus ex verbis illis Scaligeri, supra allatis: *aut ex propositis aliquid deducens*, videlicet.

} *Narrationem*,
} *Argutiam*.

nam quicquid propositum est, lato quodam modo ad vnā *Narrationem* reuocamus, quòd ex propositis deducitur, *Argutiam* dicimus.

De quibus Partibus, ex quarum recta constitutione, optimum euadit EPIGRAMMA, diligentissimè agemus, ac locos aliquot, modosque insigniores ostendemus, quibus istæ Partes rite comparantur, subiectis quàmplurimis, tum antiquorum Poetarum, tum recentiorum exemplis; Quæ omnia cum absoluerimus, quæpiam etiā generatim de toto Epigrammate trademus; atque ita huic Operi modum imponemus.

De Narratione, prima Epigrammatis parte, eiusque Virtutibus, & Vitijs.

CAPVT III.

Narratio in Epigrammate totum illud dicitur, quod anteponitur Argutia. Quoniam verò (vt supra dictum est *cap. i*) Narratio vera, vel ficta con-

stituitur , quid in vtraque animaduertendum , præstandumque sit , sciat , necesse est , quicumque Epigrammata conscripturus est .

Animaduertendum igitur , diligenti , accurataque opus esse declaratione , si fortè *Narratio* vera in re quapiam non clara , aperta que versabitur ; nihil autem , aut parum quidem explicationis afferendum , si , quod narrabitur , facillimè patebit : *Fictam* verò *Narrationem* de ijs rebus esse instituendam , quæ ad aliquid verum , vel aliqua ex parte verum , alludent ; vt ita , si non omnem , aliquam saltem veritatem sub ipsius *Narrationis* fictæ velamine , latitare deprehendamus .

Præstandum autem est in vtraque *Narratione* , vt insint hæc duo .

{ *Elocutio* }
 { *Suauitas* . }

Elocutio erit in *Narratione* , ex Phrasibus Poeticis ritè delectis , nimirum , facilibus , claris , apertis ; non nimis floridis , aut raris , sed vsitatis ; præcipuè , si de rebus minùs serijs agetur . Si graua graui stylo , minùs graua minùs grauiter exponentur . Ad grauitatem autem *Narrationis* multum conferunt Hexametra Carmina , ex frequentibus spondæis : Sunt enim ista satis graua ; qualia sunt , quæ sequuntur , quibus Martialis inchoauit Epigrammata , quæ nunc notabuntur : tale enim est .

Carmen I. Epigr. IX. lib. I.

Quèd magni *Thrasee* , consummatique *Catonis* ,
 Et

Et carmen 1. Epigr. xci. lib. 11.

Rerum certa salus , terrarum gloria , Caesar .

Et carmen 1. Epigr. xl. lib. 1v.

Atria Pisonum stabant cum stemmate toto .

Et carmen 1. Epigr. i. lib. 1x.

Non te celabis sublimi pectore vates .

Et carmen 1. Epigr. l. lib. x.

Frangat Idumæas tristis victoria palmas .

Cuiusmodi carmine non solum in principio sequentis Epigrammatis usus fuit , sed in toto Epigrammate, in singulis enim ipsius carminibus Hexametris, binos tantum Dactylos inuenies . Et profecto tali Spondæorum pedum grauitate procedere debebat Epigramma constituendum primo loco libri 111. meorum *Epigrammaton Heroicorum* , in quo sermo

AD ALEXANDRVM VII. PONT. MAX.

De ipsius excelsitate

Gentilitio quoque stemmate designata .

*Maxime ALEXANDER , totus cui subiacer
Orbis ,*

Te quoque sublimem nobile stemma notat .

Ecce duplex nullis Quercus radicibus hærens

Fixa solo , virides explicat alta comas .

Ac potius summo , quam terris , æthere Montes

Stare vides , quando non procul Astra nitent .

Sic tu spernis humum , celsisque attolleris ætis :

Sic tua se pandit fama , nitescit honor .

Græ-

Grauiſſimum autem Hexametrum euadit, ſi voce ex duabus pedibus conſtante terminatur: quale eſt apud Martialem in Epigram. I. in Amphitheat. Cæſ.

Omniſ Cæſareo cedât labor Amphitheatro.
præſertim ſi illius vocis primus pes ſit ſpondaus, vt in ſequenti carmine eiufdem I. Epigrammatis.

Aere nec vacuo pendentia Mauſolea.
tale autem carmen, cuius quintus pes, ſpondaus eſt, ſpondaicum appellatur; In cuius quarta ſede dactylus omninò ſtatuendus eſt, ne, ſi ſpondaus ibi quoque ponatur, vt videtur in hoc verſu Lucretij.

An Cælum nobis naturam intro corruptam,
& in hoc Catulli.

Nam tum Helenæ raptu præmores Arginorum
verſus potiùs proſaicus, quàm ſpondaicus eſſe videatur. Quod ſi huiuſmodi carmen etiam apud ipſum Poetarum Principem, Lector aïs, reperiri, non negabo: neque enim me latet: non tamen hortabor, vt in hoc eum imiteris; in longis enim compositionibus, quales ſunt Virgilianæ, quidpiam minùs viſitatum inferi (rarò tamen) ſine nota poteſt, quod in breui compositione, qualis eſt epigrammatica, poſitum, reprehentione non careret.

Vt autem rebus grauib; exponendis frequentes ſpondaei multum proſunt (vt etiam infra patebit in Epigrammate Martialis de Veſtino, in cuius ſingulis Hexametris duo dumtaxat Dactyli inueniuntur) ita rebus lætis, minùſque ſerijs, frequentia Dactylorum;
de

de quibus infra .

Præterea Elocutio erit in Narratione, cum verba non ociosa, non superuacanea, non inepta fuerint, sed necessaria, propria, & accommodata; præsertim verò Epitheta, ne, malè ea adhibentes, ad carmina potiùs explenda (vt passim videre est apud vulgares Poetas) quàm ad aptam vocum declarationem, siue congruens ornamentum, ijs vsi fuisse videamur. Quæ quidem Epitheta ritè collocata, graue in primis, venustumque efficiunt Epigramma: quale est vel primum Martialis Epigramma in Amph. Caesaris, quod vide loco ix capite sequenti, & hoc de VESTINO, quod est Lxxiii. lib 4. apud eundem Martialem, qui frequenter Epithetis delectatur, adeoque, vt per sepe duo versibus tum Hexametris, tum Pentametris attribuerit, vt videre etiam licet hoc ipso Epigrammate .

*Cum grauis extremas Vestinus duceret horas ,
Et iam per Stygias esset iturus aquas ,
Vltima voluentes orabat pensa sorores ,
Vt traherent parua stamina pulla mora ;
Iam sibi defunctus , caris dum vixit amicis ,
Mouerunt tetricas tam pia vota Deas .
Tum largas partitus opes , à luce recessit :
Seque mori posthac credidit ille senem .*

Ex quo Epigrammate, hoc etiam, Lector, ediscas ,
Epi-

Epigramma bellissimè procedere, cum ita res exponantur, vt carmina Hexametra, modò virgula, modò puncto, seu punctis, modò puncto cum virgula terminentur. Res autem ita expositæ, sunt magis faciles intellectu. Epigrammata verò, vt plurimum, ex talibus composita Hexametris inuenies apud ipsum Martialem; rarò enlm Hexametra non interpungit: Hexametra, dixi, nam Pentametra, semper sensu aliquo concludenda sunt, vt si non puncta, virgulam tamen admittât. Quæ tamen Epitheta in fine carminum Hexametrorum minùs frequenter collocanda sunt. Quarnobrem displicet mihi Iulij Cæsaris Scaligeri animaduersio in hoc carmen politissimi Claudiani.

Et dira riget inclementia formæ,
maluisset enim, sua quadam ratione permotus, sic dici.

Et formæ riget inclementia diræ.
quæ mens illi, alroquin in iudicando sapientissimo, minimè quidem inseditset, si meminisset, Virgilium, quem semper defendit, & cui, eius, vt ait, diuinitatem, perinde, atque fastigium quouis humano ingenio altius admiratus, aras statuit, cecinisse lib. Georg. III.

Et diræ rapit inclementia mortis.
ad cuius loci imitationem, quis non videat Claudianum incubuisse?

In fine autem carminum Pentametrorum, nunquã, vel rarò admodum, Epitheta constituenda, tumque non sine peculiari iudicio; ferè enim semper, non
fine

sine nota, ac reprehensione, Pentametra Epithetis cōcluduntur, vt etiam Participijs, Aduerbijs, & Pronomine, Is, cuius præsertim quarto casu, siue singularis numeri, siue pluralis, definit Pentametrum nimis abiectè: ideoque eo casu duo tantum Pentametra conclusit Marcialis: ipse autem ab ipsius vſu me semper abstinui.

Suauitas erit in Narratione, si dulcibus, & iucundis verbis agatur de rebus, quæ per se lætæ sunt, suaque natura animos oblectant, vt sunt virentes arbores, horti floridi, effluentes aquæ, riuuli placido pede labentes, egregij artificij fontes, tabellæ mira arte depictæ, & id genus alia: Dulcia autem verba sunt, & iucunda, quæ fiunt per diminutionem: vt ocellus, Tulliola, & ea, in quibus, litteræ, e, i, l, pluries sunt, ex quibus mira suauitas, præsertim, si rarum adfit, r, quod asperitatem parit: Quæ verba multis Poetarum locis ostendo *lib. II. De Arte Rhetorica, cap. xxv. vbi agitur de Suauitate.*

Si carmen, neque asperos, neque hiulcos admiserit glitterarum concursus, præsertim prope finem: si vitauerit Monosyllaba in principio cum Ethlipsi, vel Synalœpha: si neque claudicauerit, pede aliquo perperam posito nulla habita ratione iuncturæ, quæ omnia Suauitati maximè aduersantur, vt videtur in his carminibus Catulli, atque infra patebit in carminibus Ioannis Ouueni.

Tu satis id duxisti, tantum tibi gaudium in omni.

Tu quod promisti mihi, quod mentita, inimica es.

Ipse

*Ipse valere opto, & tetrum hunc deponere morbum.
 Non iam illud quero, contra vt me diligit illa.
 Vt iam nec bene velle queam tibi, si optima fias.
 Quare iam te cur amplius excrucies?
 Aut facere, hæc à te distaque, fastaque sunt.
 Ne amplius à misero dona beata petas.*

Verùm hiatus, quoad fieri potest, vitandus in Pentametro, nempe in vltimis pedibus, non tamen in cæsuris, in quibus monosyllabon: nam rarò fit non inconcinne.

At sanè non sine mirabili quodam artificio, vt mihi quidem videtur, hiatus ponit Propertius in illo versu, qui est in *Eleg. IV. lib. III.*

Ad vulgi plausus sæpè resistere equos.

Dum enim equos, ait resistere, facit, vt vel ipsum carmen resistat, hiatus causa difficilè procedens. Hæc Propertij sodalis sui artem percepit Ouidius, namque, vt ipsemet canit *lib. IV. Trist. Eleg. IO.*

Sæpè suos solitus recitare Propertius ignes.
 vnde illius memor carminis, cecinit, *Eleg. II. lib. eiusdem.*

Quadrijugos cernes sæpè resistere equos.

Suauitas præterea erit in Narratione ex frequentia pedum Dactylorum; præsertim si nulla versibus insit Sinalœpha, & Ecclipsis, ipsique Dactyli, in Hexametris subinde à iunctura liberi per se fluant, sed, videlicet prima, quarta, & quinta, vt multis in Epigrammatis videtur apud Martialem, cuius duo tantum hoc loco afferam, quorum primum est, *I. lib. IV.*

De

De Natali DOMITIANI Imperatoris .

*Cæsaris alma dies, & luce sacratior illa ,
 Conscia Dictæum , qua talit' Ida Iouem
 Longa precor , Pylioque veni numerosior auo ,
 Semper & hoc vultu , vel meliore nite .
 Hic colat Albano Tritonida cultus in auro ,
 Perque manus tantas plurima quercus eat :
 Hic colat ingenti redcuntia secula lustro ,
 Et quæ Romuleus sacra Terentus habet .
 Magna quidem, Superi, petimus, sed debita terris:
 Pro tanto quæ sunt improba vota Deo ?*

Alterum est, III. lib. VI.

De eiusdem DOMITIANI Filio .

*Nascere Dardania promissum nomen Iulo ,
 Vera Deum Soboles ; nascere magne Puer .
 Cui Pater æternas post secula tradat habenas ,
 Quique regas orbem cum seniore senex .
 Ipsa tibi nunc trahet aurea pollice fila ,
 Et totam Phryxi Inlia nebit ouem .*

Dactyli autem Hexametrum carmen suauissimum
 efficiunt, si vel tres collocantur, vel quatuor, vel
 quinque, ut cernitur in iisdem allatis Epigrammatis;
 Et sanè Martialis versibus tot Dactylis affluentibus,
 nimirum tribus, & quatuor persæpè inchoans Epi-
 grammata

grammata dulcissimum illis initium impertitur, rarò enim per versus ex quinque Dactylis inchoat, raròq. factum id à me, Lector, reperies, imò rarissimè, quamuis Epigr. 1. lib. 1. mearum MVSARVM ANCONITANARVM, primumque secundi ab huiusmodi carmine initium duxisse videris: Sic enim incipit Epigr. 1. lib. 1.

*Me lege, quisquis amas: placet hæc mea lectio
Amanti.*

atque ita Epigr. 1. libri 11.

Hic, ubi leta super, petit astra Columba Obelisco.

Carmen autem Hexametrum, in quo tres Dactyli, quorum singulos consequitur Spondæus, vel ultimo loco Trochæus, ut bellissimè ordine procedit, ita suauissimum est: vnde ab hoc carmine sæpe Martialis Epigrammata suauissimè incipiunt: ut inter alia, Epigr. cxvii. lib. 1. de Antulla.

Hoc nemus aeterno cinerum sacravit honore.

Et Epigr. Lxi. lib. 11. in Maledicum,

Cum tibi vernarent dubia lanugine mala.

Et Epigr. xxvii. lib. 1v. ad Augustum.

Sæpe meos laudare soles, Auguste, libellos;

Et Epigr. viii. lib. viii, ad Ianum.

Principium des, Iane, licet velocibus annis.

Et Epigr. Li. lib. eiusdem ad Cæsarem Domitianum.

Quanta Gigantæi memoratur mensa triumphæ.

Et Epigr. Lix. lib. ix. ad Nympham.

Nympha sacri regina lacus, cui grata Sabinus.

Huiusmodi carmine non rarò me quoque Epigrammata

grammata inchoasse video ; vt Epigr. De Cruce Christi . Lib. I. Sacrorum .

In tumido , ceu cymba mari , spumantibus undis .
 & Epigr. ad S. Petrum No lasco. lib.eod..

Ambrosio Hybleas volucres sedisse labellis .
 Et Epigramma ad stultam Iuuentutem, lib. II. Moralium .

Ne tibi florenti placeas ætate, Iuuentus .
 Et Epigr. De quadam Meretrice &c. lib.eod.

Dum speculo flauos capitis miratur honores .
 Et Epigr. ad Franciscum Magnum. lib. III. Heroicorum .

Magnus es, ac Magnū celebris te Patria spectans .
 Et Epigr. ad Obesum. lib. IV. Iucundorum .

Sole calent , ignique calent, & corpora motu .

Sed, vt ingenuè fatear, de hoc pedum ordine, cum componerem, nihil prorsus cogitavi . Quod ego tribuo meæ assiduæ optimorum Vatum lectioni , in primisque Martialis: optimorum enim Vatum lectioni assuescenti, vel non cogitanti, carmina , pedibus bello ordine constitutis , suauissima oriuntur .

Atque etiam Hexametrum dulcissimum est , ac satis gratè influit in aures , cum vltimum ipsius pedem præcedit Dactylus , cuius initium à monosyllabo : quale est apud Martialem in Epigr. XXI I. lib. I. .

Sed tam seu a pius miracula non tulit hostis .
 Et in Epigrammate XX. lib. V.

Si non derides , si verum, lux mea, narras .
 Et in Epigr. LVII. lib. VIII.

Ossa licet quondam defuncti non legat haeres ,
 siue etiam , cum Hexametrum habet finem, voci in
 medio carmine, vel propè medium cōstitutæ similiter
 desinentem, quod Leoninum appellatur, semipriscis
 probatum, recentioribus ineptum, non tamen mi-
 hi, si parcè tamen adhibeatur, vel tantum in princì-
 pio Epigrammatis: quod etiam Martiali placuisse,
 video: tale enim apud eum est carmen primum Epi-
 grammatis Lxxvii. lib. I. ad Flaccum.

O mihi curarum pretium non vile mearum .
 Et carmen primum Epigr. xv. lib. v. ad Cæsarem Do-
 mitianum.

Quinctus nostrorum liber est, Auguste, iocorum .
 Et carmen primum Epigr. Lxxvii. lib. viii. ad Li-
 berum.

Liber amicorum dulcissima cura tuorum .

Multum quoque Suauitatis accedet ad Narratio-
 nem, si versus Pentametri interdū verbo aliquo con-
 cludentur, ex tribus, vel pluribus syllabis constante;
 interdū, dixi, huiusmodi enim exitus continuatione
 nimis mollis redditur Narratio; quod vitium in
 compositionibus Catulli; qui nimia hac sermonis
 mollitiæ, & lenitate, Poetria mihi potiùs videtur esse,
 quàm Poeta, idest, fœmina potiùs, quàm vir.

Carmina autem ita desinentia, rebus mœstis sunt
 in primis accommodata.

Duobus primis Pentametris ita desinentibus vide
 quàm mœstum sit hoc initium Decastichi Catulli ad
 fratris tumulum.

Mul-

*Multas per gentes, & multa per aquora vectus,
 Aduenio has miserās, Frater, ad inferias,
 Vt te postremo donarem munere mortis,
 Et mutum nequicquam alloquerer cinerem.*

Et quam mœstè desinat suauissimum hoc Martialis cœrmen, in Epigr. Lxxxv. lib. vi. quo flet mortem RVFI.

Et resonet tota planctus in Aemilia.

Suauissimum quidem cœrmen, non solum ex vltima dictione, de qua egimus, sed quòd etiam in ipso litteræ suauissimæ, e, i, l, non semel sunt, asperumq. r, vix locum habet.

Illud autem Suauitatem, gratiamque Pentametro demit, cum id ita constituitur, vt cæsura fiat non in vltima syllaba vocis, vel si fiat, fiat coniuncta cum sequenti dictione plurium syllabarum. Ita verò nonnulli ex Veteribus cœrmen pangere consueuerunt, inter quos Catullus, cuius carmina, quæ sequuntur.

Mi misero, eripuist omnia nostra bona.

Troia, virum, & virtutum omnium acerba cinis.

Si vera est Persarum impia relligio.

Quam modò, qui me unū, atq. unicū amicū habuit.

Sed fortassè in hoc vltimo cœrmine, non sine indicio, & artificio, huiusmodi cæsura, quæ dictio coniungitur cum sequenti dictione, admissa est à Poeta, cum amicitia coniunctionem significaret; vt eadem scilicet antecedentis, & subsequenter vocis coniunctione, quæ cæsura fit, ipsam amicitia coniunctionem notaret,

Ipse etiam in sequenti Pentametro, quo Christum purissima eius Mater sic affatur ,

Brachia da collo, atque oscula iunge genis .
 simili ratione cæsura eandem admisi , ut nimirum osculorum impressionem sic etiam exhiberem .

Et in hoc altero ,

Fausta beans mors cursum omnia dona dedit .
 nolui, non sine arte , ut ultima vocis syllaba sisteret per cæsura , ne mora videlicet fieret cursui , sed ut in cursu daretur excursus .

Neque sua peculiari vacat arte cæsura in sequentibus quinque Pentametris , quæ inter mea Epigrammata, in libris Musarum Anconitanarum, una cum duobus superioribus leguntur :

- I. *Ignis aqua sic mirè exsurgit, & ignis aqua .*
- II. *Per valida ad Cælum, atque ardua facta feror .*
- III. *Ex te mellifera exire videntur apes .*
- IV. *Abscidit , linguam abscindere non potuit .*
- V. *Esse dolum : ludo interuenit arte dolus .*

Cum enim in Pentametro primo , dicatur aqua exsurgere, ipsum carmen exsurgit, cæsura in sequentem vocem assurgente .

Secundum autem Pentametrum, dum ad Cælum obtinendum labor arduus significatur , non sine arte, cæsura tali asperum, & sequenti synalœpha, duriusculum effectum est .

In tertiò, cæsura illa non in fine vocis consistente , sed ad sequentem se extendente , ipse apium exitus, qui significatur , exhibetur .

In quarto, dum à M. Antonio, linguam abscindi non potuisse narratur, bene arte factum est, ut ipsa lingua per cæsura non abscissa quodammodo videatur, cum cæsura fiat non loco consueto, sed coniuncta cum verbo sequenti.

Postremò, in quinto Pentametro, dum dicitur,

Ludo interuenit arte dolus, nonne bellè eadem cæsura admissa fuit, qua finis vocis antecedentis, coniungitur cum initio sequentis? Sic enim etiam ipse doli interuentus cum ludo connotatur.

In hac tertia Libri huius rescriptione inter plurima, quæ addidi, sunt allata quinque Pentametra, quorum cæsura artem patefeci, ut os occluderem cuidam malè obijcienti Librorum Aristarcho (tali enim nomine, nomine proprio suppresso, se subscripsit in epistola, quam ad me misit) qui quibusdàm erroribus typographicis exceptis, nihil in meis Musis Anconitanis notauit, quod nõ statim refelli possit: quæ enim obiecit (ea autem ferè omnia versantur in quantitate syllabarum) falsa esse cognoscuntur, optimorum Vatum auctoritate, vsuque, qui plura docet, & regulis, quæ traduntur in Prosodia, quas iste Aristarchus si calleret omnes, se se à scribendo certè abstinuisset.

Suauitati illud etiam contrarium est, cum finis Pentametri, habentis vocem vnus syllabæ tantum in secunda cæsura, desinit sine synalœpha, vel Ecthlipsi, ut videtur in hoc earmine, quo Martialis concludit Epigram. Lxix. lib. xii.

Roma mihi: redeo, si vigilatur & hic.

Si enim Synalœpha, vel Ecthlipsis interuenit, suauitate carmen non caret, vt hoc, quod est apud eundem in conclusione Epigr. xiii. lib. in Amphith. Cæsaris, siue Spectaculorum.

Quaque soluta parens, quaque perēpta fera est.
Dixi: Pentametri, habentis vocem vnus syllabæ, in secunda tantum cæsura: si enim vox quoque vnus syllabæ erit in prima cæsura, non erit insuaue, imò auribus gratissimum, etsi in fine synalœpha caruerit, vel Ecthlipsi. Tale est Pentametrum apud eundem in conclusione Epigr. xxx. lib. i.

Si dici tua vis, hec eme, ne mea sint.
Et Pentametrum, quo idem claudit Epigr. Lxiii. lib. v.

Emi hortos; plus est: instrue tu; minus est.
Suauius tamen est Pentametrum, & venustius, si habens in medio, & in fine vocem vnus syllabæ, alterutro, vel vtroque loco cæsuram admittit cum synalœpha, vel Ecthlipsi, præsertim si ea vox eadem sit, vt patet in sequentibus eiusdem carminibus, quibus vtitur in conclusionibus Epigrammatum, quæ nunc notabuntur.

In Conclusionē Epigram. l. lib. ix.

Hæc toga iam non est Patheniana, mea est.

In Conclusionē Epigramm. iiii. lib. xi.

Nil mihi vobiscum est; iste liber meus est.

In conclusionē Epigramm xxxiv. lib. viii.

Quod sine te factum est, hoc magis archetypum est.
Obseruauimus, maluisse non rarò Martialem, verbum,
est,

est, in prima cæsura cum synalœpha, collocare, quàm
admittere cæsuram, sine illa figura, ipso verbo, est,
præposito: eo enim modo carmen gratiùs resonat;
vnde in Epigr. vlt. in Amph. Cæs. maluit dicere:

*Ille gravis palma est, quam minor hostis habet,
quàm, Palma est ille gravis, quam minor hostis habet,
Et in Epigr. xvi. lib. i.*

*Sera nimis vita est crastina, viue hodie.
quàm, Vita est sera nimis crastina; viue hodie.
Et in Epigr. xv. lib. vi.*

*Funeribus facta est nunc preciosa suis.
quàm, Facta est funeribus nunc preciosa suis.*

Et in Epigr. L. lib. xii. idem verbum, est, ma-
luit, etiam sine figura, eo medio loco ponere, quàm
anteponere.

Nec somno locus est: quàm bene non habitas!
potuisset enim sic dicere:

Nec locus est somno: quàm bene non habitas!
at suauius sensit esse carmen, est, posito eo loco, ubi
illa cæsura.

Idem mihi sensus est: Proinde Distichon quoddam
sic potiùs conclusi, licet cum synalœpha.

*Hic populis facta est aurea ad astra via.
quàm sic, vt quidam amicus meus maluisset:*

Hic facta est populis aurea ad astra via.

Nec sua deest Penrametro suauitas, & gratia, si in
eius initio à monosyllabo Dactylus iacipit, sequun-
turque alia monosyllaba: quale est apud Marualem
in conclusione Epigr. viii. lib. iii.

Hæc mala sunt : sed tu non meliora facis .

& apud eundem in conclusione Epigr. xvi. lib. iv.

Aut ubi mors non est , si iugulatis aque ?

Hic verò notandum est , crebra monosyllaba in Pentametris , atque his in Epigrammatum conclusione positis , melius usurpari , ibique esse gratiora , ut patet allatis Martialis carminibus , omnibus in conclusione collocatis : Namque in Hexametris rara plerumque constituenda sunt Monosyllaba : quorum tamen finis cum vno , vel duplici Monosyllabo , non sine gratia fluit , præcipuè , si punctum nullum , aut virgulam nullam admittit : ut patet in hoc Virgilij Epitaphio ,

Mantua me genuit : Calabri rapuere ; tenet nunc

Parthenope : cecini pascua , rura , duces .

Vnico etiam Hexametra Monosyllabo exeunt apud Martialem sequentia duo , plaribus enim parco .

Carmen in Epigr. xxix. in Amph. Cæs.

Missio sæpè viris , magno clamore petita est .

Carmen in Epigr. Lxxxv. lib. xi.

Vnus de cunctis animalibus hircus habet cor i

Duplici autem Monosyllabo , quæ sequuntur .

Apud eundem in Epigr. iiii. lib. v.

Sors mea , quàm fratris melior , cui tam propè fas est

Cernere , tam longè quem colit ille Deum ,

Et in Epigr. xiii. lib. v.

Sed toto legor Orbe frequens . & dicitur : hic est .

Et in Epigr. Lxvii. lib. viii.

Horas quinque puer nondùm tibi nunciat , & tu

Iam

Iam conuiua mihi, Ceciliane, venis;
Et in Epigr. XXI. lib. IX.

*Felix, quæ tantis sonuit vagitibus, & quæ
Vidit reptantes, sustinuitq. manus.*

Et in Epigr. X. lib. X.

Sapius assurgam recitanti carmina? tu stas.

Et in Epigr. XXXI. lib. eiusdem.

*Exclamare libet: non est hoc, improbe, non est
Piscis; homo est: hominem, Calliodore, voras.*

Notandum præterea, suauissimum esse, & harmonicum quodammodo carmen, in quo, positis pluribus Monosyllabis, ita pedes constituuntur, ut ipsum carmen potius belle saltare, quam incedere videatur: ut in his tribus Martialis, supra etiam positis, videtur.

Si dici tua vis, hæc eme, ne mea sint.

Emi hortos; plus est: instrue tu; minus est.

Nil mihi vobiscum est; iste liber meus est.

& in hoc Disticho, quo idem Martialis finem imponit Epigrammati XII. lib. V.

Hoc ego, tuq. sumus; sed quod sum, non potes esse;

Tu, quod es, è populo quilibet esse potest.

& in hoc Disticho meo.

Munde, quid es? mare sum: quid homo es? piscis;

Meretrix, quid?

Quæ capio piscem hunc, rete ego fœmina sum.

Dixi: bellè saltare, non autem, claudicare: claudicat verò carmen, præsertim, in quo plura monosyllaba, nisi recta iunctura obseruetur: quæ recta iunctura

Œura quæ carent carmina, inepta prorsus, inconcinna sunt, & insuauia, qualia sunt; quæ iam supra attulimus, Catulli, & quæ mox afferemus Ioannis Oueni, qui, modò argutè concluderet, congruentem sonum, debitumque carminis excursum sæpe negligens, nulla habita ratione rectæ iuncturæ, multis positis monosyllabis, inepta prorsus carmina, & abiecta nimis effecit: ex quorum numero sunt sequentia; quæ ideò à me afferuntur, vt eorum vitia omninò deuitentur.

Vnum hoc est, quod tu non obliuisceris vnquam.

Nil in te, præter vocem, vitale habet Echo.

Quanta tibi nunc sit frons dicere non potes: ergo,

Si felix est, qui, quæ vult, habet omnia, quare.

Quæ legis hic sunt curta Epigrammata, sunt quoque pauca.

Ingeniosus, at imprudens, est absque cibo sal.

Tam potabile si foret aurum, optabile quam fit,

Non vitiamur ab his temporibus, sed in his.

Ingeniosior es quò, Line, peior eò es.

Præter eum num qui sunt ibi Causidici?

Sat tibi, si quod non sunt videantur, habent.

Quibus carminibus, quid inconcinnius? quid insuauius? quid vitiosius? quibus plura, inepta, & claudicantia afferre potuissem; sed hæc tantum hoc loco attuli, in quo de vocibus monosyllabis actum fuit: in ipsis enim frequentia monosyllaba reperiuntur.

At, inquit fortasse quispiam, Ouenus imitatus est

Catul-

Catullum : video ; sed non bene : Catulli enim carmina sunt minùs inconcinna , minùs aspera . Sed do bene imitatum fuisse ; quid verò hoc ? secutus est vestigia Vatis , in quo , ut inquit Iulius Cæsar Scaliger , *lib.6. Poet. cap. 7. multa languida , quorum miseret , multa coacta , quorum piget , ut peiora prætermittam , quæ de ipso idem Scaliger scripta reliquit : qui meritò quidem Martialem (ipsius tamen improbatis obscenis compositionibus) honorificè non semel nominat , eius versus candidos , numerosos , plenos , denique optimos affirmans ; ut proinde M. Antonio Mureto , cuius iudicium cæteroquin gravissimum est , secus de Martiale sentienti , non ego assentiar vnà cum doctissimis Viris Adriano Turnebo , & Iusto Lipsio , quorum utriusque , iniquum ipsius de Martiale iudicium prorsùs displicet , improbaturque .*

Atque hæc de *Narratione* prima Epigrammatis parte , eiusque virtutibus , & vitijs dicta sint .

Idcirco autem potissimum ostendimus , quanam ratione Hexametris , & Pentametris *Suavitas* compareretur , quia ex ipsis ut plurimum Epigrammata componuntur .

Si quis tamen aliquid versibus omnibus commune de *Suavitate* desideret , hoc vnum edocemus , ut optimorum Vatum lectioni , in primisq. perpoliti , numerosique Martialis , assuescens , auribus utatur , quarum , ut ait Cicero , *iudicium est superbissimum ; quæ sicuti optimè sentiunt , quid sit asperum , & fragosum , ita quoque , quid lenè sit , ac suave præclare dijudicant .*

Nunc

Nunc quibusnam *Locis*, & *Modis* ipsa *Narratio* in Epigrammate comparetur, aperiamus.

*De Locis, & Modis aliquot, quibus
Narratio in Epigrammate comparatur.*

CAP. V. IV.

EX multis *Locis*, *Narrationem* in Epigrammate deduci, varijsque *Modis* comparari, multis Epigrammatographorum legendis libellis animaduerti, ac potissimum ex his decem,

- Nempe {
- I. Repetitione,
 - II. Similitudine,
 - III. Comparatione,
 - IV. Contrapositione,
 - V. Parodia,
 - VI. Hyperbole,
 - VII. Allegoria,
 - VIII. Aenigmate,
 - IX. Congerie,
 - X. Descriptione,

Quæ loca nunc multorum Poetarum exemplis illustrabuntur, ut, ipsis propositis, facilius Iuvenes *Narrationis* ritè conficiendæ rationem addiscant, quod etiam præstabo reliquis capitibus, in quibus de *Argutia*, ut iidem Iuvenes, argutorum exemplorum

copia

copia, facilius euadant arguti. Mea etiam Epigrammata subinde inferam (ut iam supra feci) maxime enim consentaneum videtur esse, ut, qui præcepta tradit, proprijs etiã exēplis dilucidet id, quod docet.

LOCVS I.

De Narratione ex Repetitione.

Obseruauit, ex *Repetitione* Narrationem in Epigrammate multifariam deduci, videlicet

Repetitione principij carminis in principio omnium carminum.

Repetitione principij Hexametri in principio omnium Hexametrorum.

Repetitione eadem, cum Repetitione etiã eiusdē principij in fine omnium Pentametrorum.

Repetitione diuersi finis Hexametri in principio omnium Hexametrorum.

Ex Repetitione eiusdem finis Hexametri, ac postea diuersi, in fine Hexametrorum.

Repetitione principij Pentametri in principio Pentametrorum.

Repetitione finis Pentametri in fine Pentametrorum.

Repetitione diuersi finis Pentametri in principio Hexametrorum.

Repetitione totius Pentametri.

Repetitione vnius vocis, vel plurium, in diuersis carminum locis.

Nar-

Narratio ex Repetitione

Principij carminis in principio omnium carminum,

est apud MARTIALEM in Epigr. xxv. lib. v.

De HERMETE.

*Hermes Martia seculi voluptas,
Hermes omnibus eruditus armis.
Hermes, & Gladiator, & Magister,
Hermes turba sui, tremorque ludi,
Hermes, quem timet Aelius, sed & num,
Hermes, cui cadit Aduolans, sed uni,
Hermes vincere, sed ferire doctus,
Hermes suppositivus sibi ipsi,
Hermes divitiæ locariorum,
Hermes cura, laborque ludiarum,
Hermes belligera superbus hastia,
Hermes æquoreo minax tridente,
Hermes casside languida timendus,
Hermes gloria Martis uniuersi,
Hermes omnia solus, & ter unus.*

Narratio ex Repetitione

Principij Hexametri in principio omnium

Hexametrorum;

Apud MARTIALEM in Epigr. XL. lib. i.

Ad DECIANVM.

*Si quis erit raros inter numerandus amicos,
Quales prisea fides, famaue nouit auos:*

Si

*Si quis Cecropiæ madidus , Latineque Minervæ
 Artibus, & vera simplicitate bonus .
 Si quis erit recti custos, imitator honesti ,
 Et nihil arcano qui roget ore Deos .
 Si quis erit magnæ subnixus robore mentis ,
 Dispeream , si non hic Decianus erit .*

Sic etiam procedit hoc meum Epigramma

De Amatore rerum terrenarum .

Ad SIMONEM à S. BARTHOLOMAEO .
 nostræ Religionis Paup. Matris Dei ,
 Scholarum Piarum Assistentem
 Generalem .

*O quàm stultus Amans , Mundano agitatus amore :
 Gaudia persequitur, quæ fugitiua volant .
 O quàm stultus Amans, fugientibus anxius umbris !
 Huic amor est stabili non in honore, Simon ,
 O quàm stultus Amans, ima , infima, vilia quærens !
 Hunc terram Cælo præposuisse iuvat .*

*Narratio ex Repetitione eadem ,
 cum Repetitione etiam eiusdem p. incipij in fine
 omnium Pentametrorum ,*

Apud MARTIALEM in Epigr. xcix. lib. ix.
 Ad IVLIVM .

Rum-

*Rumpitur inuidia quidam, charissime Iuli ,
 Quòd me Roma legit , rumpitur inuidia .
 Rumpitur inuidia , quòd turba semper in omni
 Monstramur digito ; rumpitur inuidia :
 Rumpitur inuidia, tribuit quòd Caesar uterque
 Ius mihi natorum , rumpitur inuidia ;
 Rumpitur inuidia, quòd rus mihi dulce sub urbe est,
 Paruaque in Vrbe domus, rumpitur inuidia .
 Rumpitur inuidia, quòd sum incundus amicis ,
 Quòd conuina frequens, rumpitur inuidia .
 Rumpitur inuidia, quòd amamur, quòdque probamur ,
 Rumpatur, quisquis rumpitur inuidia .*

Et apud insignem Vatem EMMANVELEM THE-
 SAVRYM , in Epigr.

De S. IGNATIO ANTIOCHENO
 incenso charitatis ardore .

*Ignis erat, dabat ore rogos , dabat ore fauillas :
 Frigora depulerat mentibus, ignis erat .
 Ignis erat , quamuis liquidis equitaret in undis ,
 Demersusq. freto cresceret, ignis erat .
 Ignis erat ; fugit obiectum Leo territus ignem ,
 Quem tetigisse negat dentibus , ignis erat ,
 Ignis erat , tandemque feras accendit in ignem :
 Pulvere in exiguo desijt, ignis erat ,*

Et

Et apud OCTAVIUM TRONSARELLUM ,
in Epigr. cuius lemma ,

Omnia caduca .

Occidit omne decus ; Lacedæmonis Arce palestra

Fraße in se recubant ; occidit omne decus .

Occidit omne decus ; stabili iacuerunt sepulcro

Ogygiæ Turres ; occidit omne decus .

Occidit omne decus ; summo Rhodos aurea Phæbo

Obruitur dumis ; occidit omne decus .

Occidit omne decus ; clare viguere Mycenæ ,

At nunc caligant ; occidit omne decus .

Eadem Repetitio est in hoc meo Epigram.

in ea verba S. PAVLI .

Viuo autem, iam non ego ; viuit verò

in me Christus .

Viuo ego , non ego iam : mors est mihi viuere terris ;

Vita mihi est Christus : viuo ego , non ego iam .

Viuo ego , non ego iam : sum Paulus ; Saulus at olim :

Non sum , qui fueram . viuo ego , non ego iam .

Viuo ego , non ego iam : vita hæc , haud vita per ennē

Optanti vitam : viuo ego , non ego iam .

Viuo ego , non ego iam : nam quæ mihi vita retento

Mortali vita ? viuo ego , non ego iam .

Apud eundem MARTIALEM in Epigram. xcix.
lib. vii. eadem est Repetitio principij Hexametri in
principio aliorum Hexametrorum , sed in Pentame-

D . tris

tris est iuxta finem ; in fine autem diuerſa eſt .

AD PONTICVM.

Pontice, per reges diſcurris, & omnia luſtras :

Magna quidem ſequeris, Pontice, magnus homo es.

Pontice, ſi qua facis, ſine teſto facis, ſine turba :

Non adhibes multos ; Pontice, cantus homo es .

Pontice, te celebrem formâ natura creauit :

Dignus eras Helenâ ; Pontice, pulcher homo es .

Pontice, voce tua poſſes adamanta mouere :

Vox tua dulce ſonat; Pontice, dulcis homo es.

Pontice, ſic alios, ſic re quoque decipit error:

Viſ, dicam verum ? Pontice, nullus homo es .

Narratio ex Repetitione

*diuerſi ſinis Hexametri in principio omnium
Hexametrorum .*

**Eſt apud AVSONIVM GAILVM, cum vocibus
monosyllabis .**

*Res hominum fragiles alit, & regit, & perimit fors.
Fors dubia, æternumq; labans, quam blanda fouet ſpes,
ſpes nullo ſinita æuo, cui terminus eſt mors,
Mors auda, inferna mergit caligine quam nox,
Nox obitura vicem, remeauerit aurea quum lux,
Lux dono conceſſa Deum, cui præuius eſt Sol,
Sol, cui nec furto Veneris latet armipotens Mars,
Mars nullo de patre ſatus, quem Threſſa colit gens,
Gens infrena virum, quibus in ſcelus omne vnit fas .*

Fas

*Fas hominem mactare sacris ferus iste loci mos .
 Mos ferus audacis populi , quem nulla tenet lex ,
 Lex , naturali quam condidit imperio ius ,
 Ius genitum pietate hominum , ius certa Dei meus ,
 Mens , quæ caelesti sensu rigat emeritum cor .
 Cor vegetum mundi instar habens , animæ vigor , ac vis .
 Vis tamen hæc nulla est . verum est iocus , & nihili res .*

Sentis, Lector, quàm placidè influant in aures superiora carmina , licèt cum vocibus monosyllabis ? præsertim vltimum , quamvis in eo plurima sint monosyllaba ? oritur id nimirum ex apta pedum constitutione, & iunctura . Obserua igitur, & imitare, ne ipsiſ abutens , ridiculus sis : atque ea lege , quæ de monosyllabis scripsimus Capite superiore .

*Narratio ex Repetitione
 eiusdem finis Hexametri , ac postea diuersi
 in fine Hexametrorum .*

Apud MARTIALEM in Epigr. IX. lib. VII.
 IN OLV M.

*Altereatur Oros, spoliat Linus : Ole, quid ad te ,
 De cute quid faciat ille , vel ille sua ?
 Centenis ludiz Martho millibus : Ole, quid ad te ?
 Non tu propterea , sed Martho pauper eris .
 In lucem cænat Sertorius : Ole, quid ad te ?
 Cum liceat tota stertere nocte tibi ?*

Septingenta Tito debet Lupus: Ole, quid ad te?

Assen ne dederis, crediderisue Lupo.

Illud dissimulas, ad te, quod pertinet, Ole,

Quodque magis curæ convenit esse tuæ.

Pro rogula debes: hoc ad te pertinet, Ole:

Quadrantem nemo iam tibi credet: & hoc.

Vxor prava tibi est: hoc ad te pertinet, Ole:

Poscit iam dotem filia grandis: & hoc.

Dicere quindecies poteram, Quid pertinet ad te.

Sed, quid agas, ad me pertinet, Ole, nihil.

Narratio ex Repetitione

principij Pentametri in principio Pentametrorum.

Apud MARTIALEM in Epigr. xxiii. lib. ix.

AD PASTOREM.

Credis ob hoc, me, Pastor, opes fortasse rogare,

Propter quod vulgus, crassaque turba rogat:

Vt setina meos consumat gleba ligones,

Et sonet innumera compede Tusculus ager.

Vt Mauri Libycis centum stent dentibus orbes,

Et crepet in nostris aurea lamna toris:

Nec labris nisi magna meis crystallæ terantur,

Et faciant nigras nostra falerna mures:

Vt cæmufinatus nostro Syrus affere sudet,

Et mea sit culto sella cliente frequens:

Vt lutulenta linat Tyrias mihi mula lacernas,

Et Massyleum virga gubernet equum.

Est

*Est nihil ex istis : Superos , ac Sidera testor .
Ergo quid ? ut donem , Pastor , & ædificem .*

*Narratio ex Repetitione
finis Pentametri in fine Pentametrorum .*

Apud MARTIALEM in Epigr. XVI II. lib. II.
IN MAXIMUM.

*Capto tuam , pudet , heu , sed capto Maxime , cæ-
nam :*

Tu captas aliam : iam sumus ergo pares .

Mane salutatum venio , tu diceris isse

Ante salutatum : iam sumus ergo pares .

Sum comes ipse tuus , tumidique anteambulo regis ;

Tu comes alterius : iam sumus ergo pares .

Esse sat est servum : iam nolo vicarius esse :

Qui rex est , regem , Maxime , non habeat .

Hac etiam Repetitione usus est LAVRENTIVS
à S. XYSTO , Capharoniensis , nostræ Religionis ,
in Epigr. in hæc verba : *Vale , ò valde decora .*

Inclyta progenies antiquo è germine Regum

Orta , decus Patrum , Virgo decora , vale .

Gloria Virginei cætus , honor unicus Orbis ,

Cælituum splendor , Virgo decora , vale :

Virgo vale , nullo prorsus maculata reatu ,

Moribus Angelicis , Virgo decora , vale .

Iustitiæ speculum , veræ probitatis imago ,

*Normaque virtutum, Virgo decora, vale.
 Altera lux mundi, pariens Aurora supernum
 Iustitia Solem, Virgo decora, vale.*

Hæc eadem *Repetitio* cernitur in hoc meo *Epigrammate*; quæ *Repetitio* constat ex his duobus vocabulis ROMA PETRI, à me per purum *Anagramma* textis, ex litteris sequentis vocabuli, IMPERATOR.

De nece D. PETRI Apostoli
 AD NERONEM IMP.

Non tua; Roma Petri, Nero barbare, quem cruce mactas.

Hostis tu Rome: non tua; Roma Petri.

Hostis tu Rome, Pater hic: pia dogmata pandens

Hanc genuit Cælo. non tua; Roma Petri.

Quid tibi nex Petri prodest, Nero? clamat honoris

Ecce tui nomen nunc quoque: Roma Petri.

Et in hoc altero *Epigr.* ad PETRUM ab ANNUNCIATIONE Brixientem, meum olim Præceptorem.
 De maxima hominis stoliditate.

Quid non in terris homini dat nuncia mortis?

Exclamant passim cuncta: memento mori.

Templa operosa iacent: fortissima quæque procumbunt.

Rudera & exclamant ipsa: memento mori.

Ipsæ

*Ipsi etiam laceri ornatus , demus ipsa delibescens ,
 Quo datur , exclamant ore : memento mori .
 Sulcati vultus , febres validaeque , malorum
 Plurima & exclamat turba : memento mori .
 Vsq̃ue manus , quibus est sita lictera mortis , aperta
 Omnibus exclamant , Petre : memento mori .
 Atque horis vita resonant dum concaua lapsis
 Altius exclamant ara : memento mori .
 Et tibi , nate , parens ; sponsus tibi , mortis agoni
 Proxinius exclamat , Sponsa : memento mori .
 Maiorique minor fata vltima nunciat ager ,
 Parque pari : exclamant cuncta : memento mori .
 Sic tamen exclament homini licet omnia , trunco ,
 Vel saxo assimilis , percipit ille nihil .*

*Narratio ex Repetitione
 diuersi finis Pentamettri
 In principio Hexametrorum .*

*Pulcherrima est hæc Repetitio apud egregium va-
 rem. OCTAVIVM BOLDONIVM ex Cler. Reg. S.
 Pauli, postea Episcopum , in sequenti Ep.*

De D. ALEXIO fugiente .

Euphemianus pater queritur .

*Flete meos casus , nati deflete parentes .
 Incassum vino : spes abiere mea .*

Spes abiere mea: crescunt, mærorque, dolorque:
Quid mihi, me miserum, quid mihi fiet? ait.
Quid mihi fiet? ait: iam tollite fata parentem:
 Lux fugit infelix: spes mea sola fugit.
 Spes mea sola fugit. Patrem cur linquis, Alexi?
 Dent mihi fata citam, te fugiente, fugam.

*Narratio ex Repetitione
 totius Pentametri.*

Apud MARTIALEM in Epigram. xci.
 lib. vii.
 IN BACCHARAM.

*Si quid opus fuerit, scis me non esse rogandum,
 Bis nobis dicis, Bacchara, terque dic.*
Appellat rigida tristis me voce Secundus;
Audis, sed nescis, Bacchara, quid sit opus.
Pensio te coram petitur, clarèque, palamque:
Audis, sed nescis, Bacchara, quid sit opus.
Esse queror, gelidasque mihi, tristesque lacer-
nas:
Audis, sed nescis, Bacchara, quid sit opus.
Hoc opus est, subito fias ut fidere mutus,
Dicere ne possis, Bacchara, quid sit opus.

Narratio

Narratio ex Repetitione.

unius vocis, vel plurium in diuersis carminum locis.

Apud MARTIALEM in Epigr. Lxxx. lib. I.

AD ATTALVM

Semper agis causas, & res agis, Attale, semper:

Est, non est, quod agas, Attale, semper agis.

Si res, & causæ defunt, agis, Attale, multas.

Attale, ne quod agas desit, agas animam.

In quo Epigrammate, licet breuissimo, ter positum aduerbium, *semper*, septies verbum, *ago*, bis, nomina, *causæ*, & *res*; quater nomen, *Attalus*, bis verbum, *sunt*. in ipso quoque iteratur coniunctio, &, & nomen, *quod*, & verbum *desunt*. Quorum omnium repetitione venustissimum euasit Epigramma.

Et apud eundem in Epigr. VII. lib. II.

In eundem ATTALVM.

Declamas bellè: causas agis, Attale, bellè;

Historias, bellas, carmina bella facis.

Componis bellè mimos, Epigrammata bellè:

Bellus grammaticus, bellus es Astrologus.

Et bellè cantas, & saltas, Attale, bellè;

Bellus es arte lyre, bellus es arte pile.

Nil bene cum facias, facis attamen omnia bellè.

Vis, dicam, quid sis? magnus es ardelio.

Et

Et apud me in Epigr.
in laudem CLEMENTIS IX. Pont. Max.

*Qui factis clemens, nunc est quoque nomine Clemens :
Quàm bene Clementis, quàm bene nomen habet .
Clementem semper clementia facta probarunt :
Clementis nomen, cui pia facta, decet .*

Et in duobus quoque meis sequentibus .
Amans est amens .

*Cum sit Amans amens, Amentem dicito Amantem .
Aptius Amentis voce notatur Amans .*

Opto, & poto .

*Opto parit poto, praeat si littera : poto
Opto parit, pariter littera si praeat .
Sic quoque praeposito generosi munere Bacchi
Optans, & potans, potat, & optat ualuit .*

LOCVS II.

Narratio ex Similitudine

Apud MARTIALEM in Epigr. LIV. lib. I.
AD FIDENTINVM.

*Vna est in nostris tua, Fidentine, libellis,
Pagina, sed certa domini signata figura ;*

Qua

*Quæ tua traducit manifesto carmina furto .
 Sic interpositus vitio contaminat uncto
 Urbica Lingonicus Tyrianthia bardocucullus :
 Sic Aretina violant crystallina teste ;
 Sic niger , in ripis errat cum forte Caystri
 Inter Ledeos ridetur cornus olores :
 Sic , ubi multisona feruet sacer Arthide lucus ,
 Improba Cæropias effundit pica querelas .
 Iudice non opus est nostris , nec vindice libris :
 Stat contra , dicitque tibi tua pagina: fur es .*

Et apud eundem in Epigr. LXXIII. lib. eiusd.
 Ad eundem FIDENTINVM .

*Nostris versibus esse te portam ,
 Fidentine , putas , cupisque credi ?
 Sic dentata sibi videtur AEgle ,
 Emptis ossibus , Indicoque cornu :
 Sic , quæ nigrior est cadente moro ,
 Cerussata sibi placet Lycoris .
 Hac & tu ratione , qua Poeta es ,
 Caluus enim fueris , eris comatus .*

Et apud GVILIELMVM BLANCVM Albiensem I.C.
 in Epigr. De Roma .

*Vnus ut est Phoenix , longe post temporæ vita
 Qui rapido incensus solis ab igne perit .
 Et cinere è proprio sese ipse refeminat ales*

*Atque illi è tumulto vita renata redit ;
 Vnica sic Roma est , longos quæ firma per annos
 Incensa hostili sæpius igne fuit .
 Illa , sed è proprijs fuit instaurata ruinis ,
 Atque è ruderibus post reparata fuit .*

Eadem vsus est similitudine IANVS CASPERIVS
 GEVARTIVS , Antuerpiensis in Epigr.
 In honorem FRANCISCI SVVERTII Antuerpien-
 sis , monumentorum , ac inscriptionum
 editoris .

*Fama est , è proprio Phœnicem surgere busto ,
 Atque iterum nasci parturiente rogo .
 Sic quoque dum tumulos , venerandaq. busta recenset
 Suvertius , & medijs eripit è tenebris ,
 Nominis æterna victurus laude , parauit
 Immortale sibi , perpetuumq. decus .
 Vosq. nouum meritò Phœnicem hunc dicite Belge ,
 Cui venit è tumulis non miriturus honos .*

Et apud elegantissimum , & venustissimum Vatem
 AVRELIVM VRSIVM ,
 in Epigrammate
 In obitum IO. BAPTISTAE MAINI .

*Quid te , Maine puer , toto Sol vidit in Orbe
 Pulchrius ? ah , quid nunc tristius orbe videt ?
 Talis eras , roseo qualis Venus aurea nimbo
 Prodit , & Eoo mane reuēta dies .*

Ant

*Aut ubi virgineus ridet pudor, aut ubi vernant
Candida purpureo liliâ tincta croco.*

*Arrisit mirata decus Cytherea : sed , ehcu ,
Quàm breue ! nunc optat, te moriente, mori .*

Et apud IO. BATISTAM BARGIOCCHVM ,
Societatis Iesu, in Epigrammate, in quo
Sedens ad ripas fluminis , vitam suam illi similem
esse dicit .

O tibi quàm similis vitrei sum fluminis unda !

Tu resonas lento murmure ; at ipse gemo .

Sapiens clato superas tu gurgite ripas ;

Sapè mihi lacrymis ora, sinusq. tument .

Lucida lympba tibi summa est, cœnosa, sed ima :

Et mea si vident ora, cor usque gemit .

Tu mutos pisces limoso claudis in alueo :

Sed tacitas curas & mea corda fouent .

In gelido muscosa sinu tu saxa recondis :

Mille meum pectus saxa doloris habet .

Ceu tu declini semper petis æquora cursu :

Ad mare lethæum sic mea vita fugit .

Te recipit gremio pontus sine fine fluentem :

Me tandem excipiet terra benigna sinu .

Et apud me in Epigrammate

De Cruce Christi .

In tumido ceu cymba mari , spumantibus undis ,

Quas fera ventorum flamina ad astra ferunt ,

Remis

*Remis frangit aquas , pelagique pericula videns ;
 Optati portus littora fida petit ;
 Sic homo , cymba velut , tumido mundi aquore , Cali ,
 Cum cruce , cœu remis , littora tutus adit .*

Et in hoc altero ad meum olim Auditorem **FRAN-**
CISCVM DE AGRATIS , ex Ordine Fratrum
 Prædicatorum ,
 De hominibus , non virtutes spectantibus , sed vitia
 solum iatuentibus , & exprobrantibus .

*Fulgentes radios , nitidissima lumina findit
 Phæbus , & inmodico cuncta nitore beat ,
 Quot tamen , ô Francisce , oculos attollere cernis ?
 Tam pulchram speciem cernere rarus amat .
 Denigrat eclipsis quod si caligine Phæbum ,
 Quisque oculos centum , cœu vigil Argus , habet .
 Sic laudant vari virtutum luce nitentem ;
 Si quo nigrescat crimine , quisque notat .*

Delectant valdè superiora Epigrammata per *Similitu-*
dinem ; sed magis delectant ea , ac magis ingenio-
 sa sunt , in quibus *verba verbis ex similitudine con-*
feruntur ; cuius generis est Epigramma **TITI**
STROZAE ,

AD ANTONIVM .

*Accipe inuaditi formam maris , & mea quali
 Cymba fœ , Antoni ; strata magisterio .*

*Vnda hic sunt lacrymae , venti suspiria , remi
 Vota , error velum , mens male sana ratis ,
 Spes temo , cura comites , constantia amoris .
 Est malus , dolor est anchora , nauita amor .
 Adde , quod est portus reliquis maribus : mare nostrum
 Non tantum portu , sed statione caret .*

Et Distichon IOANNIS OVVENI , quo describitur
 Sagittarius caelestis .

*Certa sagitta fides , nervus tibi spes , amor acrcus ;
 Sitque tibi Caelum meta , si opusque Deus .*

Huc refertur Epigramma , quod ingeniosè composuit
 Discipulus olim meus IOSEPH. à CONCEPTIONE
 B. V. Romanus ex nostra Religione ,
 De B. VIRGINIS Assumptione .
 In illa Salomonis verba : Facta est quasi navis .

*I, Virgo, i Navis : tandem solatia portus
 Excipe : vade ; Polo pace fruarè tua .
 Oceanus tumeat mundus , bacchentur Auerni
 Aëolides ; latret Scylla , Charybdis hiet .
 Tu tibi Navis ades : vigilat naucletus in hostes
 Cor : regit alma fides temo , rudensque preces .
 Remige pro valido cordis suspiria certant ,
 Vrna Polus tutum nautica monstrat iter .
 Malus amor , mens vela , secat constantia rostrum ,
 Anchora spes anipiat , vota que remus agunt .*

Acce-

*Accelerant cursum venti firmata voluntas ,
 Ac patiens animus saxa retundit aquis .
 Puppis eat vitrix ; superi dent fertaque Navi ,
 Instabiles quoniam firma retundit aquas .
 Annuit Omnipotens . Cælestes attigit oras :
 Sic Navi placidus portus Olympus adest .*

*Huc referuntur etiam inea duo , quæ sequuntur
 Epigrammata .*

*In Insigne Academiæ Variorum Romane ,
 In progressum studiosæ Iuventutis à me erectæ ,
 in quo Iris :*

*Sole, & Nube oritur, quæ stemmate cernitur Iris :
 Sole Deum, Mariam noscere Nube potes .
 Iris es , ò Iuuenis , Sole hoc, hac nube colores
 Mille trahens Sophiæ : tu, velut Iris ades .
 Felix : ficta tibi non Musa , aut fictus Apollo
 Carmina dat : Maria est Musa, & Apollo Deus .*

*Ad mæstos quosdam Librarios
 triremis pœna mulctatos , quòd vetita scripserint .*

*Improba vos meritò tradit scriptura triremi :
 Nunc meritò pœnas improba dextra luit .
 Ferte tamen leti : vobis, calamusque, liquorque :
 Fit calamus , remus : fit liquor, humor aquæ .
 Charta , mare est amplum: metus absit: scribite tuti :
 Exagitata legi non sinet vnda notas .*

LOCVS

LOCVS III.

Narratio ex Comparatione .

Apud MARTIALEM in Epigr. VII. lib. I.
De Leone Cæsaris .

*Aethereas Aquila puerum portante per auras ,
Illesum timidis vnguibus hæsit onus .
Nunc sua Cæsareos exorat præda Leones ,
Tutus & ingenti ludit in ore lepus ,
Quæ maiora putas miracula ? Summus utrique
Auctor adest : hæc sunt Cæsaris , illa Iouis .*

Idem MARTIALIS in Epigr. LXXIX. lib. X.
utitur Narratione per Comparationem, sed ridiculam ,
& ineptam , ut illudat OTACILIO .

DE TORQUATO , & OTACILIO .

*Ad lapidem Torquatus habet prætoria quartum :
Ad quartum breue rus enit Otacilius .
Torquatus nitidas vario de marmore thermas
Extruxit : cucumam fecit Otacilius .
Disposuit Daphnona suo Torquatus in agro :
Castaneas centum seuit Otacilius ;
Consul Torquatus : vici fuit ille Magister ,
Nec minor in tanto visus honore sibi .
Grandis ut exiguum bos ranam ruperat olim ,
Sic, puto, Torquatus rumpet Otacilium .*

E

Narra-

Narratio per Comparisonem

Est etiam apud politissimum Vatem HIPPOLYTVM CAPILVPVM Episcopum Fanensem .

In Epitaphio FERRANDI Gonzagæ .

*Mantua Virgilij claro se nomine iactat ,
 Ferrandique simul laude superba sui est .
 Illi fronde sua deuinxit tempora Phæbus ,
 Huic cinxit proprio Mars ferus ense latus .
 Ille animi morbos cythara procul ire coegit ,
 Inque fugam curas , carminis arte , dedit .
 Hic dextra hostiles disiecit sæpè phalanges ,
 Atque noua belli reppulit arte Duces .*

Et in Epigrammate , quod ego in laudem

SOCIETATIS IESV

compolui causa subsequens Anagrammatis, à me
 deducti ex duabus his vocibus ,

SOCIETAS IESV.

Anagramma purum .

CEV IOSIAS EST.

IOSIAS antem resonat , Ignis DOMINI .

*Paulum Iosie , Prasul bene comparat, aureo
 Largitor summus cui dedit ore loqui .*

Ignis

*Ignē sacro hic ardens, indignas diruit aras ,
 Et statuit vero debita vota Deo .
 Compressitque malos mores, rectosque reduxit ;
 Sic quoque Tarsites feruidus igne Dei .
 Iosie ac similis, quem sacro Ignatius igne
 Inflammat; dici nobilis Ordo potest .
 Hoc igne incensus, quæ non mala depulit Orbe ?
 Quæ bona non Orbi cælica restituit ?
 Iosie similis , semper cælestibus ardet
 Flammis, ut Domini gloria maior ouet :
 Ignati, ceu Iosias est nobilis Ordo :
 Ignē sacro flagrans, ignis hic est Domini .*

Et in hoc quoque meo Epigrammate ,
 ad COSMVM à IESV MARIA , Panormitanum ,
 nostræ Religionis Præpositum Generalem IV.
 IOANNI à IESV MARIA , Segouicensi ,
 Præposito Generali II.
 Persimilem facie , statura, charactere, moribus ,
 & probitate .

*Præpositi os nostri Generalis, Cosme, secundi ,
 Et grauis, & placidus tu satis, ore, refers .
 Nec tantum facies ; statura, idemq. character
 Illi persimilem te quoque, Cosme facit .
 Quodq. illustre magis, magis & memorabile, eundem
 Moribus assimilas, ac pietate senem .
 Vna ætate minor, differs: septena peregit
 Lustra bis ille, tibi lustra peracta decem .*

*Cosme , tamen quisquis tua plurima facta recēset ,
Longæum pariter te putat esse senem .*

LOCVS IV.

Narratio ex Contraposito .

*Contrapositum , Græcè , Antitheton , est, cum contra-
ria superioribus opponuntur, vel quasi contra-
ria : Hoc autem tum in verbis est, tum in
Sententijs , vt sequentibus patebit
exemplis .*

*Per Contrapositum procedit
Apud MARTIALEM Epigr. xLvii. lib. xii.
in habentem varios mores .*

*Difficilis, facilis, incundus, acerbus es idem :
Nec tecum possum viuere, nec sine te .*

*Et apud PICTORIVM Epigramma
DE CHRISTO CRUCIFIXO .*

*Mc lege , quisquis ades , si qua est tibi cura salutis ;
Si tua diuinus pectora tangit amor .
Ecce Cruci affixum, quo cuncta mouente mouentur ;
Cuius cuncta bibunt fontibus, ecce sitit .
Qui fabricat brutis, auibusque sedilia , pendens ,
Nil , sua quo cervix sustineatur, habet .
Est nudus largitor opum ; speciosior astris
Linet ; Et est iustus victima pro scelere .*

Qui

*Qui dat sceptrâ, gerit de sentibus, ecce, coronam :
 Latrones inter gloria summa probro est :
 Quique refrigerium est, ipse est solaminis expers ;
 Et vitæ dominus mortuus ipse iacet .
 Hæc dixisse velim ; sed tu memor esto , tot , atque
 Tanta , tua causa sustinuisse Deum .*

Ac de eodem CHRISTO Cruci affixo Epigramma
 meum, in quo homo ad eum conuersus
 sic loquitur .

*Cui tua summa , Deus , pietas non laude peren-
 net ?*

*Totus amor , Deus , es, Deus, es clementia totus ;
 Nonne ego dignus eram cadis , qui crimine multo
 Te lesi infontem , immerita qui cæde peremi ?*

*Tu tamen , ora licet vexarim felle , & aceto
 Impius ; extendi quamquam atrox brachia, palmas
 Affigens, clavisque pedes in stipite fixi ,
 Atque oculos tandem obtexi lethalibus umbris ;
 Tu tamen (ô pietas ! video, agnoscoque, probaque)
 Occlusis oculis melius me respicis, atque*

*Affixis pedibus , properas velocius ad me ,
 Meque mage adstringis , tibi dum mage brachia
 passa ,*

*Languidaque ora gerens , ardentius oscula iun-
 gis .*

Vide quoque de CHRISTO CRVCIFIXO præclarum Epigramma THOMAE PORCACII, quod affero CAP. VI. LOCO IX. Ex Enumeratione
Nominum præpositorum.

Venusta est etiam ex hoc loco deducta Narratio à IOVIANO PONTANO, à quo sic loquens inducitur homo mendicus iam tumulatus.

*Nulla mihi uiuo domus, at nunc certa sepulto est :
 Vitaq. paupertas, mors mihi diuitie.
 Vita mihi exilium, requies at certa sepulcrum.
 Nudus eram uiuus, mortuus ipse tegor.*

Et à CAROLO BOVIO Soc. Iesu, qui sic loquentem induxit S. IGNATIVM LOYOLAM, cælestibus perfusum delicijs, dum sacra Palæstinae loca perlustraret.

*O mihi amara nimis, nimiùm quoque dulcis Idume,
 Quæ tristi è Domini funere mella liquas.
 Mella sed hæc mortem dura hac in morte propinant;
 Inde fruens patior, & patiendo fruor:
 Dulcedo fit amara mihi, fit dulcis amaror,
 Et mihi amaror amans ut fit amarus amo.
 Sed mihi amara iubet, Iesu, hæc dulcescere: amoris
 Factus enim dulci est syncope amaror amor.*

Ex Contrapósito procedit quoque hæc meum
 Epigramma

Ad

Ad stultam Iuuentutem .
pulchritudinis, cultusque corporis amantem ,
non animæ .

*Heu, nimis infelix, iuuenisq. insane, decorem ,
Cui tantùm vili corpore inesse placet .
Quid iuuat ornata, nitidaq. incedere veste ?
Quid uè iuuat forma querere munditiem ?
Quid iuuat & nimio studio componere crines ?
Spargere quid Tyrio corpus odore iuuat ?
Ecce tuæ est animæ , pulchræ virtutis amictus .
Nullus , mundities nulla , nec ullus odor .
Nuda, lutosâ iacet , scelerumq. immunda Mephitis
Exhalat , fœdam tu tamen esse sinis .
Quid querar hic ultra ? mundus tibi calceus ut sit
Curas , cura animæ non tamen ulla tuæ .
Infelix iterum nimis, insanusque vocandus :
En tibi præfertur calceus vsque animæ .*

Si huius generis alia, Lector, exempla desideras , vi-
de infra , Loco VI II. vbi agitur de *Aenigmate* ,
quod ex *Contrario* est maximè ingeniosum .

L O C V S V.

Narratio ex Parodia .

Hæc vox Græca, *Parodia* , à Latinis dicitur *Imitatio* ;
eaque fit , cum alicuius Poetæ breue aliquod di-

ctum, vel integra compositio, in diuersum sensum,
aut etiam contrarium, paucis paululum immu-
tatis, ingeniosè transfertur.

Exemplum breuis dicti per *Parodiam* immutati, est
apud MARTIALEM in Epigrammate infra-
posito Cap. v. inter Epigrammata ex *Con-
trario* conclusa: nam carmen hoc
OVIDII (vt ipse putat) ponitq.
in illius Epigram. initio.

Ride, si sapis, ò puella, ride
ita conuersum in conclusione constituit.

Plora, si sapis, ò puella, plora.

Iucundissima sunt Disticha, per *Parodiam* inuersa,
quæ in sua *Metametrica* ponit Præsul mei aman-
tissimus, IOANNES CARAMVEL, qui
sapiantissimus Senex, Poeticis interdum compositi-
onibus, grauioribus studijs defessus leuare se
solet; quorum hoc vnum clausum inuerso solùm
verbo sequentis carminis OVIDII.

Res est solliciti plena timoris amor.

Parodia.

Naufragium subeant alij, te vina repossunt:

Res est solliciti plena timoris aqua.

Sed vsitatior est *Parodia*, mihi que magis arridet, quæ
procedit tota per se, nullis alijs præpositis, aut
postpositis carminibus; qualis est in sequen-
tibus distichis, quæ ibidem leguntur.

E N-

E N N I V S.

*Vnus homo nobis cunctando restituit rem :
Non ponebat enim rumores ante salutem .*

Parodia .

*Vnus homo nobis potando destituit rem :
Non ponebat enim rumores ante salutes .*

O V I D I V S.

*Omnia si pereant, famam servare memento ,
Qua semel amissa , postea nudus eris .*

Parodia :

*Omnia si pereant , vinum servare memento ;
Quo semel effuso , postea siccus eris .*

Idem OVIDIVS.

*Dum fueris felix , multos numerabis amicos :
Tempora si fuerint nubila , solus eris .*

Parodia .

*Copia dum fuerit vini , numerabis amicos :
Si non sit vini copia , solus eris .*

Talis

Talis est etiam Parodia HENRICI STEPHANI
ad sequentes versus CATVLLI.

De morte Passeris.

*Lugete, ò Veneres, Cupidinesque,
Et quantum est hominum venustiorum:
Passer mortuus est mee puella,
Quem plus illa oculis suis amabat.
Nam mellitus erat, suamque norat
Ipsam tam bene, quam puella matrem:
Nec se se à gremio illius mouebat,
Sed circumfiliens modò hùc, modò illùc,
Ad solam Dominam usque pippiebat.
Qui nunc it per iter tenebricosum,
Illùc, unde negant redire quemquam.
At vobis malè sit, mala tenebre
Orci, quæ omnia bellà deuoratis,
Tam bellum mihi Passcrem abstulistis.
O factum malè, ò miselle Passer:
Tua nunc opèra, mee Puella,
Flendo turgiduli rubent ocelli.*

Parodia

HENRICI STEPHANI.

De morte ebriosissimi Iuuenis.

*Lugete, ò calices, cupidinesque,
Et quantum est hominum bibaciorum:*

Vester

*Vester mortuus est sodalis ille ,
 Quem plus quisque oculis suis amabat .
 Nam Rex vester erat , suumque norat
 Bacchum tam bene , quàm puella matrem :
 Neò se se à Bromio suo mouebat ,
 Sed circumspiciens , modò hùc , modò illùc ,
 Ad sola illius arma gestiebat .
 Qui nunc it per iter siticulosum ,
 Illùc , vina negant ubi videri .
 At vobis bene sit , bonæ tenebræ
 Orci , quæ hæc citò monstra deuoratis .
 Tam fædum barathrum meri abstulistis .
 O factum bene , ò bonæ tenebræ :
 Vestra nunc opera improbo biboni
 Vini perniciæ haud rubent ocelli .*

Ac talis est Parodia IO. ALOYSII CERCHIARII,
 ad MARTIALIS Epigram. iv. lib. i.
 quo sic affatur Librum suum .

*Argiletanas manis habitare tabernas :
 Cum tibi , parue liber , scrinia nostra vacent .
 Nescis , heu , nescis dominæ fastidia Romæ :
 Crede mihi , nimium Martia turba sapit .
 Maiores nusquam ronchi : iuuenesque , senesque ,
 Et pueri nasum Rhinocerotis habent .
 Audieris cum grande Sophos , dum basia captas ,
 Ibis ab excusso missus in astra sago .
 Sed tu , ne toties domini patiare lituras ,
 Nèue notet lusus tristis arundo tuos ,
 Aethe.*

*Aetherias, incaute, cupis volitare per auras :
I, fuge; sed poteras tutior esse domi.*

Hoc Epigramma CERCHIARIUS per Parodiam
ita vertit, Patrem cum Filio Prodigio
sic loquentem inducens.

*Immundas, fili, manus habitare tabernas,
Cum tibi, cum servis atria nostra vacent.
Nescis, heu, nescis peregrina incommoda vita :
Crede mihi, nimium membra fatigat iter.
Cum varias tandem mundi percurreris oras,
Solutus, lassus, inops, patria tellus petes.
Sed tu, ne toties vocem patiare monentis,
Neve notet lusus virga paterna tuos,
Longinquas, incaute, cupis volitare per urbes :
I, fuge, sed poteras tutior esse domi.*

Per Parodiam etiam, IOSEPH à IESU MARIA nostre
Religionis, Lucensis, meus quondam Discipulus,
cuius mihi in carmine gratia, & acumen non
parum arridet, iuuenis maximæ expectatio-
nis, hoc MARTIALIS Epigram. VI II.
lib. in Amph. Cæf.

DE DAEDALO.

*Dædalæ, Lucano cum sic lacereris ab urso,
Quàm cuperes pennas nunc habuisse tuas.*
Sic

Sic bellè inuertit ad ICARVM.

*Icare , ceruleis cum sic rapiaris ab undis ,
Quàm cuperes pennas non habuisse tuas .*

Ipse non semel vsus fui *Parodia* , vt in Epigrammate
subsequenti , quo respondi ad hoc IANI
NICII ERYTHRAEI Epigr.

*Tollere sublimem quid me conaris ad astra ,
Quem fama exiguum , serpere cernis humi ?
At dedit ipse quidem tibi carminis auctor Apollo
Inclyta Magnorum pangere facta virum .
Grandia sume igitur , paruis , lenibusq. relictis :
Ille tuas vires , ingeniumque decent ,*

Ita enim ipsum conuerti , eius verbis maximè
inhærens .

*Tollere sublimem quid te non coner ad astra ,
Qui , fama eximius , serpere spernis humi ?
Nam dedit ipse tibi Romani Tullius author
Eloquij , mirè promere facta virum .
Grandem fama igitur te tollere ad astra relinquam ?
Ista tuas vires , ingeniumque decent .*

LOCVS VI.

Narratio ex Hyperbole.

Apud MARTIALEM in Epigram. vi. lib. xi.
in laudem NERVAE TRAIANI.

*Tanta tibi est recti reuerentia, Caesar, & equi,
Quanta Numæ fuerat; sed Numa pauper erat.
Ardua res hæc est, opibus non tradere mores,
Et cum tot Cræsos viceris, esse Numam
Si redeant veteres, ingentia nomina; patres,
Elysium liceat, si vacuare nemus;
Te volet inuictus pro libertate Camillus,
Aurum Fabricius te tribuente volet.
Te duce gandeat Brutus: tibi Sylla cruentus
Imperium tradet, cum positurus erit.
Et te priuato cum Cesare Magnus amabit;
Donabit totas & tibi Crassus opes.
Ipse quoque infernis reuocatus Ditis ab undis,
Si Cato reddatur, Caesarianus erit.*

Vt verò in superiori Epigr. MARTIALIS excedit in
augendo, ita in Epigr. xix. lib. eiusdem excedit
in minuendo: in quo etiam excessu
versatur *Hyperbole*.

En ipsum Epigramma.

IN LVPVM.

Donasti, Lupe, rus sub Vrbe nobis;
 Sed rus est mihi mains in fenestra.
 Rus hoc dicere, rus potes reuocare?
 In quo ruta facit nemus Diane,
 Argutæ regit ala quod cicadæ,
 Quod formica die comedit uno,
 Clausæ cui folium rosæ corona est.
 In quo non magis inuenitur herba,
 Quam costi folium, piperue crudum:
 In quo nec cucumis iacere rectus,
 Nec serpens habitare tota possit.
 Erucam malè pascit hortus unam;
 Consumpto moritur culex faliçto;
 Et talpa est mihi fossor, atque arator;
 Non boletus hiare, non mariscæ
 Ridere, aut violæ patere possunt.
 Fines mus populatur, & colono
 Tamquam sus Calydonius timetur,
 Et sublata volantis ungue Procnes
 In nido seges est hirundinino.
 Vix implet cochleam peracta messis,
 Et mustum nuce condimus picata.
 Errasti, Lupe, littera sed una;
 Nam quo tempore prædium dedisti,
 Mallem, tu mihi prandium dedisses.

Vtriusque etiam Excessus exemplum inueni inter
 Epigrammata M. ANTONII MVRETI, sic
 enim hic per *Hyperbolen* augendo, agit
 De POMPILII naso.

*Pompilio est nasus, cubitos tres longus, & unum
 Latus, & hunc murus cingit utrinque triplex.
 Adsunt & turres, Bacchus quas condidit ipse,
 Et minio tinctis usque rubere dedit.
 Huic etiam naso vis admiranda tributa est,
 Nam calices siccos illius umbra facit.
 Imò etiam longè distans si senserit usquam,
 Ut magnes ferrum, sic trahit isie merum.
 Nuper etiam in mensa sitiens, potare paratus;
 Pompilius clausas astitit ante fores.
 Mira canam, sed vera; merum mihi forte paratum,
 Attraxit naso protinus ille suo.*

Per *Hyperbolen* autem diminuendo,
 ita loquitur
 In PAVLI nasum.

*Exiguum si quis nasum vidisse laborat,
 Paulum adeat, Paulo si modò nasus inest.
 Non etenim est nasus, sed pars centesima nasi,
 Et quo quis viso dicere possit: ubi est?
 Talis inest nasus muscis, sed & his quoque maior,
 Et melius nasi nomine dignus inest.*

Quàm

*Quàm quæ per radios volitant corpuscula Solis ;
Maiorem nasum vix, puto, Paulus habet .*

De naso quoque est Narratio per Hyperbolen apud
HIERONYMVM ALEANDRVM venustissimum
Vatem in sequenti Epigram.

De DIPHILI naso .

*Non Diphilus nasum, Diphilum sed ferre videtur
Nasus , nam naso est additus ipse suo .*

*Cumque iter aggreditur , iam millia multa peregit
Nasus, vix Diphilus traxit ab Vrbe pedem .*

Fit nasus mons , cum Diphilus iacet ore supino .

Impositumque Ossæ Pelion astra timent ,

Vt terras adeas, quid opus , Cyllenie , pennis ?

Pro scalis posthac hic tibi nasus erit .

Hyperbolica quoque Narratio est in Epigram.

IOANNIS SECVNDI

De Nano .

Ausus formicæ Nanus conscendere tergum ,

Credebat domito se se Elephante vehi .

At verò, ut cursu fertur nimis illa superbo ,

Infelix media præcipitatur humo .

Calcatuſque miser : Quid rides, inuide, casum

Dixit , communem cum Phaetonte mihi ?

Et in Epigr. IACOBI ROGERII,
In Iuuenem gibbosum, & ad carmen natum.

*Nemo putet veterum fragmenta poemata Vatum,
Veridico Clarij prompta sed ore Dei.
Nemo neget gelide subiectum Pelion Ossæ,
Montibus aggressos, terrigenasq. Iouem.
Nemo Atlanteis suffultum viribus axem;
Lasso humero, Alciden supposuisse suum.
Hic inuenis, quem non frustra natura creauit
Gibbum, humeris musas, ac Heliconæ gerit.*

Præclarum Hyperbolici Epigrammatis exemplum
est apud MAPHAËVM BARBERINVM (qui
postea, VRBANVS VIII.) non tantum summa
Dignitate clarissimum, sed etiam Poësis præ-
stantia celeberrimum.

Statua Niobæ in Hortis Mediceis.

*Bis septem Niobæ natis, orbataq. charo
Coniuge sum, ducto facta rigore lapis.
Ecce tamen spiro; nec enim de marmore finxit
Mè faber, at vitæ reddidit arte noua.
Lumina nō fundunt lacrymas, non marmoris hic est
Candor; hebet tristi pallida membra metu:
Omnis inest sensus, nec linguæ deficit usus:
Sed taceo; timco nam magis cuncta, loqui.*

Superioris Epigrammatis conclusio, in qua linguæ fit mentio, reuocauit mihi in memoriam sex mea Disticha de *Effigie sine lingua*, patefacto ore sic ad viuum expressa, vt loqui sanè velle videretur, quorum tria, vt magis Hyperbolicè composita, hoc loco ponam.

- I. *Vina est Effigies: patefacto expressa fuisset
Si quoque lingua ori, iam foret illa loquax.*
- II. *Vina est Effigies (nec enim dat viuere lingua)
In causa est pictor, si nequit illa loqui.*
- III. *Vina est Effigies: ab aperto emitteret ore
Verba quoq. at linguâ non habet: addet dabit.*

Dabit verba, idest, loquetur, quod est hyperbolicum; at argutior fortassè erit conclusio, si ambiguum hoc, *dabit verba*, accipietur, pro, *decipiet*, neque enim loquetur, cum sit picta. Quod cap. 6. noto', loco II.

Nobilissimum quoque *Hyperbolice Narrationis* exemplum est, HIERONYMI PRAETI hetruscum. Epigramma (breues enim poeticæ compositiones hetruscæ, vulgo, *Sonetti, Madrigali &c.* cum constant ex *Narratione*, & *Argutia*, Epigrammata quædam sunt, vt supra notauimus Cap. I.) *De Equo cursore velocissimo*: Ipsum ego, hetruscè compositum, prius afferam, subdamque deinde in latinam linguam conuersum; vt alia alijs locis, vt eodem Cap. I. pollicitus fui.

*Figlio de l' Aura , emolator de' venti ;
 Cursor veloce , e volator senz' ale ,
 Di cui vola più tardo alato strale ,
 Volan per l' aria i fulmini più lenti .
 Lo tuo corso à mirar corron le genti ,
 Mà per seguir tuo corso occhio non vale ;
 Non corre il Cielo alle tue piante eguale ;
 Men veloce il pensier muonon le menti .
 Tuona il nitrito ; e la ferrata zampa
 Sparge delle fauille i lampi intorno ,
 E pur selce non tocca , orma non stampa .
 Te brama il Sol per lo suo carro adorno ;
 Mà trahendo del dì l' ardente lampa ,
 Briene faresti col tuo corso il giorno .*

*Quam compositionem GVILIELMVS SCARDI-
 NVS , Siculus , egregiè , ita latinè
 conuertit .*

*Aemulus Austrorum , spirantis filius Auræ
 Es Sonipes velox ; nec tenet ala latus .
 Seriùs extortum petit aurca sidera telum ;
 Seriùs emissum fulmen ab axe volat .
 Illicò gens currit , rapida vt vestigia seruet ,
 Non potis est oculis attamen illa sequi .
 Atque tuis pedibus Cælum deuoluitur impar ;
 Impar assensus mens operosa mouet .
 Intonat hinnitus , radios quatit ungula circum ,
 Nec premitur terris ferrea bulla pedis .*

Luci-

*Lucifero expeteret curru te magnus Apollo :
Corriperes cursu sed breuiore diem ,*

Quam etiam PRAETI Compositionem , non minùs egregiè , sic latinè reddidit IOANNES BAPTISTA BARGIOCCHVS Soc. Iesu.

*Filius est Auræ, ventorumque æmulus acer
Qui volat, & terram nec pede signat, Equus .
Cuius anhelantes mirantur lumina cursus ,
Currere sed pariter lumina nulla valent .
Qui pede ferrato , ceu fulgura clara , fauillas
Spargit , & hinnitu, dum fremit ore, tonat .
Quem cuperet proprijs Phæbus iunxisse quadrigis ;
Sed fugerent cursu tunc breuiore dies .*

Video, aliqua à BARGIOCCHO prætermiffa: quod consultò ab eo factum arbitror , erant enim illa nimis Hyperbolica : nimis autem Hyperbolica, aptè quidem in ludicris compositionibus inferuntur , in compositionibus verò minùs ludicris, ineptè: vnde in illis posita concitant risum, in his autem, vt plurimum irrisionem. Lege, quæ de *Hyperbole* admoneo in fine Loc. VI. Cap. VI. vbi de *Hyperbolicis Conclusionibus* .

LOCVS VII.

Narratio ex Allegoria.

Apud MARTIALEM in Epigr. xLv. lib. x.
In delicatum Lectorem.

*Si quid lene mei dicunt, & dulce libelli,
Si quid honorificum pagina blanda sonat,
Hoc tu pingue putas, & costam rodere mauis,
Ilia Laurentis cum tibi demus apri.
Vaticana bibas, si delectaris aceto:
Non facit ad stomachum nostra lagena tuum.*

Et apud eundem in Epigr. Lix. lib. eiusdem.
ad Eundem.

*Consumpta est uno si lemmate pagina, transis,
Et breuiora tibi, non meliora placent.
Dives, & ex omni posita est instructa macello
Cena tibi, sed te mattya sola iuuant.
Non opus est nobis nimum lectore guloso:
Hunc vola, qui fiat non sine pane satur.*

HIERONYMVS BALBVS

Sic allegoricè alloquitur fortunatum, & superbum.

*Dum te parua ratis, dum te leuis aura ferebat,
Et bonus, & placido pectore mitis eras.*

Nunc

*Nunc ubi rostrata ueheris super aquora puppe ,
 Turgida ventosus pectora fastus agit .
 Pendula mens hominum , rebusque elata secundis
 Fallitur, & vana credulitate tumet .*

Atque etiam M. ANTONIVS MVRETVS
 ita in Epigr.

De voluptate , & ratione .

*Cum, velut excelsa residens in puppe , voluptas
 Arbitrio mentem pellit , agitque suo ,
 Horrida bacchantes ineunt certamina venti ,
 Nauemque in Syrtes , & vada ceca trahunt .
 Illinc ambitio, dolus hinc consurgit , & atrox
 Ira cruentatas sanguine tincta manus .
 At ratio regimen navis si sumpserit, ecce
 Compositis undis aquora tuta silent :
 Ipsa ratis nullo ventorum exterrita flatu
 In portum certo tramite fleclit iter .*

Et AVRELIVS VRSTVS

In Libros Metaphysicæ à R. P. AQUARIO
 dicatos

IVLIO ANTONIO SANTORIO S. R. E. CARD.

*Hac Sophie cupidos irrorat Aquarius urna :
 Quisquis ades , dulci dilue fonte sitim .
 Aurea diffusis viden' , ut Sapientia riuis
 Allicit , & lenis temperat ora liquor ?*

*Mox ubi se pleno fundet Santorius auro
Aureus, aurifero plenius amne bibes.*

Atque allegoricè CAROLVS BOVIVS Soc. Iesu,
sic affatur D. IGNATIVM eius Fundatorem, ,
animum ab humanis ad diuina facillimè attollètè.

*Tam faciles, Loyola, tibi quis sufficit alas,
Tam celer è terris vt super astra voles?
Quò, libet impellant animum mortalia, at ille
Impulsu quouis vndique in astra redit.
Vota tui cordis sic omnia mittis ab arcu,
Vt semper, quò tu miseris, illa volent.
Cur? breue qui terræ punctum petit, errat: in orbem
Tu Cæli ingentes dirigis; inde feris.*

Per Allegoriam quoque, eruditissimus Pater, IO-
SEPH à VISITATIONE, Religionis nostræ
Præpositus Generalis, venustissimè procedit. in
sequenti Epigrammate.

De S. AGNETE VIRGINE,
& MARTYRE.

*Virginis effusus niuæ super alba capillus
Membra, quatit grauidas Cypridis igne faces.
Atque ubi forma ligat lasciuis corda catenis,
Crimibus Agnetis vincta libido perit.
I, puer, atque artes plorato, Cupido, dolosas;
Nam quo crine ligas corda, ligatus obis.*

MAR-

MARTHA quoque MARCHINIA Neapolitana,
 Poetria venustissima, & perarguta, vt patebit
 sequenti Epigrammate, alijsque hoc in Libro
 inferendis, allegoricè sic processit in Epigram.
 DE S. PHILIPPO NERIO.

*Delicias Nerius diuini vt sensit amoris,
 In se de Cæli fontibus influere,
 Iam satis est, inquit; vestros, rogo, claudite
 fontes,
 O Superi; angustos obruit vnda sinus.
 Ipse ego mutato fiam si nomine Nereus,
 Non capit Oceanum hunc pectoris vrna mei.
 Risit diuus Amor, fractis dum pectore costis
 Laxat, & in tales explicat ora sonos.
 Parua satis, nimiumque licet sit pectoris vrna,
 Hac tamen ex vrna flumina mille fluent.*

Arrident quidem mihi valde Epigrāmata superiora,
 nec minus Epigrāma, quo ANTONIVS Abbas de
 COMITIBVS SFORTIA, non solum progenie,
 sed etiam Poesi clarissimus, Romæ, ex Arce S. An-
 geli, sic allegoricè affatur Excellentissimum Prin-
 cipem D. ANGELVM ALTERIVM; Pontificia-
 rum triremium Præfectum.

*Qua subigunt Pontum, dum vela triremibus
 addis,
 Contrahis ipse animi vela modesta tui.*

*Te blanda immensum in pelagum non prouehit aura ;
 Rideat illa licet , littora tuta legis .
 Puppibus haud tantum faciles immittis habenas ,
 Quæ per Neptuni carula regna meant ,
 At faustum es cunctis sidus , qui fluctibus Aulæ
 Iactati , scopulos, naufragiumque pauent .
 O utinam optanti post tot discrimina portum ,
 Nostræ etiam , Princeps , sis Cynosura rati :*

Ipse etiam interdum Allegoricè , Epigrammata composui, quorum tria , quæ sequuntur , ac primum Eminentissimo Principi , FLAVIO CHISIO S. R. E. Card. Mæcenati meo optimo, cui meorum Epigrammaton libri 1 v. dicati ; quo Epigrammate includo hoc meum Anagramma .

FLAVIVS CHISIVS.

Anagramma .

HIC ALIS VSVS FVIT.

*FLAVIVS ecce, suis, Musam mihi protegit alis ,
 Sic nihil aduersi carmina nostra timent .
 O felix ! ALIS FVIT HIC tutricibus VSVS :
 Musa sub his alis noxia nulla pauet .
 Scilicet alarum tanti sub Principis umbra
 Infesto ardori non locus esse potest .*

In

In illud Psalmi CXVIII.

Lucerna pedibus meis verbum tuum , & lumen
semitis meis .

Alma fides , verbum Christi , lumenque fides est :

Hæc , pulsis tenebris , clarat ad astra vias .

Ambulat in tenebris, hoc qui sine lumine pergit :

Pergere inoffenso non potis ille pede .

Fallitur hæreticus , qui pergere credit ad astra :

Lumine, quo possit pergere ad astra, caret .

De extremo Iudicio

ad eos , qui alienis bonis impinguntur :

Quantus, cum Turba duodenæ occulta patebunt

Iunctæ cum Christo iudice, terror erit .

O pisces , pisces magni , præpinguia quorum

Corpora nunc multo pisce minore tument ,

Horrida quàm vobis fuerit nox illa suprema ,

Qua Piscatorum retia vos capient .

In huius autem generis Epigrammatis semper ali-
quid inseritur (vt patet allatis exemplis) quo ea ,
de quibus allegoricè agitur , faciliè intelliguntur: si
enim in Epigrammatis nihil prorsus inseritur, quo
Allegoria dilucidetur, ea potius *Aenigmatica* sunt ,
quàm *Allegorica*: *Aenigma* enim obscuritate differt
ab *Allegoria*, cum nihil aliud sit *Aenigma*, quàm
obscura *Allegoria*, cuius exēpla ponā sequenti loco.

LOCVS VIII.

Narratio ex Aenigmate.

Sunt quædam Epigram. Aenigmatica apud MARTIALEM, quale est Epigram. Lxxv. lib. xiii.

cuius titulus,

Grues.

*Turbabis versus, nec littera tota volabit,
Vnam perdideris si Palamedis auem.*

Exempta enim vna aui turbabitur ordo, & forma litteræ, quam ex Gruum volatu inuenit Palamedes, quæ alijs est Y, alijs A, alijs verò Δ.

Et Epigr. xxxiv. Lib. xiv.

Falx ex ense.

*Pax me certa ducis placidos curauit in usus
Agricolæ nunc sum, militis ante fui.*

Et Epig. xl. eiusdem Libri.

Candela.

*Ancillam tibi fors dedit lucernæ,
Tutas quæ vigil exigit tenebras.*

Et Epigram. ccxi. eiusdem Libri.

Pumilio.

*Si solum species hominis caput, Hectora credes:
Si stantem videas, Astyanacta putes.*

Per

Per Hectora, significatur, vir, per Astya nacta, puer.
 Libet etiam eiusdem MARTIALIS Epigr. xii lib. v.
 hic legendum proponere, licet in eo non Narratio,
 sed tantum Conclusio Aenigmatica sit, est enim
 pulcherrimum Aenigma, pulcherrimæque Narrationis
 causa fuit.

D E S T E L L A.

*Quod nutantia fronte pertinaci
 Gestat pondera Masclicion superbus,
 Aut grandis Linus omnibus lacertis,
 Septem quod pueros leuat, vel octo,
 Res non difficilis mihi videtur,
 Vno cum digito, vel hoc, vel illo
 Portet Stella meus decem puellas.*

Qua Aenigmatica conclusione significatur, ferri à
 STELLA vno digitulo in vnus anuli gemma in-
 sculpta ora decem puellarum, cum allusione ad
 Pyrrhi gemmam, qua effingebatur Apollo cum
 nouem Musis.

Extant SYMPOSII antiqui Poetae Aenigmata cen-
 tum, valde quidem ingeniosa, IOSEPHI CA-
 STALIONIS I. V. C. notis illustrata, quorum
 quatuor hic subijciam.

*Mulier geminos pariens;
 Plus ego sustinui, quam corpus debuit vnum:
 Tres animas habui, quas omnes intus habebam:
 Discessere duæ, sed tertia pene secuta est.*

Echo

Echo .

*Virgo modesta nimis , legem bene seruo pudoris ,
Ore procax non sum ; nec sum temeraria lingua ,
Vltrò nolo loqui , sed do responsa loquenti .*

Caliga .

*Maior eram longè quondam , dum vita manebat :
Sed nunc exanimis , lacerata , ligata , reuulsa
Dedita sum terra , tumulo sed condita non sum .*

Somnus .

*Sponte mea veniens , varias ostendo figuras ,
Fingo metus varios nullo discrimine veros ,
Sed me nemo videt , nisi qui sua lumina claudit .*

Pulchra sunt profectò superiora *Aenigmata* : pulchriora tamen , quæ ex *Contrario* constant , seu concluduntur : qualia sunt ipsiusmet *SYMPOSI* postrema duo .

Tale quoque est *Aenigma* hoc *IVLII CAESARIS SCALIGERI* .

Quis .

Imbellis tota est ; caput exime ; vis erit illi .

Ex

Ex contrario etiam procedit hoc meum, quo
Liber plenus doctrina, sic loquitur.

*Nil, nisi scruta mihi, pellis caprinaque vestis,
Et studiis mos est, semper adesse, mihi.
Sed nihil edisco, tenebris oppletus; & ipso
Non est in toto corpore mica salis.
Atque cibo semper (poterit quis credere?) nullo
Vitam traduco, diuitiisque vaco.
Sic tamen abiectus scrutis, tectusque caprino
Tegmine, cum claris versor ubique viris.
Et quamquam nihil edisco, me consulit omnis,
Edoceo cunctos, me Sophos omnis amat.
Nulla meamque licet sustentent fercula vitam,
Multa tamen cunctis fercula grata fero.
Diuitiisque vacans, tales tamen affero, posset
Ut non aequales tradere Cræsus opes.*

Maximè autem ingeniosum est *Aenigma* (quod modò
ponam) relatum in sua *Metamatica* ab eruditis-
simo Præsule IOANNE CARAMVELE, qui non
solum Theologicis studiis, sed etiam hisce no-
stris minùs grauibus maximè delectatur. Quo
ænigmate ex vno tantum carmine confecto, trium
hominum nomina miro modo exponuntur. Quod
Aenigma hac occasione compositum; ut ipse ibi
tradit his ipsissimis verbis. *Erat Duaci Claudius
seuerus, & austerus præceptor, habebatq. petulan-
tes discipulos, quos corrigendo non emendabat, sed*
irri-

irritabat . Qui cum aliter Magistrum suum vexare non possent , caniculum arripiunt , exuiscerant , & parieti suffigunt . Amabat caniculum CLAVDIVS , & omnem mouet lapidem , ut criminis auctorem reperiat ; sed frustra . Interim eidem muro postridie hoc Distichon inscriptum fuit .

*Ponere cum cunctis lapidem duo millia Diuis
Fixerunt muro viscera vina canis .*

Quod Aenigma idem ex se clarissimè explicat illos , qui petulantiam commiserunt . Magister PETRVS , VINCENTIVS , & TOSSANVS . Primus Gallicè dicitur , *Metre Pier* , hoc est , *ponere lapidem* . Secundus , *Vincent* , hoc est *vigecies centum* , seu *duo millia* . Tertius *Tosan* , hoc est , *omnes Sancti* ; ideòq. dictum , *cum cunctis Diuis* .

Non omittam Aenigma elegantissimum , de ipso Aenigmatè , PETRI ALOIS . Quod ita loquitur ,

*Ille ego , quæ nigra sata sum caligine proles ,
Omnia par matri , moribus , ore , genis .
Centum me flexus , sinuosa volumina centum ;
Spirarum ambages texere mille iuuat .
Caca placet rerum facies , tacitasq. latebras ,
Et Labyrinthæas implicuisse vias .
Fallaces laruas inter , simulacraque veri
Ficta , iuuat dubium ferre , referre gradum .*

Cacum

*Cæcum lucis inops extinxi; hinc flebilis à me
 Gracia iure sibi lumina rapta dolet .
 Artes , atque astus Ithaci qui novit Vlyssis ,
 Decidit in nostras nescia præda plagas .
 Cui claram dederant Troiana incendia lucem ,
 Hic nequijt latebras exsuperare meas .
 Si me scire velis , aciem celer exere mentis ;
 Hæc Ariadnæi staminis instar erit .*

*Ipse etiam ipsum Aenigma , Aenigmate significavi ,
 sequenti Tetrasticho .
 Ipsum loquitur Aenigma .*

*Me miserum : cæcum penitus natura creavit ,
 Et qui me cernit , sit quoque lucis inops .
 Ast ubi me patris clarat manus , haud tamen illum ,
 Tunc quoque nil video ; sed tamen ille videt .*

In hoc Aenigmate aliqua obscuriora , brevis annotationibus dilucidabo .

Et qui me cernit &c.] Qui me legit, eget declarationis .

Ast ubi me patris clarat manu:] Me Author notis illustrat .

Nil video] Quomodo enim videat , idest, intelligat , cognoscat ipsa compositio ?

Ille videt] Lector intelligit , cognosceit, quid ipsum Aenigma significet .

Quoniam verò huiusmodi Compositiones iucundissimæ sunt, maximèque valent ad acuendum ingenium, & ad tempus maxima cum voluptate traducendum, in gratiam, ytilitatemque Iuuentutis ad hilaritatem propensæ, earum Libellum confeci, typisque iam edidi, quarum septem prosa oratione proceduat (nam cæteræ carminibus) earumq. vltima etiam *Aenigma* significatur: quam compositionem, vt & alias, clarissimis notis explicauimus. Eam igitur, seu alias legendi cupidus, ipsum videat Libellum, namque hic aliud aliquid addere, superuacaneum puto.

LOCVS IX.

Narratio ex Congerie.

Apud MARTIALEM in Epigram 1. in Amph.
Cæsaris.

*Barbara Pyramidum sileat miracula Memphis,
Assiduus iactet nec Babylona labor.
Nec Truie templo molles laudentur honores;
Dissimuletque Deum cornibus ara frequens.
Aere nec vacuo pendentia Mausolea
Laudibus immodicis Cares in astra ferant.
Omnis Cæsareo cedat labor Amphitheatro:
Vnum pro cunctis fama loquatur opus.*

Et

Et apud eundem in Epigr. XLIII. lib. v.
Amicis esse donandum.

*Callidus effracta nummos fur auferet arca ;
Prosternet patrios impia flamma lares .
Debitor vsuram pariter, sortemque negabit ;
Non reddet sterilis semina iacta seges .
Dispensatorem fallax spoliabit amicus ;
Mercibus extructas obruet vnda rates .
Extra fortunam est quidquid donatur amicis :
Quas dederis, solas semper habebis opes .*

Pulcherrima ex hoc loco Narratio
in ANGERIANI Epigram.
De sua pœna immutabili.

*Dic mihi, Thebarum portæ, Babylonis & alta
Mœnia, Romanæ, dic, ubi sceptrâ togæ ?
Herba tegit Troiam, gratas tegit herba Mycenæ ;
Nec credis, montes hic, ubi campus, erant .
Quod secat Europam, & Libyâ mare, vomer
arabat ,
Nexaque cum Brutijs Trinacris ora fuit .
Ecc, hominum steterant ubi quondam tecta, ferarum
Nunc lustra vrticis obsita, cerne, iacent .
Quot maria, atque lacus tellus absorpsit ? & ipsa
Quot titulos tellus, quot lacerauit opes ?
Atteritur digitis aurum, dum fertur, & vnda
Saxa canant ; mutant flumina curua vias .*

*Inscribunt Pario Reges sua nomina saxo:
 Nomina cum saxis sunt peritura suis.
 Omnia sub magno tandem vertuntur Olympo;
 At mea in eterno pœna dolore manet.*

Venustissima est etiam Narratio per Congeriem in
 sequenti Epigr. clarissimi Vatis MATTHIAE
 CASIMIRI SARBIEVII è Societate Iesu, in illud
 Cantic. v.

*Caput eius aurum optimum:
 manus illius tornatiles aureæ.*

*Vitis eram; nostros carpebat nemo racemos:
 Flumen eram; nostras nemo bibebat aquas.
 Arbor eram; nostra nemo consedit in umbra:
 Ductor eram; nostrum nemo tenebat iter.
 Phœbus eram; nostro lucebat lumine nemo;
 Pastor eram; nostras nemo secutus oves.
 Quid faceret Iesus? aurum placet omnibus: aurum,
 Ut placeam, posthâc omnibus, inquit, ero.*

Per Congeriem quoque venustissimè procedit Epi-
 gramma præstantissimi Vatis,
 IOSEPHI BAPTISTAE,
 De breuitate humanæ vitæ.

*Culmine, quas struxit sublimi Dadala Memphis,
 Inclyta Pyramidum diruta pompa iacet.
 Condidit Assyrie, quæ clara Semiramis urbis
 Mœnia barbaricæ occulnere vias.*

Manso-

*Mansolo fatale dedit Regina sepulcrum ,
 Nunc ubi pallescit luxuriata seges
 Regia Dianæ sublimibus alta columnis
 Herbinago præbet pascua leta gregi .
 Sunt cineres , quæ fecit ebur simulacra Tonanti ,
 Nec simulacra Rhodos grandia Solis habet .
 Aequa solo Persæ cecidere palatia Cyri ,
 Memnonis è Pario marmore structa manu .
 Ecquid miramur , quid fundimus ore querelas ,
 Si compacta luto corpora nostra cadunt ?*

Est etiam Congeries in hoc meo Epigrammate
 A D M A X I M V M
 hominem improbissimum, liberum se putantem .

*Sum liber, dicis ; mentiris, Maxime ; non es :
 Te tua captivum crimina quippe tenent .
 Si te forma capit , si vel ligat anulus vnus
 Flexilis , è compto pendulus orbe comæ .
 Si servis auro , rerumque immensa cupido
 Si prohibet, dulci posse quiete frui :
 Si domina ambitio est ; odium si regnat , & ira ;
 Si timor excruciat , torquet & invidia ;
 Milleque si scelerum stringunt te, Maxime, nexūs,
 Quæ tibi libertas ? liber vt esse potes ?
 Dirumpenda , miser, prius hæc tibi vincla: solutus
 Cum fueris vitijs , Maxime , liber eris :*

At curandum est, ne ex hoc loco deductum Epigrāma prolixum sit, ne potius Elegia videatur, quàm Epigramma, cuius propria breuitas est.

LOCVS X.

Narratio ex Descriptione.

Apud MARTIALEM in Epigr. xxxii. *Lib. v.*
De ludō puerorum cum iuuentis.

*Aspice, quàm placidis insultet turba iuuentis,
Et sua quàm facilis pondera taurus amet.
Cornibus hic pendet summis; vagus ille per armos
Currit, & in toto ventilat arma boue.
At feritas immota riget; non esset arena
Tutior, & possent fallere plana magis.
Nec trepidant gressus; sed de discrimine palmæ
Securus puer est, sollicitumque pecus.*

Clarissimus quoque Vates MAPHAEVS BARBERINVS miri artificij fontem mira *Descriptione* Lectorum oculis exhibuit sequenti Epigrammate.

*Largior angusta primum defertur in auras,
Inde magis lata subsilit unda via.
Exprimit hinc patulum tenui cratera liquore:
Quid gelidam sitiens non bibis, hospes, aquam?
Nam cui lymp̃ha sitim mira non prouocet arte?
Ipse calix lymp̃ha est, ipsaque lymp̃ha calix.*

Et

Et sublimis Vates in me officiosissimus

F A B I V S C H I S I V S

qui postea

A L E X A N D E R V I I.

dictus quoque PHILOMATHVS ob illustrem
PHILOMATHORVM Academiam ab integro
iam seculo Senis erecta, Pictoris Albani opus, in
quo puer IESVS se vouens Patri, atque Angeli,
eius cruciatuum instrumentis ludentes aspiciun-
tur, hoc Epigrammate tam bene descripsit, vt
pinxisse potius videatur.

Blandula cœlestum proles quæ ludit Amorum

Ac diræ tractat barbara tela necis,

Hæc tibi, die Puer, funus præuertit acerbum,

Et, quod mente geris, mollius arte refert.

Lintea fert hic sudanti, lora ille minatur;

Nititur hic tenera stringere flagra manu.

Ille facem gestat, laqueos ille, ille columnæ

Hæret; sed oculos subdolus ille tenet.

Hunc forceps inuat, ostentat clauum ille trabalem;

Dirigit ille hastam; hic pocula felle replet.

Admonet hic scalas; librant gemini inde per auras

Et gemini figunt pondera ad ima Crucem.

His circumfusus paliuro te ille coronat

Pendulus, & calicem tristior alter habet.

Suspicias, & iusto sacras pia vota Parenti,

Alitibus medius qui procul axe venit.

*Scilicet, alme Puer, mundum reparare ruentem
 Ante diem pietas hæc tua corda præmit !
 Nec satis illa meæ ventura piacula culpæ ,
 Ni præmaturus ludat amore dolor !*

Illustris Vates HIPPOLYTUS CAPILVPVS Epi-
 scopus Fanensis, hoc Epigrammate Senis vitam
 pulcherrimè describit .

*Vita Senis, bene culta domus, bene cultus agellus ,
 Paruaque odorato cella repleta mero .
 Nec tenui in mensa iucundus desit amicus ,
 Qui simul ad Cælum tempora prisca ferat .
 Huic etiam sopor interdum, lepidusque libellus
 Sit comes , in scamno dum sedet ante focum .
 Stetque nepos hilaris gremio, & det mollia collo
 Brachia , & annosis oscula mille genis ;
 Lectulus & somnos inuitet nocte salubres ,
 Et veniente die dulce querantur aues .
 At vigil hinc cura , & lateris dolor absit acutus ,
 Nec teneat vetulos tarda podagra pedes .
 Mens vigeat semper , non ulli obnoxia frandi ,
 Floreat & firmo pectore sancta fides .
 Si bona tanta seni tribuet , qui temperat Orbem ,
 Regis honos illi despiciendus erit .*

Idem CAPILVPVS superiorem vitæ Senis *Descriptionem*, totidem versibus, non minori quidem pulchritudine variauit sequenti Epigrammate, quod hic ponendum existinaui, vt ex eo optimus variandi modus addiscatur.

*Sit mihi, quæ nitent domus, & qui floreat hortus,
 Conditæque exiguis vina Falerna cadis;
 Et dape non emptæ mecum contentus amicus,
 Laudibus extollat facta vetusta senex.
 Lumina nonnunquam condant mihi somnus ad ignem,
 Dum verso patris nobile Vatis opus.
 Inque sinu ludens, teneris mihi colla lacertis
 Implicitæ, & libet paruulus ora nepos.
 Detque mihi requiem nocturnis lectulus horis,
 Et volucris letos, Solè oriente, modos.
 Hinc fugiat morbus, nulla sanabilis arte;
 Sit dolor hinc lateris, sit quoque cura procul:
 Nec mihi mens vnquam languescat conscia recti,
 Vinat & æternum firmior alma fides.
 Si tot dona seni dederit mihi rector Olympi;
 Optandæ magni non mihi Regis opes.*

Quam *Descriptionem* complexus est idem sequenti Disticho.

*Vita Senis, redolens hortus, incundus amicus,
 Dulce merum, mollis lectulus, alma fides.*

Et hoc altero .

*Vita Senis, libri, domus, hortus, lectus, amicus,
Vina, nepos, ignis, mens, avis, alma fides .*

Pulcherrima est etiam *Descriptio IOSEPHI SILOS*
Clerici Regularis (quem ego ob carminis elegan-
tiam, claritatem, suauitatem, & ob venustum,
ingeniosum, argutumque dicendi genus, admi-
ror plurimum, multisque vatibus præferendum,
censeo) in Epigrammate

AD ANTONIVM CARD. BARBERINVM .

De fonte præ Aedibus magnificè excitato, qui Iri-
dem aduerso Sole repræsentat .

*Semiferum Tritona vides : stat pectore nudo ,
Mutatoque maris gurgite , fonte sedet ,
Curuam inflat concham , fluctusque inspirat, & un-
das ,*

Ardius & tergit sydera celsa latex .

Fraëta sed unda cadit , rorantique Iride pictam .

Excipit undanti margine concha duplex .

Nec sistit, labrisque ruit reuolubilis humor ,

Gaudet & in gelido feruere lympa lacu ,

Urbanas hinc cernis Apes ; nec sueta susurro

Ora sonant , circum nec volitare iuuat .

*Stant tacitæ ; nempè ut resonans dum murmurat
unda ,*

Excipiant plausus, imbre cadente , suos .

Et

Et venustissimus Vates IACOBVS BIDERMANVS
 Soc. IESV. cruentam Christi faciem, in velo
Veronicae expressam, per *Descriptionem* oculis sub-
 iecit, hoc Epigrammate.

Cernis, ut in picto liuescant vulnera velo?

Plurimus ut lasso stagnet in ore cruor?

Sic facies, sic ora Dei, sic tempora quondam,

Et frons, & geminae sic rubuere genae.

Stant oculi lacrymis, punguntur tempora sente,

Et caput impexis squallet inerme pilis.

*Mala merus cruor est: mera vestit purpura fron-
 tem,*

Et merus in facie sanguis, in ore merus.

Forma caret forma; color absque colore. Tabella

Ista, rogas, cuius picta sit arte? tua.

Idem IACOBVS BIDERMANVS ita describit
 Infantem ludibundum, & suamet imagine dece-
 ptum, vndisque submersum.

Trimulus illinem cum fortè sederet ad amnem,

Et placidam vitrei cerneret amnis aquam,

Induit, ecce, amnis puerilia vitreus ora,

Et mendax Puerum rettulit vnda parem.

Ille sibi inter aquas ubi credidit esse gemellum,

Concordes socio datq. petitque manus.

Extulit hic medijs i tadem amula brachia lymphis,

Et quas ille manus porrigit, iste petit.

Sed

*Sed nondùm ex alta coiere crepidine palmæ ,
 Vtraque cum cuperet palma coire tamen .
 Ergo suam ulterius dextram ut protenderet alter
 Desuper in liquidam pronior basit aquam .
 Extenditque manus iterum; extenditq. caditque ;
 Precipitemque nocens gurgitis unda rapit .
 Deceptus, puer, es . Sperabat tangere dextram
 Dextra parem : ah , longè fortior una fuit .*

Egregiè quidem egregius Vates , sed argutiùs perfectò concludit IOANNES ALOYSIVS CERCHIARIVS Cleric. Regul. Congregationis Somaschæ, optimus Orator, ac Vates, qui in idem argumentum sic ludit .

*Ad Tyberis cum fortè Puer consisteret undas ;
 Cerneret & Puerum surgere in amne parem ,
 Extulit inde pedem ; pede subsultavit imago :
 Extulit inde manum ; sustulit unda manum .
 Arrisit proprij deceptus imagine vultus ,
 Et puerum in pueros se putat isse duos .
 Extendit dextram , socium qua ducat ab undis ,
 At medias rapitur cernuus inter aquas .
 Hic trahit , umbra trahit , corpus lætatur , & umbra :
 Corpus dum rapuit , fortior umbra fuit .*

Pulcherrimæ etiam *Descriptionis* exemplum est Epi-
gramma VINCENTII GVINISII Soc. Iesu .

De Funambulo .

*Quis nouus hic Cælo suspendit Dædalus alas ?
Sed vereor, ne fors Icaron iste probet .
Aspicias, ut tenui feliciter audet in aura ?
Ceu subeat stabili ludicra bella solo ?
Fune super tereti tutissimus errat, & artem
Ludere dum gestit, luditur arte timor .
Hic choreas impune ciet, seseq. supinum
Librat, & intorto turbine corpus agit .
Argutat pedibus, tremuloque per aera saltu
Tollitur; erectus sed tamen inde redit .
Nec mora, nec requies: iterum ter pectus in altum
Surgit, & in gyrum ter vaga membra rotat .
Corpore dum pendet, sola ceruice tenet se,
Et verè ad restim colla redacta gerit .
Tum simulat casum, populoque timente, timorem
Ridet, qui populi vota timere facit .
Quin capite obuerso totus pede pendet ab vno;
Dumque pedem absoluit, dextera supplet opem .
Iam iam casurus redit, incertumque theatrum,
Quas iubet in partes, speque, metuque trahit .
Nec solus pendet, sed enim pendentia secum
Vno ex fune tenet millia multa virum .
O viles anime, & venalia pectora paruo,
Sæpe quibus merces esse ruina solet .*

Non

*Non sat terra, vias habet, & diuortia lethi,
 Ut inuict in Cælo querere mortis iter?
 An semper vobis subeunda pericula census,
 Atque omnis fundus denique funis erit?
 Cum restim aspicitis protensam, dicite: forsan
 Vltima iam vita linea ducta mea est.*

*Pulcherrima est quoque Narratio per Descriptionem
 in sequenti PETRI ALOIS Societatis Iesu
 Epigrammate
 De insigni Equo Magni HENRICI IV.
 Galliarum Regis.*

*Hic decus alipedum, quos edidit inclyta Siren,
 Aligero è cursu quàm bene nomen habet!
 Crine niger, baliusque pilo, cernice recuruus,
 Spumens ore, tumens naribus, aure brevis,
 Candorem præfert stellatus fronte ninalem;
 Attollent modicum colla superba caput.
 Crispat inundantem caudam, pede discolor vno,
 Insultatque fremens corneus ungue solo.
 Arduus incessu, cursu perniciosior Euris,
 Doctus & in numerum conglomerare gradus.
 Stare loco impatiens, resonant ubi cornua Martem;
 Aduersusque hostes insiluisse furit.
 Henrico celer Alindus sessore superbit:
 Ne mage se Cæli pondere iactet Atlas.*

Ipsc

Ipse etiam huiusmodi narrationibus usus sum; raro tamen; *Descriptiones* enim, *Elegiographos* decem potius, quàm *Epigrammatographos*, qui dum *Descriptiones* adhibent, breuitati studere debent: longa enim in *Epigram.* *Descriptio* plerumque reprehenditur: eam tamen, etsi longa sit, laudabilem puto, quæ subinde cum argutijs excurrit, qualis est in *Epigrammate*; VINCENTII GVINISII supra allato.

Afferam ex meis, *Epigrammata* duo; ac primum, quod composui in *Opus marmoreum*, iussu INNOCENTII X. Pont. Max. Romæ locatum in Basilica Vaticana, in quo Leo Magnus obuius Regi ATTILAE inspicitur.

Attila dum Romam, superi ruit aere flagellum
Numinis, ut totam diruat ense, rogo,
Occurrit Leo magnanimus: timet ille; Leoni
Protinus ac parens, frenat ut agnus, iter.
Scilicet, & Petrum gladio, Paulumque minantes
Horrescens, Magni iussa Leonis obit.
Sculpsit Alexander mira hoc Algardius arte:
Marmorca incutiunt signa vel ipsa metum.

Alterum, quod olim scripsi ad clarissimum Vatem in me perofficiosum, FERDINANDVM FVRSTENBERGIVM, Episcopum Paderbornensem, tunc ALEXANDRI VII. Pont. Max. Cubicularium intimum.

Anima

Anima Iusti, hortus floridus,
ex dicto S. Pauli ad Corinthios;
Christi bonus odor sumus.

*Iusti anima, ut varijs fragrans bene floribus hortus;
Quàm gratis totus floribus hortus olct!
Hic rosa diuini pulcherrima floret amoris;
Candoris sacri hic lilia celsa virent.
Hic molles fundit violas Patientia: flores
Atque hic, Virtutum copia, mille parit.
Empyreæ hos mulcent auræ, Zephyrique superni,
Et Sol diuinus firmat, & imber alit,
Vere hic perpetuo sunt florida cuncta, perenne
Nam Paradisiacis cuncta rigantur aquis.
Quàm, Fernande, halat, magne ò pietatis amator,
Hortus hic! hic graditur, captus odore, Deus.*

Vide præterea in Loco VI. Cap. VI. Epigram.
SOSSAGI, in quo *Anlei* perpulchra
sanè *Descriptio* continetur,

*De Argutia, altera Epigrammatis parte,
eiusque Virtutibus, & Vitijs.*

CAPUT V.

Argutia in Epigrammate totum illud dicitur, quod
ex propositis deducitur; ea verò est quædam quasi
anima Epigrammatis; ipsa enim destitutum lan-
guet prorsus, ac friget, licet aliòquin elegans
valde

valde sit, atque ornatum: Quamobrem sic olim
cecinì in Epigrammate,

AD HVGONEM NAREMVNCTIVM.

*Corpus habent; animam; propriasque Epigramma-
ta vestes:*

Materies corpus, dant animamque sales.

Excultus sermo vestes: Epigramma, decora

Qui tantùm exornat veste, quid, Hugo, facit?

Nil facit, Hugo: carens salibus, frigetq. iacetque:

Quid pulchri à pulchra veste cadaver habet?

Et profectò Epigramma sine Argutia, quodammodò
Epigrammatis nomen amittit, cuius propria est
Argutia; adeòque propria, vt hac in primis à
reliquis partibus Poësis secernatur; vt enim car-
men Heroicum, tamquam propriam sibi vendicat
gravitatem, Bucolicum, simplicitatem; vt Elegiacum,
molli quadam, tenera, suauisque locutione gaudet,
Iambicum verò, & Satyricum acrimoniam, acerbi-
tatemque desiderat: vt Lyrici carminis propria est
suavis varietas; vt Comædiæ ioci, Tragædiæ affectus,
ita Epigrammatis propria est Argutia, qua vna to-
tum Epigramma metiri solemus. Quapropter di-
ligentissimè curandum est, vt non solum Narra-
tio quàm optima præcedat, sed etiam, vt quod
inde, concludendo, deducimus, sit quàm maximè
acuminatum. Quamobrem ritè quidam dixerunt,
Epigramma simile esse Scorpioni, qui quemad-
modum in cauda gerit aculeum, quo lethalem

H

plagam

plagam infligit, ita Epigramma, acumen, ad ultimum, tamquam in cauda referuat. Ob eamque rationem, Api simili esse debere ostendi subsequenti Epigrammate.

Pangere quàm pulchrum cupiens Epigramma, laboret,

Vt simile in cunctis hoc videatur Api.

Parua, Apis, & nitida est; sit tale Epigramma: fluitq.

Melle Apis; eloquio dulci Epigramma fluat.

Atque, ut Api, extrema sit parte Epigrammati acumen;

Pulchrius hoc pangi non Epigramma potest.

Hoc autem, quod in conclusione Epigrammatis ex propositis inferitur, annotatore Scaligero,

aut { *Maius,*
Minus,
Aequale,
Diuersum,
Contrarium, } est;

Quas omnes *argutas Conclusiones*, tibi, Lector, nunc plurimis exemplis ostendam; sed antea te admonitum volo, ut; si argutus esse velis, breuitatem secteris, vitæque nimis floridam locutionem: prolixo enim sermone perditur *Argutia*, nimisque floridus sermo argutiæ penitus aduersatur; cautusque præterea sis in concludendo, ne videlicet
post

post Narrationem fabulosam statim inferas conclusionem, si de rebus sacris agatur, sed aliquid præmittas, quo falsum pateat; quod narratum est; vel tali ratione concludas, ut, quod fabulosum præmissum est, non tamquam pro vero positum videatur: ineptè enim, cum argumenta versantur in rebus sacris, sine hac cautione Epigrammata concluduntur.

Curandum præterea est, ut, quoad fieri possit, in conclusionibus (imò etiam toto Epigrammate) deuites coniunctiones causales; ipsæ enim licèt in soluta oratione cum gratia ponantur, minus tamen bellè, ut plurimum, vsurpantur à Poetis, nam absque istis coniunctionibus nobilitis, Epigrammata procedunt, & grauius concluduntur. Quod videre potes in sequentibus MARTIALIS Epigrammatis ex *Maiori* conclusis, immò in hoc toto Cap. V. in quo ferè omnia ipsius exempla, sine causali coniunctione conclusionem habent. Quod potissimum seruandum est, dum concluditur per *Sententiam*, ut optimè eundem MARTIALEM seruasse video in omnibus Epigrammatis infrà allatis Cap. VI. Loco VII.

Quamdam tamen, coniunctio, *nam*, repetita gratiam habet: Vnde ego consultò ita clausi Epigramma in ea verba David ex Psal. 38.

Auribus percipe lacrymas meas,
*Scilicet est lacryma sua vox: nam lacryma curæ
 Nuncia; letitiæ nuncia nam lacryma est.*

Consultò , dixi : secùs enim dicere facillimè potuif-
sem, utroque loco , ubi coniunctio causalis est ,
constituendo , vox ; sed non adeò iucundè fluxis-
set in aures .

Iam verò exempla argutarum Conclusionum
afferamus .

Arguta Conclusio
ex Maiori .

Apud MARTIALEM in Epigr. xvi. in Amph. Cæs.

De Tauro .

Raptus abit media quòd ad æthera Taurus arena ;
Non fuit hoc artis , sed pietatis opus .
Vexerat Europen fraterna per æquora taurus ,
At nunc Alciden taurus in Astra tulit .
Cæsaris , atque Iouis confer nunc stemma , Iuventus :
Par onus ut tulerint , aliùs iste tulit .

Et apud eundem in Epigr. xxvii. in idem Amph.
Blanditur Cæsari .

Secula Cárpophorum , Cæsar , si prisca tulissent ,
Iam nullum in monstros orbe fuisset opus .
Non Marathon taurum , Nemeæ frondosa leonem ,
Arcas Mænaliùm non timuisset aprum .
Hæc armata manus hydræ mors una fuisset ;
Huic percussa foret tota Chimæra semel .

Igi-

*Ignipedes posset sine Colchide vincere tauros :
 Soluere & Hætionem solus, & Andromedem.
 Herculeæ laudis numeretur gloria : plus est
 Bis denas pariter perdomuisse feras .*

*Et apud eundem in Epigr. LIX lib. IV.
 De Vipera electro inclusa ,*

*Flentibus Heliadum ramis dum vipera serpsit ,
 Fluxit in obstantem succina gemma feram .
 Quæ dum miratur pingui se rore teneri ,
 Concreto riguit vincla repente gelu .
 Ne tibi regali placeas , Cleopatra , sepulcro ,
 Vipera si tumulo nobiliore iacet .*

*Epigramma superius , de Vipera electro inclusa , re-
 uocauit in mentem Epigramma meum ex Maiori .
 etiam clausum, ad Marcellum Fratrem ,
 in HERACLITI caput ex electro .*

*En Phaëthontiadum lacrymas testantia , vultum
 Plorantis referunt succina mæsta senis .
 Hic quàm, Marcelle, infelix ! lacrymatur & usque :
 Se neque post obitum temperat à lacrymis .
 Quin lacrymis tantùm huic oculi, dum vita , flue-
 bant ;
 Defuncto , facies tota abit in lacrymas .*

Et apud eundem MARTIALEM in Epigr. Lxx. lib. v.
In M. ANTONIVM.

*Antoni, Phario nil obiecture Photino,
Et leuius tabula, quam Cicerone nocens;
Quid gladium demens Romana stringis in ora?
Hoc admisisset nec Catilina nefas,
Impius infando miles corrumpitur auro,
Et tantis opibus vox tacet vna tibi.
Quid prosunt sacra pretiosa silentia lingue?
Incipient omnes pro Cicerone loqui.*

Ecce Maius: lingua vna tacente, linguæ
loquentur omnes.

Arguta quoq. Conclusio ex Maiori est in Epigram.
mate ANACREONTIS, à MAPHAEO Gard.
BARBERINO ita latinè conuerso.

*Bos cornu, pedibus sonipes, rictuque lcones,
Insidijs vulpes, unguibus vrsa nocet.
Est lepori cursus velox, auibusque volatus,
Prouida mens homini, consiliumq. datum.
Quid pro consilio, pennis, cursuque Puella,
Pro rictu, insidijs, cornibus, ungue, pede?
Pro cunctis tantum est teneris data forma Puellis:
Quin valet hæc ferro, quin nocet igne magis.*

Et in Epigrammate venustissimo IOSEPHI SILOS,
Cleric. Regul.

DE D. MARIA MAGDALENE,

*Pulchros nuda sinus, effusaque Magdala crines,
Illacrymans inter fercula prona ruit.
Miscenturque epulis fletus: hinc pondere diues
Mensa gemit, largo hinc Magdalis imbre gemit.
Barbara Niliaco sileat conuiuia luxu
Memphis, cum latio est gemma soluta Duci;
Vna Cleopatra ditauit gemmula mensas;
Margaridas gemitu Magdala mille liquat.*

Et in Epigrammate elegantissimo clarissimi Vatis,
VBERTINI CARRARAE Soc. Iesu,
In CHRISTOPHORI COLVMBI laudem.

*Per freta, veliuolis nunquam sulcata carinis,
Prima triumphalis lina Columbus agit.
Cedite Peliace pinus, quæ robore puppis
Arginæ intactis vela dedistis aquis.
Vestra fuit merces, pretiosi velleris aurum:
Indorum, huic merces, aurea terra fuit.*

Et in Epigr. egregij Vatis LAVRENTII LEGATI
Cremonensis, in laudem LAVRENTIAE STRO-
ZIAE Monialis S. Dominici, quæ in singula
totius anni solemnia Hymnos composuit.

*Hymenica pleetra mouens Virgo Laurentia, quid ni
Castior ut Sappho est, sit mage culta metris?
Quin vos cum Sappho terrene abscedite musa:
Cælicolas pangens Strozia, Musa Poli est.*

Et in Epigr. pulcherrimo FRANCISCI PETRA-
GLIÆ, Tusculani.

De nouo Tusculo.

*Vasta ruinarum moles, cineresque iacentis
Vrbis, & herbosis obruta tecta vijs,
Reliquia annorum, & Martis fragmenta Latini,
Diruta Romulidum, Tuscula Terra, manu,
Iam gaude: viden', ut proprijs sis aucta ruinis,
Damnaque Romulidum sint reparata manu?
En tibi maiores tollunt noua culmina sedes:
Arte magis clara tollere iussa caput.
Gaude: augusta magis, Terra es nunc Tuscula,
quando
Surgere structura nobiliore datur.*

Et in Disticho clarissimi Oratoris,
& Vatis,
IANI NICII ERYTHRAEI,
De Sancto SEBASTIANO sagittis confosso.

*En laceror sexis pro te nunc, Christe, sagittis:
Sed mihi plura tuus spicula mittit amor:*

Ipsum

Ipsum IANVM NICIVM, mei amantiſſimum, orantem Romæ Kal. Apr. clō Iſc XLVI. apud Patres Congregationis Generalis Soc. Ieſu, in Saccello Deiparæ Aſſumptæ, per *Maius*, concludens, ita laudauit.

*Eloquij Princeps Graij, Princepsque Latini
Iure ſuo iactent tollere ad aſtra caput;
Ille, quod orantem ſtupeſaſto Græcia vultu
Audit; hic, attonito Roma quod ore ſtupet.
Grandis utriq. honor eſt; ſed enim tibi grandior, audit;
Cum te Loyole Gens numeroſa, Nici.
Hæc tibi quandoquidem cunctis ex partibus Orbis
Colleſta, oranti, cœu Microcoſmus adeſt.*

Cauſſa antecedentis Epigrammatis, vbi Societatis Ieſu honorifica fit mentio, meminini ſubſequentis Epigrammatis, à me quoque compoſiti, in honorem Sanctiſſimi ipſius Fundatoris, qui Hebræum pertinacem, cui nomen I S A C, conuertit ad Chriſtum his verbis dumtaxat:

Mane nobiſcum, Iſac.

Quod prodigium, maius fuiſſe oſtendo, prodigio IOSVE, cuius verbis ſterit Sol, hiſce videlicet:
Sol, ne mouearis contra Gabaon.

*Protinus abſtinuit Sol currere, Iofua quando,
Sol, contra Gabaon, ne mouearis, ait.*

*Dumque, mane, dixit, nobiſcum, Ignatius, Iſac,
Protinus à curſu deſtitit ille ſuo.*

Atque

*Atque fide immotus, non, ut Iudaa propago,
 Horrentis Barathri sub loca tetra ruit.
 Qui legis hæc, quæ mira magis miracula censes?
 Per paucis verbis illicò uterque stetit.
 Quòd steterit Sol, ipse magis mirabere forsan;
 Isac quòd steterit, res mihi mira magis.
 Sol stetit, inde breui, tamen occidit ille, recurrens:
 Stans Isac semper, nesciit occidere.*

Post Epigramma in honorem Sanctissimi Soc. Iesu
 Fundatoris, aptè subiiciam Epigramma ex *Maiori*
 conclusum, à me quoque compositum in laudem
 S. PETRI NOLASCO, qui etiam Fundator fuit,
 nempe Ordinis B. Mariæ de Mercede Redemptio-
 nis Captiuorum, cui in cunabulis vagienti examẽ
 apum in dextera faustum mellis construxit.

*Ambrosio, Hybleas volucres sedisse labellis,
 Sed tibi, Petre, manu mellificasse ferunt.
 Dulce illi eloquium præsignauere, tuamque
 Captiuis placidam prædocuere manum.
 Optimus augurij index utriusque, secundum
 Grandius augurium, nobiliusque vocet:
 Nobilius tantòque canat, sermonibus acta
 Quanto, expressa manu, nobiliora patent.*

Clausum etiam ex *Maiori* est Epigramma prænobilis
 Vatis SIGISMVNDI REGVLII à S. SYLVERIO,
 Florentini, ex nostra Religione,

In

In Coenam, quàm maximo apparatu instituit Pix
Domus Pauperibus,

LEOPOLDVS MEDICES
S. R. E. CARD.

*Aurea Persarum sileant cœnacula mensas ;
Regales iactet nec Cleopatra dapes ;
Nec Sybaris molles cyathis laudentur honores ;
Gracia precipuum dissimuletque merum.
Romaque Cæsareo victrix epulata triumpho
Parcat munificas tollere in astra manus .
Omnia Mediceo cedant conuiuia : luxus
Illa dedit summus ; summa dat hoc pietas .*

Ex Maiori quoque, ab ingeniosissimo Vate CLAV-
DIO ACHILLINO conclusum fuit Epigram-
ma Herruscum (italicè, Sonetto) in lau-
dem LVDOVICI XIII. Galliarum
Regis ; quod Epigramma ipse
met ACHILLINVS in lin-
guam latinam conuertit : ideòque
vtrumque ponendum hic existima-
ui, vt supra cap. I. pro-
missum fuit .

S O N E T T O

S O P R A

L V I G I X I I I.

R E D I F R A N C I A ,

*Che dopò la conquista della Roccella, venne à Susa,
e liberò Casale.*

S Vdate, ò fochi, à preparar metalli,
E voi, ferri vitali, itene pronti,
Ite di Paro à suiscerar' i monti,
Per inalar Colossi al Rè de' Galli.

Vinse l'inuitta Rocca, e de' Vassalli
Spezzò gl'orgogli a le rubelle fronti,
E machinando inusitati Ponti
Diè fuga à i mari, e gli conuerse in valli,

Volò quindi sù l'Alpi, e il ferro strinse,
E con mano d'Astrea gl'alti litigi
Temuto solo, e non veduto estinse.

Ceda le palme pur Roma à Parigi:
Che se Cesare venne, e vide, e vinse,
Venne, vinse, e non vide il Gran LVIGI.

Prz.

Præclare ille quidem lingua cecinit Hetrusca, nec
minùs, Latina: talis est enim ipsius traductio.

*Gallorum Regi structurus ad astra Colossos,
Folle recurrenti sudet in ara focus.
Rupibus è Parijs diuellat viscera ferrum,
Scalpat & in Regis Regia saxa decus.
Quæ Magni Henrici potuit vitare triumphos,
Sensit Aloysias Arx superata manus.
Cornua senserunt frontes effracta rebelles;
Retraxit tumidos æquoris vnda pedes;
Indeque per niueos saltus Rex transit ad Alpes;
Vincit non visos, conciliatque Duces.
Gallica Romuleum precedat Sequana Tybrim;
Concedat palmas Casar Aloysio.
Si venit, vidit, vicit si prælia Casar,
Venit, non vidit, vicit Aloysius.*

Allatum Epigramma de LVDOVICO XIII. Gal-
liarum Rege, reduxit in memoriam meum Disti-
chon ex Maiori, de amplissimo Palatio, Parisijs,
ab ipsius Filio LVDOVICO XIV. excitato.

*Orbe Domus maior: Ludouicum non capit orbis
Summè auctum excelsis aëlibus; ipsa capit.*

Potest etiam inter Epigrammata ex Maiori conclusa,
annumerari

Epigramma MARTIALIS, Lxxv. lib.v.

De

De POMPEIO, & Filijs.

Ex illius enim conclusione *Mainus* colligitur.

*Pompeios Inuenas Asia, atque Europa, sed ipsum
Terra tegit Libyes; si tamen vlla regit.
Quid mirum, toto si spargitur Orbe? iacere.
Vno non poterat tanta ruina loco.*

Quam concludendi rationem ipse inuitatus fui in
hoc Epigrammate.

Ad FRANCISCVM MAGNYM
Comitem Mediolanensem.

Oratorem VLADISLAI IV. Poloniæ Regis,
apud INNOCENTIVM X. Pont. Max.

*Lux tibi prudentis quanta est, hominisq. disert!
Quantum consilij, iustitiæque iubar!
Sauromate, Austriaci, Hispani, Gallique, Itali-
que
Spectant virtutis lumina mira tue.
Egressus Patria meritò es, Francisce: nitere
Vno non poterant lumina tanta loco.*

Hic etiam referri potest ea concludendi ratio,
quæ est in MARTIALIS Epigr. vi. in Amph. Cæs.
Blanditur Cæsari.

*Belliger inuictis quòd Mars tibi senit in armis,
Non satis est, Cæsar; senit & ipsa Venus:*

Pro-

*Prostratum vasta Nemees in valle leonem ,
Nobile & Herculeum fama canebat opus .
Prista fides taceat , nam post tua munera , Caesar ,
Hæc iam fæminea vidimus acta manu .*

Et in CLAUDIANI Epigr.

In Sphæram Archimedis .

*Iuppiter in paruo cum cernebat æthera vitro ,
Risit , & ad Superos talia dicta dedit .
Huccine mortalis progressa potentia curæ ?
Iam meus in fragili luditur orbe labor .
Iura Poli , rerumq. fidem , legemq. virorum ,
Ecce , Syracusius transtulit arte Senex .
Inclusus varijs famulatur spiritus astris ,
Et vitreum certis motibus urget opus .
Percurrit proprium mentitus Signifer annum ,
Et simulata nouo Cynthia mense redit .
Iamque suum voluens audax industria mundum ,
Gaudet , & humana sidera mente regit .
Quid falso in fontem tonitru Salmoenæ miror ?
Aemula naturæ parua reperta manus .*

Et in sequentibus meis duobus Distichis .

De IESV in fœno ; cuius paullò ante ortum ,
Sol aristis coronatus apparuit .

*Abiectas inter , Solem miraris , aristas ?
Non ego , dum fæno cerno iacere Deum .*

De salutariferis vinculis , & umbra Diui Petri .

*Quid mirare , Petri dare vincula tacta salutem ?
Hanc quoque, vel fugiens , illius umbra dedit .*

Maius etiam quidpiam colligi animaduerto ex con-
clusionone per interrogationem facta, diuersis præ-
missis, vt patet
apud MARTIALEM, in Epigr. xLVII. Lib. VIII.
In variè se tondentem.

*Pars maxillarum tonsa est tibi, pars tibi rasa est ,
Pars vulsa est : unum quis putet esse caput ?*

Quod ingeniosè imitatus est. insignis PHILOMA-
THYS, sic enim cecinit,
De Diebus vernis , apud Vbios, anno cicc ioc xL.

*Ningit nocte , pluit mane, afflat tertia, feruet.
Sexta, gelat tum : unum quis putet esse diem ?*

Ingeniosè, inquam, imitatus est, nam argumento
longè diuerso ab argumento Epigrāmatis MAR-
TIALIS desumpto, eius vestigijs bene nouit insi-
stere. Ingeniosa quidem hæc imitatio est, & à
reprehensione prorsus remota, qua non carent
illi, qui dum alicuius compositionem imitantur,
in eadem, vel simili materia versantur. Isti enim
fures potius, quàm imitatores videntur. Disce
igitur

igitur, Lector, ab ingenioso imitatore PHILO-
MATHO ingeniosè Vates imitari.

Postremò , *Mainus* quoque significatur illo conclu-
dendi modo, quo vsus est MARTIALIS, Epigr. i.
in Amph. Cæs. quod supra attuli cap. iv. Loco
ix. ita enim conclusum :

Vnum pro cunctis Fama loquatur opus ,

Hac enim concludendi ratione significatur, Amphitheatrum Cæsaris præferendum .

Modoq. huic assimili conclusit idem MARTIALIS
Epigr. xxviii . libri eiusdem, quo TITI, seu DO-
MITIANI Naumachiam præfert illis AYGVSTI,
CLAVDII , NERONIS .

Augusti laudes fuerant, committere classes ,

Et freta navali sollicitare tuba .

Cæsaris hæc nostri pars est quota ? vidit in undis

Et Thetis ignotas, & Galatea feras .

Vidit in æquoreo feruentes pulvere currus ,

Et domini Triton ipse putavit equos .

Dumque parat seuis ratibus fera prælia Nereus ,

Abnuat in liquidis ire pedester aquis .

Quidquid & in circo spectatur , & Amphitheatro ,

Dives Cæsarea præstitit unda tibi .

Fucinus, & pigri taceantur stagna Neronis :

Hanc norint unam secula Naumachiam .

Nouolaria Comitum, iuuenis, & bellicis, & litterarijs
dotibus ornatissimi,
Flebile amici obsequium.

*Pierides tumulo violas, Venus alma hyacinthos,
Balsama dant Charites, cinnama spargit Amor.
Phæbus odoratas laurus; Mars ipse amarantus,
Nos lacrymas, rara munus amicitia.*

Argutè profectò ex Maiori conclusum: quandoquidem
lacryma, defuncti amici causa effusa, meliùs,
quàm frondes, flores, & odores, amorem testatur.

*Arguta Conclusio
ex Minori.*

Apud MARTIALEM in Epigr. xxxvi. lib. viii.
AD CAESAREM DOMITIANVM.

*Regia Pyramidum, Cæsar, miracula ride:
Iam tacet Eoum barbara Memphis opus.
Pars quota Parrhasia labor est Mareoticus aula?
Clarius in toto nil videt Orbe dies.
Septenos pariter credas assurgere montes:
Thessalicum breuior Pelion Ossa tulit.
Aethera sic intrat, nitidis ut conditus astris
Inferiore tonet nube, serenius apex.
Et prius arcano satiatur lumine Phæbi,
Nascentis Circe quàm videt ora patris.*

*Hæc, Auguste, tamen, quæ vertice sidera pulsat,
Par domus est Cælo, sed minor est Domino.*

Et apud eundem in Epigram. iv. lib. ix.
AD EVMDEM DOMITIANVM.

*Quantum iam Superis, Cæsar, Cæloque dedisti;
Si repetas, & si creditor esse velis;
Grandis in æthereo licet auctio fiat Olympo,
Coganturque Dei vendere quicquid habent,
Conturbabit Atlas, & non erit uncia tota,
Decidat tecum qua pater ipse Deum.
Pro Capitolinis quid enim tibi soluere templis,
Quid pro Tarpeie frondis honore potest?
Quid pro culminibus geminis matrona Tonantis?
Pallada prætereo: res agit illa tuas.
Quid loquar Alciden, Phæbumque, piosque Laconas?
Addita quid Latio Flavia templa polo?
Expectes & sustineas, Auguste, necesse est:
Nam tibi quod soluat, non habet arca Iouis.*

Hanc ipse conclusionem mihi imitandam proposui
in claudendo sequenti Epigrammate,
AD FRANCISCVM MAGNVM,
Comitem Mediolanensem
apud INNOCENTIVM X. Pont. Max.
Oratorem VLADISLAI IV. Regis Poloniae.

*Magnus es, ac Magnum celebris te Patria spectans,
Procinus extremas suadet adire plagas.*

Cum

*Cum modò Sauromatas cernis, Quadosq. penetras ;
 Cum modò Marcomanos, Austriacosque subis .
 Hic tibi sed parvus cùm sit locus, ilicèt Urbem
 Euganeam, & Martis mœnia, Magne petis .
 At nec vasta capit te Roma : Hispanica forsan
 Excipiet, vel te Gallica terra sinu ?
 Sanè si posses totum lustrare vel Orbem ;
 Par tamen in toto non locus Orbe foret .
 Discurras, & sustineas, Franciscæ, necesse est :
 Quem tibi det, tellus non habet arcta, locum .*

IACOBVS BIDERMANVS, ex *Minori* pulcherrime claudit hoc pulcherrimum Epigramma
 De Anachoretarum studio in corporibus
 afflicta.

*Bella, quibus crudo multamus terga flagello ;
 Iratasque cuti cogimus esse manus ;
 Thebaicis olim bellata fuere colonis ,
 Et per Niliacos infremuere specus .
 Nuda alibi stimulant setosi pectora vultu ,
 Nudum alibi stringit ferrea zona latus .
 Degrande hanc rigidus centeno pondere thorax ,
 Vinculaque crudelis circumit ossa thalybs .
 Ulcerat hic fixis exermia membra vepretis ,
 Atque dolet, quoties caussa doloris abest illius
 Calcat hic immotis eadem vestigia plantis ,
 Stansque solet noctem, stansque fugare diem*

*Quoad placet in summo stabilis manet amne Qui-
rinus,*

*Namque nihil saxum membra molare grauat.
Ni instaret precibus, nunquam raperetur ab amne
Sed palme cupidus poscit in amne mori.
Hunc quicumq. vides stabilem cum pondere in vnda,
Prodigium in Petro dixeris esse minns.*

Itemque meum de Cilicio S. EDMYNDI Episcopi
Cantuariensis, quod in ignem iniectum
exuri non potuit.

*Aspera que pauida spectata est vestis in igne,
Quae victrix domito vestis ab igne redijt,
Texerat Edmundi corpus, Venerisq. furores
Presserat ardentes, praeualidasque faces,
Quae flammis tantas superauerat ante, minores,
Haud mirum, si post vicerit illa rogos.*

Et quod composui,

DE PETRO CALCEONO,

mortuo, cum conderetur.

A D T O N S O R E M.

*Miraris, Tonsor, celeri quem forfice tondes,
Calceonus subito quod cadit interitu?
Nescis, quam fragilis vita est? filo illa, pilosae
Pertenui pendet iuncta; quid ergo stupes?
Protinus innumeros qui deles, protinus unum
Miraris Morrem nunc secuisse pilum?*

*Arguta Conclusio
ex Aequali.*

Apud MARTIALEM in Epigr. Lxvi. lib. ii.
IN LALAGEN.

*Vnus de toto peccauerat orbe comarum
Anulus, incerta non bene fixus acu.
Hoc facinus Lalage speculo, quo viderat, ulta est;
Et cecidit sectis ista Plecusa comis.
Desine iam Lalage tristes ornare capillos,
Tangat & insanum nulla puella caput.
Hoc Salamandra notet, vel sua nouacula uudet;
Ut digna speculo fiat imago tuo.*

*Ecce Aequale, ut caput tuum depilatum sanje salamandra
æque ac speculum reddatur leue, expolitamq.
Et apud eundem in Epigr. xlii. lib. vii.
AD OVIDIUM.*

*Maximus ille tuus, Ouidi, Casonius hic est,
Cuius adhuc vultum viuida cera tenet.
Hunc Nero damnauit; sed tu damnare Neronem
Ausus es, & profugi, non tua, fata sequi.
Aequora per Scylla magnus comes exulis isti,
Qui modò nolueras consulis ire comes.
Si victura meis mandantur nomina chartis,
Et, fas est cineri me superesse meo,
Audiet hac præsens, venturaq. turba, fuisse
Illi te, Seneca quod fuit ille suo.*

Ex Aequali etiam, seu Pari concluditur apud eundem MART. Epigr. xci. lib. xi. videlicet,
 EPITAPHIVM CANACES.

*Aeolidon Canace iacet hoc tumultata sepulcro,
 Vltima cui parue septima venit hyems.
 Ah scelus, ah facinus! properas quid flere, viator?
 Non licet hic vite de breuitate queri.
 Tristius est leto leti genus: horrida vultus
 Abstulit, & tenero sedit in ore lucus.
 Ipsaque crudeles ederunt oscula morbi,
 Nec data sunt nigris tota labella rogis.
 Si tam precipiti fuerant ventura volatu,
 Debuerant alia fata venire via.
 Sed mors vocis iter properavit cludere blandae,
 Ne posset duras flectere lingua Deas.*

Huius Conclusionis patet imitatio in sequenti
 IO. BAPTISTAE AMALTHEI Epigr.
 De Puella fluuiomersa.

*Deliciae ruris, prono cum forte lacerto
 Hauriret gelidas flaua Amaryllis aquas,
 Illam Naiades rapidum traxere per amnem,
 Plenaq. Virgineam prodidit vtriusque manum,
 Nulla fuga inuidiae est; linor quoque Numina tangit,
 Et Venerem syluis eripuerit suam.
 Nunc Deas blanda posset lenire querela,
 Clauserunt celeres ora natantis aquae.*

EST

Est etiam aliqua *Aequalitas* in conclusione
sequentis CLAUDIANI Epigram.
in Podagrum .

*Quæ tibi cum pedibus ratio ? quid carmina culpas ?
Scandere qui nescis , versiculos laceras .
Clandicat hic versus ; hæc , inquit , syllaba nutat ,
Atque nihil prorsus stare , putas Podager .*

Hæc est *Aequalitas* : vt podager non stat, ita
nihil stare putat.

At vnde tam subita ira Claudiani , & inurbanitas
cum misero podagro, vt cum vix ceperit eum al-
loqui , ab ipso , quodammodo terga vertens , ser-
monem auerterit, secumq, locutus ita fuerit ?

*Clandicat hic versus ; hæc , inquit , syllaba , nutat ;
Atque nihil prorsus stare , putat Podager .*

Sanè congruentius inceptum cum podagro sermo-
nem, cum eodem absoluere debuisset ,
idque facere sic facillimè potuisset :

*Clandicat hic versus ; hæc , inquit , syllaba , nutat ;
Atque nihil prorsus stare putas , Podager .*

Et in conclusione Epigrammatis compositi à IOA-
CHIMO BELLAIO, inscripti ,

Romæ veteris tumulus .

*Montibus è septem totum diffusa per Orbem ,
Sidera sublimi vertice Roma tuli .*

Sub

Sub pedibus terras utroque à littore pressi :
Atlantem tenuit dextra , sinistra Scytham ,
Iuppiter hos etiam disiecit fulmine montes ,
Et tumulos iussit corporis esse mei.
Incubuit capiti rupes Tarpeia nostro ,
Pressa Quirinali pectora nostra iacent .
Crura Palatinus , geminos hinc inde lacertos
Collis Aventinus , Vimineusque tegunt .
Exquilis hinc surgunt , & surgit Caelius illinc ;
Hæc quoque sunt pedibus facta sepulchra meis .
Sic , quæ vina sibi septem circumdedit arces ,
Mortua nunc septem contegitur tumulis .

Placuisse mihi magis hæc conclusio, si non Poeta, sed ipsamet Roma Epigramma conclusisset: cum enim ipsa superius locuta semper fuerit, eidem erat finis imponendus. At, inquires, eadem finem imposuit, de se locuta in persona tertia. Non placet hæc interpretatio, coacta enim locutio fuisset, quam candidum Epigramma non admittit. Addes fortasse: Difficile fuisset sententiam illam conclusionis exprimere in prima persona: fateor quidem, nam ego expertus sum: tamen adhibita diligentia, sic ipsam Romam concludentem induxi,

Sic ego , quæ septem circumdabar arcibus olim
Vina , regor septem mortua nunc tumulis .

Ex *Aequali* etiam, si bene, Lector, animaduertis,
concluditur à TRYPHONE BENTIO sequens
Epigramma in quo

Anser ab arbore suspensus, & à Romanis
iaculis petitus, ita queritur.

*Quid bene facta iuuat? quid, vos seruasse, Quirites,
Et Capitolini templa superba Iouis?
En iaculis summa pendens ex arbore, vestris,
Post modò victori praeda futura, pector.
Ergo non aliam tanta feritate decebat,
Quàm vestri altricem sanguinis esse Lupam.*

Ex *Aequali* procedit quoque conclusio Epigramma-
tis FRANCISCI ROGERII, in funere MAANIS
GIOERIDAE; Vxoris PETRI DE VALLE,
quæ perpetuò sui victrix, mortua est in prouincia
Maghostan; quæ vox, Perficè, Palmetum signifi-
cat; & Rômæ in Capitolio sepulta.

*Tarpeio quæ monte iaces, Maghostanis ora
Te rapit, à Palmis quæ sibi nomen amat!
Palmas inter obis, & lauros inter humaris:
Quantum habet ingenij sors, Gioerida, tua!
Debueràs, cui vita fuit victoria; tota,
Non obijisse alio, non iacuisse, loco.*

Ex *Aequali* etiam inferitur conclusio ab AVRELIO
VRSIO in sequenti Epigrammate

Ad

Ad MAPHAEVUM BARBERINVM
ægrotantem.

*Qui potis es dulci tristes mulcere querelas
Carminè, & Hircanas flectere voce feras,
Frangeris, ab, nimio febris, Maphæ, calore,
Atque Machaoniam poscis anhelus opem.
Nec tibi Apollineos prodest lustrasse recessus,
Nec tot Lethæis eripuisse vadis.
Flet chorus Aonidum, crinemq. euellit, & optat
Vinere te viuo, te moriente mori.*

Venustissimi huius Vatis, vicissim ab ipso MAPHAEO BARBERINO commendati, stylus clarus valde, elegans, & suavis summo perè me delectat: mallem tamen, ut suauitate postposita in penultimo carmine superioris Epigrammatis dixisset potius asperè, *crinesque euellit*, quàm dulciter, *crinemque euellit*, nam *crinesque euellit*, mihi legenti, non solum crinium auulsionem videre videor, sed etiam audire quamdam asperitatem, quæ in ipsa auditur crinium auulsione: atque huius rei nullam aliam causam esse cognosco, quàm asperitatem, quæ est in pronuntiatione, *crinesque*, qua *crinemque* prorsus caret. Hanc autem artificiosam asperitatem (ut etiam, cum opus fuit, suauitatem) amavit in primis Virgilius, ut vel ipso sono carminis mirè, quæ diceret, exhiberet: qua arte profectò illi æqualis adhuc ne-

mo fuit, nedum superior : id quod ille non solum
 duro litterarum concursu consequutus est, sed
 etiam frequenti Ecclipsi: quæ duo dum quidam,
 vt dulcissimè canere videantur, omni studio de-
 nitant, hac admirabili rerum expressione carmen
 quidem priuant. Proinde ad laudabiliorem car-
 minis compositionem, Lectorem hoc loco admo-
 nendum puto, vt aliquid asperum significaturus
 malit esse duriusculus, quam suavis, vt rei aspe-
 ritatem, aspero etiam carmine ex arte referat: ita
 enim maiorem ille laudem consequetur.

Idem AVRELIVS VRSIVS per *Aequale* claudit
 hoc Epigr. de VESTAE Simulacro
 In hortos OCTAVII CAESII translato.

*Sum lapis, at genitrix Divum, & Dea credita Vesta
 Abdita, & in priscis Vesta vocata Sacris.*

*Hos me Kelligio, Dominusque relegat in hortos
 Prouidus, errori ne sit in Vrbe locus.*

*Quam modò, Roma, sapis! non est in marmore Nu-
 men:*

Tu quoque, cum coleres marmora, marmor eras.

Per *Aequale* quoque PHILOMATHYS egregiè con-
 clusit, si bene, Lector, animaduertis, hoc Epigr.

De Sepulcrali Vrna pro Fôte in atrijs Romanorum.

Rerum disce vices: abit in cratera sepulchrum;

Quoq. cinis steterat, mobilis unda fluit;

Non

*Non hospes , compesce sitim , sed parcius hauri ,
Ne redeat crater , quæ fuit urna , tibi .*

Ecce Aequale : crater fuit olim urna : erit nunc iterum tibi , ni parcius hauseris ,

*Neque aliena ab Aequali est conclusio Epigrammatis eiusdem PHILOMATHI ,
de eadem Urna Sepulchrali .*

*Marmor, quod quondam cineres , atque ossa tegebat ,
Nunc fons irriguo murmure fundit aquas .
Nempè brevis queritur trepidantia tempora vite ,
Et , quæ servauit funera , forte gemit ,*

*Aequale etiam cognosco in conclusione sequentis
Epigrammatis nobilissimi Vatis FERDINANDI
FVRSTENBERGII Episcopi Paderbornensis ,
de Bibliotheca Vrbinatæ*

ALEXANDRI VII.

Pont. Max. liberalitate Vaticanæ donata .

*Regifico quondam sumptu , studioq. parata
Feltriadum celebris Bibliotheca Ducum ,
Vaticana tuas , huc longè iussa venire
Munere Alexandri Principis , auget opes .
Nobilior poterat nec muneris auctor haberi ,
Nec munus poni nobiliore loco .*

Huius enim conclusionis sensus hic est, muneris auctorem nobilissimum fuisse; nobilissimum pariter locum, in quo munus positum.

ANDREAS BAIANVS Lusitanus grauiissimus Orator, & Vates, à *Pari* conclusit Epigramma, quod est in ipsius Opere posthumo, in Dominicas totius anni, quod Elogijs etiam, non solum Epigrammatis, elegantissimis, maximèq. argutis exornauit. Epigrammatis autem hoc lemma est.

Petenda, Christi digna nomine, & sanguine.

*Vota precesq. volant Cælo, sed inania terris
Vtraque cum reuolent, discere, lector, amas?
Da pretium precibus, vacuis da pondera votis.
Parca loquar, Christi sanguine digna petas.
Ne pete diuitias, ne gaudia, ne pete honores,
Si petis hæc, pretium sanguinis omne negas.
Hæ nuge: Christi pete seria nomine: Christi
Sanguine parta salus, sanguine digna pete.*

A *Pari* etiam conclusum IOSEPHI BAPTISTAE
sequens Distichon.

*NERONIS dictum, Vrbe flagrante.
Troia parens Romæ est: parili sit filia fato:
Troia ruit flammis, Roma cremata cadat.
Et Epigramma IOANNIS ANIGII,
De vindicijs D. CAROLI MAGRI
aduersus BRVSONIVM.*

*Odrysium classis Melitensis territat hostem,
Quem Cruce sæpe fugat, sæpe vel ense ferit.*

Tos

Tot tamen impetere Heroas Brusonius audent,

Totque decus calamo contemnerare virum.

At tu, Magre, stylo Mœnum tam fixis acuto,

Illebus ut victus concidat ille tuis.

O tua sors felix! retinent, te vindice, nomē

Nostri Assertores nominis, & fidei.

Te quicumque leget, sic protinus efferet ore:

Quantum Equites gladio, tam valet iste stylo.

Par quoque est in conclusione pulcherrimi Epigrammatis IOSEPHI SILOS,

De Virgine formosissima, ictu fulminis inortua.

Formosas inter formosior una puellas,

Candida dum Phrygia stamina pingit acu,

Intonuît latè, scissusq. remugijt aer;

Arsitq. irati flamma trisulca Iouis.

Nil moror: it volucris penna penetrabile fulmen,

Et bibit è pulchra Virgine pulchram animam.

Extinctæ soluunt comites pia funera; tersa

Mox lacryma, fantur talia voce pari:

Cui Cælum, egregiam dederant cui sydera formam,

Quàm bene cœlesti morte perempta cadit.

Et in conclusione eiusdem SILOS Epigrammatis,
de tribus Gratijs marmore expressis.

Tergemina hic Virgo vel in uno est marmore: ad unguē

Factum opus, egregiæ meta suprema manus.

*Primo flore cui vernant : forma omnibus una
 Pulchrior : est hilaris frons, oculisque lepor.
 Sunt Charites, nescit quas nodus amabilis : illam
 Illa manu prensat : mutuus unit amor.
 Porrigit hæc donum : capit hæc ; largè illa rependit:
 Quæque suum grato in munere munus obit.
 Non humeris velum ; nixeo stant pectore nude :
 Nempe procul fuso det sua dona manus.
 At cur in solido stant marmore ? scilicet , ut sint
 Immota in memori pectore dona , monent.*

Video etiam ab *Acquali* conclusum hoc eiusdem
 Epigram.

De Homeri Iliade in nucis putamine descripta .

*Mæonide quæ plectrum ingens, cecinitq; ter amplum
 Ingenium , nucis in cortice clausa vides .
 Hic cædes , iræq; Ducum, mixtusq; Pelasga
 Troiugeno , infensa hic Numina Numinibus .
 Hic clypei allisi clypeis ; hic ensibus hausta
 Pectora , & hic passim funera , fata , lues .
 Stulte , quid horrescis mala mundi dira ? quid amplo
 Ore , quid ingenti nomine magna vocas ?
 Exiguus sunt cuncta labor ; nempe ipsa malorum
 Ilias en tota hic stat nuce clausa breui ,*

Eius-

Eiusdemque Epigramma, quod sequitur,
In Psittacum, pronunciantem: Memento mori.

*Quæ Capitolino surgit Roma ardua colle,
Fortè ibam, ipse cortes solus euntis eram.
Cum peregrina meas facundia verberat aures,
Et solida expressit voce: memento mori.
Vertor, & aurato declamans carcere Eous
Psittacus, hæc liquido sapius ore dabat.
Mox ego: cum sylvæ tu sis regnator Eoæ,
Cur iuuat occiduam commemorare diem?
Pennatàmne fugam, & volucris dispendia vitæ
Par erat, ut volucris fortè moneret anis?
Quid moror? arguto monitore hoc alite disco,
Quàm celeri penna mors inopina subit.*

Et hoc Epigramma nobilissimi Vatis VBERTINI
CARRARAE.

: Niobe versa in marmor.

*Illa ego sum Dolopum quondam fortissima matrum
Vel Cybele vatis invidiosa meis.
Nunc rigeo, gelidasque fero sine sanguine venas,
Et mea iam nescit reddere lingua sonos.
Me flabris Boreas, flabris me verberat Auster.
Et quatior rigidi dùm furit ira Iouis.
Siste, viator, iter: ni mollis corda dolore
Me cernens versam in marmora, marmor eris,*

Pulcherrimè à *Pari* concludit etiam BARTHOLO-
MAEVS BEVERINI Congregationis Clerico-
rum Regularium Matris Dei,

Epigramma,

De Iride, in aurora Dominicæ Ascensionis.

*Roscidus à primo Titan surgebat Eo ;
Qua luce hinc victor sidera , Christe , petis ;
Esce sub occidua cum Cæli parte refulsit ,
Fronte gerens placidas discolor Iris aquas .
Scilicet excipiunt cum tantos astra triumphos ,
Quid mirum est , Arcus si posuere suos ?*

Idem ex *Aequali* lepidè clausit hoc Epigram.
ad iracundum fuste percussum .

*Tam citò in ardentes non dissilit atra fauillas
Impatiens , ferro vix semel icta , silex ;
Tam citò non rapiunt pallentia sulphura flam-
mas ;
Tam citò non ignes Martia pulvis habet ,
Ut tu precipites ignescis cæcus in iras :
Hinc vulgi arguto diceris ore , focus .
Fuste igitur presso nulla est tibi causa querela :
Notum est , imponi ligna solere foco ,*

Et

Et Rodolphus noster à S. Hieronymo, Ferrariensis,
præclaro Iuuenis ingenio, à *Pari* lepidè etiam
conclufit fequens Epigramma,
De Gallinis, è Gallinario ftatim fugientibus,
mulieris afpectu perterritis.

*Intra humilis tecti penetralia, victum ubi turba
Quæ glocit, à pueri fumere fucta manu,
Ingreditur mulier, frugemq. vagantibus offert:
Tunc Gallina volat, grata alimenta fugit.
Fæmineum Gallina genus putat efle timendum;
Fæmina fi vulpes infidiosa rapit.*
Hæc eft *Paritas*: Gallina fibi cauens à vulpe, cauendum fibi putat à fæmina, quæ vulpes eft.

Ex *Pari* etiam conclufum, Epigramma pulcherrimum
mei olim Auditoris, IOSEPHI à IESV MARIA,
de S. CATHARINA Alexandrina,
Ex cuius recifa ceruice lac pro fanguine emanauit.

*Virginis vt liſtor ceruicem meffuit enſe,
Eft ſuper effuſus lacteus imber humum:
Quæ ſimul ac ſenſit nuneo ſe lacte madere,
Talia liſtori dicta repente dedit.
Qui tam manſuetæ ſecuiſti colla Puella,
Vnde tibi tantus, dire Tyranne, furor?
Certè equidem infanti quod lac tibi præbuit vber,
Vber non hominis, Tigridis vber erat.
Quàm bene nunc voluit lac Virgo effundere! lacte
Scilicet, edifcas mitis vt efle ſuo.*

Ego sæpissimè ex *Aequali* Epigrammata conclusi, ex
quibus quæ sequuntur, ac primum
in Opus æneum.

I V S S V

ALEXANDRI VII.

PONT. MAX.

Ereclum Romæ in capite Basilicæ Vaticanæ.
In quo iuxta Cathedram D. PETRI, inspiciuntur
SS. Ambrosius, Augustinus, Athanasius,
& Ioannes Chrysostomus.

ad P. SIGISMUNDVM REGVLVM
à S. SYLVERIO.

*Sigismunde, Petri ò quales hærentia Sedi,
Ostendunt Populis ænea Signa Viros!
Christiadum fidei tutamina fortia, Patres,
Quos meritò exornat Pontificalis honor.
Præualidos Patres, præstantes robore, quorum
Pectora, nulla unquam frangere vis potuit.
Testis adest Italus solide virtutis, Achiuus
Testis item, testis totus & Orbis adest.
Quàm bene Alexander iubet ænea surgere Signa!
Petri qui Sedi nititur, æneus est.*

De D. STEPHANO PROTOMARTYRE

in illa verba *Act. Apost. cap. 7.*

Ecce video Cælos apertos .

*Rex est , qui patitur : motus premit ille , domatq;
Et parcit clemens hostibus vsque suis .*

*Rex est , dum Stephanus lapidum fert fortiter ictus ,
Hostibus & placido pectore dat veniam .*

*Quid mirum , Stephanus Cælos si cernit apertos ?
Rege , attolluntur , iam veniente , fores .*

*De quadam Meretrice ,
Tabula coloribus expressa , cui sese in speculo con-
templanti , ossis humani capitis , à tergo elati ,
obiecta repente imago , timorem peperit , vitæq.
conuersionem .*

*Dum speculo flauos capitis miratur honores ,
Purpureasque stupet fœmina vana genas ,
Inspecto humani capitis terretur ab osse ,
Seque Deo , sapiens facta , repente dicat .*

*Picta quidem egregiè tabula est , sed passa ruinam
Defuncti effractum nunc caput illa gerit .*

*Scilicet hæc deerat capitis confractio : fregit
Hæc Morti , ad Vitam fœmina versa , caput .*

Ex *Aequali* etiam conclusa dici possunt ea Epigrā-
mata, in quorum fine congruens quādam digno-
scitur consecutio: vt in fine lepidi Epigrammatis
MARTIALIS, quod est IX. lib. VII I.

Ad QVINCTVM.

*Soluere dodrantem nuper tibi, Quinte, volebat
Lippus Hylas: luscus vult dare dimidium.
Accipe quā primū: brevis est occasio lucri.
Si fuerit cæcus, nil tibi soluet Hylas.*

Si enim Lippus cum esset Hylas, volebat soluere do-
drantem, luscus verò vult dare dimidium, con-
gruenter sequitur, vt si cæcus fuerit, nihil sit ille
soluturus.

Ex qua etiam congruenti consecutione, seti rei æ-
qualitate clausum deprehendo; apud eundem

Epigr. xxv. lib. XII.

IN THELESINVM.

*Cum rogo te nummos sine pignore, non habeo, inquis:
Idem, si pro me spondet agellus, habes,
Quod mihi non credis veteri, Thelesine, sodali,
Credis colliculis, arboribusque meis.
Ecce reum Carus te detulit: adsit agellus:
Exsiliij comitem quæris? agellus eat.*

Per hanc congruentem rei consecutionem à LAV-
REA TVLLIO, Ciceronis Liberto, bellissimè
clausum est nobile Epigrāma, quod refert Plinius.
De Villa CICERONIS non procul à Puteolis.

*Quòd tua, Romāne vindex clarissime linguae;
Sylva loco melius surgere iussa viret:
Atque Academia celebratam nomine villam;
Nunc reparat cultu sub potiore vetus.
Hic etiam apparent lymphæ non ante repertæ;
Languida quæ infuso lumina rore quant.
Nimirum locus ipse sui Ciceronis hon.
Hoc dedit, hac fontes cum patefecit ope.
Vt, quoniam totum legitur sine fine per Orbem;
Sint plures, oculis quæ medeantur, aquæ.*

Ex quadam quoque rei Aequalitate concluditur PE-
TRI ALOIS Epigramma, cuius hoc lemma.
ABSALON è quercu pendens exanimis.

*Isacidas Dauide satus, formosior inter
Ore niues, aurum vincere crine potis;
Dum rapido infelix densam subit impete quercum;
Cesarie implicita triste pependit onus.
Nempè coma ambierit patriam quod iniqua coro-
nam,
Hinc violata prior regia iura luit.*

Et Epigramma IO. BAPTISTAE BARGIOCCHI
ad Christi Discipulos, qui timebant mergi,
dum ille dormiret in nauis.

*Vos, timide ò mentes, plus falsa pericula terrent,
Quàm recreet præsens, qui regit astra, Deus?
Sic vestro de corde fidem metus excutit ingens,
Et spes non rupta naufraga puppe cadit?
Hic fragor undarum, resoni sunt murmura ponti,
Ante Deum letus qui sine lege salit.
Dormiat ille licet, vigili sat lumine cernit,
Quàm malus exagitet pectora vestra timor.
Credite, ab hoc somno discet mox unda quietem,
Et siluisse diù, dum silet ille, fretum.*

Et Epigramma IO. FRANCISCI à IESV, Neapo-
litani, nostræ Religionis, cuius hoc lemma.
Homo pulvis, & cinis.

*Cur ego per scelerum voluo mea pectora cænum;
Nec cesso impuro me temerare luto?
Cur animus cæci flammæ male cælat amoris?
Corda libidinibus cur ferus ignis edit?
Pulvis homo est: vili cænum quoque pulvere con-
stat:
Est cinis; hinc ignem corde calente, foner.*

Huc etiam spectat conclusio sequentis Compositionis Hetruscæ , Auctoris Anonymi , à me in Latinum sermonem translata .

M A D R I G A L E .

In lode

DELLA MADRE DI DIO

Sopra quelle parole :

*Mulier amicta Sole ,
& in capite eius corona Stellarum .*

Siede sù trono di piropi ardente
 La Vergine Reina ,
 C'hà di tessuto Sol toga diuina ,
 E d'astri coronato il crin lucente .
 Mà se giammai non chiuse ella nel petto
 Ombra di colpa , e à noi porgendo aiuto
 Con generoso affetto
 Ruppe al Drago superbo il fronte astuto ,
 Ben conuien'al suo merto ,
 Ch'habbia vn manto di Sol , di Stelle vn serto .

Tra-

Traductio mea Latina.

*En Virgo Regina, throno radiante Pyropis,
Vndique solari lumine cincta, sedet:
Nec tantum corpus rutilo Sol ambit amictu,
Sed quoque praeiungunt Virginis, Astra comas.
Nullius huic unquam culpa fuit umbra, superbo
Versutum colubro fregit & ipsa caput.
Iure igitur formosam adeo Sol ambit, & Astris
Lucida victrici rite corona datur.*

Ex Aequali etiam per quamdam rei congruitatem
clauditur hoc meum Epigramma,

AD CLEMENTEM X.

P O N T. M A X.

Cuius Genti litium Stemma constat ex Stellis.

*Cui non Stēma tuū, Caeli instar, Maxime CLEMENS?
Ceruleo en spatio Stemmatis Astra nitent.
Quam bene Caeligerum tibi Stemma, occludere quando
Fas tibi Caelestes, fas aperire fores.*

Et hoc quoque meum,

AD EXCELLENTISSIMAM
D. FLAVIAM VIRGINIAM
CHISIAM,

Monialem, Romæ, prius LAVRAM dictam: ex qua
Nominis mutatione processit ornatissima Oratio,
habita à Reuerendiss. P. F. RAYMVNDO CA-
PISVCCO Sac. Pal. Apost. Magistro, in Templo
SS. XYSTI, & DOMINICI, cum illa habitum
fufciperet: ex qua Oratione hoc procedit Epigr.

*Nomine Laura prius, nunc Flauia diceris, inter
Viuens Virgineos, Chisia Virgo, choro -
Cum Mundi pompa, liquisti nobile nomen:
Nobiliore tamen nomine dicta, nites.
Nomen erat prius à lauro, nunc nomen ab auro,
Nonne aurum, laurum nobilitate prait?
Hinc flaua ex auro, viridi mage clara corona,
Cui frondes laurus præbet odora suas.
Nobiliore quidem par est, te nomine dici:
Nobilior facta es, nobiliore statu.*

Præterea ex *Aequali*, argutè Epigrammata conclu-
duntur per *Similitudinem*; quæ ut perpulchra sit,
maximèq. accommodata, summa opera danda est,
nisi enim talis sit, minùs argutè clauditur Epigr.
per *Similitudinem*.

Ita

Ita claudit MARTIALIS Epigramma XXI. lib. in
Amph. Czf.

DE RHINOCEROTE.

*Solicitant pauci dum Rhinoceros Magistri ,
Seque diu magna colligit ira fere .*

Desperabantur promissi praelia Martis :

Sed tamen is redijt cognitus ante furor .

Namque grauem gemino cornu sic extulit vrsu ,

Iactat ut impositas Taurus in astra pilas .

Ita clausum Epigramma in lapide sepulchri , in
quo GREGORIUS ALBERTONIVS infans ,
Romæ , tumulatus ,

Blandidulus , nitidus , dulcissimus , unicus infans ,

Matris delicia , deliciaeque Patris ,

Hic tegitur raptus teneris Gregorius annis ,

Vt rosa , quæ subitis imbris jecta cadit .

Et Epigramma , præceptoris olim mei , Vatis , &
Oratoris eximij , CAMILLI à S. HIERONYMO ,
Vrbinais ,

DE D. PHILIPPO NERIO .

Nix , & flamma gerunt in te consortia , Neri :

Nix alget capiti ; corda sed igne flagent .

Quis neget assimilem te nunc mirabilis Aetna ?

Sic habet Aetna nives ; sic habet Aetna faces ,

Et

Et Epigramma IOSEPHI SILOS, Cler. Reg.
AD TORQVATVM TASSVM.

*Christiadum lectas acies, & Gallica signa,
Exanimisque Dei dum monumenta canis,
Musa tibi pietas, Deus est crinitus Apollo,
Laurus Idumeis Palma rigata iugis.
Barbiton electro distinctum diuite, & auro
Iesseus fidicen dona superba dedit.
Estque Sioneus vertex pro Colle bicorni,
Castalius vitreo qui fluit amne Cedron.
Grandius hinc solito resonas, tumultumq. Tonantis,
Tasse, pari celebras carmine, & arte pari.
Et tua, cen Phœbi reparabilis ales, ab urna
Aeternam ducit fama diserta diem.*

Per eandem ego Phœnicis Similitudinem finem im-
posui sequenti Epigrammati,
In laudem optimi totius nostræ Religionis
Moderatoris IOSEPHI à Visitatione.

*Præpositi primi Generalis nomine, Ioseph
Clarus, & eiusdem clarus honore nitet.
Atque illi similem similis prudentia monstrat,
Et nobis simili semper amore præst.
Sic primo Rectore frui, hoc Rectore, videmur:
Assyriæ similis sicque videtur ani.
Vt surgens Phœnix, Phœnix prior esse videtur,
Sic Ioseph, Ioseph cernitur esse prior.*

Simi-

Similitudine quoque clauditur Epigramma, quod composui de S. SATVRNINO Episcopo Tolosano, qui Tolosæ à summa Capitolij Arce per omnes gradus præcipitatus à Paganis, Martyrij coronam adeptus fuit.

*En Saturninus, præceptus deiectus ab Arce,
In Calum, toto corpore fractus, abit.
Sic descendendo ascendit: ceu surgere in altum,
Delapsa ex alto, flumina fracta solent.*

Et Epigramma de PILATO inscriptum Patri doctissimo, meique amantissimo, ANGELICO APROSIO, Augustiniano, quem sic alloquor, causa mei sequentis Anagrammatis, VT LAPIS, purè contexti ex litteris huius vocis, PILATVS.

*Ecce, Pilatus, amans corde ignem emittit amoris,
Dum fontem Christum, dum negat esse reum;
Dumque studet famam infontis, vitamque tueri:
Quid tamen? indignum morte, perire iubet.
VT LAPIS, Angelice, est: lapis ignem emittit; at
ignem
Non tamen, emittens desinit esse lapis.*

Et Epigramma, quo alloquor Auditorem olim meum IOSEPHVM à S. MARIA, Romanum, Carmelitam Discalceatum; cuius Epigrammatis hoc lemma.

Vir

Vir probus semper humilis .

*Vir, pietate grauis , plenus virtutibus heros ,
Demisso, Ioseph, tendit ad ima, animo .
Sic, quæ maturis pomis exuberat arbos ,
Demittit ramos , pondere prona, suos .*

Et Epigramma, quo Sapientissimum Senem VIN-
CENTIVM COMNENVM ex Ord. Prædicato-
rum adhortor ,
Ut in aduersis gaudeat, fortisque persistat .

*Optime Vincenti, ventis agitatns iniquis ,
Gaude ; aduersa virum flamina sæpè iuuant .
Vexatus dura : parient tibi gaudia cure ;
Gaudia, Vincenti, quin mage plena dabunt .
Ventis excussi fluctus tolluntur in altum :
Plenior expressis floribus exit odor ,*

*Arguta Conclusio
ex Diuerso .*

Apud MARTIALEM in Epigr. XLIX. lib. I.
De Leone, & Lepore .

*Rictibus his tauros non eripuerè Magistri ,
Per quos præda fugax , itque, reditque Lepus .
Quodque magis mirum, velocius exit ab hoste ,
Nec nihil à tanta nobilitate refert .*

*Tutior in sola non est cum currit arena ,
 Mec cauee tanta conditur ille fide .
 Si vitare canum morsus, Lepus improbe, queris ,
 Ad quæ confugias , ora Leonis habes .*

Cum tam nobilis Epigrammatis imitatione duo illustria composuit Epigrammata, Vates egregius, maximèque argutus FRANCISCVS REMONDVS è Soc. Iesu , quorum alterum est de Iona Propheta, & Ceto pisce , alterum de D. Petro in vinculis . Vtrumque subijciam , vt ab hoc insigni Epigrammatographo , optimoque Martialis imitatore, optimè, Lector, discas imitari .

De Iona Propheta , & Ceto pisce .

*Attonito Vates in Ceti ventre triumphat ,
 Naufragus innocuæ nobilis esca fera .
 Non fuit ille vnquam pacata lætior vnda ;
 Non fuit irato tutior ille freto .
 Redditur at tandem facili Pistricis ab aluo ,
 Et charus fidis enatat hospes aquis .
 Si cupis , ò Vates , posthac vitare procellas ,
 Ad quæ confugias , viscera piscis habes .*

De Diuo Petro in vinculis . *

*Quàm suaves ducit media inter vincula somnos !
 Gaudet , & attonita regnat in arce Petrus .
 Excubat ipse sui custos , timidasque catenas
 Increpat , & vinclis pascitur ipse suis .*

Erra-

*Errant patrijs nunquam mage liber in agris ,
 Nec iacuit placido mollius ille toro .
 Tranquilla posthac si vis requiescere sede ,
 Transfer in hæc lassos vincula, Petre, pedes .*

Ipse quoque cum imitatione conclusionis Epigram-
 matis MARTIALIS conclusi hoc Epigramma .

De S. LVPO Episcopo Trecensi ,
 Qui assiduus ad Deum precibus à furore Regis
 Attilæ Ciuitatem defendit .

*Grex timet; at precibus reserans Lupus ora, furentis
 Hunnorum Regis damna cruenta fugat .
 Grex felix : mihi nunc lepidè fas dicere: si quis
 Ingruit horror, oues , currite ad ora Lupi .*

Ex Diuerso concluditur etiam
 Apud MARTIALEM Epigr. Lxxv. lib. II.
 De Leone .

*Verbera securi solitus Leo ferre Magistri ,
 Insertamque pati blandus in ora manum ,
 Dediticit pacem subito feritate reuersa ,
 Quanta nec in Libycis debuit esse iugis .
 Nam duo de tenera puerilia corpora turba ,
 Sanguineam rastris quæ renouabat humum ,
 Scelus , & infelix furiali dente peremit :
 Martia non vidit maius arena nefas .
 Exclamare libet : crudelis, perfide, prædo ,
 A nostra pueris parcere disce, Lupa .*

Hinc ego deduxi conclusionem sequentis Epigram.
 De Lupa ROMVLI, REMIQ. nutrice,
 (ad quam allusit Martialis in conclusione superioris
 Epig.) & Matre Hebræa, proprii filij deuoratrice,
 expugnante TITO VESPASIANO,
 Hierosolymam.

*Mota Lupa cextemplo mira pietate, Puellis
 Admouit tremulis ubera Martigenis.
 Mater at è contra, stimulis agitata ferinis,
 Sedauit Nati corpore Hebræa famem.
 Exclamare licet: crudelis, Hebræa, voratrix,
 Tu Lupa, non mater; sed Lupa mater erat.*

Quod Epigramma complexus sum etiam Tetrasticho, Disticho, & Monosticho sequentibus.
 Tetrastichon.

*Marte satis Pueris Lupa porrigit ubera: Natum
 Extimulata fame, Mater Hebræa vorat.
 O qualis pietas! feritas ò quanta! parenti
 Es, Lupa, tu similis: tu, Lupa facta, parens.*

Distichon.

*Martigenas aluit Lupa: Natum Hebræa vorauit:
 Sic fuit illa parens; sic fuit ista Lupa.*

Monostichon.

Est Lupa, Hebræa vorans: Lupa præbens ubera, mater.
 Supe-

Superioris conclusionis Epigrammatis MARTIALIS
 memor fortasse, æius diligens imitatrix MARTHA
 MARCHINIA, bellè concludit hoc Epigramma,
 De Sanctis IVSTO, & PASTORE Fratribus,
 Qui cum adhuc pueri, Compluti, litteris imbueren-
 tur, proiectis in Schola tabulis ad
 Martyrium cucurrerunt.

*Cernis, ut impavidus densos concurrat in hostes
 Pastor? cui comes it Iustus: uterque puer.
 Atque olim gratas puerili è pectore Musas
 Pellunt, & studio nobiliore flagent.
 Siste gradum, quicumque petis studiosus Athenas:
 A nostris Pueris discere plura potes.*

Eiusdem optimæ Poetriæ est hoc Epigramma
 De S. VINCENTIO,

Qui post multa tormenta constantissimè tolerata, in
 molli lecto, sparsoque floribus exspiravit.

*Quem, nec virga furens, nec stridens flāma peremit,
 Cui peperit molles horrida testa rosas,
 Floribus in medijs Vincentius occidit, atque
 Delicijs certam sensit inesse necem.
 Impietas, ne quære ignes; nam perdere cum vis,
 Nil opus est flammis; floribus interimis.*

Ex Diuerso clauditur etiam
 Apud MARTIALEM, Epigr. xiv. lib. viii.
 In crudelem amicum.

*Pallida ne Cilicum timeant pomaria brumam,
 Mordeat & tenerum fortior aura nemus,
 Hibernis obiecta notis specularia pueros
 Admittunt soles, & sine fece diem.
 At mihi cella datur, non tota clausa fenestra,
 In qua nec Boreas ipse manere velit.
 Sic habitare iubes veterem, crudelis, amicum?
 Arboris ergo tuæ tutior hospes ero.*

Et apud eundem Epigr. Lxviii. libri eiusdem
 Ad ENTELLVM.

*Qui Corcyrei vidit pomaria regis,
 Rus, Entelle, tuæ præferat ille domus.
 Inuida purpureos vrat ne bruma racemos,
 Et gelidum Bacchi munera frigus edat,
 Condita perspicua viuit vindemia gemma,
 Et tegitur felix, nec tamen vna laret.
 Famineum lucet sic per bombycina corpus:
 Calculus in nitida sic numeratur aqua.
 Quid non ingenio voluit natura licere?
 Autumnum sterilis ferre iubetur biems.*

Et apud eundem Epigr. Lxxxvii. lib.xi.
IN PARTHENOPAEVM.

*Leniat ut fauces Medicus, quas aspera vexat
Assidue tussis, Parthenopae, tibi,
Mella dari, nucleosque iubet, dulcesque placentas,
Et quidquid pueros non sinit esse truces.
At tu non cessas totis tussire diebus:
Non est hac tussis, Parthenopae, gula est.*

Et apud AVSONIVM GALLVM, celebre Distichon
DE DIDONE.

*Infelix Dido, nulli bene nupta marito:
Hoc pereunte fugis, hoc fugiente peris.*

Et apud BARTHOLOMAEVM BEVERINI
Epigramma, cuius hoc lemma.
Eminentissimus Card. Bonuifius longa xxviii.
dierum tempestate in mari detinetur.

*Pone, pater Neptune, minas, frenumque procellis
Inyce, & Aeolij carceris obde seras.
Quid sacram violas unde spumante carinam?
Ah, nescis, quantum Numinis illa vehit?
Sic ego: sed tales medys regnator aquarum
Fluctibus assurgens, edidit ore sonos.
Mitte preces: ventos habeant plebeia ferentes
Carbasa: tranquille sarcina vilis eat.*

*Vela moraturis pugnent Bonuifia nimbis :
Hæc pelagi non est ira , sed ambitio .*

*Arguta Conclusio
ex Contrario .*

Apud MARTIALEM in Epigr.xxii. lib.i.
DE PORSENA, ET MUTIO SCAEVOLA :

*Dum peteret Regem, decepta satellite dextra ,
Iniecit sacris se peritura focis .
Sed tam seuæ pius miracula non tulit hostis ,
Et raptum flammis iussit abire virum .
Vrere, quam potuit contempto Mutius igne ,
Hanc spectare manum Porsena non potuit .
Maior deceptæ fama est , & gloria dextræ :
Si non errasset , fecerat illa minus .*

Video , per superioris conclusionis imitationem ,
argutè clausum à FRANCISCO REMONDO
hoc Epigramma
DE D. ALEXIO :

*Ipse sua Dominus seruit peregrinus in aula ,
Et proprias inter gaudet egenus opes .
Ignoti maior laus est, & gloria Alexis :
Nunquam tam celebris, ni latuisset , erat .*

In REMONDI ultimo carmine insistit IOSEPHVS
BAPTISTA in conclusione sequentis Epigramma-
tis .

DE EODEM DIVO ALEXIO .

*Magnanimus propriam deludit Alexius aulam ;
Atria Spartano marmore structa fugit .
Incaustum glebas geminat sibi clara Syene ;
Incaustum gazis Attalis arca tumet .
Oebalio ridet medicatas murice vestes ,
Fœmina signavit quas Babylonis acu .
Ast contemptor opum, titulosque exosus auitos ;
Errat in ignotos, exul ab Urbe, lares .
Patria post repetit neglectæ mœnia Romæ ,
Et sub neglecto fornice sæpè latet .
Ni spreuisset opes, diues nunquam ipse fuisset ;
Et nunquam notus, ni latuisset, erat .*

Quo tamen carmine adeò simili superiori ipse qui-
dem non clausissem Epigramma , cum in eo de
eodem agatur ALEXIO , ne furti potius argutus
essem,quàm boni imitatoris laudem mihi compa-
rassem .

Cautè sanè se gessit EMMANVEL THESAURVS,&
quia diuerso vsus est argumento, agens
DE CLAUDIO TIBERIO Cæsare
in imperio vitam inertem ducente,
& quia ita conclusit, vt quod negando dixit RE-
MONDVS, hic dixerit affirmando .

En

En tibi, Lector, EMMANVELIS Epigramma: lege,
cautumque imitatore[m] imitare.

*Faminea temerata manu regalia Caesar
Sceptra gerens, partum perdidit omne decus.
Regius illustrat latitantia crimina fulgor;
Quem toga calabat, prodit aperta chlamys.
Obscurat claro in solio sua nomina Caesar:
Clarior, in latebra si latuisset, erat.*

Ipse quoque, ut REMONDVS, MARTIALEM
imitatus sum in concludendo sequenti Epigr.
De S. IULITTA.

Quæ potius Martyrium subire voluit, quam thus
Dij[s] offerre, ut bona sibi vsurpata repetere posset.

*Dum bona rapta petit Iulitta ab Iudice, prava
Hæc sequitur Christi dogmata, raptor ait.
Iussa que thure Deos venerari, lite repugnat
Contempta, & moriens ad bona celsa volat.
Maiora, amissa, bona sunt data, lite: fuisset
Si litis victrix, vicerat illa minus.*

Et in conclusione sequentis Epigrammatis,
De S. CRESCENTIO puero, S. EVTHYMII filio,
qui Romæ sub Iudice TVRPILIO decapitatus.

*Nobilis Euthymij proles Crescentius, ensi
Porrigæ intrepidus fortia colla puer.*

Atto-

*Attonitus truncat miles : Crescentius ecce
 Cervice abscissa , sanguine spargit humum .
 Barbare Turpili , qui vel corpuscula mactas :
 Barbare , qui natos pene , perire iubes .
 Hen , feritas ! puer incepit vix crescere , quando
 Impia dextra sacrum messuit ense caput .
 Quid tamen impietas prodest ? Crescentius vsque
 Crescit , & ascensa fertur ad astra suo .
 Maius habet , casus Crescentius incrementum :
 Non obtruncatus creuerat iste minùs .*

Sed afferamus alia MARTIALIS exempla dissimili
 ratione clausa clariùs per *Contrarium* . Tale est
Epigr. Lxxxiii. eiusdem lib. i.

DE REGULO.

*Hæc , quæ pulvere dissipata multo
 Longas porticus explicat ruinas ,
 En quanto iacet absoluta casu .
 Tectis nam modò Regulus sub illis
 Gestatus fuerat , recesseratque :
 Victa est pondere cum suo repente .
 Et postquam domino nihil timebat ,
 Securo ruit incruentâ datinô .
 Tante , Regule , post metum querelæ ,
 Quis curam neget esse te Deorum ,
 Propter quem fuit innocens ruina ?*

Clarius sanè clausum est per *Contrarium* allatum
 exemplum : quid enim significat : *fuit innocens*
ruina ? id apertissimè : *ruina per se nocens* , *fuit*
innocens .

Idem MARTIALIS clausit ex *Contrario* .

Epigr. xLi. lib. i i .

I N M A X I M I N A M .

Ride , si sapis , ò puella , ride ,
Pelignus , puto , dixerat poeta :
Sed non dixerat omnibus puellis :
Quamvis dixerit omnibus puellis ,
Non dixit tibi , tu puella non es .
Et tres sunt tibi , Maximina , dentes ,
Sed planè , piceique buxeique :
Quare si speculo , mihi que credis ,
Debes non aliter timere risum .
Quàm ventum Spanius , manumque Priscus ;
Quàm cretata timet Fabulla nimbum ,
Cerussata timet Sabella solem .
Vultus indue tu magis seneros ,
Quàm coniux Priami , nurusque maior ,
Mimos ridiculi Philistionis ,
Et conuiuia nequiora vita ,
Et quidquid lepida procacitate
Laxat perspicuo labella risu .
Te mæste decet assidere matri ,
Lugentique virum , piunique fratrem ,
Et tantum tragicis vasare musis .

At

*At tu iudicium secuta nostrum ;
Plora si sapis, ò puella, plora.*

Quod vltimum carmen est contrarium primo :

Ride , si sapis, ò puella, ride .

Apud eundem MARTIALEM clarissima ex *Contrario* conclusio est ,

In Epigr. xv. lib. vi.

De formica succino inclusa .

Dum Phaethontea formica vagatur in umbra ;

Implicuit tenuem succina gutta feram .

Sic modò que fuerat vita contempta manente ,

Funeribus facta est nunc preciosa suis .

Ex *Contrario* quoque concludit IANVS VITALIS
Panormitanus nobilissimum Epigr.

DE ROMA.

Qui Romam in media quæris nouus aduena Roma,

Et Romæ in Roma nil reperis media ,

Aspice murorum moles, præruptaque saxa ,

Obrutaq. horrenti vasta theatra situ .

Hæc sunt Roma : vident, velut ipsa cadauera tantæ

Vrbis adhuc spirent imperiosa minas ?

Vicit vt hæc mundum, visa est se vincere : vicit ,

A se non victum nequid in Orbe foret .

Nunc victa in Roma victrix inuicta sepulta est ,

Atque eadem victrix , victaque Roma fuit .

Albu

*Albula Romani restat nunc nominis index ,
 Quæque etiam rapidis fertur in æquor aquis .
 Disce hinc , quid possit fortuna : immota labascunt ,
 Et quæ perpetuò sunt agitata, manent .*

Sublimis Vates PHILOMATHVS ex Contrario
 etiam ita clausit grauissimum

Epigramma ,

Ad ROMAM eandem .

*Orbis, Roma, decus ; dominatrix Roma potentum ,
 Quàm bene conspicuum tollis ad astra caput !
 Te fallax fortuna timet, quando omnia vincis ,
 Nec tibi , quæ humanis iam nocere, nocent .
 Vidimus annorum rabiem in tua damna furem ;
 Vidimus illatas vrere tecta faces .
 Ipse quoque iratus tumidis Pater obstitit undis ,
 Albula marmoreas dum rapit vsque domos .
 Pulchrior ipsa tamen vitam de funere ducis ,
 Et cecidisse iuuat , dum magis esse datur .
 Perge igitur felix , te diua volubilis auget :
 Te quoque dum tentat perdere, cæca fouet .*

Sed clariùs ex Contrario idem PHILOMATHVS
 intulit Conclusionem in Epigrammate .
 in obitum

FELICIS SAMVELIS RATGEIESCII .

*Aeger Apollinearum precibus dum querit alumnus ,
 Et medicam blando carmine poscit opem ,
 Labi-*

*Labitur in somnum, captus dulcedine, Apollo,
 Nec puero gratas admonet usque manus.
 Sic Felix perit infelix; quaque ipse medelam,
 Et longum petijt vinere, funus habet.*

Noscitur etiam Contrarium in conclusione
 Epigrammatis ANGELI COLOTII,
 ad Tiberim.

*Tibri pater, quis te sopor occupat? aspice quanta
 Liris, quanta Athesis laude superbus eat.
 Hic dum Tyrrhenum rapidus decurrit in æquor,
 Sequanico infectas sanguine vexit aquas.
 Cæde illum Istriaca tumidum, & spolia ampla fe-
 rentem
 Adriacus vidit Pontus, & obstupuit.
 Quare age, rumpe morâ, aut alio tua flumina verte:
 Imbellem Martis non decet Vrbe frui.*

Et in conclusione Epigrammatis IOSEPHI SILOS
 De Ara à PAVLO V. Pont. Max.
 In Templo Exquilino DEIPARAE excitata.

*Cernitis Exquilie fulgentem Virginis Aram?
 Totum ardet cultu diuite Molis opus.
 Dalmaticum paries vomit aurum; fulgor ab auro
 Igneus, & latè fax pretiosa micat.
 Ardet onyx, pictis ardent emblemata gemmis,
 Undique & Eous fulgurat igne lapis.*

Sunt

*Sunt hæc, magnanimus quæ dat spectacula Paulus ,
 Dum struit Augustà tecta superba manu .
 Mira facit : Scythica scintillant mœnia flamma ,
 Hic , ubi iam gelida canduit Ara niue .*

Et in conclusione Epigrammatis eiusdem ,
 In Pueros eodem die natos , eodemq. mortuos .

*Excepit lux una duos, & pectore ab uno
 Pendentes geminos aspicit una parens .
 Par oculis afflatus honor , par fronte venustas ,
 Par vultu , roseis purpura & una genis .
 Ambobus mox funus idem, nam sidera frontis
 Vna dies aperit , condit & una dies .
 Nec cineri gemino tumuli sors defuit una ,
 Namque una unanimes contegit urna duos .
 Sidera quàm bellè lusere hic, æqua gemellis ,
 Cum luxere pari lumine , sorte pari .
 Ite pares animæ ; vestri hæc miracula fati ,
 Diuidit ut quæ mors omnia, vos societ .*

Exscribenti mihi superius Epigramma venit in mē-
 tem meum hoc , eiusdem argumenti , & ex Con-
 trario quoque conclusum ,

De Sanctis GILDARDO, & MEDARDO, fratribus,
 Qui eodem die nati, eodemq. Episcopi consecrati,
 vno quoque die de terra subtrahuntur .

*Mortalem ad vitam fratres venere gemelli ,
 Atque ascenderunt Cœlica Regna simul .*

Namque olim quos una dies vitalibus auris

Tradidit, hos morti tradidit una dies .

Imò , dies olim morti quos tradidit una ;

Hos pariter vitæ tradidit una dies .

Atque etiam occurrit memoriæ Epigramma , quod
sequitur; à me quoque compositum ,

In obitum IVLII ROMA S. R. E. Cardinalis,

Qui expletis annis LXVI. eadem die, eademque
hora, qua natus, obiit .

Alluditur ad ea verba apud Matth. cap. xxv.

Vigilate, quia nescitis diem, neque horam .

Iulius effulgens ostro , cognomine dictus

Roma, die, atque hora, qua fuit ortus, obiit .

Quàm meritò ignaros horæ, ignarosque diei

Perpetuò vigiles nos iubet esse Deus .

Quis ratus hoc esset venturam tempore mortem ?

Tempore pro quàm non affuit illa suo .

Namque dies, & quæ vitæ quondam hora refulsit ,

Ipsa , dies mortis, mortis & hora fuit .

Atque exContrario , ANTONIVS de ROMBISE ;
lepidè conclusit hoc Epigramma, cuius lemma ,

Ad lapidem eijcientem aquas ,

& incautos abluentem in villa Matthæa .

Admiratus aquas horti spectator amœni,

Constiterat fontis non nihil ante lacum .

M

Ecce

*Ecce cauernoso de marmore mittitur imber ,
 Atque superstantis corpora tota lauat .
 Ille refert , fugiens : valet hac industria multum ,
 Ingentes pluuias quæ sine nube facit .*

Lepidè etiam , AVGVSTINVS FAVORITVS ex
Contrario claudit Epigramma hoc
De Fabro ferrario , diurnum quæstum scenicis
ludis impendente .

*Postquam lassauit miseros incude lacertos
 Forcipibus versans æra recocta faber ,
 Scenica videndi studio spectacula querit ,
 Quosque locat populo mimica turba iocos .
 Hinc cæna infelix , torquentes lumina, cepæ :
 Sic illi risus vertitur in lacrymas .*

Perarguta ex Contrario conclusio est in Epigram-
mate egregij Vatis ANTONII GVZZII
Neapolitani ,
AD THESTYLVN
De Horologij Solaris vmbilico .

*Thestyle , quæ tineas rerum , discriminat horas ,
 Hæc mihi precipites denotat vmbra dies .
 Aspice , vt æthereos Phæbo currente per orbes ,
 Ista , suis gradibus, mobile signat iter .
 Sensim declinui labuntur tempora cursu ,
 Vitaque non aliter, quàm levis vmbra , fugit .
 I nunc*

*I nunc, & soles homini promitte serenos ,
Nigra suos quando diuidit umbra dies .*

Perargutè etiam grauissimus Vates ALEXANDER
POLLINVS , Florentinus, clausit ex *Contrario*
hoc elegantissimum Epigramma ,

A D

ALEXANDRVM VII.

PONT. MAX.

*Insolitis vrget niuibus dum Iuppiter Urbem ,
Et Scythico mordens horrida bruma gelu ,
Exsul ab aspectu infelix, Pater alme , beato ,
Atque sacris adytis cogor abesse diu .
Pelliculam , gelidosque annis fugientibus artus
Lectulus , aut tepido dum fouet igne focus .
Cæcus Anaxagoras sit ne , stolidusue , videbo ,
Anne furens , nigram quum putat esse niuem .
Certè nigra cadit mihi nix hoc tempore , & atros
Improba de niueis reddidit illa dies .*

Et vt POLLINVS Niuem per *Contrarium* nigram
ostendit , ita ego per diuersum *Contrarium* cali-
dam patefacio, in sequenti Epigrammate .

De Nive prodigiosa ,
Romæ , Non. Augusti super Monte Exquilino .

*Cernitur Exquilio Niuium quæ copia colle ,
Ingerit ò quantas in mea corda faces ,*

M 2

Virgi-

*Virginis incendor Mariæ candoris amore ;
 Quæ signat Niuibus sacra ubi tella velit ;
 His candorem animi Niuibus suadentibus vror ;
 Et possum calidas dicere iure Nives .*

Conclusionem quoque ex Contrario infert perbellè
 VBERTINVS CARRARA
 in hoc Epigr.

ZEVXIS ad aspectum vetulæ à se affabrè depictæ
 risu suffocatur .

*Quam siccam, exanguem, vetulam natura crearat ,
 Zenxidis ingenium reddidit arte pari .
 Gibbosa hæc fuerat ; gibbosam reddidit ille ;
 Et brevis hæc fuerat ; reddidit ille breuem .
 Stant oculi introrsum ; sine dentibus ora dehiscunt ,
 Et furit in vacuo tussis anhela specu .
 Ante alios miratur opus mirabile pictor
 Nescius, & proprio luditur ingenio .
 Ergo repentinos patefacta per ora cachinnos
 Dum glomerat , patulo è gutture vita fugit .
 Sic vetule exangui vitam dum pictor inanem
 Restituit, veram sustulit ipse sibi .*

Et FRANCISCVS PETRAGLIA in hoc Epigram.
 D E A F R O

Mercatore auaro , maris tempestate vexato .

*Soluerat , & flabris dederat iam carbasa puppis ,
 Diuite quam cupidus merce granaræ Afer ,
 Cum*

*Cum tunida erumpunt luctantibus aequora ventis ;
 Dira procellosis cum fremit unda minis .
 Ne ruat in pelagus , mox prouida turba laborat
 Mercibus eieclis euacuare ratem .
 Projicit atque suas extrema exterritus hora ,
 Quas Afer inuigilans arte pararat opas .
 Sic mutat natura vices : quis crederet ? en hic
 Parcus erat viuens , prodigus est moriens .*

Et ex Contrario noster SIGISMVNDVS REGVLVS
 pulcherrimum finem imponit Epigram-
 mati sequenti .

DE S. BARBARA ,

quam à Patris ira fugientem ferox se statim
 aperiens, excepit .

*Barbara sauitiam gressu properante paternam
 Dum fugit, incestis non temeranda sacris ;
 Insequitur Genitor districto feruidus ense ,
 Et sons insontem cuspide pene premit .*

At subitò obiectum pandit sua viscera saxum ,

Et via fit nata , fitque parentis obex .

○ pietas ingens ! ingens truculentia ! saxum

Corda paterna gerit , saxeae corda Pater .

*Paterna , nempè , mollia , benigna : saxeae , nempè ,
 aspera , crudelia .*

Huiusmodi Contrarium legeram antea in conclusio-
 ne sequētis Epigr. MARTHAÆ MARCHINIAE .

De SS. Pueris IVSTO, & PASTORE fratribus,
Qui genuum vestigia lapidi impressa reliquerunt

*Digna Deo soboles, Cæli duo sidera, fratres
Dant gemini diræ membra tenella neci.
His violenta manus caput abscidit: horrida tantes
Excepit molli corpora trunca sinu.
Obstupuit natura parens, dum (flebile visu)
Mollescunt lapides, saxeæ corda rigent.*

Eadem insignis Poetria perargutè sanè absoluit per
Contrarium, hoc Epigramma

De Aquila,

quæ Diuum RICHARDVM Episcopum Andrientem
sem alarum umbra in itinere ab æstu defendit.

*Aëris in medio pendet Regina volucrum,
Et lentum incerto tramite carpit iter,
Vt, sacra Gargani scandit dum culmina montis
Antistes, facilem præbeat umbra viam.
Veloces Aquilæ miraris in aëre pennas?
Miror ego hanc, sed cum tardius illa volat.*

Superius de Aquila Epigramma in memoriam reuocauit Epigramma, à me compositum;

De mortè AESHYLI poetæ

ex ictu Testudinis, ab Aquilæ unguib. demissæ.

Ad DONATVM MARIAM BARBERIVM

Juriconsultum, meum olim Auditorem.

Præci

Præcipiti motu, Donatæ Mariæ, ruit Mors,
Hæc; semper: moriens Aeschylus ecce probat.
Aeschylus ut caueat, delabens nequid ab alto,
(Audit ut in fatis esse) repente necet,
Tectâ fugit, caluo patefacto & vertice tantum,
In campi fovea sustinet iste moras.
Ast Aquilæ Testudo ruens ex ungue, Poetæ
In caput, hunc misera cade repente necat.
Mors semper festinat iter: Testudo vel ipsa
Occisura, pigrum nescit habere gradum:

De Locis, & Modis aliquot, quibus Argutia
in Epigrammate comparatur.

CAPUT VI.

Hoc autem, quod ex propositis illatum, *Argutia*
 dicitur, quod, ut supra ostendimus
 ex doctrina SCALIGERI,

Aut { *Maius,*
 Minus,
 Aequale,
 Diversum,
 Contrarium } est,

varijs Locis, Modisque comparatur, præsertim ve-
 rò decem sequentibus,

- I. *Voce ambigue significationis* ;
 II. *Dicto ambigue significationis* ,
 III. *Voce, eadem pene litteris* ;
 IV. *Allusione* ,
 V. *Irrisione* ,
 VI. *Hyperbole* ,
 VII. *Allegoria* ,
 VIII. *Sententia* ,
 IX. *Enumerationem nominũ prepositorum* ,
 X. *Inopinato, sive, inexpectato* .
- Nempe {

Quos omnes , meo de more , multis nunc exemplis ,
 ijsque clarissimis , dilucidabo ,

L O C V S I.

De Argutia ex Voce ambigue significationis .

Quoniam *Ambiguitas* , & in *Voce* , & in *Dicto* , seu ,
Sententia reperitur , tum *Vocis* , tum *Dicti* *ambi-*
gue significationis exempla afferam , duobus *Locis*
 constitutis ; Epigrammata videlicet , quorum
 conclusionibus ex ipsis *Locis* emanat *Argutia* . Ac
 primum ea afferam , in quibus *Argutia* ex *voce*
ambigue significationis : Atque utriusque *Ambigui-*
tatis exemplis breues addam notas , quibus ipsa
Ambiguitas explanetur .

Argutia ex voce ambigue significationis .

Est apud MARTIALEM in Epigr. Lx. lib. III.

IN

I N C I N N A M.

Esse nihil dicis , quidquid petis , improbe Cinna :

Si nil , Cinna petis , nil tibi , Cinna , nego .

Nil, ultimo loco , simpliciter rem nullam significat ,
quod primo loco positum, rem leuem significabat.

Et apud eundem in Epigr. Lxxxiv. lib. vi.

D E P H I L I P P O .

Oclaphoro sanus portatur , Auite, Philippus :

Hunc tu si sanum credis , Auite , furis .

Sanus primo loco significat , sanum corpore , secundo
autem loco , sanum mente .

Et apud eundem in Epigr. Lxii. lib. viii.

D E P I C E N T E .

Scribit in auersa Picens epigrammata charta ,

Et dolet , auerso quod facit illa Deo .

Auersus primo loco significat , à tergo , idest , poste-
riorem chartæ faciem , loco altero , contrarium , infra-
micum , notat .

Et apud eundem in Epigr. Lxxxiv. lib. ix.

I N C I N N A M .

Dixerat Astrologus perituum te citò , Cinna ;

Nec puto mentitus dixerat ille mihi :

Nam tu , dum metuis , ne quid post fata relinquas ,

Hausisti patrias luxuriosus opes .

Ris quartum decies non toto tabuit anno :

Dis mihi , non est hoc , Cinna , perire citò ?

Ioca-

Iocatus est Poeta, ex ambigua significatione verbi, perire, quod enim Astrologus referebat ad vitæ finem, ipse retulit ad finem bonorum, hæc enim Cinna, Astrologi prædictum metuens, consumpsit.

Quandam superioris Epigrammatis imitationem esse deprehendo, in hoc THOMAE MORI Epigr. In Prognosten ridiculum.

*Hoc anno in Regno Rex nobilis ille quiescet
Gallorum; celebris scripserat Astrologus,
Rex, bene vix capto, vita defungitur, anno:
Iam nil, se vates quo tueatur, habet.
Rem quidam risu cepit descendere: verum est
Augurium, Rex iam nonne quieuit? ait.*

erbum quiescere, Astrologus adhibuit ad futuræ pacis fruitionem significandam, alter, ad mortem. Argutia quoque ex voce ambiguae significationis est apud eundem MARTIALEM in Epigrammate xv. lib. x.

DE APRO.

*Dotata uxori cor arundine fixit acuta:
Sed dum ludit Aper, ludere novit Aper.*

*Ludere, secundo loco, significat, decipere.
Et in sequenti Disticho, quod legitur Gandavi
In*

In Sepulcro cuiusdam Grammatici .

Grammaticam sciui , multos docuiq; per annos ;

Declinare tamen non potui tumulum .

Declinare , hic significat , deuitare : idest ; non potui ;
deuitare tumulum , nempe mortem .

Præterea huius eiusdem verbi participio ambigua
significationis BERNARDVS BAVHVSIVS Soc.
Iesu bellissime concludit sequens Epigramma .

Tres hominis hōles .

Vnum Grammaticum , Logicumq; , & Rhetorā , vita

Hos modò vitāris , cetera tūtā tibi .

Quis Rhetor ? Mundus : fallax Logicus ? Cæcōdamō :

Semper declinans , est Cæro Grammaticus .

Argutia etiā ex vocē ambiguae significationis , est apud
IACOBVM SANNAZARIVM in hoc Epigram.
D E A U F I D I O .

Dum caput Aufidio tractat Chirurgus & ipsū

Altius exquirīt , quò videat cerebrum ,

Ingemit Aufidius : Quid me , Chirurge , fatigas ?

Cum subij rixam , non habui cerebrum .

Cerebrum , secundo loco significat , mentem sanam :

Et in sequenti BENEDICTI SOSSAGI Epigram.
AD CALLIODORVM :

Cum tuā Vulcanus modò scripta absumpserit igni :

Crudelem quidnam vociferare Deum ?

*Cur Veneris coniux à sēno temperet igni ,
Non fuit in scriptis si Venus vlla tuis ?*

*Venus , secundo loco significat, gratiam, venustatem,
pulchritudinem locutionis;*

*Per vocem ambiguae significationis IOSEPHVS BA-
PTISTA , lepidè quidem clausit hoc Epitaphium
AFRANI Grammatici .*

*Hic iacet Afrānus podagra tumulatus : iniquis
Grammaticus vitam perdidit articulis .*

Articulis, nempe , morbo articulari .

*Et MATTHIAS CASIMIRVS Soc. Iesu , perbellè
conclufit , ingeniosè sanè excogitatum
Epigramma .*

*AD IOANNEM CAROLVM CHODKEVIC
Ducem exercituum Poloniae aduersus
OSMANVM Imper.*

*Spernere si nolis vatis presagia Musæ ,
Nil in te iuris , Carole , casus habet .*

*Vilāce nuper dum mandat Apollo Thalia ,
Grammatica nomen flectere lege tuum .*

*Cunctatur , dubitat , pallet , rubet , hesitat , alget :
Hac hilari tandem voce Thalia refert .*

*ChodKenic , ait , est indeclinabile nomen :
Robore bella gerit ; casibus ergo caret .*

Casibus, nempe , euentibus aduersis .

Et

Et lepidissimè AVGVSTINVS FAVORITVS
finem imposuit sequentibus hendecasyllabis , missis
Ad IOANNEM ANGELVM ALTEMPSIVM ,
Qui de castaneis elegantissimo carmine luserat .

*Te nostri hendecasyllabi salutant ,
O nouem Iuuenis decus Sororum ,
Phæbi dignus amore , laurea q;
Si non Castaneæ venustio rem
Gratæ in Melpomenem tuam , pararent
Lauream tibi frondium suarum .
Nam quæ montibus auis latebant
Nuper vilia poma , te canente
Inter Castaliæ vireta surgunt ,
Musis cara iocantibus propago .
Et quæ pauper erant cibus popelli ,
Posthac intererunt potentiorum
Mensis munera , cariusq; mentur ,
Nam cum illas celebraueris canendo
Pulcris versibus , et Marone dignis ,
Vaser venditor , esse clamat ab
Verè Castaneas Maronianas .*

Maronianas, nempè , castaneas grandiores, italicè dictas , *Marroni*. Vnde memini, olim Petrum Saluionum, Anconę Bibliopolam, mihi adolēcenti, ab eo Virgilij libros exquirenti, ioco dixisse, eade causa Virgilium dictum fuisse cognomento Maronem, quia ipſus Pater castaneas venderet
gran-

grandiores ; tales enim *castanea* Anconæ etiam dicuntur *Marroni*.

Ex Voce quoque *ambiguae* significationis oritur argutia sequenti meo Epigrammati, cuius hoc lemma. *Malum*, idest, *damnum*, seu *pæna*, unde dictum sit.

Vnde malo nomen ? mali de nomine nomen ;

Prima mali , malum caussa fuit vetitum .

Namque malum quamvis nolint producere vates ,

Quisque tamen longum clamat esse malum .

Longum, idest, *diuturnum* ob dolorem, quo excruciat, non *longum* ratione quantitatis syllabæ; hanc enim semper habet breuem *malum*, cum *damnum*, *pænam*ue significat.

L O C V S I I.

Argutia ex Disto ambiguae significationis .

Apud MARTIALEM in Epigr. xcvi i. lib. i.
De Simulatore quodam ,
ad Scazonem .

Si non molestum est , teq; non piget , Scaxon ,

Nostro rogamus pauca verba Materno ,

Dicas in aurem , sic , ut audiat solus .

Amator ille tristium lacernarum ,

Et Beticatus , atque lencopheatus ,

Qui coccinatos non putat viros esse ,

Ame.

*Amethystinasq, mulierum vocat vestes ;
 Natiua laudat ; habeat & licet semper
 Fuscus colores , Galbanos habet mores .
 Queris , quis hic sit ? excidit mihi nomen .*

Quidnam , hic, Lector, arbitraris dicere *Martialem* ,
 dum ait : *excidit mihi nomen ?* Id fortasse : *Illius
 hominis nominis oblitus sum .* At hoc sensu con-
 clusio nimis frigida efficeretur , & à *Martialis*
 acumine prorsus aliena : huius certè sententiæ
 ambiguae significationis , argutus sensus hic est .
*iam supra nomen indicaui : iam mihi imprudenti ex-
 cidit nomen illius , siue Fuscus fuerit , siue Galba ;
 quod innuerat versu illo :*

*Fuscus colores , Galbanos habet mores .
 ut acutissimè obseruauit LIPSIYS .*

Et apud eundem in *Epigr. Lxv. lib. II.*

IN SALETANVM ,

*Cur tristiore cernimus Saletanum ?
 An caussa levis est ? extuli , inquis , uxorem .
 O grande fati crimen ! ò grauem casum !
 Illa , illa diues mortua est Secundilla ,
 Centena decies quæ tibi dedit dotis ?
 Nollem , accidisset hoc tibi , Saletane .*

Quid nam, Lector, significari videtur , hac ambiguae
 significationis *Sententia* ? id profectò . nollem , Sa-
 letane, ut mortetibi uxor charissimà esset erepta . At
Martialis ex ambiguo aliud significat, neque enim
 dolet

dolet morte vxoris, vt dolere videtur; sed optima fortuna *Saletani*, cui Vxoris morte, amplæ hæreditas dotis obuenerit; Itaque hoc carmine.

Nollem, accidisset hoc tibi, Saletane
id verè significat; *Nollem, vt centena decies, quæ tibi vxor dedit dotis, tibi, ea mortua, contigissent.*

Et apud eundem in Epigram. LIV. lib. v.

A D B A S S V M

Colchida quid scribis, quid scribis, amice, Thyesten?
Quid tibi, vel Niobe, Basse, vel Andromache?
Materia est, mihi crede, tuis aptissima chartis
Deucalion, vel, si non placet hic, Phaethon.

Quoniam *Deucalion* aquis periit, *Phaethon* verò flammis, dum *Martialis* videtur materiam *Basso* proponere, de qua agat, ex ambiguitate significat, eius poemata digna esse, quæ demergantur, vel igni tradantur.

Hanc argutiam deprehendo in sequenti Epigrammate, à C. VRSIO VELIO, è Græco in Latinum conuerso

Ad MENESTRATVM pictorem,

Deucalione tibi, & Phaethonte, Menestrate, pictis;
Iam precio quo sit dignus uterque, rogas?
Ambo sorte sua digni; mittiq; meretur
In flammis Phaethon, Deucalion sub aquis.

Ex hoc Epigrammate, lucem esse exortam, opinor,
(nam egregiam ipsius imitationem cognosco)
MATTHIAE CASIMIRO, componenti hoc Epi-
gramma

A D. CAECILIANVM.

*Cum modò Magdalios cecinisses carmine fletus,
Et rapidos Afræ, Cæciliane, focos,
Continuò madida properata volumina chartæ
Ad nos perferri, Cæciliane, iubes.
Legi: iudicium quæris de carmine? dicam:
Digna fuit lacrymis Magdalis, Afræ focis.*

Ex ambiguae quoque significationis sententia oritur
Argutia,

Apud MARTIALEM in Epigr. LXIV. lib. eiusd. v.
A D. PONTICVM.

*Quid sentis, inquis, de nostris, Marce, libellis?
Sic me sollicitus, Pontice, sepe rogas.
Admiror, stæpeo: nihil est perfectius illis:
Ipse tuo cedit Regulus ingenio.
Hoc sentis? inquis, faciat tibi sic bene Cæsar,
Sic Capitolinus Iuppiter; immò tibi.*

Immò tibi. Id est, non, ut putabat Ponticus sibi di-
ctum à MARTIALE, Cæsar, & Iuppiter sic bene
faciant, sed, sic tibi faciant, id est, malè, male enim
sentiebat MARTIALIS de eius libellis, secus au-

tem ironice locutus fuerat.

Et apud eundem in Epigr. Lxxx. lib. xii.

AD BITHYNICVM.

Nil in te scripsi, Bithynice: credere non vis;

Et iurare iubes: malo satisfacere.

Malo satisfacere, idest, malo verè scribere contra te,
non autem, *me iuramento purgare: quo sensu quid*
esset insulsius? frigeret prorsus conclusio.

Inter venustissima nobilissimi Vatis FERDINAN-
DI FVRSTENBERGII Episcopi Paderbornen-
sis Epigrammata, per carmen continens *sensum*
ambiguum conclusum legi Epigr. hoc, quo hic
ALEXANDRO VII. Pont. Max. felicitatem pre-
catus est Cal. Ian. an. M. DC. LXVI.

Cur, musa, longo desides silentio,

Aurata quondam docta fila tangere

Citharæ loquacis? quin Alexandro nouis

Iani Calendis dona depromis noua;

Aut digna maiestate si tanta nequis

Afferre, vota, nuncupans sollemnia

Pro re Latina, proq; gente Chisia,

Quot vere flores educat Fauonius,

Aestate aristas flaua quot numerat Ceres,

Autumnus & quot pingit uuas purpura,

15 Frondes quot altis decutit siluis hiems,

20 Felicitatis tot precare Maximo

30 Donis refertos uebat Alexandro dies

40 Numeris hic annus absolutus omnibus.

Ali-

Aliquid numeris omnibus absolutum dicitur metaphoricè, quod est omni ex parte perfectum: Verum à FVRSTENBERGIO propriè dictum est, ex ingeniosa obseruatione,

Numeris hic annus, absolutus omnibus,
in hoc enim Anno M. DC. LXVI. omnes litteræ numerales continentur.

Ex sensu quoque *ambiguo* oritur *Argutia* sequenti
IOANNIS OVVENI Disticho,
IN QVINTVM.

Est nummus Nomen, Verbum, promittere: Quintus,
A quo sperabam Nomina, Verba dedit.

Verba dedit, idest, Decepit me.

Atque idem *Ambiguum* huic meo Disticho parit Argutiam, *De effigie sine lingua.*

Viva est Effigies: ab aperto emitteret ore
Verba quoque, at linguam non habet: addet dabit.

Dabit verba, idest, decipiet te; neque enim loquetur,
cum sit picta.

Idem Distichon habes, Lector, supra Cap. IV. Loco VI. inter exempla *Narrationis* ex *Hyperbole*; *ambiguum* enim, *dabit verba*, simpliciter acceptum, significat, *loquetur*; quod de picta dictum *Effigie Hyperbolicum* prorsus est: sed per superiorem significationem, magis argutam puto effici conclusionem.

Huic *Ambiguitati* similis est *Ambiguitas*, quæ vsus

sum in conclusione sequentis Epigrammatis

DE TIBULLO GRATIO

petente aliquid pro iucundis narrationibus

*Facta ego iucunda auditu , nulliq; relata ,
 Quid mihi , si referam, Carolo amice, dabis ?
 Hæc mihi sæpe solet præponere verba Tibullus ,
 Si quid festiūm , quod mihi narret, habet .
 Huic igitur quondam dixi de more petenti :
 Aures , si referes lata , Tibulle , dabo .*

Aures dabo , idest , te audiam .
 Perlepidè quidem BARTHOLOMAEVS BEVERINI per sententiam ambiguae significationis conclusit Epigramma , cuius lemma ,

Coquus è Legum studioso ,

*Ortus sub crassi nebuloso cardine Cæli ,
 Cui genitor veruex , mater Asella fuit :
 Præ quo, roboreo mens est in stipite maior ,
 Et maius fungis nascitur ingenium .
 Calceus attrita rimam qui ducit aluta ,
 Et pingui cucumis plus quoque ventre sapit
 Attigerat legum , musa ridente , sacrata
 Carmina , quæ miseris venderet inde reis .
 Sed male tentatas tandem prudentior artes
 Deserit , & studio nobiliore cluet .
 Namque in fumose clausus regione culinae ,
 Fæcundum in patinis explicat ingenium .*

*I, linor, Iurisque nega nunc esse peritum ,
 Et causas triplici nunc agitare foro .
 Profecit studio : nam qui didicisse nequibat ,
 Ingenio condit Iurâ , probatque suo .*

Perlepidè, inquam, conclusit ; neque enim hic, *condit Iura*, significat, *sancit leges*, sed *condimento perficit inrulenta*, *condit* enim, non descendit à *condo*, sed à *condio* ; & *Iura probat*, non significat, *Leges approbat*, sed, *gustu Iuris qualitatem explorat* .

Appositè subdam huic Epigrammati, in quo de *Cocquo* agitur, Epigramma meum ,

AD IANVM-NICIVM ERYTHRAEVUM ,

Ad quem *Cocus Caponem* sine alis, quas ipse *Cocus* ederat, in prandium famulo deferendum dederat ; cui Epigrammati hoc *Martialis* carmen ,

*Namque Cocus domini debet habere gulam ,
 lepidè à me detortum , argutum dat finem .*

Ponitur en Capo , truncatus utraque sed ala :

Parte gula, optata sic tua, Iane , caret .

Quippe cocus sapidas edit, quas appetis, alas ;

Tuque gula audacem non finis esse cocum .

Atqui si talis caussa est, malè, Iane, flagellas ;

Namque cocus domini debet habere gulam .

Quo, *MARTIALIS*, carmine significauit, optimi coqui partes esse, non solum perficere, quæ pla-

ceant, sed callere in primis, quæ grata sint palato Domini sui. Ego verò verbis eius carminis simpliciter inhærens, in hunc sensum detorsi, ut videlicet significet, Coquum eandem debere habere gulam, idest, eiusdem cibi esse edacem, cuius proprius Dominus edax est.

Et quemadmodum MARTIALIS carmine detorto præcedens Epigramma conclusi, ita subsequens hoc HORATII carmine de Arte Poet. ipsius sine in propria usurpato significatione.

Omne tulit punctum, qui miscuit utile dulci.

Quo ille significat, eum optimum poetam esse, qui utilitatem cum voluptate coniungit. Epigramma est ad eundem IANVM NICIVM pro Libellis missis vnà cum placenta.

*Vtile dum mittis, mittis quoque dulce, Libellis
Addita namque fuit gratissima, Iane, placenta.
Quis mihi te punctum nunc omne tulisse negabit?
Omne tulit punctum, qui miscuit utile dulci.*

Per Sententiam quoque, non vnus significationis sequens Epigramma terminaui,

AD SINONEM.

Ex his ipsius verbis apud VIRGILIUM Aeneid. lib. II.

*Heu, quæ nunc tellus, inquit, quæ me æquora possunt
Accipere? aut quid iam misero mihi denique restat?*

Heu

*Hen, quæ terra, Sinon, inquis, quæ me æquora possunt
 Accipere? aut misero quid mihi restat, ais?
 O mea quanta tui miseratio viscera torquet,
 Dum tibi terra, Sinon, dum negat unda locum:
 Parce tamen lacrymis; non cuncta elementa negantur,
 Aer obsequio præstò erit, ignis ope.
 Gaude: aer aderit tibi promptus, promptus & ignis;
 Hæc tibi suppetias, crede, elementa ferent.
 Te meritis celso, famulans letabitur aer,
 Interea dignas igne vibrante faces.*

*Idest, tibi suspenso sibilabit aer, tumque ignis, ut
 comburaris, flammæ meritas emittet: hæc enim
 conclusione, ex ambiguo, Sinoni scelestissimo pa-
 tibulum, & combustio significatur.*

*Addo præterea exempla tria conclusa nimirum per
 duas Ambiguitates perquam acutas, quas ego in
 argutissimo MARTTIALE obseruavi: Quarum
 Ambiguitatum altera est, cum ponitur Antecedens,
 sed significatur consequens; altera, cum ponitur
 Consequens, quod tamen videtur esse Antecedens,
 sed id, quod verè antecedit, significatur.*

Ambiguitas prima est in conclusione

Epigr. LVI. lib. XI.

IN POLYCARMV M.

*Ægrotas vno decies, aut sæpius anno;
 Nec tibi, sed nobis, hoc, Polycarme, nocet.
 Nam quoties surgis, soteria poscis amicos:
 Sit pudor: ægrota iam, Polycarme semel.*

Aegrota semel, idest, *morere*; id enim sequitur, si semel quis ægrotauerit; non enim è morbo conualefcet. Et sic, Lector, vides clarissimè, *Aegrota semel*, esse antecedens; sed consequens significari: ægrotatio enim antecedit, mors verò cōsequitur.

Ambiguitas altera est in conclusione,

Epigrammatis xxxiii. lib. iv.

AD SOSIBIANVM.

Plena laboratis habeas cum scrinia libris,

Emittis quare, Sosibiane, nihil?

Edent hæredes, inquis, mea carmina: quando?

Tempus erat, iam te, Sosibiane, legi.

Ex *ambiguo* Martialis imprecatur mortem *Sosibiano*, per consequens, quod antecedens videtur, significans id, quod verè antecedit: non enim, vt videtur, antecedens est, *Tempus erat, iam te legi*, sed consequens, vult enim *Sosibianus*, vt ipso mortuo hæredes libros edant; per hoc autem consequens, significat id, quod verè antecedit, idest, ipsum esse iam mortuum, nam nisi prius mortuus sit, libri per hæredes edendi non poterunt legi.

Itaque, per hoc consequens

Tempus erat, iam te, Sosibiane legi,

significatur hoc verè antecedens

Tempus erat, iam te, Sosibiane, mortuum esse:

Et sic ex *ambiguo*, Martialis imprecatus mortem *Sosibiano*; ac si dixisset: *Morere tandem, vt*

possis

possis legi. Eadem planè Ambiguitas est apud eum-
dem MARTIALEM in conclusione
Epigrammatis Lxxiv. lib. xii.

AD CATVLLVM.

Heredem tibi me, Catulle, ditis :
Non credam, nisi legero, Catulle.

Nisi legero, idest, nisi mortuus fueris: defuncto enim testatore legitur testamentum: atque ita pater, *nisi legero*, consequens esse, positum pro antecedenti, nisi mortuus fueris.

Quod acutissimum *Ambiguitatis* genus qui ignoraverit, putabit profectò, *nisi legero*, esse aliquid antecedens, atque id significare, *nisi legero, antequam moriaris*, atque eadem ratione intelliget, in superiori Epigrammate, *tempus erat, iam te legi*, idest, *tempus erat, multò ante mortem te legi*. Quibus conclusionibus si hic sensus inesset, quid esset frigidius? quid ineptius? omni prorsus carerent argutia, neque ipsæ argutissimi Vatis, sed frigidissimi hominis conclusiones existimarentur.

L O C V S I I I.

Argutia ex voce, eadem pene literis.

Apud MARTIALEM in Epigr. xcix. lib. i.

A D F L A C C V M.

*Litigat, & podagra Diodorus, Flacce, laborat;
Sed nil Patrono porrigit; hæc chiragra est.*

Quis non videat, hinc lineas duxisse suas IOAN-
NEM OVVENVM, non sine nota manifesti fur-
ti? licet ipse furtum arte quadam occultauisse
crediderit, non attributa videlicet, eidem litigati,
(vt factum est à MARTIALE) sed caufidico po-
draga, sic enim

IN PONTICVM clientem.

*Pontice Caufidico nil porrigis; ista chiragra est:
Ille pedem pro te non mouet, hæc podagra est.*

Et apud eundem MARTIALEM in Epigr. xvii.
libri vi.

I N C I N N A M V M.

*Cinnam, Cinname, te iubes vocari:
Non est hic, rogo, Cinna, barbarismus?
Tu si Furius ante dictus esses,
Fur ista ratione dicereris.*

Præte-

Præterea ex hoc loco emanavit eidem *Argutia* in
conclusionē Epigrammatis Hyperbolici in *Lupū*,
à me supra positi *Loco VI. cap. IV.*
Conclusio autem hæc est :

*Errasti , Lupe , littera sed una ;
Nam quo tempore pradium dedisti ,
Mallem , tu mihi prandium dedisses .*

Et apud PICTORIVM in Epigrammate
A D L I N V M .

*Vade ultra Boream ; calidam transcede Syenen ,
Teque latebrosis occule Cimмериjs .
Quò te cunque feres , turpis comitabitur usus :
Lassari longa nescius ille mora est .
Si , quibus obrueris , mens est explodere pestes ,
Est opus , esse alium te , Line , non alibi .*

Et apud HERCVLEM STROZAM in Epigr.
De Callirhoe , quæ viua sepulta fuit .

*Bis vixit , semel ortas ; bis hoc composta sepulchro est ,
Post sua Callirhoe funera facta parens .
Facta erat ; exanimis tumulatur ; at excita partu
Poscit opem ; eruitur : mox parit , atque perit .*

Superiori Epitaphio subdo alterum , cui *argutia* ex
huius generis *vocibus* diuersis , *litteris* pene eisdem .
Quem

*Quem nix nocte peto, nucis hic me stipite cedit :
Sic mihi nix, nox, nux, nex fuit ante diem .*

Et apud THOMAM MORVM in Epigramo
De TVSCO potore .

*Perdis , ait Tusco medicus , tua lumina vino :
Consultat secum , quid velit ergo sequi .
Sidera, terra, fretumq. solent quaecumque videri ,
Omnia sunt , inquit, visa, renisa mihi
Multa mihi sed vina tamen gustanda supersunt ,
Multa refert annus cum noua musta nouus .
Iam certus , firmusque : Valebitis, inquit, ocelli :
Nempè satis vidi, non satis usque bibi :*

Et apud IVLIVM CAESAREM SCALIGERVM,
in Disticho .
DE VASCONIA .

*Non temerè antiquas mutat Vasconia voces ,
Cui nihil est aliud viuere, quàm bibere .*

Et apud M. ANTONIVM MVRETVM ,
in Epigrammate .
IN CAROLVM CALIANTHEVM .

*Philosophum te dicis, & hoc te nomine iactas ,
Præ te omnes reliquos ut nihil esse putes .
Nec tamen, aut rerum causas, & pondera nosti ,
Aut aliud, nomen quo mereare Sophi .*

Vna

*Vna tuis titulis addenda est littera, Carle,
Nec mihi philosophus, sed philosomphus eris.*

Et apud SABINVM in Epigrammate
De Astrologo, & Rustico.

*Dixerat Astrologus, Cælum sine nube futurum,
Principe sylvarum lustra petente suo.
Dixerat at contra, ruiturum nubibus imbrem,
Vertere consuetus bobus arator humum,
Vix ingressus erat Princeps nemus ilice densum,
Cum subito pluuiæ præcipitantur aquæ.
Laudat aratorem Princeps, ipsumque docere
Astra, sed Astrologum sumere rastra iubet,*

Pulcherrimè ex his vocibus, IOSEPHVS SILOS
absoluit sequens Epigramma,
De HERACLIO Imp.
Crucem ferente habitu triumphali.

*Iam fulua Cæsar spectandus iaspide, & auro,
Sacra triumphali firmate signa vehit.
Mortalisque Dei miseranda cæde cruentum,
Iam subit in montem diuite veclus equo.
Cum medio sonipes phaleratus tramite sistit,
Nec potis est ceptum pergere anhelus iter.
Frena quatit Cæsar, mox ilia lancinat auro;
Stat tamen, & lentus spicula temnit equus.
Disce, Heros, sapiens quæ te docet alipes: audin'?*

Hæc

*Hæc tibi , dum modico tempore sistit , ait :
 Rubra cruentato satis est sua purpura ligno ,
 Heracli , ex humero supplice pone tuam .
 Pro gemma gemitus , pro luxu amplectere luctum ;
 Pro trabem hanc nudus terga resume trabem .
 Et hoc ,*

*De Simia acu pingente .
 Vidit acu artifici variantem lina puellam
 Simia , Arachnea & telam animare manu .
 Cumq; Mineruali posita mox cuspide Virgo
 Fessa abit , & cedit mox reditura , loco .
 Simia , correpto succedit stamine , tele
 Insidet , & Phrygium iam meditatur opus .
 Aeniula iam pingit bellè , iamq; , itq; , reditq;
 Cuspis , & insolito pollice currit acus .
 Incantam cum pungit acus , subitoq; dolore
 Insanit , iacit & carbasa , stamen , acum .
 Dum varias telam , te , Simia , tela cruentant ;
 Pungere tu scis , non pingere lina manu .*

Et lepidissimè BERNARDVS BAVHVSIVS conclu-
 dit sequens Epigramma , arrepto ab HORATIO
 FLACCO , carmine od. i. lib. i.

*Mæcenas atavis edite regibus ,
 ipsius vltima voce immutata duarum lieterarum
 adiectione .*

In Lycam è remige Equitem factum .

*Remigibus genitus , liniq; hamiq; magistris ,
 Squamigerum quibus est fallere cura gregem*

Nunc

*Nunc fertur nescire Lycas, nomenq; , genusque ,
 Splendidus è nauta paupere factus eques .
 Nunc illum madidi generis pudet, atque parentum ,
 Et matri nuper , quenam , ait , hæc anus est ?
 Ante Lycas fuerat ; finxit sibi nobile nomen ,
 Factus Mæcnas, qui fuit ante Lycas .
 Sicq; salutatur cunctis : salve & mihi : salve ,
 Mæcnas atavis edite remigibus ↓*

*Vox quoque diuersa, eadem pene litteris parit argu-
 tiam ALOYSII CERCHIARII Epigr. in quo ,
 OCTAVIUS AVGVSTVS CAESAR ,
 corpus ALEXANDRI , corona aurea imposita ,
 sic floribus aspersis veneratus
 sic loquitur .*

*Tollite marmoreum Pario de pegmate culmen ,
 Vt pateant oculis ossa sepulta meis .
 Istenè Alexander, rerum qui pondere magnus
 Auduit , & totus quo minor Orbis erat ?
 Vnus Pelleum Iuuenem non ceperat Orbis ,
 Et modò defunctum tam brevis urna capit ?
 Sistite me Augustum Romana dicere gentes :
 Pro Augusto Augustus dicier inde volo .*

*Et Epigrammati IO. FRANCISCI à IESV ,
 Neapolitani, ex nostris Patribus ,
 De Agnis, & Hædis in extremo iudicio .*

*Cum pereunte Deus iam formidabilis orbe ,
 Pro meritis Index omnibus vnus erit ,*

Ille

Ille hados , Agnus Patris , disiunget ab Agnis ;

Hædis laua , Agnis sed loca dextra dabit .

Qui fuerit magnus meritis , numerabitur Agnus ;

Qui sedus fuerit moribus , hædus erit .

Et sequentibus IOSEPHI BAPTISTAE Distichis ,

In malum Prætozem ,

Cum peccant ciues , auro tu crimina pensas :

Id mala corrigere est , an bona colligere est ?

In malum Poetam abstemium ,

Ex vite accipiunt longæuam carmina vitam :

Absque mero nullus creditur esse Maro .

Poeta Pauperrimus .

Vana mihi vena est ; alios videte , Camoena .

Quid mihi cum fama , si toleranda fames ?

Sequentiq : Epigrammati meo ,

Ad ipsum IOSEPHVM BAPTISTAM ,

De quibusdam conuiuiis celerrimè edentibus ,

ex hoc loco emanauit Argutia .

Seria non semper (noscis , charissime musis

Iosephe) inspirant musæ ; indulgere iocosis

Interdum inuat , & lepidis dare carmina rebus .

Carmi-

*Carmina leta igitur, facili lege fronte, Maronis
 Carmine qua lecto mihi suggessere sequenti :
 Tum vero incumbunt : urget presentia Turni .
 Iam primis positis epulis , multisq. paratis
 Carnibus elixis , varijs quoque carnibus assis
 Illatis , graue mazonomum quamplurimo onustum
 In mensam infertur, turdo ; tunc promptius omnis
 Furcinulam exercet , cultrum, dentesq., volucris
 Carnibus ut valdè sapidis saturetur obesa .
 O quàm conuiuas agiles bona fercula reddunt !
 Miranti celeres motus , caussamq; roganti
 Conuiuas Domino , quemdam dixisse faccè ,
 Festinèq; ferunt : urget presentia turdi .*

Ac meo pariter ,

AD LAVRENTIVM à S. XYSTO ,

ex nostris Patribus ,

DE ANTONIO DE ALPHONSIS ,

Qui inter putādum domesticam vitem pergulanam ,
 è scalis in puteum decidit , periitque .

*Infidis nixus scalis Antonius , annis
 Pregravis , intentus , Laurens , de more, putanda
 In vite , infelix obiit ; tunc namque repente
 Deseruere senem scale , puteusq; ruentem
 Excepit : non ille vnus fuit ergo putator :
 Falce senex vitem , vitam mors falce recidit .*

LOCVS IV.

Argutia ex Allusione.

Multiplex est *Argutia*, quæ ex *Allusione* oritur Epigrammati, ad plurima enim fieri solet *Allusio*, frequentius verò ad Historias, Fabulas, Stereomata, Nomina, atque etiam Cognomina, *Argutia ex Allusione* est

Apud MARTIALEM in Epigr. xxi. lib. I.
AD CAECILIANVM.

*Dic mihi, quis furor est? turba spectante vocata,
Solutus boletos, Ceciliane, voras?
Quid dignum tanto tibi ventre, gulaque precabor?
Boletum, qualem Claudius edit, edas.*

Et apud eundem in Epigr. xlii. libri eiusdem
AD MANCIIVM.

*Bis tibi tricenari fuimus, Mancine, vocati,
Et positum est nobis nil, here, præter aprum.
Non, quæ de tardis servantur vitibus vna,
Dulcibus aut certant quæ melimela fauis;
Non pyra, quæ lenta pendent religata genista,
Aut imitata breues punica mala rosas.
Rustica lactantes nec misit fiscina metas,
Nec de Pitenis venit olina cadis.
Nudus aper, sed & hic minimus, qualisq; necari
Non armato pumilione potest.*

Et

*Et nihil inde datum est ; tantum spectauimus omnes ,
 Ponere aprum nobis ; sic & arena solet .
 Ponatur tibi nullus aper post talia facta :
 Sed tu ponaris , cui Charidemus , apro .*

*Et apud eundem in Epigr. LXXIII. lib. IX.
 De Leone, & Ariete .*

*Massyli leo fama ingi , pecorisq; maritus
 Lanigeri , mirum qua posuere fide .
 Ipse licet videas , cauea stabulantur in vna ,
 Et pariter socias carpit uterque dapes .
 Nec fœtu nemorum gaudent , nec mitibus herbis ;
 Concordem satiat sed rudis agna feram .
 Quid meruit terror Nemees , quid portitor Helles ,
 Vt niteant celsi lucida signa Poli ?
 Sidera si possent , pecudesq; feraq; mereri ;
 Hic aries astris , hic leo dignus erat .*

*Pulcherrima est Allusio in HIERONYMI
 AMALTHEI Epigrammate ,
 DE ACONE , & LEONILLA .*

*Lu nine Acon dextro , capta est Leonilla sinistro ,
 Et potis est formâ vincere uterque Deos .
 Blande puer , lumen, quod habes, concede parenti :
 Sic tu cecus Amor, sic erit illa Venus .*

Pulcherrimè etiam per *Allusionem* sublimis vates
 PHILOMATHVS conclusit Epigramma
 De Commentarijs CESARIS , à inure corrosis .

*Tot post emensos Orbis , pelagiq; labores ,
 Dextera , quæ gessit bella , legenda dedit .
 Dux idem , et scriptor , ferro , calamoq; superbus ,
 Enatat , & doctas per freta seruat opes .
 Neptunum , Martemq; diu , et Saturnia victrix
 Prælia vitarat pagina sorte sua .
 Auctoris rapitur fatis ; enascitur hostis
 Vsq; domi , & domino posthuma bella mouet .
 Dum residet pluteis , accedit ad oscula Brutus
 Alter , & infenso spicula dente tegit .*

Vt etiam HIERONYMVS ALEANDER, Epigr.
 In creationem PAVLI V. Pont. Max.
 cuius Stemma Gentilitium, Aquila, & Draco .

*Quæ miseras pellexit oues dementia , cæco
 Tramite quæ sanctum deseruere gregem ?
 Principe sub Paulo dispersum coget ouile
 Vna fides , vnus conciliabit Amor .
 Nimirum qui Aquilæ potuit iunxisse Draconem ,
 Dissidijs posthac non sinet esse locum .*

Et ingeniosissimè MATTHIAS CASIMIRVS
 clausit Epigramma ,
 AD IO. CAROLVM CHOD KEVIC

Du-

Ducem exercituum Poloniæ ,
In cuius Stemmate littera M ,
sic inuerfa , W .

*Magnus Alexander , Magnus Pompeius habetur :
Magnus habebaris , Carole , Magnus , Otho .
Scilicet hos Magnos magni fecerè triumphì :
Te maior Magnum , Carole , palma facit :
Perlege stemma tuum : vincis te , vincis & hostem :
Hic , quæ terra legi non putat , astra legunt .
Si dubitas , hoc ipse Deo da Stemma legendum ;
De Cælo Magnum Maximus ipse leget .*

Cum *Allusione* quoque ad Stemma conclusa est præ-
stantissimi vatis SEBASTIANI BALDINI se-
quens Hetrusca poetica compositio , ab-
amicissimo CAROLO SINIBALDO
latine conuersa , quam
subijciam .

SONETTO

Nell'aprirsi di nuouo l'Accademia

DE' SIGNORI HVMORISTI

d'ordine di N. S.

PAPA ALESSANDRO VII.

F Ebo fuggito al Ciel, più non potea
De la sua cetra d'or toccar le corde;
Atterrite le Muse, e al canto sorde,
La lira al secco Allor rotta pendea.

L'Eco di Pindo ancor muta giacea,
Se fu dianzi canora, e al suon concorde;
Ogni più dotto Cigno al fin disorde,
E à l'armonia ribelle egro tacea.

Ripigliate le Cetre: ecco il Ristoro:
Regna Alessandro, e vuol, che da l'Occaso
A l'Orto l'Ombre à voi spanda l'Alloro.

Ecco ne l'Astro suo Febo è rimasto:
Anzi vi cinge il crin co'i Rami d'oro;
E in ogni Monte suo v'apre vn Parnaso.

Translatio Latina

CAROLI SINIBAEDI

*Astra petens Phæbus, fugiensque Heliconæ virētem
 Oderat arguta plectra mouere manu.
 Pierides surdas præbebant cantibus aures;
 Discissam lauri sustinuere lyram.
 Nec Pindi resonis iterabat vocibus Echo
 Carmina, concordiam iam prius ista sono:
 Dociloquis Cycni fecere silentia linguis,
 Tristis & Aonijs fontibus humor erat.
 Rumpite nunc Vates taciturna hæc otia: **Quercus**
 En Vaticani Principis umbra fauet.
 Hoc sub Alexandro vestrum memorabile nomen
 Vtraque ad Oceani littora fama feret.
 Sidera dant vobis Phæbum; dant Robora sertum:
 Castalia è sacris Montibus unda fluit.*

Ad eiusdem Excellentissimæ Familix CHISIAE
 Stemma Gentilitium idem BALDINVS alludens,
 argutè conclusit sequentem Hetruscam Com-
 positionem, ab eodem SINIBALDO
 latine redditam, vt infra patebit.

S O N E T T O

All'Eccellentissimo Signore

D. AGOSTINO CHIGI.

* * *

VN mare è il mondo; e i miseri viuenti
 Sono i Nocchier, che solcano quest'onde;
 La fortuna è il Nettunno, e la confonde
 Aspro tenor de' turbini, e de' venti:

Vn mare è il mondo; oh quanti Tifi ha spenti
 Nè porti, per l'arene, e sù le sponde!
 Quanti Leandri naufraghi nasconde!
 Di quanti Palinuri odo i lamenti!

Signore, vn mare è il mondo: ed è sì graue
 Vn flutto sol, c'anche vn' Vlisse accorto
 Teme, fin quando spira aura soaue,

Mà temer non degg'io restarui assorto:
 La Stella è guida, e la tua Quercia è Naue;
 Ed ogni Monte tuo diuenta vn Porto.

Nunc

Nunc vide, Lector, quàm venustè, idem CAROLVS
 SINIBALDVS ipsam Compositionem totidem
 Latinis versibus exhibeat.

*Orbis hic est Pelagus, tumidas ubi vita per undas
 Anxius infidum Navita sulcat iter.
 Neptuni Fortuna vices gerit; atque profundum
 Sæua procellosi turbinis ira quatit.
 Plurimus huic audens Pelago se credere Tiphys,
 Naufragus in sicco littore Tiphys obit.
 Heu, quot Leandri miseri hic periere natantes!
 Quot querulis clamant vocibus Iasides!
 Imò aded terret fluctus, vel solus, Vlyssæ
 Inferat ut gelidos dulcior aura metus.
 Me tamen impanidum scopulos iuvat ire per altos;
 Et dare precipiti carbasa tuta Noto.
 Næque præit tua Stella mihi, rat is est tua Quercus;
 Portus ut extelsus, Mons mihi quisque tuus.*

Idem SINIBALDVS non minùs venustè, totidem
 etiam Latinis versibus expressit (ut infra videbi-
 tur) sequentem eiusdem BALDINI Compositio-
 nem in laudem ALEXANDRI VII. Pont. Max.
 eiusque Nepotis FLAVII ad Cardinalatus digni-
 tatem promoti, conclusam quoque per Allu-
 sionem.

SONETTO

Alla Santità

DI PAPA ALESSANDRO VII.

Nella promozione al Cardinalato
dell'Eminentiss. Sig.

D. FLAVIO CHIGI.

G Ioue dal foglio suo temè cadere :
Armato il fiero Dio mal si sostenne :
Corse timido il Sol , quando conuenne
Al veglio Mauritan regger le sfere .

Ed à ragion ; poiche le forze intere
Oppresso dall'etade ei non mantenne ;
E quindi i Cieli à sostener sen venne
Quell'Ercol , che domò Tiranni , e fere .

Mà tu l'incarco sol reggi costante
De la terra , e del Ciel , ne ti confondi ,
Ne sotto il peso lor resti anelante .

Anzi , Signor , vie più di forze abbondi ;
E se pur ti stancassi , ò Sacro Atlante ,
Pronto hai l'Alcide à sostentar più mondi .

Tra

Translatio Latina,
CAROLI SINIBALDI.

*Sceptrifer aetherea tremebundus Iuppiter Arce ,
Sedibus & Mauors pene ruere suis .
Sol rapidis trepidauit equis , ubi magna superna
Longaeus subiit pondera molis Atlas .
Et bene ; nam viuis perijt vigor ille iuuenta ,
At lassum vires deseruere senem .
Fortia tunc Heros , ultor , domitorq; ferarum
Supposuit vasto terga premenda iugo .
Attamen ipse regis solus , Terramq; Polumq; ,
Nec te constantem tam graue curuat onus .
Quin ita praeualido sustentas Robore molem ,
Viribus ut vires ingeminare queas .
Quod si fessus eris (sed non eris) o Sacer Atlas ,
Alcidem , auxilium qui tibi praestet , habes .*

Per aliam quoque *Allusionem* pulcherrimum finem
imposuit sequenti *Hetruscae Compositioni* nobi-
lissimus Vates CLAVDIVS ACHILLINVS ,
quam ipsemet non minus belle in Lati-
nam linguam conuertit ,
ut videbitur .

SONETTO

Nella Nascita

DELL'INFANTE
DI SPAGNA.

P Artite, Ispani Abeti, e in mar tonante
Ite d'Olanda à trionfar le vele;
Ed in vece di fasce, il Grande Infante
Prenda posa di gloria in quelle tele.

Per farsi terra alle Bambine Piante
Venga lo Scita, ò l Tartaro crudele;
Per farsi pondo al pargoletto Atlante,
Vn nouissimo mondo hoggi si suele.

Già la fama del Parto impenna l'ale,
E già le presta all'Ottomanna Luna,
Perche fugga, e tramonti al gran Natale.

Hor qui la Rota sua spezzi Fortuna,
E del legno volubile, e fatale
Al Monarca Bambin formi la Cuna.

Latina eiusdem Traductio .

*Soluite ab Hispano vietrices littore Classes ;
 Ducite ad Austriacum vela Batava thronum .
 His linis nunc natus Iber sua membra reclinet ,
 Atque triumphalis pectora somnus alat .
 Procidat infanti diuiso ex Orbe Sicamber ,
 Et nato Alcidi pondera cedat Atlas ,
 Et cum Fama volet tanti prænuncia Solis ,
 Præparet occiduam Thracia Luna fugam .
 Tunc veteris Fortuna rote versatile lignum
 Translatum in cunas sistat in obsequium .*

Vates venustissimus IOSEPHVS SILOS per *Allusionem* ,
 perbellè finem imposuit Epigrammati ,
 Ad insignem Cantatricem
 Roma in Galliam proficiscentem .

*Sat Tybris auritus , prona & Capitolia, cantu
 Sat Latij colles insonuere tuo .
 Altera Roma vocat : i, quò tibi nuntia plaudit
 Iam fama, & rumor iam tua pleetra sonat ,
 Non tu mella leges rorantia floribus ; ipsa
 Gallica nempè super lilia mella plues .
 I, dulci Gallos , Apis Itala , frange susurro ,
 Belligeros melico nectare flecte animas .
 Sintque trophæa tue Musæ , Bellona reuincta ,
 Aes fractum , extinctus Mars, domitusque furor .
 I, nec Roma vetat, Siren Tyberina , sopita est
 Roma sono , abscessum non dolet illa tuum .*

Argu-

Argutissimus IACOBVS BIDERMANVS, Soc. Iesu, clausit argutissimè sequens Epigramma

De CHRISTO dormiente
ad B. Virginem iuxta vigilantem, ,
ad pulcherrimos ipsius Virginis oculos alludens .

*Dormit in extructo Soboles diuina grabato ,
Et, secura oculos occulit umbra duos .
Interea curis pernox vigilantibus adstas ,
Et iuxta excubias, anxia Mater , agis .
Quippe times, redeat ne clam sua Natus in astra ?
Te vigili , astra tuus iam sua Natus habet .*

Et BARTHOLOMAEVS BEVERINI , ex *Allusione*
ad illud Antiphonæ ; *Cecilia, quasi Apis argumen-*
tos, argutè absoluit hoc Distichon ,
De cærea S. CAECILIAE imagine ,

*Conficere ingenio ceras Apis ante solebat ;
Cera modo, inuerso munere, fecit Apem .*

Et noster SIGISMYNDVS REGVLVS cum *Allusione*
ad Olorem, qui morti propior dulcius canit,
aptissimè clausit Epigramma,
In laudem PETRI FRANCISCI MINOZZII , qui
MEDICEAM BIBLIOTHECAM , paullò ante-
quàm è vita discederet , Latinis, Hetruscisque
carminibus celebrauit ,

*Aufonia clarus, citharæque superbus Hetrusca,
 Occidit, heu, longum viuere dignus Olor,
 Occidit, egregijs qui clara volumina fastis
 Edidit, æternos vsque habitura dies.
 Scilicet vt Magno congesta volumina Cosmo
 Dixerat, Hetrusci nobile Regis opus,
 Nobilius nil posse ratus, nil clarius, inquit,
 Musa vale; satis est gloria; vita, vale.
 Ab, mage cum solito cantus efferret, Oloris,
 (Dixi ego) iam nostri proxima vita neci.*

Ipse sepius per *Allusionem* Epigrammata conclusi,
 ex quibus tria, quæ sequuntur; quorum primum
 obtulisse me, memini, Vati clarissimo, atque in
 me valde officioso, FABIO CHISIO S. R. E.
 Card. non multò antè, quàm ad summam Ponti-
 ficiam Dignitatem esset euectus; ad quam ex
 ipsius Gentilitio stemmate allusi.

*Et Rami, & Montes, & Sidera Stemmatibus, alti
 Nonne, Fabi, decoris symbola clara tui?
 Te summi summâ virtute assurgere Rami,
 Euectum Montes ad loca celsa notant.
 Quid super at Montes designant Sidera? tandem
 Quid tibi supremi splendor Honoris erit*

Ad Stemma idem alludens , clausi sequens Epigramma,
de meis IV. Libris Epigrammaton ,

FLAVIO CHISIO

S. R. E. C A R D.

dedicatis ,

Flavi , purpurei decus immortale Senatus ,

Septimi Alexandri gloria , digne Nepos ,

Iam, nimis obscura conclusi sede Libelli ,

Longius in tenebris delituisse negant .

Ergo fores tandem resero ; do cernere lucem ,

Ne videar multis barbarus esse Pater .

Iamque ipsis atrox equidem sum visus, & atrox

Dictus ego querulo non semel ore fui .

Hæc mihi nam tristes fuderunt sæpè querelas :

Dire Pater , nobis cur data vita fuit ?

Cur data vita fuit, semper si carcere clausis ,

Haud aliquo fas est tempore, luce frui ?

Non ea, quam cuperes, nobis est forma; fatemur ;

Pluribus est maculis forma venusta minùs .

Morte sed excepta quid non curabile ? Princeps ;

Quem tantùm cupimus cernere , dexter erit .

Dexter erit; nobis fulgebunt Montibus Astra :

Dexter erit ; maculas Quercus opaca teget ,

Ex *Allusione* quoque, nempe ad Horologium arena-
rium, modum statui sequenti Epigrammati, cu-
ius lemma :

Vita potius Mors.

AD NICOLAVM.

Dinumerat quisquis mortalis tempora Vita,

Hic potius Mortis tempora dinumerat.

Nam quæ Vita datur, si vix puer exit ad auras,

Cum moritur? nondum, si quoque, natus, obit?

Si quoque dum crescit, discit decrescere vita,

Temporis & puncto quolibet ægra cadit?

Haud semel, o Nicolae, metit Mors senu quotannis;

Haud semel, haud iterum; semper acerba metit,

Omnibus, heu, morimur momentis: Vita, frequens

Mors:

Hæc Vita, heu, Vita nil, nisi nomen, habet.

Vel tempus, quo Vita datur, concluditur Vrna,

Deflua & extinctum tempus arena tegit.

Ad idem Horologium arenarium alludens, in con-
clusionem sequentis Distichi,

& ad Horologium aquarium, & Solarium, hæc tria

Horologia versiculo vno comprehendens, ostendi

IVLIO NESTORIO clarissime,

Quid sit tempus.

Temporibus ne fide, miser: quid tempora, Lulli?

Vnda abiens, fugiens Umbra, & Arena fluens.

P

Sed

Sed tandem afferamus Epigrammata argutè conclusa per *Allusionem* quoque ad Nomina, & Cognomina (quorum nulla hactenus proposuimus) ad quæ etiam, vt principio diximus, sapissimè fieri solet *Allusio*, pulchræ enim argutiæ ex eorum *Etymologia*, promanant: Ac primo loco, vt ratio postulat, MARTIALEM Epigrammatographorum Principem, de more collocemus.

Hic igitur cum *Allusione* ad Nomen, ita claudit
Epigr. cxiii. lib. i.

IN PRISCVM.

*Cum te non nossem, Dominum, regemque vocabam :
Cum bene te noui, iam mihi Priscus eris.*

Argutia est etiam ex *Allusione* ad Nomen apud AV-
SONIUM in conclusione Epigrammatis.

IN FURIIPPVM.

*Pars te Furippum vocitat, pars verò Furippum,
Altera producens, altera corripiens.
Elige, utrum malis: aut tende, aut corripe nomen;
Conueniet quoduis, fur, furiose tibi.*

Et apud PICTORIUM in conclusione Epigram.

De Morte.

Mors ipsa loquitur.

*Quæ neque pauperibus, neque mole potentibus auri,
Nec pueris noui parcere, nec senibus,*

Mors

*Mors vocor: impositam numquid malè dixero nomē,
Quod fugere à mōrsu, res nequit orta, meo?*

Ex *Allusione* ad Nomen oritur quoque *Argutia IO-
VINIANI PONTANI*, Epigrammati, in quo
Puella nomine *VRBANA*, malè sepulta,
ita queritur.

Rure quidem iaceo, cum sit mihi nomen ab Vrbe:

Nec titulus, nec sunt nomina vera mihi.

Pæna mihi est tumulus, pæna est rurale sepulcrum,

Quæque quies alijs, est mihi supplicium.

Po viola porrum, pro thure, atque Arabe costo

Cepa datur; cepis obsita semper humus.

Meque sues, meque & verres, vexantq. capelle.

Inquinat & tumulos ingluuiosus anas.

In primis me turbat anus, quæ carmine longo

Euocat, & Manes euocat, atque Erebum:

Vos aliò cineres, aliò traducite nostros;

Quæque Vrbana fui, rustica ne iaceam.

Placet mihi valde stylus *IOVINIANI*, est enim
clarus, elegans, & suavis: At in hoc Epigramma-
te nonnulla sunt, quæ mihi non arrident: duoque
potissimum, quæ notabo, ut prosum Lectori (nam-
que Lectoris utilitas, mearum animaduersionum
finis est) videlicet in principio Epigrammatis, &
in fine.

Non mihi sanè videtur aptè dictum, *Rure quidem*

iaceo; ita enim loquendo, *VRBANA* id, de quo
vult queri, approbare potius videtur: quæ enim
propria huius significatio locutionis: *Rure qui-*
dem iaceo, nisi hæc? *Rure, iure, bene, iaceo*. Aliud
aliquid loco vocis, *quidem*, meo iudicio ponendū
erat, vel ipsi voci, *quidem*, adiungenda interiectio
aliqua, qua dolor exprimeretur,

Itaque ipse potius ita dixissem

Rure male, heu, iaceo, cum . . .

Aut saltem,

Rure quidem, heu, iaceo . . .

Minus etiam apto, ultimum carmen procedere video,
incipiens sic, *Quæque Urbana fui* &c. cū præcesserit,
Vos aliò cineres, aliò traducite nostros.

Non enim cohæret cum hoc versu antecedenti: quæ
enim connexio in hac locutione? *traducite aliò*
nostros cineres, & ego, *quæ Urbana fui*, ne rustica
iaceam. cohæreret autem, si diceretur: *traducite*
aliò nostros cineres, ne ego, *quæ Urbana fui*, rustica
iaceam. Proinde causa connexionis cum carmine,
Vos aliò cineres, aliò traducite nostros,

iste erat subiiciendum,

quæ Urbana fui, rustica non iaceam.

Vel, *Ne, quæ Urbana fui, rustica sic iaceam*.

Ex Allusione ad Nomen procedit etiam hoc Disti-
chon, quod Romæ legitur in nostra *S. PANTA-*
LEONIS Ecclesia, in Sepulchro *FLORAE* Reatine.

Celi intemperies Floram florere vetabat.

Tranquillo florēt Flora recepta Polo.

Et

Et Epigramati IO. BAPTISTAE BARGIOCCHI,
in Natali Magni Principis Hetruriae.

*Omnia cogantur vastis fornacibus ara,
Cesaque decurrant marmora cuncta iugis,
Magnum etenim felix Heroem protulit Arnus,
Cuius facta terent saxa, metalla, manus
Huic Ferdinandus Pater est, Victoria Mater,
Nam ferro victor Maximus Orbis erit.*

Ad Nomen quoq. noster SIGISMVNDVS REGV-
EVS alludēs, bellè finem imposuit Epigrammati,
ad suum Libellum Sepulchralium Inscriptionum,
ab eodem dicatum

OPITIO PALLAVICINO
Archiepiscopo Ephesino.

*Pauperis ingenij soboles petis ora, Libelle,
Nudus opum? caueas: pauper ubique iacet.
I tamen: incedes insigni Nomine dives:
Ipse suo Praesul Nomine fundit opes.*

Idemq. SIGISMVNDVS sequenti Epitaphio DESI-
DERII MONTEMAGNI, alludens ad Cogno-
men.

Discite mortales, sit quantula gloria terre:

Qui mons magnus erat, nunc cinis exiguus.

Bellè quoque , ad Cognomen alludens nobilissimus
Vates ANTONIVS SFORTIA , conclusit hoc
Distichon ,

Ad Reuerendissimum P.

FR. RAYMVNDVM

C A P I S V C C V M

Sac. Pal. Ap. Magistrum .

*Cum tu cuncta probes, Capisucce, volumina, succum
Virtutis Capiti quis neget esse tuo?*

Ex hoc *Allusionis* Loco , orta est *Argutia* Epigram-
mati meo, in quo ,

de Diuo BERNARDO Abbate ,
mortuo inter Octauam DEIPARAE Assumptæ .

*Me trahè , Virgo : tuum curram, Rosa pulchra, in
odorem :*

Bernardus , Marie captus amore , canit .

*Cui Virgo : Bernarde , veni , Nardus bona : Nar-
dus*

Tu mihi grata , tibi grata ego si Rosa sum .

Et Epigrammati , ex Nomine (IOANNES)
quod Nomen GRATIAM significat ,

De meis Carminibus ,

Ad

Ad IOANNEM VICTORIVM ROSCIVM,
 (qui dictus etiam Ianus Nicius Erythræus)
 Et ad IOANNEM BAPTISTAM GRATIOLIUM,
 Equitem , mei amantissimos .

*Carmina sollicitè mea cur servatis uterque ,
 Quæ potiùs flammæ in sua damna vocant ?
 Desinite ò tandem : vobis , vel nòmine , inhaeret
 Gratia : carminibus gratia nulla meis .
 Desinite ò tandem . demens frustra alloquor ; auras
 Verbero ; do rapidis vota , precesque notis .
 Gratia , quæ vobis , Musæ fauet unica nostræ .
 Carmina servari gratia vestra iubet .*

Ex Allusione quoque ad Nomen , argutiam compa-
 ravi sequenti Epigrammati .
 in honorem MARII NVZZII

Pictoris florum, huius ætatis præstantissimi ,
 ideòque etiam de FLORIBVS Cognominati .

*Cur Mario , cui dat miros ars gignere flores ,
 Non potiùs nomen , quàm Mare , Terra dedit ?
 Quæ siquidem Marius benè dat certantia veris
 Floribus , inspector munera verna stupet .
 Munera verna , stupet ; quin munera verna putaret
 Vera quoque ; at nullo fragrat odore color ,
 Veris mira tamen sunt hæc mage floribus : illos
 Terra parit ; parit hæc munera verna , Mare .*

Præterea hæc referri possunt ea Epigrammata, quæ
causa nominis procedunt, quale est

Apud MARTIALEM Epigr. xiv. lib. ix.

De EARINO DOMITIANI.

Quod Nomen à Vere dictum est.

Nomen habes, teneri quod tempora nuncupat anni,

Cum breue Cecropiæ ver populantur apes.

Nomen, Acidalia meruit quod arundine pingi;

Quod Cytherea sua scribere gaudet acu.

Nomen, Erythræis quod littera facta lapillis,

Gemma quod Heliadum pollice trita notet.

Quod penna scribente grues ad sidera tollant,

Quod decet in sola Cesaris esse domo.

Et apud eundem Epigr. Lxxiv. libri eiusdem.

Ad LIBERVM amicum.

Liber Amyclæa frontem redimite corona,

Qui quatis Ausonia verbera Graia manu,

Clausamibi textorum prandia vimine mittas,

Cur comitata dapes nulla lagena venit?

Atqui digna tuo si nomine munera ferres,

Scis, puto, debuerint quæ mibi dona dari.

Vina, videlicet, quorum Bacchus, dictus etiam

Liber, repertor fuisse dicitur à Poetis

ethnicis.

Et apud MATTHIAM CASIMIRVM Epigramma,

De

De LVDOVICO XIII. GALLIARVM Rege ,
cum primo regni anno Rupellam ab eo expugna-
tam fuisse, percrebresceret .

*Ludo vices , Ludonicus ait : Mars risit, & , ohe ,
Lude meas , inquit , Rex Ludonice , vices .*

De Puero , ni Rex esses , Ludonice vererer :

Et Puer, & Rex es : regie lude , Puer

Iacta Rupellani cecidit simul alea belli ,

Ante tuos cecidit victa Rupella pedes .

Ludere perge vices : ut sunt tibi prælia ludus ,

Sic, Ludonice, tibi vincere ludus erit .

His, quatuor mea Epigrammata subijcio .

De SANCTO LAVRENTIO,

Cuius Mater PATIENTIA nomine .

*Verbera , plumbatas , lamnas toleravit , & ignes
Intrepidus Laurens crate superpositus .*

Quid mirum ? dedit huic fortem Patientia vitam :

Hæc , ossa , hæc, nervos, viscera, corque dedit .

Ad S. SOPHIAM , eiusque filias VV. & MM.

FIDEM , SPEM , CHARITATEM :

*Næ tibi , summa fuit , Genitrix , Sapientia, quando
Terrea tu nosti spernere , celsa sequi :*

Inuitumque tibi pectus virtutibus almis ,

O Soboles , forti nobilitata nece .

Docta quidem Genitrix , soboles inuitæque : vestris

Consona nominibus quàm bene facta patens :

Ad

Ad meum olim Discipulum
FR. PETRVM, ex Ord. CAPVCCINORVM,
Picenum, antea CAESAREM nominatum.

*Cæsaris inuicti qui quondam nomine dictus,
Diceris in sacra Religione, Petrus.
Quam bene! petra velut, fortis persistis, & hostis
Tartareus tanto robore victus, abit.
At nunc, Petre, potes, Cæsar quoque rite vocari:
Dicendus Cæsar, qui bene bella gerit.*

De QVINTILIO Medico
mortuo sub finem mensis Quintilis.

*Ad vite metam, Quintilis nomine, mense,
Peruenit medicus nomine Quintilius.
Cuique suum quamquam tempus, perisset suoque;
Quo quis mense obiit, dicere quisque solet,
Si tamen hic alio perisset tempore, dici
Tam bene non posset mense obuisse suo.*

Hoc verò Loco IV. in quo ex allatis exemplis *Al-*
lusionum ad Nomina, seu Cognomina, patuit, ex
illorum Etymologia, seu significatione argutias
Epigrammati suppeditari, ostendendum etiam
putavi, ex eorundem quoque pronuntiatione
recta, vel mala, argutias exoriri.
Ex recta Cognominis pronuntiatione exoritur *Ar-*
guta sequenti meo Epigrammati,

In

In laudem Sapientissimi Senis
 Fratris FRANCISCI MACEDO Lusitani,
 AD LVSITANIAM.

*Clarior es longè, quod, Lusitania, magno
 Francisco, Sophialuce nitente, nites,
 Innumeris quàm, quòd Ducibus, quos Martius ardor
 Inflammat, sitis & laudis ad arma rapit.
 Lux tibi maior: honos tibi, Lusitania, maior:
 Plùs peperisse Sophos, quàm peperisse Duces.
 Cedant arma togæ, concedat laurea linguae,
 Iure quidem Marcus Tullius ore tonat.
 Robore lingua armis præstat; lingua amouet arma:
 Victa cadunt lingua protinus arma manu.
 Lingua animum vincit, corpus si sternitur armis:
 Fortior hoc animus: robore lingua præit.
 Est minor armigeris, est maior gloria doctis.
 Belligeris brevis est gloria, longa Sophis.
 Hinc breui Alexander, Macedo, bene dicitur; aptè
 Franciscus longa voce, Macedo, sonat.*

Ex mala Nominis pronunciatione orta est *Argutia*
 sequenti Disticho, quod mihi adolescenti à Præ-
 ceptore significatum, semper hæsit memoriæ, vt
 Distichon perquàm argutè conclusum: hoc verò
 est in quemdam, qui lecturus nomen hoc fluuij
 [Euphrates] rectæ pronunciationis ignarus tanti-
 sper hæsit; moxq. illud malè breuiavit.
*Venit ad Euphratem, subitoque exterritus hæsit:
 Vt citò transfret, corripuit fluxum.*

LOCVS V.

Argutia ex Irrisione.

Apud MARTIALEM in Epigr. XLIII. lib. I.
DE PORCIA.

*Coningis audisset fatum cum Porcia Bruti ,
Et subtracta sibi quereret arma dolor ,
Nondum scitis , ait , mortem non posse negari ?
Credideram satis hoc vos docuisse patrem .
Dixit , & ardentes auido bibit ore fauillas :
I nunc , & ferrum , turba molesta , nega .*

Simili modo procedit Irrisia , in FRANCISCI
REMONDI Epigrammate ,
De Diuo PETRO , ab Angelo educto è carcere , &
HERODE Rege .

*Fulminat in Solymis Herodes impius aruis ,
Inque iubet Petrum ferrea vincla rapi .
Obiicit aratos postes , centumque catenis
Firmat , & armato milite tecta replet .
Interea illuso Petrus de carcere prodit .
I none , & stultas claudes , Tyranne , fores .*

Et

Et in eiusdem Epigrammate .

De morte FRÉDÉRICI AENOBARBI, Imp.
vulgò dicti , Barbatossa .

*Fatidicus tibi sepe olim prædixit : ab undis ,
Si tibi chara salus , ò Frederice , caue .*

*Tu maria , ingentesque lacus , tu grandia vitas
Flumina : sola tuò milite terrâ tremit .*

*At post in Syriæ dum bellica castra Tyrannum ,
Insolita ductus relligione , moues ,*

*Languida membra lauas aestiuo sub cane : & ecce ,
Exiguo infelix mersus in amne peris .*

*Non nouit magnos , ò Rex , parua vnda monarchas
I nunc , & pelâgus , regia cura , fuge .*

Et in elegantissimo ANTONII GVZZII Epigr.
De S. FRANCISCO de Paula , qui pallio super
aquas instratò tranauit Siculum fretum .

Aequora Pauliades substrato sulcat amictu ,

Et prebet faciles Nereis vnda sinus .

Dulcescunt longo spumantia marmora tractu ,

Nec sociam misceat Doris amaritient .

Non sic impositus dorso Delphinis Arion :

Cerulea frenato pisce cucurrit eques :

Vestis abit, zephyris velut usa carina secundis :

I nunc , & cymbam , turba molesta , nega .

Et in hoc meo ,

De Sancto BARTHOLOMAEO Apostolo .

Quàm sua lethiferis hilaris dat membra tyrannis !

Quàm nece crudeli Bartholomæus ouat !

Quàm gaudet , dum dextra ferox è corpore vestes

Eripit , & corpus pellibus exspoliât !

Namque ait ; in Cælis preciosius induar : i nunc :

Corporis induuias , turba scelestâ , rape

*Irrisio est etiam , sed non simplex , vt in superioribus
exemplis , at per laudem insulsam ,*

Apud eundem MARTIALEM in Epigr. XXI I. lib. V.

DE APOLLONIO .

Quinctum pro Decimo , pro Crasso , Regule , Marcum

Ante salutabat rhetor Apollonius .

Nunc utrumque suo resalutat nomine : quantum

Cura , laborque potest ! scripsit , & edidicit .

Si , Lector , *Macrum* , legas , non , *Marcum* , maior
erit *Irrisio* , ex infelicissima Rhetoris memoria ,
Crassum , contrario nomine vocantis , *Macrum* ,
vt legendum potius , puto : non enim sine arte
etiam , dictum iudico à MARTIALE , *Quinctum*
pro *Decimo* salutatum fuisse , videlicet , quasi no-
mine dimidiato , si numeros quinque , decemque
consideres .

Idein MARTIALIS eundem APOLLONTVM iro-
nicè

nicè etiam laudans, Ep. Lv. lib. eiusdem, non mi-
nùs quidem irridet: sic enim ait:

*Extemporalis factus est meus Rhetor:
Calphurnium non scripsit, & salutavit,*

*Irrisio est etiam huius generis apud THOMAM
MORVM in Epigrammate
In malum Pictorem.*

*Cum cane sic pictus lepus est, ut dicere nemo,
Esset, uterue canis, posset, uterue lepus.
Pictor ubi hoc didicit, quod inertī defuit arti,
Supplevit miro callidus ingenio.
Res ut aperta foret, longèque facesseret error,
Subscripsit tantum: est hic canis, iste lepus.*

*Inest quoque, modus alius Irrisionis
Apud MARTIALEM in Epigr. Lxxv. lib. ix,
In Sutorem.*

*Dentibus antiquas solitus producere pelles,
Et mordere luto putre, & vetusque solum;
Prænestina tenes defuncti rura patroni,
In quibus indignor, si tibi cella fuit.
At me litterulas stulti docuere parentes
Quid cum Grammaticis, Rhetoribusque mihi?
Frangere leues calamos, & scinde Thalia, libellos,
Si dare sutori calcus ista potest.*

Quam

Quam concludendi rationem imitatus M. ANTONIVS MVRETVS hoc Epigrammate
IN VIRRONEM.

Quod totam, Virro, furiosi more, per urbem
Discurrit nocturnum, quod loca sola petit,
Nescio quid secum solus quod miffitat, illo
Quod nemo est tota sordidus urbe magis.
Hac ratione parat nomen, famamque poeta,
Et reperit fatuos, sic quibus esse probet.
O valeant calami, pereat genus omne librorum,
Reddere si Vates mens male sana potest.

Per Irrifionem quoque, sed modo diuerso.
IANVS NICIVS ERYTHRAEVS clausit Epigr.
IN CHAROPINVM
locupletem, nobilem, sed imperitum.

Scriptorum totis famosa volumina terris
Colligis, & pluteis das, Charopine, tuis.
Quid tibi cum libris, quorum nec nomina saltem,
Nec titulos prompta voce referre queas?
Quosque finis, multo conspersos pulvere, blattis,
Et gratas avidis muribus esse dapes.
Nam nullum tangis, sed tamquam sacra profanus
Non digna metuis collutulare manu.
Numne times, fias tartelandis forte libellis
Doctior, aut stolidus sis, stupidusque minus?
Hoc caue, te moueat, sic est tibi crassa Minerua,
Proficere ut valeant plus, mihi crede, fues.

Et

Et ego (vt plura missa faciam) Epigrammata tria,
quæ sequuntur.

DE APOLLINE, ET MARSYA.

Marsyæ Apollo ferox, cantus certamine, victo

Suspensio est pinu sic ait, excorians.

Marsya inique, Deum punitus disce vereri:

Si nescis, homo non sum, sed Apollo Deus.

Contrà ait ille: Deum punitus temnere disco,

Carnificis quando turpiter arte valet.

DE HERCVLE

Qui OMPHALES Regina LYDORVM adeò
exarsit amore, vt ea iubente fœmineis se vestibus
induerit, colum sumpserit, neueritque.

Cui prius exuvijs horrebant membra, Leonis,

Nunc sub fœmineo tegmine fracta iacent.

Eximia qui iam clauam cum laude gerebat,

Nunc gerit infami cum leuitate colum.

Quique manu inuicta prius horrida mœstra domabat,

Nunc leniter motis fila trahit digitis.

Sic mulier dilecta iubet; sic paret amator:

Quàm te ridiculum reddit, Amator, amor!

AD MARCVM BACVLEIVM,

Qui pilea, vel leuissima, sibi grauissima, quere-
batur.

Quale tibi caput est, ô Marce? leuissima quâuis,

Pondera sunt capiti pilea cuncta tuo.

Q

Ipsa

*Ipsa licet molli palea , tenuique parentur ;
 Hac, inquis , nimium pilea pondus habent .
 Non est , crede, caput tibi debile ; debilis est mens ,
 Marce , tibi , quando pilea queque grauant ;
 Pilea , stulte , tibi fac, mala Cydonia texant ,
 Hirsuta aut texant pilea castaneæ .*

L O C V S V I.

Argutia ex Hyperbole .

Apud MARTIALEM in Epigr. xxvi. in Amph. Cæf.
 De Natatoribus.

*Lusit Nereidum docilis chorus æquore toto ,
 Et vario faciles ordine pinxit aquas .
 Fuscina dente minax , nexu fuit anchora curuo :
 Credidimus remum , credidimusque ratem :
 Et gratum nautis sidus fulgere Laconum ,
 Lataque perspicuo vela tumere sinu .
 Quis tantas liquidis artes inuenit in undis ?
 Aut docuit lusus hos Thetis , aut didicit .*

Politissimus Vates SOSSAGVS perargutæ superioris Hyperbolicæ Conclusionis imitationem , seu , ut verius dicam , usurpationem (in ipsius enim conclusione eadem prorsus, si sensus perpendatur, *Argutia* continetur) conclusit hoc Epigramma, summa alioquin laude dignissimum .

IN CATHARINAE CANTONAE Laudem .

*Hactenus extinctos animavit imagine vultus
 Sudor Apellæus , Phidiacusque labor .
 Nunc Catharina novis telas animare figuris
 Author , & artificii texere tela manu .
 Adiuvres , hæc vera geri , nec ficta videri ;
 Tantum Dadaleæ possidet artis opus .
 Si terras mentitur acu , stant ordine Sylvæ ,
 Rauca sonant fluuij , stagna quieta silent .
 Nunc curvas sinuant valles , nunc stamina turgent
 Montibus , & Cælo proxima saxa vides .
 Si fragiles artus formavit , & ossa virorum ,
 Vivere credidimus , credidimusque loqui .
 Stamina si facies Divum spirantia monstrant ,
 Vivunt in magnos stamina tota Deos .
 Iuppiter igne tonat , montanaque culmina fumant ,
 Fila vagas rumpunt ingeniosa faces .
 Crinitus Phæbus radijs , Mars fulminat armis ,
 Invidia Iuno sævit , amore Venus .
 Vnde tot inuenit textricibus artibus artes ?
 Pallade docta fuit , Pallada vel docuit .*

**Et apud eundem MARTIALEM in Epi-
 grammate Lxxxvii. lib. i.**

DE NOVIO MICROSPICO .

*Vicinus meus est , manuque tangi
 De nostris Nouius potest fenestris .
 Quis non inuideat mihi , putetque
 Horis omnibus esse me beatum ,*

*Iuncto cui liceat frui sodale ?
 Tam longè est mihi , quàm Terentianus ,
 Qui nunc Niliacam regit Syenen .
 Non conuiuere , nec videre saltem ,
 Non audire licet , nec Vrbe tota
 Quisquam est tam prope , tam proculque nobis .
 Migrandum est mihi longiùs , vel illi .
 Vicinus Nouio vel inquilinus
 Sit , si quis Nouum videre non vult .*

Et apud eundem in Epigr. Lxxxii. lib. vii.

DE EVTRAPELO.

*Eutrapelus tonsor dum circuit ora Luperi ,
 Expungitque genas , altera barba subit .*

Eadem vfuse est iucundissima Hyperbole in conclu-
dendo Epigr. Lii. lib. viii.

AD CEDITIANVM.

*Tonforem puerum , sed arte talem ,
 Qualis nec thalamus fuit Neronis ,
 Drusorum cui contigere barba ,
 Aequandas semel in genas rogatus ,
 Rufo, Ceditiane, commodauit .
 Dum iussus repetit pilos eosdem
 Censura speculi manum regente ,
 Expungitque cutem , facitque longam
 Detonsis epaphæresim capillis ,
 Barbatus mihi tonsor est reuersus .*

Idem.

Idem MARTIALIS, eiusdem lib. VIII. Epigr. XXI.
honorifica absoluit *Hyperbole*.

AD LVCIFERV M.

Phosphore, redde diem; quid gaudia nostra moraris?
Cæsare venturo, Phosphore, redde diem.

Roma rogat; placidi numquid te pigra Boote
Plaustra vehunt, lento quod nimis igne venis?

Ledæo poteris abducere Cyllaron æstro:

Ipsæ suo cedit nunc tibi Castor equo.

Quid cupidū Titana tenes? iam Xanthus, & Aethō
Frena volunt: vigilat Memnonis alma parens.

Tarda tamen nitidæ non cedunt sidera luci,

Et cupit Ausonium Luna videre ducem.

Iam, Cæsar, vel nocte veni: sint astra licebit;

Non deerit populo, te veniente, dies.

Honorifica, inquam, *Hyperbole* concludit: hoc enim significatur: *Cæsar tibi Sol eris, gloriaq; tuæ splendore, vel manente noctis facie, Cælum illuminabis.* Magna hæc *Hyperbole*, magnaq; in Epigrammate meo, quod nunc afferro.

AD IANVM NICIVM ERYTHRAEV M

Cuius carmina vnà cum litteris, diurno tempore tradita, sub noctem famulus, non semel ad me pertulit.

Quæ, vel nexa metro, metro vel libera, Iane;
Mittis, respondent moribus illa tuis.

Namque tui ut fulgent præclaro lumine mores,

Sic tuæ præcipuo lumine scripta nitent.

*Hinc pròcul obscuræ nubes , tenebræque remote :
Emicat eloquij splendor ubique tui .*

*Excuses , opus est , si , quæ das , Iane , ferenda
Scripta die , famulus nocte ruente ferat .*

*Excuses , opus est : scriptorum lumine tanto
Perfusus famulus , nescit abesse diem .*

Per Hyperbolen etiam clauditur eiusdem MARTIALIS Epigr. xxxix. lib. ix.

AD AGATHINVM.

*Summa licet velox , Agathine , pericula ludas ,
Non tamen efficies , ut tibi parma cadat .*

*Nolentem sequitur , tenuesque reuersa per auras ,
Vel pede , vel tergo . clune , vel ungue sedet .*

*Lubrica Corycio quamuis sint pulpita numbo ,
Et rapiant celeres vela negata Noti ,*

*Securos pueri neglecta perambulat artus ,
Et nocet artifici ventus , & vnda nihil .*

*Vt peccare velis , cum feceris omnia , falli
Non potes : arte opus est , ut tibi parma cadat .*

Huius conclusionis Hyperbolicæ Epigrammatis MARTIALIS imitatio perspicitur in meo Epigr.

DE TARQUINIO IACOBATIO

Romano, Viro fortissimo ,

*Qui cum , post multas relatas victorias , patriam
reuersus , domi suæ fenestram aperiendo , recederet ,
auerſo corpore in ſcalas dilapſus , interiit .*

Tar-

*Tarquinius validis Iacobatius horror in armis ,
 Sternere quem clari nan potuere Duces ,
 In scalas præceps auerso corpore lapsus ,
 Viftricis iacuit nobile Mortis onus .
 Proh , quantus bellator erat ltimuisse vel ipsam
 Nonne vides Mortem vincere posse Virum ?
 Mors illum à tergo aggressa est , vt sterneret : ille
 Vt victus caderet , Morti opus arte fuit .*

*Hyperbolica est etiam Conclusio apud 'BARTHO-
 LOMAEVM BEVERINI in Epigrammate
 In gracilem bene nasatum .*

*Dum gracilis metuit vento rapiente Philetas ;
 Ne leuet exiguos mobilis aura pedes ,
 Sueuerat imposito pondus sibi querere plumbo ,
 Non secus ac dubiam firmat arena ratem .
 Non est , cur rabidos queras tibi pondus in Eurös :
 Aeoliam contrà sat tibi nasus erit .*

*Allatum BEVERINI de homine bene nasato Epi-
 gramma , admonet me , vt meum etiam afferam ,
 hyperbolicè quoque conclusum ,
 De prælongo SAGESTIS naso , rotundoque .
 AD LAELIVM PARTHENOPAEVM .
 Sagesti quàm sit longus , nasusque rotundus ,
 Noscere si , Leli Parthenopae , cupis ,
 Accipe : dum somni nexu sua membra tenaci ,
 Vlna vlnam ducens , nititur eruere ,*

*Arripit interdum (possit quis credere?) nasum ,
Atque , vlnam reputans , hunc sibi saepe trahit .*

Sed maximè ingeniosa est *Hyperbole*, mihique maximè arridet , cum aliquid aptè inferitur in conclusione , quo id , quod *Hyperbolicè* , dicitur , verum esse, vel fuisse, vel verum futurum videatur, vt sequentibus patebit exemplis apertissimè .

Talis *Hyperbole* est apud MARTIALEM ,
in Epigr. xxxv. lib. III.

De piscibus sculptis .

*Artis Phidiacæ toreuma clarum
Pisces aspicias ? adde aquam ; natabunt .*

Huiusmodi ingeniosa *Hyperbole* , claudit sublimis
Vates MAPHAEVS BARBERINVS Epigr.
De Statua DIANAEE dormientis ad fontem .

*Per sylvas iaculis nuper , cursuque Diana
Gaudebat celeres exagitare ferās .*

*Nunc defessa iacet permulcens membra sopore
Hic , ubi prosiliens leniter vnda fluit .*

*Marmoream ne credè : leuem leni aera motu
Ducit , & in vino spiritus ore sonat .*

*Non audis ? simili sopita murmure murmur
Confundens , aures garrula fallit aqua .*

Et vir eruditissimus ANDREAS MARIANVS Ep.
De MEDEAE Statua .

*Versat opus crudele animo Medea cruento ;
Fulgorat è vultu tractus amore furor .*

Lucia

*Lena effert puerum, ferrum fera dextera librat ;
 Blandulus arridet matris ad ora puer .
 Torna oculis istum teneros designat in artus :
 Cur furiosa suum dextra moratur opus ?
 Credo ego, ne natos populo spectante trucidet :
 Vis, gladio ruat in vulnera ? vade foras .*

Et ANTONIVS de ROMBISE, Epigr.
 Ad Signa duo in Monte Quirinali
 ALEXANDRI MAGNI

*Bucephalum domantis ; quorum vnum
 est PHIDIAE, alterum PRAXITELIS .
 Aemula Phidiaci perfecit signa laboris,
 Praxiteles, postquam paruit eius opus .
 Fortis Alexander (talem sua marmora praebeant)
 Bucephalum magno robore prendit equum .
 Viuere ab arte putas, & quadrupedum ora timeres ,
 Gorrigeret tanti ni manus apta viri .*

Et PETRVS ALOIS, Epigramma,
 de NERONIS Statua .

*Qui fuerat naturæ olim monstrosa propago,
 Prodigiale Nero prodijt artis opus :
 Aspice funestam vibrantia lumina cadem ;
 Aspice fulminea feruere fronte minas .
 Talis erat, Romana dedit cum Pergama flammis ;
 Talis & Annæo funera seua dedit .
 Talis erat, Poppea, tuam cum perculit aluum ;
 Sequijt in matrem cum nece, talis erat .*

Marmo-

*Marmore in hoc olli sculptor spirare dedisset ,
Sed timet , artificem ne necet ille suum .*

*Ipse quoque per hanc Hyperbolen, clausi
hoc Distichon*

*De VENERE PRAXITELIS
sine pedibus .*

*Praxitelis quàm viua fuit Venus arte , requiris ?
Addere, ne fugeret , noluit ille pedes .*

Et hoc Tetrastichon,

*De Psittace , aui Indica ,
in papyro ad vinum expressa .*

*Quàm bene, quàm simili est animata colore, papyro ,
Humanos volucris promere docta sonos .*

*Hæc quoque , credo , daret iucunda vocabula; sed ne
Claudatur misero carcere, vafra silet .*

Et Epigramma , cuius hoc lemma :

*Quidam malè PASQVINVS appellatus ,
olim miles ALEXANDRI Magni ,
(Statua Romæ)*

sic loquitur , queriturque .

Cur ego Pasquini sartoris nomine dicor ?

Non mea tractavit scruta , sed arma , manus .

Non ero compulsus , quemquam , liuore momordi ,

Pasquini ut socijs ars scelerata fuit .

Nam prope me fuerat iam prisca ætate taberna ,

In qua , Pasquinus nomine , sartor erat .

Sæpe hic turba procax, mordaxq; assueta morari ,

Ec

*Et rabido immèritos rodere dente viros ?
 Et cum diuideret Pasquinus forfice pannos ,
 Solertiꝝ gula fercla pararet acu ,
 Hæc famam lacerare , & acuta pungere lingua ,
 Et funem collo querere stulta suo .
 Hinc , si quid mordax spargebat fama per urbem ,
 Pasquinum authorem dicere , moris erat .
 Hic ego post positus , Pasquinus dictus , idemq ;
 Illi quod quondam , mox mihi fama dedit .
 Nasutiq ; mihi os denasauere , mihiq .
 Fregerunt aures , brachia , crura , caput .
 Proh scelera : in toto qui iam clarissimus Orbe ,
 Magni & Alexandri belligator eram ,
 Indignè toto confractus corpore , cunctis
 Sum modò , Pasquini nomine , ludibriò ,
 Mars Deus , hæc cernis , tanta hæc nec crimina punis ?
 Hæcine cultori premia digna tuo ?
 Certe ego , marmoreus quamuis , ulciscerer hostes
 Nunc quoque , Mars , sed nunc brachia non habeo ,*

Vide alia in meis *MYSIS ANCONITANIS* .

At hoc loco moneo , vt cautè , Lector , prudenterq ;
 te geras , dum seria pertractas , ne , quod tibi ar-
 gutia videtur , alijs ingenij leuitas existimetur ,
 abstineasq ; oro , potissimum ab huiusmodi *Hyper-*
boles usurpatione . Certè ego sæpissimè miratus
 sum , vates nonnullos , alioquin grauissimos , in
 compositionibus de rebus serijs hanc *Hyperbolen*
 adhibuisse , quæ cū nihil aliud omninò sit , quàm
 me-

merus ingenij iocus , in rebus grauibus mihi meritò minùs probatur . Excitant applausum multis (non ignoro) vel in rebus grauibus conclusiones ex hac *Hyperbole*, at mihi, vt ingenuè fatear, non nisi risum , cum in rebus serijs , de quibus grauissimè agendum est , m̃ximam ingenij leuitatem deprehendam : nonne enim maxima leuitas est, in rebus grauibus iocari ? Quamobrem, si hac vti *Hyperbole* in animo est , aliam potius tibi materiam proponas ; seriò enim de serijs agendum est ; atque etiam cum de his agitur , cautio multa adhibenda est in vsurpanda voce , vel *sententia ambigue significationis* , & in *Allusione* ad fabulas , quæ in materia graui præmittuntur à multis eadem prorsus ratione , ac si veræ essent , atque ex his suas inferunt conclusiones , ridiculè sanè, ac pueriliter . Quidam profectò modus seruandus est , qui in Epigrammatis cautorum Vatum satis bene cognoscitur .

L O C V S VII.

Argutia ex Allegoria ,

Apud MARTIALEM in Epigr. Lxi. lib. v.

Ad Detractorem .

*Allatres licèt vsque nos , & vsque ,
Et gannitibus improbis laceffas ,
Certum est , hanc tibi pernegare famam ,*

Olim

*Olim quam petis in meis libellis ;
 Qualiscunque legaris ut per Orbem .
 Nam te cur aliquis sciat fuisse ?
 Ignotus pereas , miser , necesse est .
 Non deerunt tamen hac in Vrbe forsan ,
 Vnus , vel duo , tresue , quatuorue ,
 Pellem rodere qui velint caninam .
 Nos hac à scabie tenemus ungues .*

Et apud eundem in Epigr. L. xxxiii. lib. ix.
 A D A V L V M .

*Lector, & auditor nostros probat , Aule , libellos ;
 Sed quidam exactos esse poeta negat .
 Non nimium curo : nam cane fercula nostra ,
 Malim conuiuis , quàm placuisse cocis .*

Et apud eundem in Epigr. xc. libri eiusdem .
 A D R V F V M .

*Dum me captares , mittebas munera nobis :
 Postquam cepisti , das mihi , Ruse , nihil .
 Ut captum teneas , capto quoque munera mitte ,
 De cane a fugiat , ne male pastus aper .*

Et in disticho , è greco à THOMA MORO in latinum conuerso .

*Qui capit uxorem , defuncta uxore , secundam ,
 Naufragus in tumido bis natat ille freto .*

Et in Epigrammate MARII MOLSAE,
De Arce Capitolina cœlitus tacta
AD PAVLVM III. P.M.

*Nuper Tarpeias repetitis icibus arces
Impulit arduos quod pater ipse manu ;
Quodq; idem media nimborum in nocte resulsit ,
Stellarum cinctus , conspicuusq; choro ;
Et tibi quod flagrans pinus mole excidit alta ,
Hæc quoque nocturnis ignibus vsta Iouis ,
Paule , tibi optatam portendunt Numina pacem ,
Aduentum magnæ testificata Deæ .
Sume animos : pœcata secas , Pater , æquora . malo
Nil opus est ; tuta nat tibi puppis aqua .*

Et in Epigrammate pereleganti FERDINANDI
FVRSTENBERGII Episcopi ,
AD S. VRSVLAM Virg & Mart.
De Natali suo , qui fuit xii. Cal. Nou. 1626.

*Virgineas acies que te lux ordine longo
Ducentem superas vidit inire domos ,
Auspicijs hæc ipsa tuis , fortissima Virgo ;
Me vita limen vidit inire meæ .
Hinc tibi sacra sero , votinaq; dona quotannis ,
Natalemq; tuum rite , meumq; colo .
Vela Caledonium si te rapuere per æquor ,
Excepitq; tuas barbara terra rates ,
At fera te superis tempestas appulit oris ,*

Opta-

*Optateq; tibi mortis aperta via est :
 Nos quoque iactat hyems, & cum superasse procellas
 Credimus, in portu naufraga turba sumus .
 Tu porrò secura maris, precor, Vrsula, portum
 Ut teneat, nostræ dirige navis iter .*

OCTAVIVS BOLDONIVS Episcopus allegoricè
 quoque conclusit Epigramma hoc ,
DE PETRO MONTIO ,
 Qui Urbem Florentiam aduersus Pisanos tutatus est,
 Alludens ad **VRBANVM VIII. P.M. Florentinum** ,
 qui **CAESAREM MONTIVM** primò
 Nuncium, deinde Cardinalem creauit :

*Vna tibi in forti spes est, Florentia, Petro :
 Florere hoc vno, pace, tuente, potes .
 Anstar Apenninæ surgit tibi Montius Arcis :
 Huius ab aspectu territus hostis abiit .
 Flore, leta : tuis violas nunc montibus offer ,
 Primitias Veris grata, datura Rosas .*

Et **AVRELIVS VRSIVS**, dum in Seminario Ro-
 mano degeret, allocutus est **ALEXANDRVM**
Card. FARNESIVM hoc Epigrammate per Alle-
 goriam argutè terminato .

*Si bene, qua iecit cultor, non irriget imbre
 Semina, spes omnis vana, laborq; cadit ,
 Et sterili eludit messoris area culmo ;*

Nec

*Nec sua miratur spicea dona Ceres .
 Pars ego , Alexander , sum seminis una Latini ,
 Quam tua præsenti lumine cura fouet .
 Affer aquam; sitit, heu , nimium male potus agellus;
 Et domini supplex sæpe reposcit opem .*

*Allegorica quoque conclusio est in sequenti
 ALEXANDRI POLLINI Epigrammate ,
 Ad Iuuenem Pictorem ?*

*Dum vino discis tabulas animare colore ,
 Et varios natura effert quos dædala flores ,
 Graminaq; , & dulces anni per tempora fructus
 Dum simulas , laudum iuuenili captus amore ,
 Disce simul pulcris animum virtutibus altè
 Imprimere , atque Dei sacram media ipse locatam
 Effigiem quam mente geris, fuligine turpi
 Ah, caue, commacules, & celso è culmine iam iam
 Præcipitem , tetro vitiorum in gurgite voluas .
 Ah, caue, dum violasq; rosasq; & candida pingit
 Lilia docta manus , tristes sub pectore dumos ,
 Atque venenatis radicibus inserat herbas
 Actus amor furij, nimiumq; effræna cupido
 Pullulet unde tibi scelerum densissima silva ,
 Pœnarumq; gravis nullo non tempore messis .*

*Et in Epigrammate BARTHOLOMAEI BEVERINI ,
 cuius hoc lemma :*

Nautæ in Oceano indico

arcis

arcis auro grauibus , anchorarum loco
 iactis , naufragium euadunt .
Spumea connixi lacerabant equora nimbi ;
Miscuerant sauas ventus , & unda minas ;
Iamq; minor velis , & remige debilis , undis
Præbebat victum lassa carina latus .
Anchora defuerat , tumido quæ iacta profundo ,
Fundaret dubiam , pondere fixa , ratem .
Quid miseri faciant ? aurum , quod fortè vehe-
bant ,
Demittunt . (res est ingeniosa timor .)
Non setus ac pretio victæ siluere procellæ ,
Et velut emptæ , minas aspera fregit hiems ?
Disce ; fremat quamuis rabidis fortuna procellis ,
Aurea si præsto est anchora , tutus eris .

Et in Epigrammate nostri venustissimi Vatis , CA-
 MILLI à S. HIERONYMO ,

DE S. PHILIPPO NERIO ,
 Qui Florentiæ natus , mense Maio obiit .
Ortum Flora suo dederat pia Patria Ciui ,
Cui vitæ occasum florida Flora dedit .
O quantum ingenium est satis ! serit inclityta florem
Flora suum , et florem florida Flora legit .

Et in tribus meis sequentibus :

DE S. ANDREA APOSTOLO ,
 Ad Procōsulem AEGEAM , cuius iussu affixus Cruci .

Quid pergrata Crucis ligna ; exoptata diuq;
Andree , Aegæa ; nunc male sane , paras ?

ac V

R

Hec

*Hac amat iste senex : viden', ut citò brachia lignis
 Porrigit , & lignis aptat ut iste manus ?
 Insipiens , nautæ experto qui ligna ministras :
 Vertit hic in remos nunc duo ligna duos .
 En iter , Empyreï , Andreas ingressus , ad oras ,
 Aegea , Aegeas his bene sulcat aquas .*

*Aulicus claudus ,
 Ad Irrisorem .*

*Cur me derides , excelsa Palatia , clari
 Calcantem Domini gressibus imparibus ?
 Ambulat haud aliter , si nescis , Aulicus : imò ,
 Qui graditur melius , claudicat ille magis .*

*DE OLMO stulto ,
 Cui personato , loco pilei , erat nauicula ,
 Mente caput vacuum , levis Olmus quàm tegit aptè ,
 Veligera navi dùm tegit ille caput .
 Iure caput leue navis habet , nihil aptius illi ;
 Mente caput vacuum , nauigat Anticyram .*

L O C V S V I I I .

Argutia ex Sententia .

Apud MARTIALEM in Epigr. xxxiv. lib. I.

D E G E L L I A .

*Amissum non flet , cum sola est Gellia , patrem :
 Si quis adest , iussa prosiliunt lacrymae .*

Non

*Non dolet hic , quisquis laudari , Gellia , querit :
Ille dolet verè , qui sine teste dolet .*

Et apud eundem in Epigr. LIII. lib. v.

I N P O S T H U M V M .

Quæ mihi præstiteris , memini , semperq; tenebo :

Cur igitur taceo , Posthume , tu loqueris ?

Incipio quoties alicui tua dona referre ,

Protinus exclamat : dixerat ipse mihi .

Non bellè quadam faciunt duo : sufficit unus

Huic operi : si vis , ut loquar , ipse tace .

Crede mihi , quamuis ingentia , Posthume , dones ,

Auctoris pereunt garrulitate sui .

Ad Sententiam quoque referri potest id , quo claudit
idem MARTIALIS Epigr. XI. lib. VI.

I N M A R C V M .

Quòd non sit Pylades hoc tempore , non sit Orestes ,

Miraris ? Pylades , Marce , bibebat idem .

Nec melior panis , turdusve dabatur Orestis ;

Sed par , atque eadem cæna duobus erat .

Tu Lucrina voras ; me pascit aquosa Peloris :

Non minùs ingenua est et mihi , Marce , gula .

Te Cadmea Tyros ; me pinguis Gallia vestit :

Vis , te purpureum , Marce , sagatus amem ?

Vt præstem Pyladen , aliquis mihi præstet Orestem :

Hoc non fit verbis : Marce , ut ameris , ama .

Superioris Epigrammatis imitationem maximè ingeniosam deprehendo apud SOSSAGVM in Epigrammate per *Sententiam* quoque concluso,
 AD IACOBVM VALERIVM.

*Cur non grandiloquum ferat ætas nostra Maronem
 Queris? Cesaribus cura Maronis erat.
 Indocto non lauta gregi tum cœna dabatur;
 Cesarijs Vates accubuerunt toris.
 Optima mensarum vorat hic, mihi pessima ponunt;
 Et vis, ieiuna carmina voce tonem?
 Ecce bibo lymphas; lymphatur at ille Falerno:
 Lymphari nescit numine potor aquæ.
 Cesarias sere nunc animas; mox surgere præscos
 Aspicias Vates: ut seritur, metitur.*

Præterea, optima *Sententia*, maximèq; rei, de qua actum fuit, accommodata (talibus autem *Sententijs* argutè Epigrammata concluduntur) duoque sequuntur, eiusdem MARTIALIS Epigrammata terminantur, videlicet,

Epigramma xxiii. libri x.
 DE MARCO ANTONIO.

*Iam numerat placido felix Antonius ævo
 Quindecies ætas Primus Olympiadas.
 Præteritosque dies, & totos respicit annos,
 Nec metuit Lethes iam propioris aquas.
 Nulla recordanti lux est ingrata, grauisque:
 Nulla fuit, cuius non meminisse velit.*

Ampliat

*Ampliat ætatis spatium sibi vir bonus : hōc est
Vivere bis , vitā posse priore frui ,*

Et Epigramma LVII. lib. XI.
IN CHERAEMONEM .

*Quòd nimium laudas , Cheremon , Stoice , mortem ,
Vis , animum mirer , suspiciamque tuum .
Hanc tibi virtutem fracta facit vrcus ansa ,
Et tristis nullo qui tepet igne focus .
Et teges , & cimex , & nudi sponda grabati ,
Et brevis , atque eadem nocte , dieq; toga .
O quàm magnus homo es , qui face rubentis aceti ,
Et stipula , & nigro pane carere potes !
Lingonicis agedum tumeat tibi culcitra lanis ,
Constringatq; tuos purpura texta toros ,
O quàm tu cupias ter vivere Nestoris annos ,
Et nihil ex vlla perdere luce voles !
Rebus in angustis facile est contemnere vitam :
Fortiter ille facit , qui miser esse potest .*

Sententia quoque clauditur PICTORII Epigr.
De tempore .

A D L A V R E N T I V M .

*Quo te cunque die nil sancti egisse videbis ,
Hunc tibi , Laurenti , deperisse puta :
Ista nec in minimis ponas dispendia damnis :
Aere potest nullo , vel brene , tempus emi .*

Et Epigramma MAPHAEI BARBERINI ,
DE ATTILIO REGVLO .

*Ambigis, an patria maior sit cura salutis
 Attilio, an pactam non violasse fidem ?
 Quæ distabat amor, mirata est Roma loquentem ;
 Africa sed reducem non minùs obstupuit .
 Macte vir inuidia mentis vi : barbarus hostis
 Muticibus tortum te laniare potest .
 Et saevo perimens letho tibi munera lucis
 Demere, dum iugi vulnere membra ferit .
 Mors tamè atra nequit præclarum extinguere no-
 men ;
 Quin tua lux oriens hinc rediuiua micat .
 Quod fragile est, perijt : Virtutis fulgida proles
 Gloria, perpetuò, non peritura, viget .*

Et Epigramma FABII CHISII,

DE THEODORICO,

Gothorum Rege Ariano, cui cænanti, caput piscis,
 tamquam Symmachi, à se nuper occisi, terrorem,
 ac mortem intulit .

*Quem Geticus furor, & vecors magis implet Arius,
 Cerne, epulas inter quàm male parcus hebet !
 Sanguine Christiadum madidus, sicco ore Lyxum
 Nauseat, & sitiens vina liquata fugit .
 Torquetur secum mens ipsa ; sibi una, satellites,
 Et reus, & pæna, & carcer, & uncus adest .
 Dum damna insontum sua crimina pectore versat,
 Et dapibus curas pellere querit iners ;
 Dentibus exertis, oculisq; minacibus, auro
 Illusus lauta piscis ab arce natat .*

Con-

*Coniuncta visum capiunt; Rex inde pauorem:
 Symmachus, exclamat, stat mihi lance minax;
 Terruit extincti species; umbratilis hostis
 Hunc ingulat, terris qui modò terror erat.
 Usque aded & grandes animas, Regesq; superbos,
 Cum Deus est vindex, mortis imago necat.*

**Et Epigramma ANGELI COLOTII, quod est;
 EPITAPHIVM LASCARIS.**

*Dilectus musis, & rebus natus agendis,
 Quem grauida imperijs protulit alta domus,
 Tot freta dum curris, totq; inuia regna pererras;
 Ausonia tandem, Lascaris, vrbe iaces.
 Sed situs in patria es, Graio licet Orbe remotus;
 Nulla est virtuti terra aliena suæ.*

**Per Sententiam quoque AVRELIVS VRSIVS claudii
 EPITAPHIVM CASTORIS DVRENTIS.**

*Hic situs est Castor, Parca qui fila secanti
 Obstitit, & medica funus ademit ope.
 Is Cæli, Sophieq; vias lustravit, & inter
 Delicias habitus, Calliopæa, tuas.
 Inuida fata tamen, ne quis remearet ad auras
 Luminis, heu, tantum præripuere virum.
 Sed durat Durantis honos, monumentaq; durans
 Regia: virtuti nil fera fata nocent.*

**Et IANVS NICIVS ERYTHRAEVS Epigr.
 De Clepsydra.**

*Vt petit ima grauis clepsydra conditus humor ,
 Sic cadit , aetherio missus ab axe , dies .
 Hec , properata nimis matura fata senectæ ,
 Si fugiunt anni more cadentis aquæ .
 Si vix orta ætas est , cum sua funera sentit ,
 Quod datur exiguum tempus abibit iners ?
 Sola manet virtus rapidis immobilis annis :
 Cætera , nativo pondere pressa , ruunt .*

Et ANDREAS BAIANVS Epigr. cuius lemma ,
*Non sunt temnenda parua ,
 quamuis parua videantur .*

*Nil pretio indignum est , si quod Natura pusillum
 Efficit , ingenium subleuat , arsque valet .
 Quæ contempta fuit , venit arbor adulta sinapis
 Inter olus , volucres nidat , opacat humum .
 Fermento vis quanta ? tamen quid vilius illo ,
 Cui corrupta dedit candida massa genus ?
 At verò inde Ceres speciem , gratumque saporem
 Accipit , albentes ampliat inde sinus .
 Sæpe sub obscuro latet aurea cortice virtus :
 Nec semper vile est , quod quasi vile iacet .*

Et IOSEPHVS SILOS Epigramma
 De Ephebulo CAROLI V. Imperatoris ,
 Qui ei horologium surripuerat .
*Tempora par Cælo qui diuidit aureus Orbis ,
 Anticus Austriaco surripit arte puer .*

Condi-

*Conditur horarum monitrix, facundaq; moles
 Pectore: stant tacito garrula surta sinu.
 Nec mora: dum currit rota temporis, ecce sonorum
 Crimen secreto è pectore voce tonat,
 Publicat hora reum; vindex fit tempus, & index,
 Arguit & furem pulchra rapina suum.
 Ille rubet; risit sed Caesar, vidit ut illum
 Culpam haud ore suo bellè aperire suam.
 Disce: licèt desit delator; conscia clamant.
 Pectora; tu sceleris præco, reusq; simul.*

*Aliqua ex Epigrammatis, à me per Sententiam con-
 clusis, sunt, quæ sequuntur.*

*De Theatro D. PETRO Apostolo, Romæ erecto;
 iussu ALEXANDRI VII. P.M.*

*Ad Excellentissimum Principem
 AVGVSTVM CHISIVM.*

*Prisca verecundo sileat Roma ore Theatra;
 Dum Vaticanus surgit ad astra labor.
 Tollitur innumeris moles operosa columnis;
 Præsenti moles obsequiosa Petro.
 Et simulacra sacro tollens pia culmine, iussu
 Pontificis summi celsior astra videt.
 Quantum cernis opus! non Magni hæc pondera molis,
 Maximi Alexandri vèstra sed imperio.
 Molis erit tantæ quæ, Auguste, corona? corona
 Tantæ equidem molis fama perennis erit.
 Fama coronabit tam grande æterna Theatrum:
 Æterna augustum fama coronat opus.*

De

De Obelisco AVRELII ANTONINI CARACAL-
LAE Imperatoris

Romæ in Circo Agonali erecto
iussu INNOCENTII X. Pont. Max.

*Hic, ubi lata super petit astra Columba, Obelisco;
Quattuor & subter flumina vasta fluunt,
Spectabatur Agon: mentem erige, grandia volue,
Attonitus qui tam nobile cernis opus.
Saxa vetusta notant, & lubrica flumina, mortem;
(Vita hominum prope labitur instar aque)
Ipsam signat Agon mortem quoque: Iustus at unus
Mortis victor abit; celsa Columba docet.
Que bene cum ramo: mortis conamine fracto,
Cum palma victor Iustus ad astra volat:*

DE HERACLITO, ET DEMOCRITO,
Quorum primus ob varios humanæ vitæ casus
semper plorabat; alter verò ridebat.

AD ALEXIVM A' CONCEPTIONE
nostræ Religionis Assistentem Generalem.
*Vitæ Heraclitus spectacula, Democritusq;
Aspiciens, semper ridet hic, ille dolet.
Errat uterque; nimis vitiosum utrumque: notatur
Perpetuus risus, perpetuusq; dolor.
Errat uterque; dolens leuius tamen errat, Alexi:
Hec plus quàm risus, vita doloris habet.*

Huc etiam referri potest Epigramma, quod ad eum-
dem

dem eruditissimum Patrem scripsi ,

De iudice BEBIO , morte compresso ,
cum vadimonium differri iuberet .

Se placidum fonti Bebius dum præbet , Alexi ,

Iudicijq; pia prorogat arte diem ,

Nulla fit , heu , misero Bebio dilatio fati ,

Sed subito , subita morte vocatus , obit .

Mors nunquam mitis: mors nunquam tempora differt:

Mors dum sæua vocat , non datur ulla mora .

Et hoc quoque meum ,

De duabus Romæ tabernis simul iunctis, in quarum
altera , viuarum volucres venduntur , altera
pilularum , quibus occiduntur .

Ad venustissimum Epigrammatographum
ANTONIVM GVZZIVM .

Hæc habet innumeras , viuasq; taberna volucres ;

Hæ quibus intereunt , iuncta taberna pilas .

Quam , volucrum vita , Antoni, nex dira propinquat

Quam , dira , volucrum vita propinqua neci !

Vita , ò vita brevis ! quin vita brevissima , quando

Distat ab interitu , non nisi , vita , gradum .

Ita conclusi, memor conclusionis clarissimi Vatis
IO: BAPTISTAE MARINI in sequenti composi-
tione , quam latina translatio consequetur .

Miseria humana ;

A Pre l'huomo infelice all'hor , che nasce
 In questa valle di miserie piena ,
 Prià ch'al Sol , gl'occhi al pianto ; e nato à pena
 Va prigionier frà le tenaci fasce .

Fanciullo poi , che non più latte 'l pasce ,
 Sotto rigida sferza i giorni mena ;
 Indi in età più ferma , e più serena ,
 Trà Fortuna , & Amor more , e rinasce .

Quante poscia sostien tristo , e mendico
 Fatiche , e morti ; in fin ché curuo , e lasso
 Appoggia à debil legno il fianco antico .

Chiude al fin le sue spoglie angusto sasso ,
 Ratto così , che sospirando dico :
 Dalla cuna alla Tomba è vn breue passo .

Quam compositionem egregius Vates CAROLVS
 SINIBALDVS totidem versibus sic latinè con-
 uertit .

*Infans (heu , miserum) vitæ dum prodit in auras ,
 Ingemit ; & nondùm lumina lumen habent .
 Vixq. suæ trepidus venit genitricis ab aluo ,
 Cum dura arctatur compede , fasciolis .
 Iam puer impubes rigido sub verbere tristes
 Cogitur infelix enumerare dies .*

Hinc

*Hinc valido premitur fortune casibus , euo ,
 Perq; Cupidineas statq; caditq; vices .
 Cumq; senex baculo titubantes sustinet artus ,
 Assiduus languent corpora curua malis .
 Sic tandem properat suprema ad funera præcep ,
 Et cinis exigua contumulatur humo ,
 Pectore ut ex imo ducens suspiria , clamem :
 Vix oritur vita Lucifer , Hesperus est .*

Optimo quidem carmine clausit SINIBALDVS , sed
 MARINI Sententiam per eandem Allegoriam non
 expressit : ipse ita conclusissem , eidem Allegorie
 prorsus inhærens :
Hen , brevis è cunis ad tumultum gradus est .

LOCVS IX.

Argutia ex Enumeratione Nominum præpositorum .

Apud MARTIALEM in Epigr. Lxv. lib. i.

Ad FABVLLAM ambiciosam .

*Bella es , nouimus , & puella ; verum est :
 Et diues ; quis enim potest negare ?
 Sed dum te nimium , Fabulla , laudas ,
 Nec diues , neque bella , nec puella es .*

Talis quoque Enumeratio est in FRANCISCI
 FRANCHINI Epigrammate ,
 AD LEVCIAM .

Flori-

*Floribus intextam varijs tibi mitto corollam ;
 Quos auida legi , picta per arua , manu .
 Sunt nigra viola ; sunt lilia candida , sunt &
 Purpurea ; gelido non sine rore , rose .
 Sperne tamē cuncta hæc , mea Leucia , scinde corollam ;
 Lilia tu terris , tu rosa , tu viola es .*

Verūm hæc *Nominum Enumeratio* venustiore efficit conclusionem , si in ea ipsa Nomina eodem ordine , quo præposita sunt , constituentur , vt factū video à THOMA PORCACIO in Epigr.

De CHRISTO crucifixo .

*Pro seruis Dominus moritur , pro fontibus insons ,
 Pro agroto Medicus , pro grege Pastor obit .
 Pro populo Rex maclatur , pro milite ductor ,
 Proq; opere ipse Opifex , proq; homine ipse Deus .
 Quid seruus , sons , agrotus , quid grex , populusq;
 Quid miles , quid opus , quidne homo soluet ? amet .*

Hæc etiam iuxta ordinem præpositum *Enumeratio* est in conclusione sequentis Epigrammatis HIERONYMI SALINAE cæci ,

Ad Poetas .

*Chaoniam canitis natam Iouis arbore glandem ;
 Legifera , segetes , munera grata , Dee .
 Vos , ulmos , & apes complentes neclare cellas ,
 Et tardos canitis lata per arua boves .
 Vos et equum canitis , qui frana sonantia mandit ,
 Atque arua , & multo gramine pingue pecus .*

Sed

*Sed mihi quid prodest audire hæc , si mihi desunt
Glans, seges, ulmus, apes, bos, equus, arua, pecus?*

Tali bene disposita *Præpositorum Nominum Enume-
ratione* clausum video Epigramma Vatis, ingenio-
sissimi, cæci quoque, sed oculatissimi, ALOYSII
GROTI Hadriensis; in cuius Epigrammatis con-
clusionem plura enumerata cernuntur, quàm in al-
latis exemplis, afferendisque.

DE ALEXANDRA VOLTA.

Mirandam Natura parans producere Voltam,

Hac volumus, dixit, pulchrius esse nihil.

Ex gemmis fecit dentes, quas ostrea reddunt,

Ex auroq; comas, quod vehit unda Tagi.

Exq; rosis Pæsti formavit labra rubentis,

Et lacte ex Siculo tunc cocunte manus.

Ex nitido frontem formavit Sole nitentem;

E Tyrijs tinxit purpura vincta genas.

Linguam ex Hyblæo formavit melle decoram,

Formavitq; pedes, quod legit Indus, ebur.

Gemma, aurum, rosa, lac, sol, purpura, mel,

ebur, ergo

Dens, coma, labra, manus, frons, gena, lingua, pedes.

*Enumeratio etiam Nominum, præposito ordine dis-
posita videtur in ANGERIANI Epigrammate*

DE COELIAE duritie.

Sunt duri scopuli, sunt dura & marmora, durum

Et ferrum, in summis robora dura iugis.

Sunt

*Sunt duræ rupes, sunt antra, & cornua dura;
 Atque adamas durus, durum hyemale gelu.
 Durior at scopulis, mea Coelia, marmore, ferro,
 Robore, rupe, antro, cornu, adamante, gelu.*

*Et in OCTAVII BOLDONII Epigrammate,
 In Laudem CAESARIS MONTII Card.
 Arcimboldium Gymnasium subeuntis.
 Bella coruscanti, dic, gemma includitur auro:
 Bellus ceruleo Phæbus in axe micat.
 Bellum depictis splendet laquearibus ostrum:
 Bellus flos viridi cespite vernal olens:
 Bellaq; per liquidum volitat miniata volucris:
 Bella replet templum fax radiata sacrum.
 Bellior in nostro fulges tu, Montè, tycao;
 Gemma, Phæbo, ostro, flore, volucre, face.*

*Et in IOSEPHI BAPTISTAE Epigrammate,
 D E P R O T E O.
 Aspice Carpathium spumoso in gurgite Vatem:
 Est Dens, & facies alterat arte suas.
 Planta comam renouans, obducit cortice Numen,
 Hincq; Getuli terga Leonis habet.
 Ostentat ramosa levis mox cornua Cerui,
 Induit immanis pendula colla bonis.
 Ungue solum pulsans, impexo crine superbit,
 Fræaque magnanimus ferrea mandit equus.
 Ignis satius edax glomerata volumina torquet,
 Inde cunctato dente videbis Aprum.*

Sic

*Sic miser est , nimio Pomona captus amore ,
 Planta , Leo , ceruus , bos , equus , ignis , aper .*

Et in eiusdem BAPTISTAE Epigrammate .

De Pausilypo .

*Hæc plana sollicitis dant pigra silentia curis ;
 Hic natura suas prodiga laxat opes .
 Proceros nullo hic fuscant diademate montes
 Nubila ; non Auster per iuga celsa volat .
 Argutat vitale melos , post remige penna
 Humida Iunonis regna flagellat auis .
 Ulmus pampineam sobolem frondosa maritat ;
 Sedula mellito murmure clangit apis .
 Non æstas , non sæuit hyems ; flos miscet odorem ,
 Et tondet lato pabula dente pecus .
 Ventilat herba comas , ridetq; aspergine roris ;
 Porrigit è grato palmitè poma solum .
 Talia felices semper nos reddere possunt ,
 Mons , auis , ulmus , apis , flos , pecus , herba ,
 solum .*

Hac etiam prepositorum Nominum per ordinem bene disposita Enumeratione , illustris Orator , & egregius Vates ALEXIVS à CONCEPTIONE, Anconitanus , nostræ Religionis Assistens Generalis , sequentia duo Epigrammata conclusit .

In B. Virginis MARIAE Natiuitate .

*Blandidulo splendore micat gemma eruta conchis ;
 Aurora exurgens lucis honore flagrat .*

S

Visce-

Viscere telluris defossū fulgurat aurum :
Sidus honorificū pandit ab Axe iubar .
Ros matutinus gemmantia conficit arua ,
Et Rosa purpureas ei aculatur opes .
At modò quæ nata est, Virgo formosior extat
Gemma , Aurora , auro , sidere , rore , rosa .

In Eiusdem Natiuitate .

Pulcher Olympiaco Phæbus radiatus in Axe ;
Pulchraq; nocturno Stella nitore micat .
Pulcher Sidonio præfulget in æquore murex ,
Pulchraq; Erythræi fulgida gemma maris .
Pulchrum distinctis rutilat laquearibus aurum ;
Pulchra Minervæ pictaq; vestis acu .
Pulchra etiam miniata volat per amœna volucris ,
Pulchraq; in armato cespite nata rosa .
Pulchrior at Phæbo , Stellaq; hæc inclyta proles ;
Murice , gemma , auro , veste , volucre , rosa .

*Ipse etiam per hanc præpositorum Nominum Enume-
 rationem , clausi hoc Epigramma ,*

Ad mundanarum rerum amatorem .

Quæ speciosa vides , & pulchra nitescere terris ,
Cœlica spectanti , turpia , fœda patent .
Diuitias & quas toto miraris in Orbe ,
Pauperiem melius , mens cui celsa , putat .
Sunt cure potiùs , quæ gaudia credis , & ipsa ,
Ipsa quies , tantum quam cupis , anxietas .
In Cælo verè , speciosaq; , pulchraq; , verè

Dini-

Diuitiæ, vera & gaudia, vera quies.

Notandum, Lector, hoc loco putavi, gratiam omnem, & venustatem huiusmodi *Enumerationis* elucere in fideli eorundem *præpositorum Nominum* collocatione; neque enim absque inconcinnitate, ut mihi quidem videtur, aliqua ex præpositis Nominibus, in conclusione prætermittuntur, aut immutantur, ut, si præpositis, Sole, Luna, Stellis, &c. utaris in conclusione, Phœbo, Cynthia, Sideribus, &c. aut periphrastice exponuntur, ut ab aliquibus, alioquin bonis Epigrammatographis, factum deprehendi.

Animaduertendum præterea est, non adeò *Enumerationem* eam, concinnam, ac venustam esse, quippe quæ ingenua minus est, & naturalis, in qua nomina non eodem numero, singulari videlicet, aut plurali, quo præposita fuerunt, posita cernuntur. Tamen cum hæc *Enumeratio* difficillima interdum sit, ipsa numeri mutatio adhiberi interdum, tolerariq. facile potest; quam quidem numeri mutationem ab aliquibus admissam esse, nonnullis exemplis supra positis, planè pater.

Ac mihi quidem licet non arrideat ea *Enumeratio* (quamquam, cum talis sit in MARTIALIS Epigrammate suprâ allato, non reprehensioni locus esse videtur) in qua videlicet, nomina quidem cuncta, quæ præposita fuerunt, posita inspiciuntur, sed ordine priore non seruato; placet tamen

*Enumeratio, per rectam retrogressionem disposita:
quali retrogressionem aures plurimum delectantur.*
Hanc *Enumerationem* video in hoc Epigrammate
IOVIANI PONTANI, ubi VIOLINA puella
sic loquitur.

*Prata mihi tumulum præbent, violæq; sepulchrum
Fronde tegunt; mirum, si Violina vocer?
Non mihi thure opus est, aut nardo, aut Arabæ
myrrha:
Myrrha mihi, & nardus, thuraq; sunt violæ.*

L O C V S X.

Argutia ex Inopinato, siue Inexpectato.

Apud MARTIALEM in Epigr. xx. lib. III.

D E C A N I O.

*Dic, Musa, quid agat Canius meus Rufus:
Vtrumne chartis tradit ille victuris
Legenda temporum acta Claudianorum?
An, quæ Neroni falsus adstruit scriptor?
An æmulatur improbi iocos Phædri?
Lascivus elegis, an severus herois?
An in cothurnis horridus Sophocleis?
An otiosus in schola poetarum
Lepore tinctos Attico sales narrat?
Hinc si recessit porticum terit templi?
An spatia carpit lentus Argonautarum?
An delicate sole rursus Europæ*

Inter

*Inter tepentes post meridiem buxos
 Sedet, ambulatue liber acribus curis ?
 Titine thermis, an lauetur Agrippa ?
 An impudici balneo Tigillini ?
 An rure Tulli fruatur, atque Lucani ?
 An Pollionis dulce currit ad quartum ?
 An aestuantes iam profectus ad Baias,
 Piger Lucrino nauiculatur in stagno ?
 Vis scire ; quid agat Canius tuns ? ridet .*

Expectas sèlne vnquam, Lector, hanc conelusionem ?
 Idem ab inexpectato claudit Epigr. LI. lib. VI.

AD LVPERCVM .

*Quòd conuiuaris sine me tam sèpe, Lupercè ,
 Inueni, noceam qua ratione tibi .
 Irascar, licèt usque voces, mittasque, rogesque :
 Quid facies ? inquis . quid faciam ? veniam .*

Expectabatur ex præcedentibus, MARTIALEM LV-
 PERCO responsurum, se vocatum, minimè ven-
 turum: at ille *præter expectationem* respondit, se
 venturum, vt sic LVPERCVM auarum offen-
 deret.

Idem ex inopinato claudit Epigr. VI II. lib. X.

DE PAVLLA .

*Nubere Paula cupit nobis, ego ducere Paullam
 Nolo ; anus est ; vellem, si magis esset anus .*

Ex ratione, quam MARTIALIS attulit, cur Paul-
lam nollet ducere, quod illa videlicet, esset anus;
expectabatur, ipsum dicturum, se Paullam ductu-
rum, si fuisset iuuenis; at ab *inopinato* conclusit,
se eam ducturum, si magis fuisset anus, idest, ca-
pulo magis vicina, breuique moritura, vt quam-
primùm sibi amplæ dotis hæreditas obueniret.

Inopinata est etiam Conclusio

Apud eundem in Epigr. xciii. lib. xi.

IN ZOILVM.

Mentitur, qui te vitiosum, Zoile, dixit:

Non vitiosus homo es, Zoile, sed vitium.

Expectabatur quidem, Pentametri talis finis;
sed bonus es, vt tale esset totum carmen,

Non vitiosus homo es, Zoile, sed bonus es.

Verùm, quid hac cōclusionē fuisset frigidius? ita enim
dicendo, obiurgationis ergo flenti adolescentulo
lacrymas compescere solemus. Sed MARTIALIS
præter expectationem, ZOILVM ipsum vitium
esse dixit.

Cum superioris Distichi imitatione, THOMAS
MORVS sic locutus

IN GELLIAM.

Mentitur, qui te dicit, mea Gellia, fuscā:

Indice me, non es, Gellia, fusca; nigra es.

Sed profectò MORVS ad MARTIALEM propius
accessisset, si potius ita dixisset:

Menci-

*Mentitur, qui te fuscā, mea Gellia, dixit :
Non fusca es mulier, Gellia; namque nigra es.*

Imò prorsus illius vestigijs institisset, si ita processisset, argumento sic variato.

*Mentitur, qui te nigram, mea Gellia, dixit :
Non nigra es mulier, Gellia, sed nigror es.*

*Inexpectata Conclusio est etiam,
Apud eundem in Epigr. xciv. libri eiusdem.*

DE THEODORO.

*Pierios vatis Theodori flamma Penates
Abstulit : hoc Musis, hoc tibi, Phæbe, placet :
O scelus, ô magnum facinus, crimenque Deorum,
Non arsit pariter quod domus, & Dominus.*

Videbatur prius, MARTIALIS exclamare ob incendium domi THEODORI, tanquam amici, sed ex conclusione, quam præter expectationem attulit, innotuit, questum fuisse, quod non vna cum ædibus ipse quoque Dominus combustus fuerit. Idem THOMAS MORVS hoc etiam ab inopinato Epigramma conclusit,

De Astrologo quodam ridiculo.

*Non Cumæa sacro vates correpta furore,
Certius afflata mente futura videt.*

*Quam meus Astrologus diuina clarus in arte
Præuidet, inspecto sidere, præterita.*

Lepide profectò MORVS clausit præter expectationem,

nem, sed lepidissimè IACOBVS BIDERMANVS
præter omnē prorsus expectationē clausit Epigr. quo
IRVS pauper, ioculariter inuitat PAVLLVM
ad cœnam.

O ruris decus aureum beati,
Cane gloria nobilis senectæ,
Ad nos, Paullæ reuise, cœnuleque
Vel rex esto, vel arbiter modestæ.

Plena stridulus Anser in culina
Insuetos hodie fatigat ignes,
Et dudum à verubusq; flammulisq;
In stratas parat inuolare mensas.

Porcelli quoque grunnientis exta,
Et Lucanica ventre de suillo,
Et factæ piperata frusta perne.
Iam festas onerant superba lances.

Iam structor iubet, imperatq; carptor

Iam totas coquus explicat culinas,

Et nullos queritur venire dentes.

Nondum sentio me, inquis, esurire

Pransus denique te esurire dices.

Arridet etiam mihi plurimum Argutia ex Inopinato
in conclusionē sequentis Epigrammatis ALOY-
SII GROTI cœci, Hadriensis; quod est

E P I T A P H I V M

Quatuor puellarum, vno tempore submersarum.

Quatuor hoc tumule posita simul ecce puella

Aetate, interitu, virginitate pares

Vna

*Vna tegit tellus , velut vnica sustulit vnda ;
Vna dies rapuit , condidit vna dies .*

*Iunxit amor viuas morituras nauis , & annis
Mors morientes , & mortua membra lapis .*

*Disce , puella , nec atati , nec fidere formæ ,
Vna hora perdi forma , iuuenta potest .*

*Bis binæ ; sed si non fles , potes addere quintam ;
Quinta erit hic pietas , nam tumultata simul .*

Ingeniosa , & arguta sanè conclusio , ac mihi quidem præter expectationem : eam tamen ita maluissimam .

Quatuor hic ; sed erit , ni fleueris , addita quinta :

Quinta erit , ab , pietas , hic tumultata simul ;
Sic enim mihi videtur aptius , & melius exprimi ipsa
Argutia . Atque hoc Pentametrum

Vna hora perdi forma , iuuenta potest ,
respondisset quidem aptius suo Hexametro

Disce , puella , nec atati , nec fidere formæ ;
si tale fuisset , repetita eodem nomine , atate , dum
eodem nomine forma reponitur ,

Vna ætas perdi , formæq; luce potest .

Ipse quoque interdum per huius generis *Argutiam*
Epigrammata conclusi , quorū tria , quæ sequuntur .

Amoris causa **QVINCTVS** insanus factus , & ex
casu voluntario ad mentis sanitatem reuocatus ,
stultior , per inopinatam *Argutiam* , ostenditur
euasisse .

Quina

*Quinctus Amatricis rapido inflammatus amore ,
 Consortem thalami queritat esse sui .
 Nubere cumq; illam fratres , unaq; parentes ,
 Cognatiq; vetent , Quinctus amore furit .
 Precipitemq; amens se se deturbat ab alto ,
 Cruribus & laesis limina claudus adit ,
 Mentem quisque putat reuocatam; pectore Amatrix ,
 Pulsa procul ; thalami pectore pulsus amor .
 Hiccinunc , homines , sanus ? ne credite: non est:
 Quin amens Quinctus factus amore magis .
 Scitis , Amatricem cur tenuit ? claudus ut alter
 Mulciber , hic Venerem nunc putat esse suam .*

Cantori absono, sed vocem suam valde iactanti Fœ-
 minæ plorantis inexpectata responsio .
*Ridiculè incompto strepitat dum cantor hiatu ,
 Fœmina largifluis fletibus ora rigat .
 Cui lacrymas mouisse ratus cantu ille sonoro ,
 Dic, inquit, fletus fortè ego causa tui ?
 Fletus, illa, mei, respondet, causa fuisti ;
 Voce tua, lacrymis immauerunt genæ .
 Nunc siquidem , hesternæ clamantis luce, voracis
 Dente lupi, est asini, vox tua visa mei .*

De Pygmæis duobus ,
Quorum alter latrocinijs famosus fuit, alter histrio-
 nia, vterque **MOLON** appellatus .
*Pygmæi vixere duo ; de nomine , Molon
 Dicti ambo : alter fur , histrio & alter erat .*
Histrio

*Histrion & alter erat? sic, fur quoque, callidiorque;
Ille metu nummos abstulit, iste iocis.*

Ediscas hic, Lector, aliquid per se simplex, & vulgare,
post aliqua ingeniosè præmissa, *præter expectationem* illatum, argutum euadere, plausumque adipisci. Cum, ingrediente Mediolanum Cardin.
ALDOBRANDINO, pacem conciliaturo inter Reges, plurima instrumenta bellica honoris gratia disploderentur, æneum tormentum, italicè *Bombarda*, crepuit: Hinc illius Urbis Academicis oblata occasio multa argutè dicendi. Quorum vnus cum eruditè, & ingeniosè plurima dixisset, ita demū, *præter expectationem* clausit Epigramma,
Ominis arcanum quæris? faber inscius, Aeri

Imposuit nimium pulueris, & crepuit.

ipseque vnus ex omnibus, qui in idem luserant argumentum, maiorem plausum adeptus fuit.

Idemque Romæ alteri contigisse, testis ego sum, qui interfui; Hic enim in Academia habita in nostris Aedibus, cum multorum ingeniosas interpretationes Gentilitij Stēmat^{is} **CLEMENTIS IX.** Pont. Max. perbellè retulisset, nullas tamen approbasset, seque vero verius dicturum fuisse affirmasset, intulit id ex inopinato.

*hec sunt
Clementis Noni Stemmata Pontificis.*

*Quam inexpectatam Conclusionem maximus omnium
plausus consecutus est.*

Ex

De toto Epigrammate.

CAPVT VII.

Licet satis pateat, cum de vtraque Epigrammatis Parte, *Narratione* videlicet, & *Argutia*, atque vtriusque *Virtutibus*, *Locisq;* ac *Modis* insignioribus, quibus ipsæ Partes comparantur, actum iam sit, qualenam *Epigramma* esse debeat, ut sit optimum, tamen libet hoc ultimo Capite, maioris voluptatis, vtilitatisq; gratia quædam alia ostendere, quibus *Epigramma* optimū constituitur. Sciendum igitur est, optimum esse *Epigramma*, in quo,

Vel { *Fel*
Acetum } est
Sal

Fel est in Epigrammate, dum eo obiurgamus, obrectamus, maledicimus; quod *exercere licet bono viro* (inquit Scaliger) *modò fiat sine opprobrijs, & conuicia sint ciuilia ad malos mores detestandos.*

Acetum est in Epigrammate, dum eo carpimus sine maledictis.

Sal est in Epigrammate, dum eo risum quidem capiamus, sed non vituperamus, leuissimè autem mordemus.

Huius autem triplicis generis Epigrammata colliguntur ex hoc MARTIALIS Epigrammate XXIV. Lib. VII.

In malum Poetam.

*Dulcia cum tantum scribas epigrammata semper,
 Et cerussata candidiora cute,
 Nullaq; mica salis, nec amari fellis in illis
 Gutta sit, o demens, vis tamen illa legi?
 Nec cibus ipse iuvat morsu fraudatus aceti;
 Nec grata est facies, cui gelasius abest.
 Infanti melimela dato, fatuasq; mariscas;
 Nam mihi, quæ nouit pungere, Chia sapit.*

O quot melimelis, fatuisq; mariscis, Epigrammat-
 tis videlicet tantum dulcibus & mollibus, nihil
 prorsus argutis, paginas impleuerunt. Plures
 quandoque centurias Epigrammatum legendo per-
 curri, in quibus nihil argutum deprehendi. At
 qui huiusmodi Epigrammata conficiunt, lan-
 guida, imò mortua conficiunt Epigrammata;
 carent enim anima, quam infundit *Argutia*,
 Huius autem triplicis generis Epigrammatum
 exempla cum MARTIALIS, tum aliorum quamuis
 hoc in libro passim se se offerant, placet tamen,
 ad maiorem voluptatē, Epigrammatum illorum,
 in quibus iocose quædam argutiæ continentur, hic
 exempla quædam alia proponere.

Tale est apud MARTIALEM Epigr. XXIV. lib. IV.

A D F A B I A N U M

*Omnes, quas habuit, Fabiane, Lycoris amicas
 Extulit; uxori fiat amica meæ:*

Et apud eundem Epigr. XXX. libri V.

[AD

AD GELLIAM.

*Si quando leporem mittis mihi , Gellia , dicis :
Formosus septem , Marce , diebus eris .
Si non derides , si verum , lux mea , narras ,
Edisti nunquam , Gellia , tu leporem .*

Et apud eundem Epigr. L. libri eiusdem .

AD LABIENVM.

*Vidissem modò forte cum sedentem
Solum te , Labiene , tres putavi .
Caluæ me numerus tuæ fefellit .
Sunt illinc tibi , sunt & hinc capilli ,
Quales nec puerum decere possint .
Nudum est in medio caput , nec ullus
In longa pilus area notatur .
Hic error tibi profuit Decembri ,
Tunc , cum prandia misit Imperator .
Cum panaviolis tribus redisti .
Talem Geryonem fuisse credo .
Vites , censeo , porticum Philippi :
Si te viderit Hercules , peristi .*

Et apud eundem Epigr. XXXVI. libri VII.

AD CASTRICVM , de theta .

*Nosti mortiferum Quæstoris , Castrice , signum :
Est opere pretium discere theta nouum .
Exprimeret quoties rorantem frigore nasum ,
Lethalem iuguli iusserat esse notam .
Turpis ab inuiso pendebat stiria naso ,
Cum flaret madida fauce December atrox .*

Colla-

*Collegæ tenuere manus : quid plura requiris ?
Emungi misero , Castrice , non licuit ,*

Et apud eundem in Epigr. LXXXV. libri XI.

Ad ANTIOCHVM tonsorem .

*Qui nondum Stygias descendere querit ad undas ,
Tonsorem fugiat , si sapit , Antiochum .*

*Alba minùs sæuis lacerantur brachia cultris ,
Cum furit ad Phrygios enthea turba modos .
Tondeat hic inopes Cynicos , & Stoica menta ,
Collaq; puluerea nudet equina iuba .*

*Hic miserum Scythica sub rupe Promethea vadat :
Carnificem nudo pectore poscet auem .*

*Ad matrem fugiet Pentheus , ad Menadas Orpheus ,
Antiochi tantùm barbara tela sonent .*

*Hæc quacumque meo numerasti stigmata mento ,
In vetuli picta qualia fronte sedent ,*

*Non iracundis fecit grauis unguibus vxor :
Antiochi ferrum est , & scelerata manus .*

*Vnus de cunctis animalibus hircus habet cor :
Barbatus viuit , ne ferat Antiochum .*

Conclusio hæc , in qua iocosè admodum de hirco ,
monuit me , vt hic subderem hoc Distichon , è
Græco in latinum conuersum .

*Si promissa facit sapientem barba , quid obstat ,
Barbatus possit quin caper esse Plato ?*

Iocosa quoque Argutia continetur in hoc AVSO-
NII Epigrammate ,

De RVFO Rhetore .

*Rufus vocatus rhetor olim ad nuptias ,
 Celebri fit ut conuiuio ,
 Grammaticæ ut artis se peritum ostenderet ,
 Hæc vota dixit nuptijs :
 Et masculini, & fæminini gignite ,
 Generisq; neutri filios .*

*Risus etiam excitatur Epigrammate Græco , à
 THOMA MORO sic latinè reddito .*

*De reo, actore , & iudice, surdis .
 Lis agitur , surdusq; reus , surdus fuit actor ,
 Ipse tamen Iudex surdus utroque magis .
 Pro ædibus hic petit æs , quinto iam mense peracto :
 Ille refert tota nocte mihi acta mola est .
 Aspicit hos iudex , & , Quid contenditis ? inquit :
 An non utrique est mater ? utrique alite .*

Et hoc, ab eodem THOMA MORO composito,
 De Scurra paupere .

*Scurra ubi iam fures tota sibi nocte videret
 Scrutantes magna sedulitate domum ,
 Risit , & , O , media quid, vos, hic nocte videtis ?
 Miror , ait : media nil ego cerno dle .*

Et sequētibus duobus Distichis PHILOMATHI, si-
 ne FABII CHISII , à me supra varijs locis
 nominati .

DE IOANNE LATOMO,

Qui

Qui Epigrammata inscripsit tumulis
ad IOVII Elogia.

*Vile facit carmen Latomus; dat manibus illud
Munus, quod vinis vendere non potuit.*

DE CAMILLO QVERNO.

*Cum satur est Quernus, ventosa poemata ructat:
Non est id capiti, sed stomacho ingenium.*

*Iucundam Argutiam habent etiam sequentia duo
Epigrammata IO: ALOYSII CERCHIARII, &
sapidam profectò argutiam, in ipsis enim inest
Sal; & meritò, nam in primo, de iure, dapibusq;
agitur, àltero autem, de sue, quibus rebus Sal.
opus est, vt sapidæ sint.*

C. CLAVDIVS CAESAR,
dum ius diceret, tactus nidore fumi, è folio desiliit
cænaturns.

*Cæsare dum pendens agitur iudice causa,
Ac sua sollicitus iura patronus agit,
Sensit inhalatum vicino Cæsar odores
De lare, & appositas Martis in æde dapes.
Desilit è folio, Templiq; reposita penetrans
Atria cum mystis mysta gulosus adest.
Scilices ambigui iactatur questio iuris:
Quod ius sit melius, noscere Cæsar auet.*

De sue, qui in quodam Collegio, contubernales
duodecim gallinas vorauit.

T

Cum.

*Cum sue viuebant vili sub tegmine pulli ,
 Quos stabuli dudum iunxit amica quies .
 Sed cum dira fames avidum corroderet aprum ,
 Pullorum pepulit carnibus ille famem .
 Quæ ponent post hac ciuiles fercula mensa ;
 Incipiunt pulli si cibus esse suis ?*

IOSEPHVS BAPTISTA, iocoso DIOGENIS dicto
 sequens claudit Epigramma .

*Fœmina de quercu laqueo suspensa tenaci est ,
 Hirta comas , oculos turgida , nigra genas .
 Hanc videt exosam Cynicus ; cui dolia testum ,
 Dolia per fluxos non peritura dies .
 Letatur , mussatq; labris : ò fructibus istis
 Qualibet in terris arbor onusta foret .*

Tria tantum Epigrammata ex meis , hic subdo, in
 quibus *Argutia iocosa* . Qui plura desiderat , legat
 Lib. IV. meorum Epigrammaton , qui huiusmo-
 di Epigrammatis plenus est: quorum etiã aliquot
 supra allata, infrãq; etiã afferentur . Cuius IV.
 Libri primum est, quod sequitur .

De EVRYLOCHO auditore PYRRHONIS Elidē-
 sis , perquã bilioso , & iracundo ,

Ad Sapientissimum Virum , meiq; amantissimum

ANTONIUM MAGLIABECHIUM ,

Magni Hetruriæ Ducis Bibliothecarium.

*Antoni ; Aonidum decus immortale sororum ,
 Dulcis amicitie fœdere iuncte mihi ,*

Audi

*Audi, quò Eurylochum raperet grauis impetus ire,
 Et mecum risum comprime, si potis es.
 Sape veru arrepto tostis cum carnibus ardens,
 Concussisq; fremens dentibus Eurylochus,
 Voce forum fuit usque, cocum minitante secutus;
 Transfixusq; cocus procubuisset humi,
 Ni pedibus melior(pedibus timor addidit alas)
 Vitasset dextram præcipitantis heri.
 Qui quamuis tanto feruesceret igne furoris,
 Expers omninò non pietatis erat.
 Vncto, & odorifero terebrando viscera ferro
 Optabat, sapida sternere morte cocum.*

Alterum

De Præceptore in Vrbe Ancona, nimis rigido, industria HIERONYMI MAZAEI patrui Authoris, bellè illuso.

Ad leueros Magistros.

*Anconæ sic olim affata Iuuenta magistrum
 Sat rigidum, tetricum, difficilemq; virum.
 A studijs liceat cras, ò Præceptor, abesse;
 Sic semper iussit, crastina festa dies.
 Credendum si fortè putas non esse iuventa;
 Consule maiores, consule quòsue lubet.
 Ille autem ostentans rugas, vultumq; Catonis
 Erecto damnat vota supercilio.
 Mazæus petit ergo vaser bene mane Lyceum,
 Et condiscipulis sic properanter ait:
 Protinus hinc duri cathedram remouete magistri,
 Atque in conspectu ponite scamna fori.*

*Ille ibi, quanta vult, voce horridus, æra pulset
Solis ab exortu, Solis ad interitum.*

*Dumque scholam repetit solito de more magister,
Discipulos nullos, nullaq; scamna videt.*

*Duritiem, Præceptores, deponite, ne se
Dent cum discipulis scamna vel ipsa fuga.*

Tertium

Ad CINNAM IRREQUIETIVM Mercatorem,
remedium sæpissimè petentem contra Cælum Ro-
manum, Neapolitanumq;

Me modò cum Romæ diuersa negotia cogant.

Et modò me cogant sistere Parthenope,

Ære Parthenope capiti fit noxia, Roma

Cruribus; huic, medici, quæ medicina malo est?

Voribus his medicos nulla non luce fatigas,

Nec, nisi defessis auribus, ire sinis.

Præscribantq; licèt medicamina plurima Cinna,

Profunt omninò nil tamen illa tibi.

Ergo, ne medicos pergas grauis angere, crura

Neu tibi Roma grauet, Parthenopeq; caput,

Nunc ego te miram medicinam, Cinna, docebo:

Pone caput Roma, cruraq; Parthenope.

Præterea optimum est Epigramma, quod est inge-
niosè compositum: Ingeniosè autem compositum est,
si constet ex aliquo, aptè, venustè, aut lepidè ex-
cogitato. Cum autem in hoc Libello huius gene-
ris Epigrammata plurima posita sint, hic pauca
inseram.

Tale

Tale est MARTIALIS Epigr. LXXXVIII. lib. IX.
De SILII Filio.

*Festinata sui gemeret cum fata Seneri
Silius, Ausonio non semel ore potens,
Cum grege Pierio mæstus, Phæboq; querebar,
Ipse meum fleui, dixit Apollo, Linon.
Respexitq; suam, quæ stabat proxima fratri
Calliopen, & ait: tu quoque vulnus habes.
Aspice Tarpeium, Pallatinumq; Tonantem:
Ausu nefas Lachesis læsit utrumque Iouem.
Numina cum videas duris obnoxia fati,
Invidia possis exonerare Deos.*

Nec non tale Epigramma nobilissimi Vatis IACOBI
SANNAZARII, De Venetijs Vrbe admirabili.

*Viderat Hadriacis Venetam Neptunus in undis
Stare Urbem, & toto ponere iura mari;
Nunc mihi Tarpeias quantumvis, Iupiter, arces
Obijce, & illa tui mœnia Martis, ait.
Si pelago Tybrim præfers, Urbem aspice utramque:
Illam homines dices, hanc posuisse Deos.*

Et Epigramma venustissimi Poetæ nostri, CAMILLI
à S. HIERONYMO, In CHRISTI Natalitijs de
Mense Decembri, cum allusione ad illud: Nox,
sicut dies, illuminabitur.

*Per minimas, sub Sole breui, sua tempora, lucet,
Extentæ mæstus nocte December agit.*

*Ast ubi Sol oriens æternus nocte cornescat ;
 Extenta lætus nocte December ait :
 Sole dies , nox Sole nitet : mea tempora , noctis
 Nescia, sub duplici Sole perennis agam .*

*Taliaq. sunt tria, quæ sequuntur, optimi Vatis,
 & Oratoris, CAROLI IOANNIS à IESV,
 nostræ Religionis Procuratoris
 Generalis .*

*De Beata MARIAE VIRGINIS
 pulchritudine .*

*Vt conspexit Amor præstanti corpore Natam ,
 O utinam possim pingere , dixit Amor .
 Et molles carpens Pæstano in gramine flores ,
 Diluit in tabula lilia mixta rosis .
 Sed candor vultus candentia lilia vincit ,
 Puniceasq; rosas purpura viua labri .
 Aduolat , & piscans Erythræo littore conchas ,
 Ostrum de Tyrio fonte colorat opus .
 Pulchrior at facies : impar respondet imago ,
 Nec formæ similis reddita forma sue .*

*Tunc iratus Amor , quàm tenuia munera Tellus !
 Tenuia quàm profert munera Pontus ! ait .
 Regna superna petit , Soli subducit & aurum ,
 Candorem Lunæ , sideribusq; inbar .
 Sic similem pingit : cælestis prædit imago ,
 Plantas Luna , astris tempora , Sole sinus .*

De eiusdem BEATÆ VIRGINIS
Nomine.

*Vt Cælum, Tellus, Ignis, Maris undaq; claras
Senserunt cunas, parvula Virgo, tuas,*

Continuò fertur magno certasse tumultu,

Quis potius Natæ nomina digna daret.

Cælestis Virgo Cælestia nomina poscit,

Cælum ait, & Cælum nomina celsa dabit.

Ad Terræ decus humano velamine prodit;

Quid non & nutrix nomina Terra feret?

Ignæ diuino quæ semper flagrat amore,

Ex igne accipiat nomina digna, decet.

Virgo, maris quæ stella nitet faustissima nautis,

Exigit à placido nomina blanda mari.

Certatur validè, palmaq; sit arbitra Virgo,

Excipiat potius nomen ut ipsa velit.

Ex igne ardentem cæpi flammam, inquit, amoris;

E Cælo mentem, corpora Terra dedit.

Nil dabit ergo mare? hoc, Mariæ det nobile nomen:

Sic æquè gaudent munere quæque suo.

In Laudem Adm. R. P. CAMILLI à S. HIERONY-
MO Collegij nostri Nazareni Rectoris, ob varia-
rum Orationum volumen, cuius Inscriptio, FLO-
RVM FASCICVLVS, cum allusione ad Insigne
Academiæ INCVLTORVM eiusdem Collegij, in
quo Ager virescens, cum dicto: Prosperabuntur.
Ausoniam fertur mærens adijisse Minervam
Flora, & sollicitas hasce dedisse preces:

*En mea Nazaridum squalescunt sentibus arua ;
Arua sub inculti nominis orta solo .*

Vlteriùs careant , nolis hæc arua , colono ;

Quæ si culta forent , florida prata forent .

Annuït his Pallas , lectusq; , ex omnibus vnus

Qui colat hæc , inquit , prata , Camillus erit .

Excoluit calamo , suado nunc excolit ore ;

Direxit calamum Pallas , & ora regit .

Quid mirere igitur , tanto cultore , quòd idem

Qui priùs incultus , sit modò prosper Ager ?

Subdam hic ingeniosum Epigramma egregij Vatis
IO. FRANCISCI à S. PETRO , Mutinensis : &
profectò appositè hic subdam, namq. & Sacerdo-
tis eiusdem nostræ Religionis , & memorati Pa-
tris CAROLI IOANNIS olim Auditoris, eiusdem-
que Collegij Nazareni Præceptoris .

VIRGO MARIA HORTVS VOLVPTATIS.

Lis erat in Cælis Diuinum agitata tribunal

Ante , quibus Virgo dotibus orta micet .

Singula Virtutum certabant agmina , donis

Vi fieret compar edita Virgo suis .

Diuus Amor , roseum quòd præferret , itemq;

Liliacum optabant Spesq; , Pudorq; decus .

Optabat similem Cedro Sapientia , Palma

Gloria ; Pax Oleæ , Gratia vellet Aquis .

Audiit Omnipotens : componat vt illico litem ,

Orta , Voluptatis Virgo sit hortus , ait .

Aptè

*Aptè , venustèque etiam procedit Epigramma
IOSEPHI SILOS , In obitu LVDOVICI XIII.
Galliarum Regis .*

*Lutetia in magna funesta cadauera Regis
Magnanimi fera Mors vidit , & indoluit ;
Indoluit rupisse brevis fila aurea vite ,
Nec dum matura dissoluisse die .
Parce , inquit , ter magne , tu is , Ludonice , trophæis ;
Parce tuis palmis , inclyte , parce tibi .
Namq; ego quid peccem ? numero tua bella , triumphos
Supputo , & annosum te reor esse senem .
Sic tua te læsit virtus maturior ævo ,
Estq; meum vulnus , culpa sed ipsa tua est :*

*Et Epigramma IOSEPHI BAPTISTAE ,
In obitu Pueruli .*

*Invidet intonsus Puerum Ioue natus Apollo ;
Aureolumq; comas , lacteolumq; genas .
Missile sic torquens , pueri præcordia figit ;
Figit , & hos rabido fundit ab ore sonos :
O pereas , pulchelle Puer , Puer amulo : mundus
Haud potis est Soles vnus habere duos .*

*Et Epigramma , quod legitur Patauij in quodam
Lapide Sepulchrali .*

*Hac octo iacui iam lustra , vel ampliùs , urna ;
Læserunt tantæ nec mea membra morte .
At dum nescio quis , mihi nunc adiungitur alter ;
Saucior , & lacero corpore damno fero .*

*Quisquis es, aut vita debebas parcere functio,
Aut dare, qui medica me modò sanet ope.*

Superiori Epitaphio addo meum
Epitaphium SAXONIS Poetæ, vinosi.
*Hic ego qui iaceo, rubicundi cultor Iacchi,
Immodico perij Saxo poeta mero.*

*Hæc qui carpis iter, lacrymas ne funde, viator;
Sed Bacchi, cineres sparge liquore meos.
Semper ut in vita mihi dulcia vina fuere,
Sic functo vitæ munere, vina placent.*

*Odi ego semper aquas; mihi semper dulcia vina:
Nolo tuas lacrymas; dulcia vina volo.*

Ex commento quoque aptè excogitato, confeci sequēs
Epigr. in quo,

Baiulus marmoreus, cum cado, ridens,
(Fons Romæ, in Via lata)

*Sic responder viatori, percontanti, cur rideat.
Hic, qui fundis aquam, cur, inquis, Baiule, rides?
Rideo, quòd potas, fesse Viator, aquam.*

*Quæ mihi sola placent, me feruida vina putabam
Ferre domum; illusum munere, vas vacuo.*

*Sed, quam projicio, tu protinus ebibis undam:
Rideo tam vilem, ridiculamq, gulam.*

Audiat, qui velit, eundem Baiulum, in eandem
Sententiam alia argutè respondentem, lib. IV.

MVSARVM ANCONITANARVM.

Dixi, non solum, ingeniosum esse Epigramma per
aliquid

aliquid apte, venustèq; , sed etiam lepidè excogitatum
 Tale est Epitaphium IOANNIS FOSSAE
 Vatis iucundissimi .

Hac sunt in fossa Fossa mirabilis ossa ,
Qui sibi , condendo versus cere comminuit brum .
Idest, qui sibi, condendo versus, cerebrum comminuit .

Rarò tamen in hoc genere , & in quibusdam alijs
 difficilibus , minusq; vſitatis compositionibus ,
 de quibus hoc ultimo Capite agere decreni (nisi
 peculiaris sit genius) te , Lector , exerceas , ne
 vnà cū hoc Vate, tibi quoque cerebrū comminuas .
 Tale est etiam IOANNIS OVVENI Distichon .

Do , re , mi , fa , sol , la , dum tollitur Aulicus , inquit :
La , sol , fa , mi , re , do , dum cadit alter , ait .

Taliaque sunt mea duo , quæ sequuntur .

Verbum , Nubo ,

cum datiuo , vel ablatiuo iungi , lepidè ostenditur .

AD IOSEPHVM BERNERIVM ,

Poetam perquam lepidum .

Quam bene , Berneri , iungi dixere datiuo ,
Aut ablatiuo , nubere , Grammatici .

Sepe fit , ut nuptam vexet , erubietq; maritus ,

Injectatq; feras barbarus vsque manus ;

Auferat aut nupta , infidus bona cuncta , relicta ,

Ducat & ablatiis , tempora læta , bonis .

Dum legis hæc , rides ? non ridet nupta , Dativo ,

Aut Ablatiuo coniungo , pressa malis .

De

De P. OVIDIO NASONE,
In cuius carminibus, frequenter varia est verborum
lectio.

AD AVITVM HILARIVM.

*Peligni Vatis, quæ tanta licentia, Avite,
Plurima tam varijs ducere verba modis?
Quilibet (improbitas) Nasonem vexat, & angit.
Nasoni nasum ducere quemque iuvat.
O miserum: viuum innumeri torsere dolores;
Est quoque defunctum pœna secuta senem.
Viventi nasus Nasoni longus an esset,
Nescio, defuncto longus, Avite, patet.*

Ingeniosum quoque est Epigramma,

Ex { *Correlatione,
Dialogo,
Echone,
Anastrophe,
Anagrammate.*

Quorum generum Epigrammata nunc afferemus;
eodem ordine, quo ipsa genera collocauimus.
Epigramma

Ex Correlatione.

Quamuis Epigramma ex Correlatione, quæ sit,
cum singula singulis ordine referuntur, nullum
omnino sit apud MARTIALEM, neque ego vn-
quam composuerim, ipsum tamen Lectoribus
propono, est enim in primis ingeniosum.

Quale

Quale est hoc, quod VIRGILIO attribuitur.

Pastor, Arator, Eques, paui, coluē, superavi,

Capras, rus, hostes, fronde, ligone, manu.

Et hoc SIMONIS VALLAMBERTI.

In Statuam Regis.

Rex, Vates, Lyricen, Mauortis, Apollinis, Orphei,

Gesto, cano, tango, sceptrum, poema, lyram.

Quis clarè non videat id fere totum in conclamatione.

sequentis Epigrammatis FAVSTI SABAEI, de

FRANCISCO Galliae Rege? sic enim canit.

Audiat hoc tellus, mirabitur Amphitrite,

Quæ loquor in Reges, magnanimosq; Duces.

Quisnam erit Heroum, qui se se conferat unquam:

Gallorum Regi, moribus, ore, manu?

Fulminat ense, animo moderatur, pectine pulsatur,

Vt Mars, Rex, Vates, agmina, sceptrum, lyram.

Et hoc, è Græco à THOMA MORO latinè redditum.

Taurus, Olor, Satyrusq; ob amorem Iuppiter aurum est,

Europes, Leda, Antiopes, Danaes.

Quod quidem dulciùs reddidit ANGERIANVS:

ita enim conuertit.

Fit Cycnus, Taurus, Satyrus, fit Iuppiter aurum,

Ob Ledam, Europen, Antiopen, Danaen.

Et hoc BERNARDI BAVHVSII, cuius lemma,

Quibus verbera.

Vt,

Nux, Asinus, Campana, piger, sine verbere cessant.

Hæc dura, hic tardus, hæc tacet, ille iaret.

Sed simul ut ferri plagam sensere, vel ulmi,

Hæc cadit, hic pergit, hæc sonat, ille studet.

Et hoc Distichon, quod legi apud FRANCISCVM SVVERTIVM in lib. Monumentorum, & Inscriptionum Christiani Orbis, positum Cremonæ in Palatio Capitanei: In quo Disticho non tria tantum, aut quatuor, ordine, modoq; supra significato, referuntur, sed quinque.

Hic locus odit, amat, punit, conseruat, honorat,

Nequitiam, pacem, crimina, iura, probos.

Eadem Correlatio est in sequenti IOSEPHI BAPTISTAE Epigr. cuius lemma:

Verbi Dei humanæ carnis assumptio.

Ingenitus, Genitus, Paracletus, Virgo, Minister,

Omnipotens, Sapiens, optimus, alma, volans,

Destinat, associat, fecundat, claudit, adimplet,

Natum, naturas, viscera, cuncta, modum.

Epigramma.

Ex Dialogo.

Dialogus in Epigrammate duplici modo constituitur, vel cum interpositione verborum, eorum videlicet, quibus uti solemus, dum aliquid referimus, vel sine vlla prorsus interpositione, ut sequentibus patebit exemplis.

Apud

Apud MARTIALEM in Epigr. xxxviii. lib. iiii.

AD SEXTVM.

*Quæ te caussa trahit, vel quæ fiducia Romam,
Sexte? quid aut speras, aut petis inde? refer.
Causas, inquis, agam, Cicerone disertius ipso,
Atque erit in triplici par mihi nemo foro.
Egit Atestinus causas, & Cuius: utrumque
Noras: sed neutri pensio tota fuit.
Si nihil hinc veniet, pangentur carmina nobis:
Audieris, dices esse Maronis opus.
Infanis: omnes gelidis quicunque lacernis
Sunt tibi, Nasones, Virgiliosq; vides.
Atria magna colam: vix tres, aut quattuor ista
Res aluit: pallet cetera turba fame.
Quid faciam? suade; nam certum est viuere Rome:
Si bonus es, casu viuere, Sexte, potes.*

Et apud AVSONIVM, qui cuidam interroganti
respondentem facit BIANTEM Prieneum, vnum
ex septem Græciæ sapientibus.

*Quantùm summa boni? mens, quæ sibi conscia re Eli.
Pernicies homini quæ maxima? Solus homo alter.
Quis diuet? Qui nil cupiat? Quis pauper? Anarus.
Quæ dos matronæ pulcherrima? Vita pudica.
Quod prudentis opus? Cum possit, nolle nocere.
Quid stulti proprium? Non posse, & velle nocere.*

Et apud eundem AVSONIVM,

DIO.

DIOGENI Cynico , in cuius sepulcro ,
pro titulo , Canis signum est .

*Dic, Canis : hic, cuius tumulus ? Canis . at Canis
hic quis ?*

Diogenes ? obiit ? non obiit , sed abit .

Diogenes , cui pera penus , cui dolia sedes ,

Ad Manes abiit ? Cerberus ire vetat .

Quonam igitur ? clari flagrat quæ stella Leonis .

Additus est iusta nunc Canis Erigone .

Et apud DARDANIVM , loquentē cum IVSTITIA :

Quæ Dea ? Iustitia . Ecquid toruo lumine ? flecti

Nescia sum , lacrymis , vel prece , vel precio .

Quod genus ? A superis . Ex quo genitore ? Modo . E qua

Matre ? Fide . Nutrix quæ tua ? Pauperies .

Quis gremio infantem fovit ? Prudentia . Quonam

Freta duce agnoscis crimina ? Iudicio .

Cur gladium tua dextra gerit ? cur leua bilancem ?

Ponderat hæc causas , percutit illa reos .

Quid vari assistunt ? Quod copia rara bonorum est ?

Quæ comes assidua est ? candida Simplicitas .

Aurium aperta tibi : cur altera , & altera clausa est ?

Hæc surda iniustis , panditur illa bonis .

Paupere cur semper cultu ? iustissimus esse

Qui cupit , exiguas semper habebit opes .

Maximè sanè ingeniosum est Epigramma ex Dialogo,
Summi Vatis , MAPHAEI BARBERINI , cuius
hoc lemma ,

In miram huius seculi , hiemali tempore florum
varietatem .

Veris opes varios flores mirata , superbie

Purpureas inter cana pruina rosas .

Ver queritur , mærensque , meos cur , inquit , honores ,

Floriferumque rapis tu mihi , Bruma , decus ?

Tu quoque , Bruma refert , glaciem furaris , in æstu

Vt sint vina magis grata , niuesque rapis .

Parcite iurgari , clamat Solertia : per me

Nix æstate riget , florida vernat Hiems :

Post tanti Vatis Epigramma, in quo tot virent flores,
in quo vel ipsa vernat hiems , libenter subijciam
meum , vt ipsum quoque , iuxta positum, cum sit
aridum , cuirescat .

Cælum, sepultum MARIAE corpus, vt sibi debitum,
petit à Terra .

Tertia iam lux est , Cælum inquit , Virginis almae ,

Terra , tamen corpus reddere dura negas ?

Arcam diuinam , qua olim Deus ipse latebat ,

Indignum , gremio , Terra , iacere tuo .

Cui sic Terra : animam , Cælum , complectere ; corpus

Terrenum est : Terræ reddita terra sue .

At Cælum , nil iuris , ait , tibi , Terra ; sepulchri

In tenebris corpus dedecet esse tui .

Virginæ carni , redijt dum Christus ad astra ,

Ascendendi ius ad mea Regna , fuit .

Namque caro Christi , caro Virginis : hoc mihi corpus ,

Terra , igitur , reddas : iure reposco neo .

Dialogus autem venustior est, in quo respondentis vox resultat ex *Echone*; de quo nunc agendum.

Epigramma

Ex Echone.

Ingeniosum quidem est *Epigramma ex Echone*, eo-que magis ingeniosum, quod ex simplici *Dialogo* constituitur. *Echo* autem efficitur, cum, vel aliquid antecedens, vel vocis extrema pars effertur: Quæ quocumque loco, hoc est, vel principio, vel medio, vel fine carminis collocari potest. Vtitur tamen est, eam in fine constituere, ut facit IACOBVS LOM. de pace interrogans.

Dic mihi, quæ gelidis habitas conuallibus, Echo,

Cur populus pacem sic modò clamat? amat.

Ad diuam pacem precibus concurritur? itur.

Vt damnum fugiat triste colonus? onus.

Rusticus ergo iterum campos reparabit? arabit.

Et tuto curret remige Nauita? ita.

Omniaque enenient in mundo prospera? spera.

Largaque nec rerum copia deerit? erit.

In principio quoque carminis *Echo* ponitur in sequenti *Epigrammate*, è Græco in Latinum conuerso à IOANNE GAZOLDO.

Numquid in hoc, Echo, portu comes ipsa Moneco est?

Echo est. causa loci num puer est? puer est.

Narcissus, forma excellens, qui spreuit amores?

Mores, qui dicit, premoriar? inoriar.

Si lapis est, vox unde venit, si pectora desunt?

Sunt

Sunt. age, *quoniam sunt ora tua? ora tua.*
Dic: Dea te tenet hoc inclusam marmore Iunon?
 Non. *tu vana refers: dic, fuit hæc? fuit hæc.*
Ille stupens tandem cognovit imagine falli,
Et comiti dixit: nil habet ista sui.

In omnibus verò locis est *Echo* in Epigrammate
 VLYSSIS BASSIANI, in cuius conclusione non,
 mihi probatur hoc:

Quis docet hæc. Echo.

Cum enim *Echo* sit vocis repercussio, non potest
 villo modo reddere id, quod vox non effuderit: est
 enim fidelis *Echo*, redditq; voces, vel earum par-
 tes extremas non nisi fideliter, nulla facta additio-
 ne; hac enim naturalis *Echus* sonus impeditur, nã
 dissonat *Echo* ab hæc, atque ideò non nisi vitiosè
 resultat. Atque vt in hoc loco *Echo* non bene
 resultat ob litteræ additionem in fine, ita quoque
 si ei littera, aut syllaba præponatur; ideòq; ex
 voce *Pes* non iuxta *Echus* naturam resultat *Spes*,
 & ex voce, *ibo*, malè resultat, *adibo*, si eiusdem
Echus proprietas consideretur, nihil prorsus non
 solum post se, sed neque ante se, addentis, dum
 voces repercutit, quas potius interdum diminuit,
 atque idcirco supra dixi, quod *Echo* effic iatur,
 vel cum aliquid antecedens effertur, vel vocis ex-
 trema pars. Dices, litteram, b, multasq; alias
 non esse vocales; ideòq; vitiosum non esse, si ex
 vocibus, exempli gratia, *albus, imus, os*, &c.

resultet, *balbus, bimus, bōs, &c.* Ipsæ quidem, fateor, vocales non sunt, sed cum disiunctæ sunt: nam vocalibus iunctæ, habent & ipsæ vocem suā. (vt ex superiorum nominū pronuntiacione percipitur) vnde bene dictæ consonantes, quia iunctæ vocalibus simul sonant; cum verò causa consonantium, non eundem sonum, quem præposita vocabula dant, *Echus* vocabula emittant, *Echo* ipsa vitio profectò non caret, cuius naturale est, eundem sonum referre. Licet tamen, vt in exemplis, quæ hic afferuntur, videtur, addere, vel auferre litteram aspirationis, & litteras a, o, y, quæ sunt in Diphthongis æ, œ, y i, namque his litteris additis, vel ablatiis, idem prorsus sonus efficitur, Sed afferamus tandem **BASSIANI** Epigramma.

Quæ celebrat thermas Echo, & stagna alta Neronis.

Deludit voces contaua sepe meas.

Sæpe hic Narcissum exspecto, simul illa moratur:

Si queror, hæc queritur; si gemo, & illa gemit.

Quisnam clamor? amor. quisnam furor? vror. an Echo?

Echo. quæ maior pœna in amore? moræ.

Expectas Narcissum? is sum. quæ caussa morandi?

Orandi. non hæc dicta nosabit? abit.

Adfuerat? fuerat. num isthic? hic. quem fugit iste?

IS te. etiam me? me. quod malum amare? mare.

Num veniet? veniet. quæ spes? æs. vincitur auro?

Auro. victor ero prodigus æris? eris.

Sunt pueri faciles? faciles. vñ muneris? æris.

Quis docet hæc? Echo. cur bene clamat? amat.

Echo

Echo est etiam in omnibus locis in *Dialogo* FRANCISCI PANIGAROLAE in CHRISTI Natale, sed cum aliqua subinde interpositione eorum verborum, quibus uti solet; qui aliquid refert; ut fecit MARTIALIS in *Epigr. ex Dialogo*, sine *Echone*, supra allato; in eo versu videlicet, *Causas, inquis, agam, Cicerone disertius ipso.*

Et MAPHAEVS BARBERINVS in toto Epigrammate, ibidem posito, & ego in Epigrammate, eidem subiecto.

Refert autem PANIGAROLA, quidnam Pastori Bethlemitæ percontanti responderit *Echo*.

Hæc Bethlemitæ Pastori verba referre

Audita est Echo, quæ iuga montis habet.

Quis natus? dixit. Natus. Patrisne Iudæi?

Illa, Dei. verus ne est homo? dixit: homo.

Atque hic idem nonne Deus remanet? manet. est ne,

Vt Pater, omnipotens? rettulit illa, potens.

Hunc quid de Cælis duxit? lis duxit. at istam,

Dic, utrum vincet? vincet, & ipsa refert.

Litis erat radix longæva? Eva: an mala? mala.

Num gula sic potuit? illa refert, potuit.

An Puer hic fiet magnus? quæ reddidit, agnus.

Ipse ait hoc? ait hoc. cur ita clamat? amat?

Is maius nostro numquid dare possit amor?

Reddidit illa, nihil, quam, gemebunda, mori?

Hoc faciet? faciet. moriens? oriens. Deus ille?

Heus ille. est forsan causa tua? ausa tua.

*Diligere hunc ergo par est super omnia Christum .
Illum . nonne Deum ? dixit , eum , & tacuit .*

Epigramma

Ex Anastrophe .

Ingeniosum quoque est Epigramma , in quo Ana-
strophe , quæ latinè Inuersio dicitur .

Anastrophe autem Poetis est , qua carmina dicuntur
cantrina ; seu retrograda , seu recurrentia .

Porro Anastrophe duplex est : releguntur enim vel inte-
græ dictiones , eodem carmine permanente , vel
in diuersum mutato ; & huiusmodi carmen ab
inuentore , Sotadeum appellatur : vel singulæ
litteræ , & Græcè dicitur hoc carmen dianlon , à
cursu reciproco : non autem à Diabolo , ut quidam
Græcæ linguæ ignari putauerunt .

Anastrophe ; per quam releguntur dictiones integræ ;
est , vel eiusdem , vel contrariæ sententiæ .

Eiusdem sententiæ , ut in hoc carmine :

Aprilis faustus tibi sit , sit letus Aprilis .

Sic enim relegitur , eodem carmine permanente .

Aprilis letus sit , sit tibi faustus Aprilis .

Et in hoc

Petræ una trahit vox metris imperiosa .

Quod ita retrocedit mutatum in pentametrum .

Imperiosa metris vox trahit una petras .

Et in hoc Epitaphio , composito à IACOBO FAL-

CONE Equite Valentino ;

in honorem

HIERO-

HIERONYMI SVRITAE
Vatis, & Historiographi.

*Ingenium, & candor Suritæ viuot, opinor;
Viuet dum mundo carmen, & historia.*

Sic enim retrocedit.

*Historia, & carmen mundo dum viuot, opinor,
Viuet Suritæ candor, & ingenium.*

Contrariæ sententiæ, vt in hoc Disticho.

*Sunt bona, non mala sunt doctoris dogmata nostri
Dilige, ne spernas, est bonus, haud malus est.*

Tale enim est retrogradum.

*Est malus, haud bonus est, spernas, ne dilige nostri
Dogmata doctoris, sunt mala, non bona sunt.*

Est etiam contrariæ sententiæ sequens Distichon.

*Coniugium tibi sit rectum, nec fœdera iungas
Irrita: sis fœlix, nec citò dispereas.*

Ita enim relegitur.

*Dispereas citò, nec fœlix sis: irrita iungas
Fœdera, nec rectum sit tibi coniugium.*

Anastrophe, per quam releguntur singulæ litteræ, patet in sequenti *Tetrasticho* PETRI d. *Passione Domini*, ex nostra Religione, qui sæpe in huiusmodi compositionibus laborauit.

Ad Nominis ALEXANDRI VII. Pont. Max. pacem
dominantis immortalitatem.

*Ecce subit nomen Sedes, ne Montibus, ecce
Sidera, rara times, semita rara redis.*

*Nemo: sub illo certas: sat; re Collibus omen
Ire Polos, ait: ò Otia Sæ operi.*

Sed operosum nimis, & laboriosum carmen, in quo
rari admodum se se cum laude exercuerunt: fa-
cilis enim est huius generis carminibus irrideri,
quàm laudari: difficillimum enim est sententiã ali-
quam optimã sic expromere sine maxima obscuri-
tate.

Non aded difficile est carmen, quod vocant, *Para-*
maum, in quo dictionum litteræ non retrocedunt,
sed eadem littera dat initium cunctis dictionibus.

Hoc autem carmine, vel pura, vel mixta efficitur
compositio: pura, cum cuiusque carminis dictio-
nes omnes ab eadem littera initium sumunt vt,
Dilige doctores docilis, discendaque disce:

Desuge desidiam, dilige dona Dei.

Mixta, eum cuiusque carminis dictiones omnes ab
eadem quidem littera sumunt initium, sed diuersa
ab ea, quæ est in carmine superiori, vt,

Perfer perpetienda, parit patientia palmam:

Vince, viam vitij vitato, vive, valeque.

Sed hoc genus carminis, de quo obiter dixi, parum;
seu,

seu, ut verius loquar, mihi nihil arridet; quid enim refert, si vnaquaque dictio ab eadem littera incipiat? Arridet potius, cum singulorum carminum primæ dictiones eas litteras capitales habeant, quibus alicuius nomen, vel etiam cognomen, seu sententia aliqua exprimitur, quod genus compositionis *Acrostichis* nominatur, quo delectatum fuisse PLAVTVM, ipsius Comædiarum argumenta testantur, capitalibus enim ipsorum carminum litteris, cuiusque fabulæ nomen indicatur: in quas easdem litteras possunt etiam ipsa carmina definire, ut videlicet, & ab iisdem incipiant, iisdemque terminentur.

Ut videtur in sequenti S. DAMASI PAPAE Epigr.
De Nomine Iesu.

I ure pari regnat communis conditor æu I
Et cum Patre pia regnat sublimis in arc E
Sidereo sanctis insidit numine Regni S
Vnde mare, & terras solo videt omnia nunc V
Suggerit humanis, & donat munera rebus S

Epigramma

Ex Anagrammate.

Anagrammate quoque ingeniosum fieri Epigramma, quis non videat? quandoquidem huiusmodi carmen est instar admirandi Operis vermiculari, varijs ex litteris, varijs quasi tessellis, compositum; atque ut illud, si præclarum, optimumque sit *Anagramma*, perennitatem facile consequitur; Quod ut præcla-

præclarum, optimumq. euadat, obserua, Lector, quæ
docui in præfatione in meorum *Anagrammaton Li-*
bellum.

Tale est carmen HIERONYMI GENVINI optimi
Anagrammatographi, ex his vocibus deductum.

Beatus Pater Nicolaus Antistes.

Anagramma purum.

Sanè patens tutela, Custos Barij.

Eram nunc subditurus cuiuspiam, ceteroquin laudā-
di scriptoris, huius generis carmina, sed cum eo-
rum lemmata sine coacta, ridicula, ideoque non,
imitanda, ne lectoribus obessem, supersedendum
putavi. Rara quidem, imò rarissima huiusmodi
occurrunt carmina, præclara videlicet, & optima:
omnia enim præclara, rara, ut est apud Cic. de
Amic. & in omni re optimum quidque, rarissimum
est, ut habetur apud eundem 2. De Finibus.

Sunt nonnullæ meæ huius generis compositiones in
meis MVSIS ANCONITANIS, quæ quales sint,
Lectores iudicauerint: Hic vnam tantum, nōdum
typis editam, nam nuperrimè texui, libet appo-
nere, eaq; est, ex carmine pentametro, ex sequē-
tibus tribus vocabulis deducta.

Caietanus Thienæus Vicentinus.

Anagramma purum.

Enituit sanè sanctus hic à iutiene.

Sic dixi ex hoc, quod in ipsius vita legitur: *Mira à*
teneris

teneris annis morum innocentia in eo eluxit , adeò ut
Sanctus ab omnibus nuncuparetur.
 Sed quoniam vſitatius eſt in Epigrammate, aliquod
 includere *Anagramma*, quàm ipſum Epigramma,
 ex *Anagrammate* contexere, exemplis alijs prioris
 generis prætermiſſis, eorum Epigrammatum affe-
 remus exempla, in quibus *Anagramma* continetur.
 quò quidem *Anagrammate*, valde nobile evadit
 Epigramma, multùmque illustratur. eſt enim Epi-
 gramma cum *Anagrammate* quidam veluti anulus
 cum gemma. Ipſum verò *Anagramma* quocumque
 loco Epigrammatis collocari poteſt, videlicet vel
 in principio, vel in medio, vel in fine.

Epigramma cum Anagrammate in principio.

Eſt apud HIERONYMVM GENVINVM, qui in
Anagrammatis texendis ſumma cum laude operam
 poſuit. peculiari enim genio in ea ferebatur (cu-
 ius mihi tamen, Italica magis ; quàm Latina arri-
 dent *Anagrammata*) quo qui caret genio, abſti-
 neat, moneo, ab huiusmodi exercitatione, cum
 enim inuita Minerua plurimum laborauerit, nihil,
 præter meras nugas efficiet, ut multi faciunt *Ana-*
grammatographi, quorum ineptijs factum eſt, ut
 compositiones *Anagrammaticæ* (aliòquin, ſi optimè
 texantur, admirabiles, perpetuiſque laudibus effe-
 rendæ) pueriles fœtus à compluribus exiſtimetur.

Ciuitas Hieruſalem.

Anagramma plurum.

Humilis reatu iaces.

Ep

Epigramma.

Olim excelsa, iaces humilis nunc iure reatu,

Tu mors namque illi, qui tibi vita fuit.

Funere crudeli potuit qui occidere Christum

Immerito, merito debuit occidere.

Eiusdem HIERONYMI GENVINI est sequens Epigramma, cui initium ab hoc Anagrammate,

DIUUS MARCVS Euangelista.

Anagramma purum.

Sum vigil ad Venetas curas.

Epigramma.

Sum Venetas vigil ad curas: fortis **Leo** curo,

Omnes ut curæ sint procul à Venetis.

Duobus GENVINI Epigrammatis cum *Anagrammate in principio*, placet duo mea subijcere.

DIUUS STEPHANVS Leuita.

Anagramma purum.

Heu, en iustus lapidatus.

Epigramma.

Heu, en iustus obit, lapidatus: *Iustus ab Orbe*

Expectare reo non nisi saxa potest.

IVDAS ISCHARIOTES.

Anagramma purum.

Is, is author cadis.

Epigramma.

Ad Diuum PETRVM Apostolum.

Is,

Is, Petre, cædis erat Christi, Petre, cædis is author :
 Nouisti ; at serò noscere , Petre, datum .

Si citò nouisses , nimio fernore, secundum
 Abs te equidem Indam in frusta fuisse, puto .

Epigramma cum Anagrammate in medio est hoc
 HIERONYMI GENVINI, de Maledicis .

Censores, Calumniatores, ac Detractores viri .

Anagramma purum .

Canes, acri liuore cunctas artes ore mordetis .

Epigramma .

*Rabidis canes qui dentibus momorderant ,
 Pilantur, vt morsus pilis resanentur .*

Liuore, maledici, acri, vt canes cunctas

Mordetis artes ore : viciis, barba ,

Comisque Scriptores nimis laceffiti

Crudeliter meritò pilare vos debent .

Et hoc meum Epigramma , cuius Anagrammate
 clarissimè patefeci Summi Pontificatus Vaticinium,
 inclusum in sequentibus dictionibus .

AEMILIUS ALTERIVS

Cardinalis, Romanus .

Anagramma purum .

Mirus , rarus : Illi alma Sedes in Vaticano .

Epigramma .

Facta quis Aemilij spectans sublimia, mirum

Non vocat, & rarum non pietate stupet ?

*Est, mirus, rarus; Sedes illi alma futura
 In Vaticano; nuncia vera sonant.
 Sic Nomen, Cognomen, Honos, & Patria clamant:
 Acmilij at melius sic bene gesta canunt.*

Epigramma cum Anagrammate in fine.
 Est hoc **HIERONYMI GENVINI**, de Eucharistia.
 Eucharistia.

Anagramma. additur S.

Charitas Iesu

Conditur sub orbe parue

Frugis Orbis Conditor.

Se Deus dapem supernus

Promit uber, prouidus:

Pastor & sua saginat

Carne prodigus gregem.

Paruus, indigus, ter amplum

Diuitem libat Deum.

Est amabile, est verendum,

Est satis mirabile,

Largitate quod peregit

Summa Iesu charitas.

Ne mireris, Lector, nos superiorem GENVINI compositionem eo carminum genere constantem nomine Epigrammatis, inter Epigrammata inseruisse; namque Epigrammata, ut ait *Iulius Cesar Scaliger*, nosque supra retulimus *Cap. II.* quocunque carminum genere possunt explicari, ut plura vide-

videre licet in pulcherrima SILOS Pinacotheca.
 Proinde etiam bene IOANNES BAPTISTA
 BARGIOCCHVS, Soc. Iesu, inter sua Epigrāma-
 ta lib. III. posuit sequentem compositionem ex
 carmine Sapphico, preposito nomine Epigramma-
 tis xxxvi., quam ideo hic subdo, quia in eius fine
 continetur *Anagramma*, contextum ex litteris ha-
 rum duarum vocum,

IOANNES GODEFRIDVS.

Anagramma purum.

Igneos funde radios.

Hic cum triumphali pene pompa iret in Vaticanū,
 Cæsaris iussa Pontifici expositurus, nubilo Cælo
 Sol nusquam apparuit: ex quo sumpta est occasio
 sic illum inuitandi in Romanum Collegium.

Additum Roma iubar, huc serenos

Prome iucundo radios ab ore,

Dum tibi Phæbus, Godefride, cedit

Lucis honores.

Namque stipatus Procerum caterva,

Ora cum Manni premeres habena,

Cæsaris magni expositurus almo

Iussa Parenti,

Delium vultus veritum coruscus

Vidimus curru fugiente nimbos,

Inter & Cæli nebulas minorem

Abdere lucem.

Ergo Musarum tua facta Cælo

Dum sacer tollit chorus, huc nitentis

Igneos

*Igneos oris radios amico
Lumine funde.*

*Ex meis Epigrammatis Anagrammate conclusis, tria
subijciam.*

CLEMENS PAPA IX.

Anagramma c, in t.

Panis, pax, et mel.

Epigramma.

*A Summo optandum Nono Clemente quid ultra?
Panis hic est inopi, Mundo pax, omnibus et mel.*

Mulieres,

Agramma e, in v.

Mel, virus,

Epigramma.

*Quis fudit colubra mellita luce taenti?
Quis colubram blandam credit, & usque fouet?
Est instar colubra mulier; ne fide, Iuuentus;
Ipsa mel aspectu, virus at intus habet.*

Amicus mensæ.

Anagr. purum.

En, is musca mea.

Epigramma.

*Semper adest Ausus, mensa, dum prandeo, amicus;
En, is, fas igitur dicere, musca mea est.*

Possunt

Possunt etiam in Epigrammatis plura inseri *Anagrammata* (vt à me non semel factum, in *Musis Anconitanis* videri potest) sed quia plerumque ipsis vnicum tantum melius includitur, horum exempla tantum attuli.

Hic non omittam dicere, ex permissione, quam licentiam vocant, quæ triplex est;

Nempe { *Detractio*
Additio
Mutatio } litteræ, & in his

optimas Epigrammatis argutias suppeditari præsertim verò ex litteræ mutatione, cuius solum, vt citius ad Libri finem perueniam, afferam duos mea exempla, ac primum, causa mutationis litteræ, in t, in *Anagrammate*, ex sequentibus tribus dictionibus deducto.

Seraphicus Pater Franciscus.

Anagramma. r, in t.

Factis ceu Christus apparens.

Epigramma.

R, strepitus, iras: fera, tetra, horrentia signat;

Dicitur hinc nobis iure canina nota.

T, signum Crucis est: patet ars *Anagrammate*, Lector,

In quo, T, positum est, R, procul esse vides.

Namque Crucem amplexus Franciscus, iussit atroces
 Irati furias pectoris esse procul.

Conuerſionis cauſſa, ſeu, mutationis litteræ in ſequenti *Anagrammate*, argutè oſtendo per Epigrāma ſubſequens, dolorem ob ALEXANDRI Papæ VII. obitum, in lætitiā conuerſum ob Succellorem.

CLEMENS Diuinæ Prouidentia IX.

Anagramma. a, in o.

Petri Sede, anno M. DC. LXVII. Iunio.

Epigramma.

Cernis in o, verſum a? non hoc, niſi ritè peractum:

Hoc factum reputes non ratione procul.

Lætitiā, o, reſonat, dolor, a: Clemente ſedente

Eſt in lætitiā verſus ubique dolor.

Præterea, ne quid prætermittatur, quod ad optimū pertinet Epigramma, quale eſt ingenioſum, addo, non ſolū tale eſſe, in quo voces, per *Anagramma* textæ ex litteris vocum lemmatis, verū etiam, in quo ſunt voces, quibus vox lemmatis capitales tantū litteras impertita eſt.

Præcipua autem opera danda eſt, ut iſtæ voces, quibus vox lemmatis imponit litteras capitales, in primis accommodatæ ſint, vocique lemmatis quidpiam maximè congruens, propriūq. ſignificent. ut bene factum patet à BERNARDO BAVHV. SIO. Soc. Ieſu, ſequenti Diſticho, de PAPA

Ad BIBLIANVM Batauum.

Scis Bibliane Bataue, quid ſignet, PAPA?

Qui Petri Apoſtoli Potēſtatem Accepit.

An

An id quoque ipse præstiterim in sequentibus duabus compositionibus, alijsque in *Anconitanis Musis* positis, viderint Lectores.

A D A M.

Attulit Damnum Ausus Manducare.

Distichon.

Manducare Ausus pomum, Damnum Attulit Orbi
Primus homo: vel sic nomine clamat A D A M.

E V A

Esu Vitam Amisi.

Tetrastichon.

Esu Vitam Amisi: ipsis quoque *mesa* fatetur

En mortem proprij Nominis E V A notis.

Ergo alij, quod edūt, vivūt: morte E V A, quod edit

Pressa: nisi edisset, vixerat illa quidem.

Denique Epigramma optimum est, si ipsius Partes, *Narratio* videlicet, & *Argutia*, ijs virtutibus exornantur, ijsque *Locis*, & *Modis* comparantur, de quibus hætenus actum est.

Sed diligentissimè curandum est, vt Epigramma sic breue: *Brevitas* enim proprium quiddam est Epigrammatis, vt ait *Scaliger*: Breue autem erit, si nihil superuacaneum admiserit, licet ex multis carminibus compositum fuerit: vt sunt aliqua, apud MARTIALEM, quæ trigessimum versum excedunt, etenim, vt idem MARTIALIS scripsit ad *Cosconium* in Epigr. Lxxvii. lib. ii. ipsius MAR-

MARTIALIS Epigrammata longa existimantem .

Non sunt longa, quibus nihil est, quod demere possis.
Nam si contra, Epigramma disticho tantum, vel etiam monosticho constabit, otiosum autem aliquid continebit, longum erit iudicandum . Vnde iure merito, statim post carmen allatum, ita ille conclusit in ipsum *Cosconium* huiusmodi Epigrammata componentem .

Sed tu, Cosconi, Disticha longa facis .

Veruntamen, quoniam vox ipsa *Epigramma* nihil aliud latinè significat, quàm *Inscriptionem*, *Inscriptio* autem brevis esse solet, congruentius quidem est, ut potius paucis carminibus, quàm multis Epigrammata frequentius absolvamus, ut Epigrammatographorum *Corypheus* **MARTIALIS** exemplis suis, plerumque brevibus, fatis nos docet .

Atque hæc sunt, Lector, quæ de ratione *Epigrammatum* ritè conficiendi tradenda iudicavi .

Nunc optimus Operis concludendi modus postulare videtur, ut, quæ diffusè toto Opere dicta sunt, hic summam repetantur .

Ob id agendum, usurpabo Epigramma de Epigrammate **SIMONIS VALLAMBERTI** ad **ARCHIDAMIVM** : ac mihi quidem videor nonniſ belliffimè facturum, si *Opus de Epigrammate*, *Epigrammate* clausero, atque hoc præsertim, in quo optimè continetur

Epitome totius Libri

Doctum vitæ Epigramma, quod coronas,
 Et quod Thespiadum loces in æde,
 Quo nil doctius euenire possit,
 Quo nil rarius inuenire possis,
 Quod non, Archidami, dabamus ipsi?
 Hoc quo tu ipse dabis modo, docemus,
 Sit aptum, breue, lene, liberumque,
 Atque aquabiliter fluens, decorum,
 Pressum, perspicuum, oppidò venustum;
 Nerosum quoque, & haud inusitatis
 Verbis compositum, neque obsoletis:
 Non exsangue, nec horridum, nec hirtum,
 Nec vastum, neque rusticum, aut inane
 Inflatumque, nihilue dissolutum,
 Spinosum nihil, atque nil abhorrens
 A noto genere, & modo loquendi.
 Voces non coeant, nec asperè, nec
 Hincè; sonus auribus benignus,
 Sit perbellum, hilarum, facerum, acutum,
 Argutumque, modos habens suaues,
 Conspersum salibus, iocis, lepore;
 Ac mixtas veneresque, gratiasque, &
 Risus, blanditiasque comprehendat.
 In quo nasus erit quidem, voluptas,
 Dignitas, grauitas; monebit ut res.
 Non mordax, petulansue, non acerbum;

*Ac non turpe sonans , nec esto molle :
 Interdum reprehendat , atque iurget ,
 Ipsum nil reprehensione dignum .
 Nunquam criminibus sit ingerendis .
 Sæpè laudet ; & hac medus sit in re .
 Verum , quicquid agat , sit ad docendum
 Mulcendumque Epigramma semper aptum .
 Sit vis , ars , imitatio erudita ;
 Seu laudes aliquid , secusue faxis ,
 Commendes , moneas , petas , roges , aut
 Consulas , doceasue , denique omni
 Sit ex parte Epigramma terminatum ,
 Sic , ut huic nihil addi , & unde demi
 Nil possit . breuiter ; sit arte factum ;
 Quale Pierides canunt Camæna ,
 Quale dulce canit Minerva , Phæbus ,
 Quale , vel Maro , quale Martialis ,
 Quale hoc tempore nobiles poetæ ,
 Galli , turba Iouis quid arte claros
 Omnes commemorem viros , canendi ?
 Hoc quicumque Epigramma diligenter
 Scribet , hic Epigramma , quod coronas ,
 Scribet , quodque loces in æde uatum
 Quo nil doctius euenire possit ,
 Quo nil rarius inuenire possis .*

FINIS.

INDEX

A V T H O R V M,

Quorum Epigrammata in hoc Opere ponuntur.

Alexander VII. P. M. *sive*,
Fabius Chiffus, *sive*, Philomathus.

Alexander Pollinus.

Alexius à B. V. Conceptione.

Aloysius Grotus, cæcus Hadriensis.

Anacreon.

Andreas Baianus.

Andreas Marianus.

Angelus Colorius.

Angerianus.

Antonius Guzzius.

Antonius de Rombise.

Antonius Sfortia.

Augustinus Fauoritus.

Aurelius Ursus.

Ausonius Gallus.

Authores anonymi.

Bartholomæus Beuerini.

Benedictus Sossagus.

Bernardus Bauhusius.

Bernardus Dardanius.

Camilus à S. Hieronymo.

Carolus à S. Antonio Patruino.

~~Carolus Boninus.~~

Carolus Sinibaldus.

Carolus Ioannes à Iesu.

Catullus.

Claudius Achillinus.

Cl. Claudianus.

Damasus Papa.

Emmanuel Thesaurus.

Fanctus Sabæus.

Ferdinandus Furstenbergius.

Franciscus Franchinus.

Franciscus Panigarola.

Franciscus Petraglia.

Franciscus Remondus.

Franciscus Rogerius.

Guilelmus Scardinus.

Guilielmus Blancus.

Henricus Stephanus.

Hercules Stroza.

Hieronymus Aleander.

Hieronymus Amaltheus.

Hieronymus Balbus.

Hieronymus Genuinus.

Hieronymus Prætus.

Hieronymus Salina.

Hippolytus Capilupus.

Iacobus Bidermanus.

Iacobus Falcon.

Iacobus Lom.

Iacobus Rogerius.

Iacobus Sannazarius.

Ianus Casperius.

Ianus Nicus Erythræus.

Ianus Vitalis.

Ioachimus Bellaius.

Ioannes Anigius.

Ioannes Caramuel.

Ioannes Ouuenus.

INDEX AVTHORVM.

Ioannes Secundus.	Matthias Casimirus Sarmie-
Ioannes Aloysius Cerchiarus	uius.
Ioannes Baptista Amaltheus.	O Ccauius Boldonius.
Ioannes Baptista Bargiocchus;	O Ccauius, Tronsarellus.
Ioannes Baptista Marinus.	P Petrus Alois
Ioannes Franciscus à Iesu.	P Petrus Angelius.
Ioannes Franciscus à S. Pe-	Petrus à Passione Domini.
tro.	Pictorius.
Ioſeph Baptiſta.	R Odulphus à S. Hierony-
Ioſeph à B. V. Conceptione.	mo.
Ioſeph à Ieſu Maria.	S Abinus.
Ioſeph Silos.	S Sebastianus Baldinus.
Ioſeph à Viſitatione.	Sigiſmundus Regulus à S. Syl-
Iouianus Pontanus.	uerio.
Iulius Cæſar Scaliger.	Simon Vallambertus.
L Aurea Tullius.	Symphosius.
L Laurentius Legatus.	T Thomas Morus.
Laurentius à S. Xyſto.	T Thomas Porcacius.
M Aphæus Barberinus.	Titus Stroza.
M pe, Vrbaniſmus VIII. P.M.	Tryphon Bentius.
Marcus Antonius Murerus.	V Bertinus Carrata.
Marcus Valerius Martialis.	V Vincentius Guiniſius.
Marius Moſſa.	Virgilius Maro.
Martha Marchinia.	Ylyſſes Baſſianus.

Errata Typographica.

Pag. 79. lin. 4. reuocare, corrige, recte. Pag. 107. erecta,
 cor. erectam. p. 111. lin. 2. decem, cor. decent. p. 136. lin. 14. ex-
 politanq. cor. expolitumq. p. 159. lin. 22. nobilis, cor. nobis.
 p. 162. lin. 2. Mcc, cor. Nec. p. 207. lin. 13. sic floribus, cor. ac
 floribus. p. 227. lin. 4. & 19 Iouiniani, cor. Iouiani. p. 255. lin.
 15. Anſtar, cor. inſtar. p. 289. lin. 19. odores, cor. odorem.





000637385

